


অন্য রবীন্দ্রনাথ ও ঠাকুরবাড়ি

কবি রবীন্দ্রনাথ ঠাকুর ১৮৬১-তে জন্মে ১৯৪১ খৃষ্টাব্দে পরলোকগমন করেন। প্রচারিত ও প্রচলিত ইতিহাস সকলেরই জানা যে, তিনি ভারতের সর্বশ্রেষ্ঠ কবি, কলকাতায় ঠাকুর পরিবারে তাঁর জন্ম। পিতা দেবেন্দ্রনাথ ছিলেন মহর্ষি। বিশ্ববিখ্যাত হয়েছিলেন ‘গীতাঞ্জলি’ লিখে। পেয়েছিলেন নাইট উপাধি ও নোবেল প্রাইজ প্রভৃতি। বাল্যকাল থেকেই তিনি কবিতা রচনায় ছিলেন সিদ্ধহস্ত। তাছাড়া সাহিত্য, নাটক, উপন্যাস, গল্প, প্রবন্ধ, চিত্রাঙ্কন, নৃত্য সবেতেই তিনি ছিলেন সফল ও সার্থক। শান্তিনিকেতনে ব্রহ্মচর্য বিদ্যালয়, বিশ্বভারতী ও শ্রীনিকেতন তাঁর অবিস্মরণীয় কীর্তি।

রবীন্দ্রনাথ তাঁর বাবা মহা-ঋষি দেবেন্দ্রনাথের চতুর্দশ সন্তান। তাঁর পিতামহ ছিলেন দ্বারকানাথ ঠাকুর, যাঁর আলোচনা পূর্বেই হয়েছে। দেবেন্দ্রনাথও দ্বারকানাথের মত ছিলেন জাঁদরেল জমিদার। রবীন্দ্রনাথ জমিদারও ছিলেন, সেই সঙ্গে ছিলেন প্রখ্যাত প্রতিভাবান কবি ও শিল্পী। তবে জমিদার হিসাবে তাঁর ওজনের চেয়ে কবি হিসাবে তাঁর ওজন ছিল অনেক বেশি।

কলকাতা জোড়াসাঁকো ঠাকুর বংশের প্রতিষ্ঠাতা দ্বারকানাথের পিতা নীলমণি ঠাকুর। তিনি প্রথমে ইংরেজদের অধীনে চাকরি করে সাহেবদের সুনজরে পড়েন এবং উন্নতির দরজা খুলতে থাকে ক্রমে ক্রমে। এঁরা কিন্তু বরাবরই



রবীন্দ্রনাথ ঠাকুর

ঠাকুর পদবিধারী নন, পূর্বে এঁরা ছিলেন কুশারী। পূর্বপুরুষ পঞ্চানন কুশারী যখন শ্রমিকের কাজ করতেন তখন তাঁকে নিম্ন শ্রেণীর লোকেরা ঠাকুর মশাই বলতেন। ঐ ‘ঠাকুর মশাই’ থেকেই ‘ঠাকুর’ পদবির সৃষ্টি।

নীলমণির জ্যেষ্ঠ পুত্র রামলোচন ছিলেন সন্তানহীন। পত্নী অলকা সুন্দরীর সম্মতিতে রামলোচন তাঁর মধ্যম ভ্রাতা রামমণির দ্বিতীয় পুত্রকে ১৭৯৯ খৃষ্টাব্দে দত্তক হিসাবে গ্রহণ করেন। সেই দত্তক পুত্রের নাম দ্বারকানাথ ঠাকুর।

রবীন্দ্রনাথের পূর্বপুরুষেরা ছিলেন খুবই সাধারণ অখ্যাত মানুষ। তাঁদের নামগুলোও ছিল অত্যন্ত মামুলি এবং আড়ম্বরবিহীন। যেমন কামদেব, জয়দেব, রতিদেব ও শুকদেব। কামদেব ও জয়দেব হিন্দু ধর্ম ত্যাগ করে মুসলমান হয়ে গিয়ে তাঁদের নাম হয়েছিল যথাক্রমে কামালুদ্দিন ও জামালুদ্দিন। সেই জন্য রবীন্দ্রনাথের বংশকে একটা কলঙ্ক (?) বহন করতে হয় যে, ব্রাহ্মণ হলেও (পীর-ওলি থেকে) তাঁরা ‘পীরালি’ ব্রাহ্মণ। সেই যন্ত্রণা দ্বারকানাথ, দেবেন্দ্রনাথ ও রবীন্দ্রনাথ—কমবেশি ভোগ করতে হয়েছে সকলকেই।

দ্বারকানাথ ইংরেজি শিক্ষিত আইন পড়া এবং খুবই বিষয়ী ব্যক্তি ছিলেন। তিনি নিজেদের আখের গোছাবার জন্য হিন্দু ধর্ম ত্যাগ করে রামমোহনের ব্রাহ্ম ধর্ম গ্রহণ করেছিলেন বলে প্রচারিত হলেও হিন্দুদের বহু দেবদেবীর মধ্যে পরম শ্রেষ্ঠ দেবতা ইন্দ্র দেবতার নাম ঠাকুরবাড়ির প্রত্যেক ছেলের নামের সঙ্গেই যোগ হয়েছিল। আর কন্যা সন্তানদের প্রত্যেকের নামেও ‘দেবী’ শব্দ ব্যবহার করা হয়েছে। পূর্বেই আলোচিত হয়েছে যে, হিন্দু ধর্মের বিরুদ্ধেই সৃষ্টি হয়েছিল ব্রাহ্ম ধর্ম। সেই হিন্দু ধর্মের ইন্দ্র তাঁদের প্রত্যেকের নামের সঙ্গে যুক্ত হওয়া একটি উল্লেখযোগ্য রহস্য। যেমন দেবেন্দ্রনাথ ঠাকুর, নগেন্দ্রনাথ ঠাকুর, গিরীন্দ্রনাথ ঠাকুর, ভূপেন্দ্রনাথ ঠাকুর, গনেন্দ্রনাথ ঠাকুর, গুণেন্দ্রনাথ ঠাকুর, নরেন্দ্রনাথ ঠাকুর, অবনীন্দ্রনাথ ঠাকুর, দ্বিজেন্দ্রনাথ ঠাকুর, সত্যেন্দ্রনাথ ঠাকুর, হেমেন্দ্রনাথ ঠাকুর, বীরেন্দ্রনাথ ঠাকুর, পূর্ণেন্দ্রনাথ ঠাকুর, সোমেন্দ্রনাথ ঠাকুর, রবীন্দ্রনাথ ঠাকুর, বুদ্ধেন্দ্রনাথ ঠাকুর, দ্বিপেন্দ্রনাথ ঠাকুর, সুধীন্দ্রনাথ ঠাকুর, দিনেন্দ্রনাথ ঠাকুর, শুভেন্দ্রনাথ ঠাকুর, ঋতেন্দ্রনাথ ঠাকুর, সুভগেন্দ্রনাথ ঠাকুর, কবীন্দ্রনাথ ঠাকুর, রথীন্দ্রনাথ ঠাকুর, শমীন্দ্রনাথ ঠাকুর, নীতেন্দ্রনাথ ঠাকুর প্রভৃতি। আর ঠাকুরবাড়ির দেবীদের মধ্যে দিগম্বরী দেবী, যোগমায়া দেবী, ত্রিপুরাসুন্দরী দেবী, কাদম্বিনী দেবী, কাদম্বরী দেবী, কুমুদিনী দেবী, স্বর্ণকুমারী দেবী, বিনয়নী দেবী, সুনয়নী দেবী, প্রতিমা দেবী, বীণাপাণি দেবী, সারদা দেবী, সৌদামিনী দেবী, সুকুমারী দেবী, শরৎকুমারী দেবী, বর্ণকুমারী দেবী, মৃগালিনী দেবী, সুশীলা দেবী, হিরণ্ময়ী দেবী, সরলা দেবী, উর্মিলা দেবী, মাধুরীলতা দেবী, রেণুকা দেবী, মীরা দেবী, প্রতিমা দেবী, নন্দিতা দেবী, কৃষ্ণ কপালিনী দেবী, সাহানা দেবী, সুশীলা দেবী, চারুবালা দেবী, শ্রীমতী দেবী, অলকা দেবী, ইরাবতী দেবী, ইন্দিরা দেবী প্রভৃতি কন্যা ও বধূদের নাম উল্লেখযোগ্য।

ঠাকুরবাড়ির জামাতাদের মধ্যে যজ্ঞেশপ্রকাশ গঙ্গোপাধ্যায়, নীলকমল মুখোপাধ্যায়, শেমেত্রভূষণ চট্টোপাধ্যায়, রজনীমোহন চট্টোপাধ্যায়, সারদাপ্রসাদ গঙ্গোপাধ্যায়, হেমেন্দ্রনাথ মুখোপাধ্যায়, যদুনাথ মুখোপাধ্যায়, জানকীনাথ ঘোষাল, সতীশচন্দ্র মুখোপাধ্যায়, শীতলাকান্ত চট্টোপাধ্যায়, শরৎচন্দ্র চক্রবর্তী, নগেন্দ্রনাথ গঙ্গোপাধ্যায়, সত্যেন্দ্রনাথ ভট্টাচার্য, নিত্যরঞ্জন

মুখোপাধ্যায় প্রমুখ উল্লেখযোগ্য। এঁদের নামগুলো উল্লেখ করার কারণ হোল, যে ঠাকুরবাড়ির ভারত তথা বিশ্বজোড়া খ্যাতি সেই বাড়ির ধর্মাবলম্বী অধিকাংশ পাত্র পাত্রীদের সঙ্গে ব্রাহ্ম ধর্মীদের বাদ দিয়ে বেছে বেছে কুলীন ব্রাহ্মণ বংশ থেকে পাত্র পাত্রী সংগ্রহ করা হয়েছে। আমাদের মতো রবীন্দ্রভক্তেরা চোখবুজে এটা হজম করলেও নিরেপক্ষ এবং রবীন্দ্র বিরোধীরা এটাকে প্রতারণা বললে উত্তর দেওয়া অত্যন্ত কঠিন। কারণ পূর্বেই উল্লেখ করা হয়েছে যে হিন্দু ধর্ম বা ব্রাহ্মণ্যবাদের বিরোধিতা করতেই ব্রাহ্ম সমাজ সৃষ্ট হয়েছিল।

জমিদারদের অত্যাচার অনাচার ও স্বেচ্ছাচারিতার কথা লেখা হয়েছে পূর্বেই। আধুনিক অনেকগবেষকদের মতে; ঠাকুরবাড়ির জমিদারেরাও তার ব্যতিক্রম নন। জমিদারদের বড়দেবতা হোল অর্থ ও স্বার্থ। অর্থ আর স্বার্থ লাভ করতে ঠাকুর পরিবারের জমিদার হিসাবে দুর্নামের কালো দিক আড়াল করে রাখলেও প্রকৃত ইতিহাসের পাতা থেকে তা মোছা যাবেনা। “ঠাকুর পরিবারের এই মহর্ষি-জমিদারের প্রতি কটাক্ষ করে হরিনাথ লিখেছেন, ‘ধর্মমন্দিরে ধর্মালোচনা আর বাহিরে আসিয়া মনুষ্য শরীরে পাদুকা প্রহার একথা আর গোপন করিতে পারিনা’।” [অশোক চট্টোপাধ্যায় : প্রাক্ বৃটিশ ভারতীয় সমাজ, পৃ. ১২৭, ১৯৮৮]

“প্রজা অত্যাচারের ক্ষেত্রে— এই ক্ষেত্রে এই ‘মহর্ষি’রা যে কত নির্মম তা বোধহয়, সে সময় একমাত্র হরিনাথের পক্ষেই এমন করে বর্ণনা করা সম্ভব ছিল, আর কারও পক্ষে নয়।” [ঐ, পৃ. ১২৭]

হরিনাথ হচ্ছেন ভুক্তভোগী, অত্যাচারিত, নির্ভীক সাংবাদিক। তিনি তখনকার ‘গ্রামবার্তা প্রকাশিকা’ পত্রিকায় এসব প্রকাশ করেছিলেন সদর্পে। হরিনাথ লিখেছেন, “ইত্যাাদি নানা প্রকার অত্যাচার দেখিয়া বোধ হইল পুষ্করিনী প্রভৃতি জলাশয়স্থ মৎস্যের যেমন মা বাপ নাই; পশুপক্ষী ও মানুষ, যে জন্তু যে প্রকারে পারে মৎস্য ধরিয়া ভক্ষণ করে, তদ্রূপ প্রজার স্বত্ত্ব হরণ করিতে সাধারণ মনুষ্য দূরে থাকুক যাঁহারা যোগী ঋষি ও মহা বৈষ্ণব বলিয়া সংবাদপত্র ও সভাসমিতিতে প্রসিদ্ধ, তাঁহারাও ক্ষুষ্কামোদর।” [কাঙাল হরিনাথের ‘অপ্রকাশিত ডায়েরী’, চতুষ্কোণ, আষাঢ়, ১৩৭১]

এই মহর্ষিদের সঙ্গে অফিসার, ডেপুটি ম্যাজিস্ট্রেট বা ম্যাজিস্ট্রেটদের এমনই যোগাযোগ ছিল যে এঁদের সঙ্গে পরামর্শ না করে কোন পদক্ষেপ তখনকার অফিসাররা নিতে পারতেন না। হরিনাথের এই সংবাদ প্রকাশ হবার পর লেফটেন্যান্ট গভর্নর ক্যাম্বেল সাহেব তদন্ত করে জানলেন যে ঘটনাটি সত্যই। তখন তিনি ডেপুটি ম্যাজিস্ট্রেটকে বদলি করে দিলেন। [তথ্য: অশোক চট্টোপাধ্যায়, ঐ, পৃ. ১২৮]

“এর প্রেক্ষিতে দিরাঙ্গগঞ্জের ত্রেপাট ম্যাজিস্ট্রেটের বদলির আদেশ হয়েছিল এবং যে যে জমিদার উপরের আবেদনের গুণে তপসী বলিয়া গভর্নমেন্টে পরিচিত ছিলেন, তাঁহারা যে বিড়াল তপসী তা প্রমাণিত হয়েছিল। এসবের ফলশ্রুতিতে হরিনাথকে ঐ জমিদারের বিষয়জুরে পড়তে হয়েছিল।” [অশোক চট্টোপাধ্যায়, ঐ, পৃ. ১২৮]

সেই সময়কার পত্রিকাগুলো জমিদারদের সাহায্য ও সহযোগিতা ভোগ করতো বলে সেগুলো জমিদারদের পক্ষেই লিখতো, আর জমিদারদের দোষগুলোকে শুধু চেপে যেত তাই নয়, বরং সেগুলোকে বিপরীত সংবাদে পরিণত করতো। ‘হিন্দু রঞ্জিকা’, ‘হিন্দু হিতৈষিনী’, ‘দেশ হিতৈষিনী’ প্রভৃতি পত্রিকা এই বিদ্রোহের প্রেক্ষিতে জমিদারদের পক্ষ অবলম্বন করেছিল। প্রজাদের পক্ষ থেকে সংঘটিত অত্যাচারের অস্বীকৃত কল্পকথা রচনা করে এরা এই বিদ্রোহের জন্য জমিদারদের দায়ী না করে যাবতীয় দায়দায়িত্ব প্রজাদের ওপর চাপিয়েছিল। আর এদের পাতা হিসাবে কাজ করেছিল



মহর্ষি দেবেন্দ্রনাথ ঠাকুর

অমৃতবাজার পত্রিকা। যার সম্পাদক শিশির কুমার ঘোষ নীলবিদ্রোহের সময় প্রচণ্ড রকম প্রজাভীতি দেখিয়েছিলেন, এবং পাবনা কৃষক বিদ্রোহের সময় তিনি একেবারে বিপরীত অবস্থান নিয়ে জমিদারদের পক্ষাবলম্বন করেছিলেন সক্রিয়ভাবে— ‘Thousands of ryots have combined together and risen against their zemindars, plundering and devastating everything in their way. The life, property and honour of the people are in imminent danger.’ (Amrita Bazar Patrika, 26.6.1873) ইংলিশমেন, হেরল্ড, বেঙ্গল হরকরা, আপার ইণ্ডিয়া গেজেট, বঙ্গদূত, সুধাকর— এই পত্রিকাগুলোও ঠাকুরবাড়ির হাতের মুঠোয় ছিল; কারণ ওগুলো ছিল ঠাকুরবাড়ির সাহায্যপুষ্ট। [তথ্য: ডঃ বিনয় ঘোষ : সাময়িক পত্রে বাংলার সমাজচিত্র, তৃতীয় খণ্ড, পৃ. ৩১৮-১৯]

জমিদারদের অত্যাচারই যে বিদ্রোহী হতে বাধ্য করেছে, একথা অস্বীকার করে জমিদারতোষক শিশির কুমার ঘোষ প্রজাদের ন্যায়সমতাকে বিরোধিতা করে তাদের দাঙ্গাবাজ লুটেরা প্রভৃতি আখ্যায় আখ্যায়িত করে জনসমর্থন থেকে তাদের বঞ্চিত করার

সূচতুর রাজনীতি করেছিলেন। এমনকি এই বিদ্রোহকে সাম্প্রদায়িকতার বহিঃপ্রকাশ বলেও চালানো হয়েছিল। 'সোমপ্রকাশ'র সম্পাদক দ্বারকানাথ বিদ্যাভূষণও এই কৃষক বিদ্রোহ সম্পর্কে বিরূপ দৃষ্টিভঙ্গীর অবশীদার হয়ে লিখেছিলেন, 'সিরাজগঞ্জ প্রদেশের ৪/৫ হাজার দুর্দান্ত প্রজা একত্র দলবদ্ধ হইয়া ভদ্রলোকদিগের প্রতি নানা প্রকার অত্যাচার করিয়াছে। কুলকামিনীগণের সতীত্ব হরণ, দেবমূর্তি চূর্ণীকরণ প্রভৃতি ইহাদের নিত্যকর্মের মধ্যে গণ্য।' তথ্যের জন্য ১৪.৭.১৮৭৩-এর সোমপ্রকাশ দ্রষ্টব্য।

'হিন্দু পেট্রিয়ট' পত্রিকা লিখেছিল, "যে বদমায়েশেরা এই পত্রিকা বিদ্রোহের নেতা, তারা এই বিদ্রোহের সুযোগে অবাধ লুণ্ঠন ও হিংসামূলক কাজ চালিয়েছে এবং এই জঘন্য কাজে সরল ও অসহায় প্রজাদের যোগ দিতে বাধ্য করেছে।" [দ্রঃ এ, ১৪.৭.১৮৭৩ সংখ্যা]

ঐতিহাসিক মিঃ বাকল্যান্ড ঐ পত্রিকাগুলোর বানানো সংবাদগুলোকে মিথ্যা বলে নাকচ করে দিয়েছিলেন। [তথ্য : C.E. Buckland : Bengal under Lt. Governors, vol.I. p. 544]

প্রজারা অতিষ্ঠ হয়ে ঠাকুরবাড়ির অত্যাচারের প্রতিশোধ নেবার বিক্ষিপ্ত চেষ্টা করলে তা ব্যর্থ হয়। ঠাকুরবাড়ি থেকে বৃটিশ সরকারকে জানানো হোল যে, একদল শিখ বা পাঞ্জাবী প্রহরী পাঠাবার ব্যবস্থা করা হোক। মঞ্জুর হোল সঙ্গে সঙ্গে। সশস্ত্র শিখ প্রহরী দিয়ে ঠাকুরবাড়ি রক্ষা করা হোল আর কঠিনহাতে নির্মম পদ্ধতিতে বর্ধিত কর আদায় করাও সম্ভব হোল। ঠাকুরবাড়ির জন্য শ্রী অশোক চট্টোপাধ্যায় লিখেছেন, "অথচ এরাও কৃষকদের উপর থার্ড ডিগ্রি (প্রচণ্ড প্রহার) প্রয়োগ করতে পিছপা হননি, কর ভার চাপানোর প্রতিযোগিতায় শীর্ষস্থান অধিকার করেছেন, পরন্তু ভয় দেখিয়ে কর আদায়ের জন্য এবং বিদ্রোহীদের মোকাবেলার জন্য একদল শিখ প্রহরী নিযুক্ত করেছিলেন"। [দ্রঃ চট্টোপাধ্যায় : পূর্বোক্ত, পৃ. ১৩২]

স্বপন বসুও লিখেছেন, "সে সময়ে সাজাদপুরের অবস্থা সম্পূর্ণ শান্ত ও হিংসাত্মক ঘটনার অনুপস্থিতি থাকা সত্ত্বেও জমিদারি রক্ষা করার জন্য কলকাতা থেকে সাজাদপুরে একদল পাঞ্জাবীকে সশস্ত্র পাহারাদারির জন্য পাঠান দ্বিজেন্দ্রনাথ (ইনি কবির সহোদর ভ্রাতা)।" [তথ্য : গণ অসন্তোষ ও উনিশ শতকের বাঙালী সমাজ : শ্রীস্বপন বসু, পৃ. ১৬৫]

জমিদারদের বিশেষতঃ ঠাকুরবাড়ির নেতাদের মারাত্মক ও প্রচণ্ড প্রভাবের প্রমাণে বলা যায়, জ্যোতিরিন্দ্রনাথের স্ত্রী অর্থাৎ রবীন্দ্রনাথের বৌদির মৃত্যুর কথা সর্বজনবিদিত। কারও ধারণা বিষ খাইয়ে হত্যা, কারও ধারণা স্বেচ্ছায় আত্মহত্যা। আত্মহত্যা যদি ধরে

নেওয়া হয় তাহলে আশ্চর্যজনক দুটি জিনিস সামনে আসে। তা হোল, ইংরেজ আমলেও ঐ মৃতদেহ নিয়ে যাবার ক্ষমতা পুলিশের হয়নি। মহর্ষির আদেশে প্রশাসনকে তাঁর প্রাসাদেই আসতে হয়েছিল এবং রিপোর্টে বলতে হয়েছিল যে, স্বাভাবিক মৃত্যু। ১৮৮৪ খৃষ্টাব্দের ১৯শে এপ্রিল হোল কাদম্বরীর আত্মহত্যার তারিখ। ঐ সময় দেশে যত পত্রপত্রিকা ছিল, মহর্ষি নির্দেশ পাঠিয়ে দিলেন যে, এই সংবাদ কোনরকমে ছাপা যাবেনা। "তাঁর (কাদম্বরীর) মৃত্যুর পর দেহটি মর্গে না পাঠিয়ে বাড়ীতে করোনার ডাকা হয় মহর্ষির নির্দেশে। সেই সঙ্গে দেহ কাটাকটি করে শ্মশানে নিয়ে যাওয়া হয়, আত্মহত্যার সংবাদটি যাতে সংবাদপত্রে ছাপা না হয় তার ব্যবস্থাও করেছিলেন মহর্ষি দেবেন্দ্রনাথ।" [অমিতাভ চৌধুরী : ইসলাম ও রবীন্দ্রনাথ, পৃ. ৭৩, ১৪০০ সাল]

মহর্ষি দেবেন্দ্রনাথের এতগুলো ছেলেমেয়ের মধ্যে জমিদার হিসাবে তিনি নির্বাচন করলেন চোদ্দ নম্বর সন্তান রবীন্দ্রনাথ ঠাকুরকে। এও এক বিস্ময়। অত্যাচার, শোষণ, শাসন, চাবুক, চাতুরী, প্রতারণা কলাকৌশলে রবীন্দ্রনাথই কি যোগ্যতম ছিলেন তাঁর পিতার বিবেচনায়? অনেকের মতে তাঁর পিতৃদেব ভুল করেন নি। প্রচণ্ড বুদ্ধিমান ও প্রতিভাবান রবীন্দ্রনাথের সৃজনশীলতা বহু বিষয়েই অনস্বীকার্য।

জমিদারবারুনা নতুন নতুন যে সব কর গরীব প্রজাদের কাছ হতে আদায় করতেন তা হৃদয় বিদারক। নানা নামের করগুলো ছিল অত্যন্ত অদ্ভুত। যেমন গরুর গাড়ি করে মাল পাঠালে ধুলো উড়তো, তাই গাড়ির মালিককে যে কর দিতে হতো তার নাম 'ধূলট'। প্রজা নিজের জায়গায় গাছ লাগালেও তাকে একটি কর দিতে হতো, তার নাম 'চৌথ'। গরীব প্রজারা আখের গুড় তৈরি করলে যে কর লাগতো তা 'ইক্ষুগাছ কর'। হতভাগ্য প্রজাদের গরু মোষ মরে গেলে ভাগাড়ে সেই মৃত পশু ফেলার পর যে কর লাগতো তা হোল 'ভাগাড় কর'। নৌকায় মাল ওঠালে বা নামালে সে করের নাম ছিল 'কয়ালী'। ঘাটে নৌকা ভিড়ালে একটি কর লাগতো তার নাম 'খোটাগাড়ি কর'। জমিদারের সঙ্গে দেখা করতে হলে একরকমের কর দিয়ে সম্মান জানাতে হতো, তার নাম 'নজরানা'। জমিদার কোনও কারণে হাজতে গেলে তাঁকে ছাড়িয়ে আনতে প্রজাদেরকে একটি কর দিতে হতো, তার নাম 'গারদ সেলামি' ইত্যাদি। [দ্রষ্টব্য স্বপন বসুর ঐ বই]

পূর্বেই আলোচিত হয়েছে যে স্বার্থপূরণ ও অর্থের জন্য নিজের ধর্ম ত্যাগ করে খৃষ্টধর্ম ও ব্রাহ্মধর্ম গ্রহণ করেন অনেকেই। ঠাকুরবাড়ির অবস্থাও ঐ একই। বেশিরভাগই গ্রহণ করেছিলেন ব্রাহ্ম ধর্ম। সবচেয়ে গুরুত্বপূর্ণ বিষয় হোল মানুষের নৈতিক দৃঢ়তা। এটা না থাকলে মানবজীবন মূল্যহীন। উদাহরণ স্বরূপ বলা যায়, যীশু, মোজেস, হজরত মুহাম্মাদ (স.) প্রমুখ যে মুখে ঈশ্বর আছেন একথা বলেছেন সে মুখে মৃত্যুর পূর্বে

কখনও বলার চেষ্টাও করেননি যে, ঈশ্বর নেই অথবা নাও থাকতে পারেন। মহাবীর ও বুদ্ধকে যদি মেনেই নেওয়া যায়, তাহলে একথা ঠিক যে তাঁরা কখনোও সানন্দে অবাধে মাংস খেতে পারেন না বা কাউকে খেতে বলতে পারেন না। মার্কস, লেনিন, স্টালিন, এঙ্গেলস ধর্ম মানুন আর নাই মানুন, কখনো তাঁদের পক্ষে বলা ও লেখা সম্ভব ছিলনা যে, গরীবদের মেরে ফেল বা শোষণ কর। কিন্তু দুঃখের বিষয়, হিন্দু ধর্মত্যাগী ব্রাহ্মদের উপবীত বা পৈতে ত্যাগ করা, গো মাংস বা কাবাব খাওয়া, মূর্তি পূজার বিরোধী হওয়া, হিন্দু ধর্মের বিরুদ্ধে স্লোগান দেওয়া, হিন্দু ধর্মকে ঘৃণা করা ইত্যাদির প্রদর্শন ও দৃষ্টান্ত থাকলেও অনেকের মতে, ওগুলো ছিল অভিনয়। একথা যদি সত্য হয় তাহলে মানবতা নৈতিকতা বলে কতটুকু অবশিষ্ট থাকে যে প্রশ্ন থেকেই যায়। দেবেন্দ্রনাথ ঠাকুরকেও দেখা যাচ্ছে, দুর্গাপূজার সময় পূজার সব ব্যবস্থা করে দিয়ে পূজার কটা দিন সরে পড়তেন অন্য কোথাও। [তথ্য : বসন্তকুমার চট্টোপাধ্যায়ের লেখা জ্যোতিরিন্দ্রনাথের জীবনস্মৃতি, ১৯২০, পৃ. ৩৬]

দেবেন্দ্রনাথ ব্রাহ্ম হওয়া সত্ত্বেও তাঁর বাবার শ্রাদ্ধ অনুষ্ঠান হিন্দু পদ্ধতিতেই করেন। তাঁর যুক্তি ছিল, 'মাতা পিতা স্ত্রী পুত্রকে দুঃখ দিয়া স্বজাতি হইতে পৃথক হওয়া কর্তব্য নহে' [দেবেন্দ্রনাথের পত্রাবলী, পৃ. ৫০]। ব্রাহ্ম ধর্মাবলম্বীদের পৈতে ত্যাগ করা জরুরি ছিল। তাই দেবেন্দ্রনাথও পৈতে ত্যাগ করেছিলেন। কিন্তু তাঁর পুত্র রবীন্দ্রনাথের যথারীতি উপনয়ন বা অনুষ্ঠান করে পৈতে দেবার ব্যবস্থা হয়েছিল। ব্রাহ্মদের মধ্যে জাতিভেদ প্রথা কর্তৃকভাবে নিষিদ্ধ। ছোটলোক ভদ্রলোক বলে কিছু মনে করা বা বিভেদ করা যেতনা। কিন্তু রবীন্দ্রনাথের উপনয়ন কালে ব্রাহ্ম রাজনারায়ণ বসু অনুষ্ঠানে উপবেশন করেছিলেন বলে তাঁকে ঐ অনুষ্ঠান হতে শূদ্র বলে অপমানিত হয়ে বিতাড়িত হতে হয়। [তথ্য : রাজনারায়ণ বসুর লেখা আয়ুচরিত, পৃ. ১৯৯]

দেবেন্দ্রনাথকে ঘাঁরা মহা-ঋষি বা মহর্ষি বানিয়েছেন তাঁদের সঙ্গে সকলেই একমত ছিলেন না। কিন্তু ঠাকুরবাড়ির প্রচণ্ড প্রভাবের ফলে সত্যকথা বলতে বা প্রকাশ করতে সংসাহসের অভাব থাকলেও কিছু মানুষ ভাবতেন মহা-ঋষির এতগুলো পুত্রকন্যার জন্মদান তাঁর ঋষি হওয়ার অনুকূল নয় বরং প্রতিকূল। একজন তাঁকে সামনাসামনি অত্যন্ত স্পষ্টভাবে প্রশ্ন করেছিলেন—“আপনি কেমন ঋষি, আপনার এত ছেলেপিলে?” এই প্রশ্নটি করেছিলেন স্বামী বিবেকানন্দের গুরু রামকৃষ্ণ পরমহংসদেব। [আনন্দবাজার পত্রিকা, ১৪.১১.১৯৯৯]

হিন্দুমেলা যে সৃষ্টি হয়েছিল সেটা ঠাকুর বাড়িরই অবদান। কারণ রবীন্দ্রনাথ দাবী করেছিলেন যে, 'তাঁদের বাড়ীর সহায়তায়ই হিন্দুমেলায় জন্ম হতে পেরেছিল'।

রবীন্দ্রনাথ আরও বলেন, 'ভারতবর্ষকে স্বদেশ বলিয়া ভক্তির সহিত উপলব্ধির চেষ্টা হিন্দু মেলাতেই সর্বপ্রথম লক্ষ্যণীয়। এই মেলায় দেশের স্তবগান গীত দেশানুরাগের কবিতা পঠিত, দেশী শিল্প, ব্যায়াম প্রভৃতি প্রদর্শিত ও দেশী গুণীলোক পুরস্কৃত হইত।... এই মেলার প্রথম উদ্দেশ্য, বৎসরের শেষে হিন্দু জাতিকে একত্রিত করা। ... যত লোকের জনতা হয় ততই ইহা হিন্দু মেলা ও ইহা হিন্দুদিগের জনতা এই মনে হইয়া হৃদয় আনন্দিত ও স্বদেশানুরাগ বর্ধিত হইতে থাকে। আমাদের এই মিলন সাধারণ ধর্ম কর্মের জন্য নহে, কেবল আমোদ প্রমোদের জন্য নহে। ইহা স্বদেশের জন্য— ভারত ভূমির জন্য।' [দ্রঃ যথাক্রমে জীবনস্মৃতি, রবীন্দ্র রচনাবলী-১০, পৃ. ৬৬ ; যোগেশচন্দ্র বাগল : হিন্দুমেলায় ইতিবৃত্ত (কলকাতা : মৈত্রী ১৯৬৮), পৃ. ৭]



জ্যোতিরিন্দ্রনাথ ঠাকুর

হিন্দু মেলাকে কেন্দ্র করেই সৃষ্টি হয়েছিল 'জাতীয় সভা' ১৮৬৯ খৃষ্টাব্দে। এই সভায় কিন্তু মুসলমান-হরিজন-খৃষ্টানেরা ছিলেন অপ্রাণ্ডেয়। নবগোপাল মিত্র National Paper-এ লেখেন যে, খৃষ্টান ও মুসলমানদের অন্তর্ভুক্ত না করলে কেবলমাত্র হিন্দুদের নিয়ে গঠিত সভাকে জাতীয় সভা বলা যায় না। কিন্তু সভার অন্যতম বিশিষ্ট সদস্য মনমোহন বসুর মতে : খৃষ্টান ও মুসলমানদের অন্তর্ভুক্তির প্রশ্ন একেবারে অবাস্তব এবং তাদের বাদ দিলেও জাতীয় সভার মর্যাদা ক্ষুণ্ণ হয়না। [দ্রঃ জাতীয় সভা, মধ্যস্থ, ২৩শে অগ্রহায়ণ ১২৭৯, পৃ. ৫৪২ ও ৫৪৪]

অনেকের মতে, হিন্দু-মুসলিম বিভেদের বীজ অঙ্কুরিত হয়েছিল ঐ 'হিন্দুমেলা' ও 'জাতীয় সভা' থেকেই। এ মেলার পরিকল্পনা এবং তার বাস্তবায়নে ঠাকুরবাড়ির আর্থিক ও মানসিক সাহায্য আর সমর্থন খুবই গুরুত্বপূর্ণ ভূমিকা পালন করে। মেলার কর্মকর্তাদের মধ্যে অনেকেই ছিলেন ঠাকুরবাড়ির সদস্য। প্রথম দিকে মেলার সম্পাদক ছিলেন গণেন্দ্রনাথ ঠাকুর। পঞ্চম অধিবেশনের অন্যতম সম্পাদক দ্বিজেন্দ্রনাথ ঠাকুর। ষষ্ঠ ও সপ্তম অধিবেশনের সম্পাদকও ছিলেন তিনি। অষ্টম অধিবেশনে তিনি হন সহ সভাপতি, আর দশম অধিবেশনে হন সভাপতি। অষ্টম অধিবেশনের সহ সম্পাদক ছিলেন জ্যোতিরিন্দ্রনাথ ঠাকুর। সত্যেন্দ্রনাথ ও রবীন্দ্রনাথ এ মেলার কর্মকর্তা নির্বাচিত হননি

বটে, কিন্তু মেলার কাজে তাঁরা সক্রিয়ভাবে অংশ গ্রহণ করেন দেশাত্মবোধক গান ও কবিতা রচনার মাধ্যমে। [তথ্য : যোগেশচন্দ্র বাগল, ঐ, পৃ. ৬ এবং ৪৮]

দিবালোকের মত স্পষ্ট কথা এই যে, অনুন্নত হরিজন, নিপীড়িত নিপ্পেষিত মুসলিম ও অহিন্দু এবং হিন্দুমেলার সমর্থকদের মাঝে সাম্প্রদায়িকতার প্রাচীর তুলে দেওয়া বা সাম্প্রদায়িকতার বিষবৃক্ষ তৈরি করা ছিল এই মেলার বা সভার বিশেষ বৈশিষ্ট্য। হিন্দুমেলার নেতা ঠাকুরবাড়ির জ্যোতিরিন্দ্রনাথ লিখে ফেললেন তাঁর জীবনস্মৃতিতে : “হিন্দু মেলার পর হইতে কেবলই আমার মনে হইত কী উপায়ে দেশের প্রতি লোকের অনুরাগ ও স্বদেশপ্ৰীতি উদ্বোধিত হইতে পারে। শেষে স্থির করিলাম নাটকে ঐতিহাসিক বীরত্বগাথা ও ভারতের গৌরব কাহিনী কীর্তন করিলে হয়তো কতকটা উদ্দেশ্য সিদ্ধ হইলেও হইতে পারে। এইভাবে অনুপ্রাণিত হইয়া কটকে থাকিতেই আমি পুরুবিক্রম নাটকখানি রচনা করিয়া ফেলিলাম।” [দ্রঃ জ্যোতিরিন্দ্রনাথের জীবনস্মৃতি : বসন্তকুমার চট্টোপাধ্যায়, পৃ. ১৪১]

হিন্দুমেলার দ্বারা প্রভাবিত জ্যোতিরিন্দ্রনাথ যখন এই নাটক রচনা করেছিলেন, রবীন্দ্রনাথ বয়সে ছোট হলেও সক্রিয়ভাবে তখন থেকেই তিনি যোগ দিয়েছিলেন তাতে। তাঁর অন্য নাটক ‘অশ্রমতি’, ‘মানময়ী’ প্রভৃতিতেও রবীন্দ্রনাথের তৈরি গান ও কবিতা যুক্ত হয়। ব্রাহ্ম হয়েও গোঁড়া হিন্দুর গোঁড়ামির নিদর্শন সতীদাহ প্রথারও কিসমর্থক হয়ে গিয়েছিলেন তিনি? রবীন্দ্রনাথ লিখেছিলেন : “জুল জুল চিতা! দ্বিগুণ দ্বিগুণ / পরান সঁপবে বিধবা বালা। / জুলুক জুলুক চিতার আগুন / জুড়াবে এখনই প্রাণের জ্বালা।। / শোন, রে যবন! শোন, রে তোরা! / যে জ্বালা হৃদয়ে জ্বালালি সবে, / সাক্ষী রলেন দেবতা তার / এর প্রতিফল ভুগিতে হবে।।” [দ্রঃ জ্যোতিরিন্দ্রনাথ ঠাকুরের লেখা জ্যোতিরিন্দ্রনাথের নাট্য সংগ্রহ (কলকাতা : বিশ্বভারতী, ১৯৬৯) পৃ. ২২৫]

কবি দেশে বা বিদেশে নিজেকে প্রতিষ্ঠিত করবার জন্য যেটি যখন সুবিধে মনে করেছেন সেটিকেই অবলম্বন করেছেন। আবার প্রয়োজনে বর্জনও করতে পেরেছিলেন সেগুলো। এটা শুধু কবি রবি ঠাকুরেরই নয়, ঠাকুরবাড়ির যেন ছিল এই ট্যাডিশান। কবির পিতা ব্রাহ্ম হয়ে জানতেন যে, ব্রাহ্মদের উপবীত বা পৈতে ত্যাগ করতে হয় এবং অনেক ব্রাহ্মণই তাঁদের পৈতে ত্যাগ করেছিলেন ব্রাহ্মধর্ম গ্রহণ করার জন্য। কবির পিতা ব্রাহ্ম হয়েও হিন্দুমতে কবির উপনয়নের ব্যবস্থা করেছিলেন। রবীন্দ্রনাথের মাথা মুগুনও করিয়েছিলেন তিনি। বালক রবীন্দ্রনাথ খুব চিন্তায় পড়ে গেলেন যে, পরিচিতরা সকলেই জানেন তিনি ব্রাহ্ম ঋষির পুত্র। সুতরাং উপনয়নের কারণে মাথা ন্যাড়া করাতে প্রকাশ হয়ে যাবে তাঁদের সুবিধাবাদের কথা। কবির পিতা এই সমস্যার সহজ সমাধান করে

ফেললেন— তাঁকে নিয়ে চলে গেলেন হিমালয়ে বেড়াতে— “এমন দুশ্চিন্তার সময়ে তিনি খবর পাইলেন পিতা এবার তাঁহাকে লইয়া হিমালয় যাত্রা করিবেন।” [রবীন্দ্র-নজরুল চরিত, পৃ. ১২৯]

এ তো গেল বালক রবির ঘটনা। কবি যখন পিতা হলেন এবং তাঁর পুত্র রবীন্দ্রনাথের বয়স যখন ন’ বছর হোল, তাঁরও উপনয়নের ব্যবস্থা করা হোল। তারিখটা ছিল ১৩০৫ সালের ১০ই বৈশাখ। উপনয়নের সময় রবীন্দ্রনাথকে হিন্দু নিয়মে ভিক্ষাপাত্র নিয়ে ঘুরতে হয়েছিল এবং মোট তিনদিন শূদ্র বা ছোটলোকদের মুখদর্শন করা নিষিদ্ধ বলে ঘরের মধ্যে লুকিয়ে বা আবদ্ধ থাকতে হয়েছিল। [দ্রঃ ঐ, পৃ. ১৩০]



তারপরের ঘটনা তমরও চকমপ্রদ। প্রতিষ্ঠিত কবি; নোবেল প্রাইজ পাওয়া কবি, ব্রাহ্ম ধর্মের প্রধান আচার্য কবির ব্রাহ্ম পিতা মহা-ঋষি দেবেন্দ্রনাথ যখন মারা গেলেন সেই বছর অর্থাৎ ১৩১১ সালে তাঁর নিজের দীর্ঘ চিন্তাকর্ষক কেশ, সুবিন্যস্ত দাড়ি গোঁফ যা তিনি সযত্নে লালন করে এলেন তা তিনি হিন্দু ধর্মের নিয়মে মুগুন করতে পারলেন নিমেষেই। ঠাকুরবাড়িতে আর একটি সভা সৃষ্টি হয়েছিল বিষবৃক্ষের মত, সেটি হোল সঞ্জীবনী সভা। কবির মতে সেটা স্বাদেশিকের সভা। সভ্যদের দীক্ষা দেওয়া হোত ঋক বেদের মন্ত্র পড়িয়ে— ‘ঋক বেদের পুঁথি, মড়ার মাথার খুলি ইত্যাদি নিয়ে এখানে যে সভা হোত’ তা বাস্তবিক সভা। [দ্রঃ বসন্তকুমার চট্টোপাধ্যায়, ঐ, পৃ. ১৬৭]

ব্রাহ্মদের মাথায় তখন এমন জিনিস ঢুকে ছিল যে, তাঁরা জানতে পেরেছিলেন কি পারেন নি, তাঁরা হয়ে গিয়েছিলেন হিন্দু থেকে গোঁড়া হিন্দু। ঐ হিন্দুদের সঙ্গে মুসলমানদের পোষাক পরিচ্ছদের পার্থক্য কিভাবে রক্ষিত হবে তা নিয়ে ভাবনা চিন্তা হয়। রবীন্দ্রনাথ অন্যান্য মন্তব্যের সঙ্গে তাঁর ধারণামতে মন্তব্য করেন : ‘ধূতিটা কর্মক্ষেত্রের উপযোগী নহে, অথচ পাজামাটা বিজাতীয়।’ [রবীন্দ্র রচনাবলী-১০, জীবনস্মৃতি, পৃ. ৬৭]

রবীন্দ্রযুগে যে একটি মুসলিম বিরোধী ষড়যন্ত্র চলছিল তার পূর্ণ প্রতিরোধ করার ক্ষমতা মুসলিম সমাজের ছিল না। যেটুকু প্রতিরোধ ও প্রতিবাদের চিহ্ন পাওয়া গেছে তা অত্যন্ত ক্ষীণ ও সীমিত। একটি উদ্ধৃতি :

বাবার মৃত্যুর পর মাথা মুন্ডিত
রবীন্দ্রনাথ

কি পরিতাপের বিষয়, আমাদের শিশুগণকে প্রথমেই রাম শ্যাম গোপালের গল্প পড়িতে হয়। সে পড়ে গোপাল বড় ভাল ছেলে। কাশেম বা আব্দুল্লা কেমন ছেলে, সে তাহা পড়িতে পায় না। এখান হইতেই তাহার সর্বনাশের বীজ বপিত হয়। তারপর সে তাহার পাঠ্য পুস্তকে রাম লক্ষ্মণের কথা, কৃষ্ণার্জুনের কথা, সীতা সাবিত্রীর কথা, বিদ্যাসাগরের কথা, কৃষ্ণকান্তের কথা ইত্যাদি হিন্দু মহাজনদিগেরই আখ্যান পড়িতে থাকে। সম্ভবতঃ তাহার ধারণা জন্মিয়া যায়, আমরা মুসলমান ছোট জাতি, আমাদের মধ্যে বড়লোক নেই। এই সকল পুস্তক দ্বারা তাহাকে জাতীয়হবিহীন করা হয়। হিন্দু বালকগণ ঐ সকল পুস্তক পড়িয়া মনে করে আমাদের অপেক্ষা বড় কেহ নয়। মুসলমানরা নিতান্ত ছোট জাত। তাহাদের মধ্যে ভাল লোক জন্মিতে পারেনা। এই প্রকারে রাষ্ট্রীয় একতার মূলোচ্ছেদ করা হয়। ... মূল পাঠ্য ইতিহাস সম্বন্ধে ঐ কথা। তাহাতে বৃন্দেবের জীবনী চারি পৃষ্ঠা আর হতরত মোহাম্মদের জীবনী অর্ধপৃষ্ঠা মাত্র। অথচ ক্লাসে একটি ছাত্রও হয়ত বৌদ্ধ নহে। আর অধিকাংশ ছাত্র মুসলমান। ... মূল পাঠ্য ইতিহাসে হিন্দু রাজাদের সম্বন্ধে অগৌরবজনক কথা শ্রয় ঢাকিয়া ফেলা হয়, আর মুসলমানদিগের বেলা ঢাকঢোল বাজাইয়া প্রকাশ করা হয়। গুণের কথা বড় একটা উল্লিখিত হয় না। ফল দাঁড়ায় এই, ভারতবর্ষের ইতিহাস পড়িয়া ছাত্রেরা বুঝিল, মুসলমান নিতান্ত অপারূপ, অধিশূন্য, অত্যাচারী এবং নিষ্ঠুর জাতি। পৃথিবী হইতে তাহাদের লোপ হওয়াই মঙ্গল।” [দ্রষ্টব্য ‘আমাদের সাহিত্যিকদরিদ্রতা’ : মুহম্মদ শহিদুল্লাহ]

অমুসলমান তো দূরের কথা, অনেক আধুনিক পাকে গড়া মুসলমান পাঠক পর্যন্ত মনে করবেন যে, এরকম উক্তি অধিশূন্য আর সাম্প্রদায়িক মুসলমানই করতে পারে। কিন্তু একথা সত্য যে, লেখক ছিলেন অত্যন্ত উদার ও অসাম্প্রদায়িক মনের মানুষ এবং হিন্দু বেদ ও সংস্কৃত প্রেমিক মনীষী। কলকাতা থেকে সংস্কৃতে অনার্স পড়ে এম.এ. করে পরবর্তীতে ফ্রান্সের প্যারিস ইউনিভার্সিটি থেকে পেয়েছিলেন ডি.লিট. এবং ডিপ্লোমা ইন ফরেনটিঙ্গ। তাছাড়া কলকাতা ঢাকা ও রাজশাহী প্রভৃতি বিশ্ববিদ্যালয়ে কখনো অধ্যাপক, কখনো ভাঁন কখনো নানা বিভাগে অধ্যক্ষ হয়ে সুপ্রতিষ্ঠিত হয়েছিলেন।

কবি রবীন্দ্রনাথ মুসলমানদের পূর্ণ মুসলমান হয়ে থাকাকাটা বোধহয় পছন্দ করতেন না। সেই জন্য তিনি বলতেন : মুসলমানেরা ধর্মে ইসলামানুরাগী হলেও জাতিতে তারা হিন্দু। কাজেই তারা ‘হিন্দু-মুসলমান’। [উক্তি : আবুল কালাম সামসুদ্দিনের লেখা অতীত দিনের স্মৃতি পৃ. ১৫০]।

অধিকাংশ জমিদারবাবুরা চাইতেন না যে, গরীব বা ছোটলোক প্রজারা লেখাপড়া শিখে আলোর সামনে আসুক, মাথা উঁচু করে দাঁড়াতে শিখুক তারা। আর সাতশো

বছরের রাজত্ব করা মুসলিম জাতির উঁচু মাথা নিচু করার ক্ষেত্রে বৃটিশ রাজত্বে দেশীয় বাবুদের হাতেই ছিল সমাজ পরিচালনার দায়িত্ব। বিদ্যালয়ের নিয়ম কানুন, সিলেবাসও সেভাবে তৈরি হোত। যাতে মুসলমান অভিভাবকেরা তাঁদের ছেলেমেয়েদের সরকারি বিদ্যালয়ে ভর্তি না করেন অথবা তাদেরকে সরিয়ে নেয় অন্যত্র। যেমন নিয়ম করা হয়েছিল, বিদ্যালয়ে প্রবেশকালে প্রত্যেক ছাত্রকে বলতে হোত :

‘জয় জয় মহারানী

সবিনয়ে তোমায় নমি,

জুড়িয়া দুখানি হাত

করি তোমায় প্রণিপাত।’

আর স্কুল থেকে বাড়ি যাবার সময় প্রত্যেককে বলতে হোত :

‘সরস্বতী ভগবতী মোরে দাও বর,

চল ভাই পড়ে সব মোরা যাই ঘর।’

কিছু সমালোচক মনে করেন যে, বৃটিশের আনুগত্যভরা একটি ঘাঁটি ছিল ঐ ঠাকুরবাড়ি। ঠাকুরবাড়িতে যে সব নাটক হোত সেগুলোর লেখক ছিলেন তাঁরাই এবং অভিনয়ও করতেন অনেক ক্ষেত্রে ঐ বাড়ির পুরুষ ও মহিলারা। যে ভাষা ও বিষয় সেখানে ঝংকৃত হোত তার একটু নমুনা দেওয়া হচ্ছে :

“ওঠ! জাগ! বীরগণ। দুর্গাস্ত যবনগণ,

গৃহে দেখ করেছে প্রবেশ।

হও সবে এক প্রাণ, মাতৃভূমি কর ত্রাণ,

শত্রুদলে করহ নিঃশেষ ॥

বিলম্ব না সহে আর, উলদিয়ে তরবার

জুলন্ত অনল সম চল সবে রণে।

বিজয় নিশান দেখ উড়িছে গগনে ॥

যবনের রক্তে ধরা হোক প্রাবমান

যবনের রক্তে নদী হোক বহমান

যবন শোণিত বৃষ্টি করুক বিমান

ভারতের ক্ষেত্র তাহ হোক বলবান।...

এত স্পর্ধা যবনের, স্বাধীনতা ভারতের

অনায়াসে করিবে হরণ ?

তারা কি করেছে মনে, সমস্ত ভারতভূমে

পুরুষ নাহিক একজন ?”

“যায় থাক প্রাণ যাক, স্বাধীনতা বেঁচে থাক

বেঁচে থাক চিরকাল দেশের গৌরব।

বিলম্ব নাহিক আর, খোল সবে তরবার

ঐ শোন ঐ শোন যবনের রব।

এই বার বীরগণ, কর সবে দৃঢ়পণ

মরণ শয়ন কিম্বা যবন-নিধন,

যবন-নিধন কিম্বা মরণ শয়ন,

শরীর পতন কিম্বা বিজয় সাধন!”

[দ্রষ্টব্য : সরকার শাহাবুদ্দিন আহমেদ : ইতিহাসের নিরিখে রবীন্দ্র নজরুল চরিত, ১৯৯৮, পৃ. ১৬৮, ১৬৯, ২৮৩]

রবীন্দ্রনাথের জীবনী আলোচনা করে দেখা যাচ্ছে যে, সাম্প্রদায়িকতার ছোঁয়াচ তাঁকেও লেগেছিল। মুসলিম জাতি, ইসলাম ধর্মের শ্রেষ্ঠতম ও শেষ নবী এবং পবিত্র কোরআন শরীফ সম্পর্কে তাঁর ধারণা ছিল অস্বচ্ছ। প্রমাণে বলা যায়— “মরহুম মোতাহার হোসেন চৌধুরী শান্তিনিকেতনে কবি রবীন্দ্রনাথ ঠাকুরকে জিজ্ঞাসা করেছিলেন, ‘আপনার লেখায় ইসলাম ও বিশ্বনবী সম্পর্কে কোন কথা লেখা নেই কেন?’ উত্তরে কবি বলেছিলেন, ‘কুরআন পড়তে শুরু করেছিলুম, কিন্তু বেশিদূর এগুতে পারিনি। আর তোমাদের রসুলের জীবন চরিতও ভাল লাগেনি।’” [দ্রষ্টব্য বিতন্ডা : সৈয়দ মুজিবউল্লাহ, পৃ. ২২৯]

যে ব্রাহ্মণতন্ত্রের বিরুদ্ধে ব্রাহ্মধর্মের আবির্ভাব সেই ব্রাহ্মকবি আবার ব্রাহ্মণ্যবাদ ফিরিয়ে আনতে লিখলেন : “ভারতবর্ষে যথার্থ ব্রাহ্মণ ও ক্ষত্রিয় সমাজের অভাব হইয়াছে— দুর্গতিতে আক্রান্ত হইয়া আমরা সকলে মিলিয়াই শূদ্র হইয়াছি।” আরও বলেন, “আমি ব্রাহ্মণ আদর্শকে পুনঃপ্রতিষ্ঠিত করিবার সঙ্কল্প হৃদয়ে লইয়া যথাসাধ্য চেষ্টায় প্রবৃত্ত হইয়াছি।” [ব্রজেন্দ্র কুমার দেবমণিক্যকে লেখা রবীন্দ্রনাথের চিঠি (১৩০৯-এর ৭ই বৈশাখ), এপ্রিল ১৯০২, ‘প্রবাসী’ আশ্বিন, ১৩৪৮ পৃ. ৬৫৭]

হিন্দু ধর্মত্যাগী রবীন্দ্রনাথ একজন হেজিপেজি সাধারণ ব্রাহ্ম ধর্মান্বলম্বী ছিলেন না, তিনি ছিলেন আদি ব্রাহ্মসমাজের সম্পাদক। তবুও ব্রাহ্মণপ্রীতি বৃদ্ধি করতে এবং তা শিক্ষা দিতে তিনি লিখলেন :

“বেদ ব্রাহ্মণ-রাজা ছাড়া আর

কিছু নাই ভবে পূজা করিবার।” (পূসারিনী দ্রষ্টব্য)

১৯০২-এ শান্তিনিকেতন ব্রাহ্ম বিদ্যালয়ে ব্রাহ্ম শিক্ষক কুঞ্জলাল ঘোষ কবির কাছে জানতে চান ছাত্ররা প্রণাম করলে তা নেওয়া হবে নাকি নিষেধ করা হবে? উত্তরে তিনি

লেখেন, “যাহা হিন্দু সমাজ বিরোধী তাহাকে এ বিদ্যালয়ে স্থান দেওয়া চলিবেনা; সংহিতায় যেরূপ উপদেশ আছে, ছাত্ররা তদনুসারে ব্রাহ্মণ অধ্যাপকদিককে পাদস্পর্শপূর্বক প্রণাম ও অন্যান্য অধ্যাপকদিককে নমস্কার করিবে। এই নিয়ম প্রচলিত করাই শ্রেয়ঃ।” [মনোরঞ্জন বন্দ্যোপাধ্যায়কে লেখা রবীন্দ্রনাথের চিঠি (১৯শে অগ্রঃ, ১৩০৯), রবীন্দ্র জীবনী, দ্বিতীয় খণ্ডে উদ্ধৃত, পৃ. ৪৭]

জগদীশচন্দ্র মণ্ডল লিখেছেন, “যে কবি রবীন্দ্রনাথ হিন্দু ধর্মের কুসংস্কারের বিরুদ্ধে বিদ্রোহ জানিয়ে ব্রাহ্মধর্ম গ্রহণ করেন, সেই রবীন্দ্রনাথই অপরের বেলায় ধূয়ো তোলেন এতে হিন্দু ধর্মের প্রভূত ক্ষতি হবে।” লেখক এই জন্য লিখেছেন, ভারতের বৃহত্তর অনুমত হরিজনেরা আশ্বেদকরের নেতৃত্বে যখন মাথা তুলতে চেয়েছিলেন তখন রবীন্দ্রনাথ তাঁদের সেই চেষ্টাকে ব্যর্থ করে দিতে গান্ধীর কথা শুনতে আবেদন জানান। কারণ গান্ধী উপবাস শুরু করেছিলেন এই জন্য যে, অস্পৃশ্যদের পৃথক নির্বাচন মেনে নিলে তিনি মৃত্যুবরণ করবেন। আশ্বেদকরের সামনে যে বিরাট সুযোগ এসেছিল রবীন্দ্রনাথ এবং তাঁর সঙ্গে হিন্দুদের এলিট শ্রেণী মিলে এমন চাপ সৃষ্টি করলেন যে তার ফল দাঁড়ালো এই— যদি অনশনে গান্ধী মারা যান তার ফল হবে মারাত্মক। রবীন্দ্রনাথ গান্ধীর জন্য করুণ সুরে বাণী লিখলেন : “আজ তপস্বী উপবাস আরম্ভ করেছেন, দিনের পর দিন তিনি অন্ন নেবেন না। কিন্তু তাঁর বাণীকে গ্রহণ করাই তাঁর অন্ন, তাই দিয়ে তাঁকে বাঁচাতে হবে।” [দ্রঃ রবীন্দ্রনাথ, গান্ধীজী ও আশ্বেদকর, পৃ. ৪৮-৪৯]

উন্নত মুসলমান জাতিকে অবনত করার দীর্ঘ সর্পিঙ্গ গতি কিভাবে সৃষ্ট এবং পরিচালিত তা বলার চেষ্টা করা হয়েছে প্রথম খণ্ডে। ইতিহাস যখন পান্টাতে শুরু করা হোল, যখন মিথ্যার সংযোজন হোল, মুসলমান হিন্দুর মিলনের ব্যবধানকে যখন বড় করা হোল, তখন শিবাজীকে আমদানি করে শুরু হোল ‘শিবাজী উৎসব’। তখন শিবাজীর প্রকৃত ইতিহাস বলতে যা ছিল তার সারমর্ম হোল : শিবাজী ছিলেন একজন দস্যু, তস্কর, পাহাড়ী ইঁদুর, সমাজ বিরোধী, লুণ্ঠনকারী মাত্র।

শূদ্র শিবাজীকে আওরঙ্গজেবের প্রতিদ্বন্দ্বী সাজিয়ে মুসলিম বিরোধী যে সাম্প্রদায়িকতার সৃষ্টি হয়েছিল সেই তত্ত্বকে যাঁরা সানন্দে লুফে নিয়েছিলেন রবীন্দ্রনাথও ঐ দলের শুধু অন্যতমই ছিলেন না তার প্রচার, প্রসার ও প্রমাণে নেতৃত্ব দিয়েছিলেন তিনি। অথচ বীর বলে কথিত মারাঠা জাতি ছিল হিন্দু ও লুণ্ঠনপ্রবণ যা আমার লেখা ‘চেপে রাখা ইতিহাসে’ প্রমাণ করা হয়েছে। একজন বিদেশী ঐতিহাসিক এডওয়ার্ড সুলিভ্যান তাঁর ‘দি প্রিন্সেস অব ইণ্ডিয়া’ গ্রন্থে যা লিখেছেন তা হোল : শিবাজী ছিলেন সবচেয়ে বড় রকমের এক লুণ্ঠক ও নরহস্তা ডাকাত। আর তিনি যাদের নিয়ে তাঁর বাহিনী সংগঠিত করেছিলেন

তারা ছিল মারাঠী। শিবাজীর ঐ মারাঠা দল এমন অপরাধপ্রবণ ছিল যে, তরবারি ও ঘোড়া নিয়ে লুণ্ঠন ও অগ্নি সংযোগ অভিযানে ঝাঁপিয়ে পড়তো তারা। ঐ লুণ্ঠন কাজে হিন্দু মুসলমানের কোন পার্থক্য ছিল না তাদের কাছে। মারাঠারা হিন্দু হয়েও অন্যায় ও অবৈধ পন্থায় ধন সম্পদ লুণ্ঠন করার জন্য অবাধে মন্দির ধ্বংস করতো, গোহত্যা করতো এবং হিন্দু ব্রাহ্মণ ও পুরোহিতদেরও হত্যা করতো। যেখানেই তারা গেছে সেখানেই তারা ঘটিয়েছে অসংখ্য মৃত্যু আর সীমাহীন ধ্বংস।


মারহাট্টা বা মারাঠা শিবাজীকে নিয়ে যখন খুব হৈ চৈ শুরু হোল বিশ্বমানবতাবাদী রবীন্দ্রনাথ তাতে যোগ দিলেন হাল্কাভাবে নয়, প্রত্যক্ষ ও পূর্ণভাবে। তিনি শিবাজীর জন্য লিখলেন : “সেদিন শুনিনি কথা, আজি মোরা তোমার আদেশ শির পাতি লব, / কণ্ঠে কণ্ঠে বক্ষে বক্ষে ভারতে মিলিবে সর্বশেষ ধ্যানমন্ত্র তব / এ ধর্মরাজ্য হবে এ ভারতে এ মহাবচন করিব সম্বল।” শিবাজীর জন্য তিনি আরো লিখলেন, “বিদেশীর ইতিবৃত্ত দস্যু বলি’ করে পরিহাস অট্টহাস্য রবে / তব পুণ্যচেষ্টা যত তরুরের নিষ্ফল প্রয়াস এই জানে সবে। / ... অশরীরী হে তাপস, শুধু তব তপমূর্তি লয়ে আসিয়াছ আজ / তব তব পূজাতন সেই শক্তি আনিয়াছ ব’য়ে, সে তব কাজ। / ... মারাঠীর সাথে আজি হে বাঙালী এক কণ্ঠে বল জয়তু শিবাজী। / মারাঠীর সাথে আজি হে বাঙালী, একসঙ্গে চল মহোৎসবে সাজি।”

শিবাজীর চরিত্র প্রকৃত কী ছিল তা ঐতিহাসিকদের জানা ছিল। বড়মাপের এক বুদ্ধিজীবী লিখেছেন, “সেকালে বাংলায় আমাদের মহৎ বীরদের সম্পর্কে জ্ঞান না থাকায় রাজপুত, মারাঠা ও শিখ বীরদের জীবনী আমদানি করতে হয়েছে। ... জাতীয়তাবাদী নেতাগণ রাজনৈতিক গরজে সামগ্রিকভাবে ইতিহাসকে বিকৃত করে জনগণকে বিভ্রান্ত করেছেন। এমনকি ‘শিবাজী উৎসবে’ মুসলমানকে টেনে আনার উদ্দেশ্যে ইচ্ছা করে ইতিহাসের ভুল উপস্থাপনা করতেন ও ভ্রান্ত ব্যাখ্যা দিতেন।” [এস. এ. সিদ্দিকী : ভুলে যাওয়া ইতিহাস, ঢাকা, ১৯৭৫, পৃ. ৯৩]

শিবাজী সম্পর্কে বলার অপেক্ষা রাখেনা যে, “খড়্গহস্ত শিবাজীকে রঘুপতি যোজনা করেছিল যবনদিগের বিরুদ্ধে ধর্মরাজ্য প্রতিষ্ঠার জন্যে। শ্রী অরবিন্দও শিবাজীর এ খড়্গ তুলে দিয়েছিলেন বিপ্লবীদের হাতে, স্বদেশীদের হাতে। লক্ষ্য ঐ একই ধর্মরাজ্য প্রতিষ্ঠা।” [ডঃ স্বাধীনতা আন্দোলনে যুগান্তর পত্রিকার দান বা শ্রীঅরবিন্দ ও বাংলার বিপ্লববাদ, পৃ. ১৮৭ ও ১১১]

প্রখ্যাত ঐতিহাসিক লিখেছেন, “হিন্দু জাতীয়তাজ্ঞান বহু হিন্দু লেখকের চিন্তে বাসা বেঁধে ছিল যদিও সজ্ঞানে তাঁদের অনেকেই কখনোই এর উপস্থিতি স্বীকার করবেন না।

এর প্রকৃষ্ট দৃষ্টান্ত হচ্ছেন ভারতের শ্রেষ্ঠ কবি রবীন্দ্রনাথ ঠাকুর। যাঁর পৃথিবীখ্যাত আন্তর্জাতিক মানবতাকে সাম্প্রদায়িক দৃষ্টিভঙ্গীর সঙ্গে কিছুতেই মূলমত করা যায় না। তবুও বাস্তব সত্য এই যে, তাঁর কবিতা সমূহ শুধুমাত্র শিখ, রাজপুত ও মারাঠাকুলের বীরবৃন্দের গৌরব ও মাহাত্ম্যেই অনুপ্রাণিত হয়েছে। কোনও মুসলিম বীরের মহিমা কীর্তনে তিনি কখনোও এক ছত্রও লেখেন নি— যদিও তাঁদের অসংখ্যই ভারতে আবির্ভূত হয়েছেন। এ থেকেই প্রমাণিত হয়, উনিশ শতকী বাংলায় জাতীয়তাজ্ঞানের উৎসমূল কোথায় ছিল।” [দ্রষ্টব্য : ডঃ



জোড়াসাঁকো ঠাকুরবাড়ি

রমেশচন্দ্র মজুমদার : বাংলাদেশের ইতিহাস, তৃতীয় খন্ড, পৃ. ২০৩] সুতরাং আমরা রবীন্দ্রনাথকে কলমের জোরে অসাম্প্রদায়িক এবং নিরপেক্ষ প্রমাণ করতে চাইলেও অনেকে তা মেনে নেবেন না সহজে।

যে ‘বন্দেমাতরম’ ধ্বনি বঙ্কিম সৃষ্টি করেছিলেন মুসলমান বিরোধিতা করার জন্যই, সেই বন্দেমাতরমের প্রথম অংশে রবীন্দ্রনাথ নিজেই সুর দিয়েছিলেন। বঙ্কিমের বিরুদ্ধে অসাম্প্রদায়িক হিন্দু লেখকেরাও কলম ধরেছিলেন কঠিন হাতে। কিন্তু তাঁরা ধোপে টেকেন নি কারণ বঙ্কিমের পৃষ্ঠপোষক ছিল ইংরেজ সরকার স্বয়ং। কিন্তু বঙ্কিমের সাহিত্যকে মুসলমানদের বিরুদ্ধেই কবি মেনে নিয়ে বলেছিলেন : “মুসলমান বিদ্রোহ বলিয়া আমরা আমাদের জাতীয় সাহিত্য বিসর্জন দিতে পারি না। মুসলমানদের উচিত নিজেদের জাতীয় সাহিত্য নিজেরাই সৃষ্টি করা।” (ভারতী পত্রিকা থেকে উদ্ধৃতি দিয়েছেন দৈনিক সংগ্রাম পত্রিকার সম্পাদক আবুল আসাদ তাঁর ‘একশ’ বছরের রাজনীতি’তে)

ইংরেজদের চরম অত্যাচারে ষোল বছরের কিশোর কবি চুপি চুপি একটি কবিতা লিখে ফেলেছিলেন বৃটিশের বিরুদ্ধে। কবির বাড়ির হিন্দুমেলায় সদস্য ও কর্মীরা ওটিকে ছেপে প্রকাশ করতে কঠিনভাবে নিষেধ করলেন। কবির শ্রম যাতে ব্যর্থ না হয় সেজন্য ঠাকুর পরিবার ও তাঁদের সহযোগীরা পরামর্শ করে একটি অমানবিক সিদ্ধান্ত গ্রহণ করলেন। কবিতায় যেখানে যেখানে ‘বৃটিশ’ শব্দ আছে সেগুলোকে তুলে দিয়ে ‘মোগল’

শব্দ ব্যবহার করা হোল। অথচ মোগল শাসন তো অনেক আগেই শেষ হয়ে গেছে— ১৭৫৭-র পর থেকেই সে সূর্য অস্তমিত। এ ঘটনা তো ১৮৭৮-এর। ১৮৭৭-এর ১লা জানুয়ারি লিটন সাহেব যখন ভিক্টোরিয়াকে 'ভারত সম্রাজ্ঞী' বলে ঘোষণা করেছিলেন সেই সময় দক্ষিণ ভারতে দুর্ভিক্ষ চলছিল, তাতে লোক মরেছিল ৫০ লাখ। তাই অভিমান করে কবিতাটি লিখে ফেলেছিলেন কবি: "হারে হতভাগ্য এ ভারতভূমি, / কষ্টে এই ঘোর কলঙ্কের হার / পরিবারে আজি করি অলংকার / গৌরবে মতিয়া উঠেছে সবে? / তাই কাঁপিতেছে তোর বক্ষ আজি / মোগল রাজের বিজয় রবে? / মোগল বিজয় করিয়া ঘোষণা যে গায় গাংক আমরা গাব না, আমরা গাব না হরষ গান, / এস গো আমরা যে ক'জন আছি আমরা ধরিব আরেক তান।" [দ্রঃ কলকাতায় স্বাধীনতা আন্দোলন ও বাংলা সাহিত্য (প্রবন্ধ) : প্রশান্তকুমার দাশগুপ্ত, কলকাতা ৩০০, পৃ. ১৩৩-৩৪]

ইংরেজ সরকার যখন বঙ্গ ভঙ্গ করতে চাইলেন তখন মুসলিম বিরোধী বুদ্ধিজীবী নেতারা ফেটে পড়লেন বিক্ষোভে। অবশ্য রবীন্দ্রনাথের স্বার্থ বিশেষভাবে জড়িয়ে ছিল কারণ তাঁর জমিদারির বেশিরভাগটাই পড়ে যাচ্ছিল নতুন বঙ্গে বা বর্তমান বাংলাদেশে। বিমলানন্দ শাসন 'ভারত কী করে ভাগ হোল' পুস্তকে লিখেছেন, "ডঃ আনন্দকর লিখেছেন : বাঙালী হিন্দুদের বাংলা বিভাগের বিরোধিতা করার প্রধান কারণ ছিল, পূর্ববঙ্গে বাঙালী মুসলমানেরা যাতে যোগ্য স্থান না পেতে পারে সেই আকাঙ্ক্ষার দরুণ। বাঙালী হিন্দুরা স্বপ্নেও ভাবতে পারেন নি যে, বাংলা বিভাগের বিরোধিতা করে এবং সেই সঙ্গে স্বরাজলাভের দাবী করে তাঁরা একদিন মুসলমানদের পূর্ব ও পশ্চিম উভয় বঙ্গের শাসক করে তুলবেন।" [দ্রষ্টব্য ঐ, পৃ. ২৫, ১৯৮১]

"১৯০৫-এর বঙ্গভঙ্গ বিরোধী আন্দোলন শুধু বাংলায় নয় সারা ভারতবর্ষে সৃষ্টি করল দুটি জাতীয়তাবাদ— একটি হিন্দু অপরটি মুসলমান। এই পরিপ্রেক্ষিতেই ১৯০৬ সালে ঢাকায় প্রতিষ্ঠিত হোল নিখিল ভারত মুসলিম লীগ। ... ১৯০৬ সালেই কংগ্রেস সাধারণভাবে হিন্দুদের প্রতিষ্ঠান হয়ে দাঁড়ালো এবং তারই প্রতিযোগী হিসাবে দাঁড়ালো নবপ্রতিষ্ঠিত মুসলিম লীগ।" [পৃ. ২৫]

বঙ্গ ভঙ্গ আন্দোলনে বেশিরভাগ হিন্দু বুদ্ধিজীবীই আকাশ রাতাস কাঁপাতে লাগলেন যে কিছুতেই বঙ্গমাতার অঙ্গচ্ছেদ বরদাস্ত করা হবে না। রাজা মহারাজ জমিদার বাবু রায়বাহাদুর স্যার প্রভৃতি নানা উপাধিধারী ব্যক্তিদের সঙ্গে ঠাকুরবাড়ির কবিও এগিয়ে এলেন। ১৯০৫-এর ২৪ ও ২৭শে সেপ্টেম্বরের সভা দুটিতে তিনিই হয়েছিলেন সভাপতি। আর ১৬ই অক্টোবর 'রাখীবন্ধন' নামেও একটি উৎসবের নেতৃত্ব দিলেন রবীন্দ্রনাথ।

বঙ্গভঙ্গ হবার ফলে আসাম ও বাংলার রাজধানী হবে ঢাকা। আর ঐ বঙ্গে মুসলমানেরা হবে সংখ্যাগুরু আর হিন্দুরা হবে সংখ্যালঘু। সুতরাং মুসলমানদের কাছে

ঢাকার গুরুত্ব বেশি হবেই। তাই ঢাকার নবাব সলিমুল্লাহ সাহেবের নেতৃত্বে পূর্ববঙ্গের এবং ভারতের বহু মুসলিম নেতা বঙ্গভঙ্গ সমর্থন করলেন। কিন্তু হিন্দু নেতাদের প্রচেষ্টা ও প্রভাবে সরকারকে নতিস্বীকার করতে হোল, বঙ্গভঙ্গ রহিত হয়ে একত্রিত হোল দুই বঙ্গ। বঙ্গভঙ্গের পক্ষে যেসব মুসলিম নেতৃবৃন্দ লাফালাফি করেছিলেন তাঁরা শুধু ক্রান্ত হলেন না, হলেন খুব দুঃখিত ও মর্মান্বিত।



অনন্য ব্যক্তিত্ব রবীন্দ্রনাথ

বৃটিশ সরকার দুয়োরাণী ও শুয়োরাণীর গল্পের মতো ১৯১২ খৃষ্টাব্দের ২রা ফেব্রুয়ারি ঘোষণা করলেন যে ঢাকায় একটি বিশ্ববিদ্যালয় তৈরির ব্যবস্থা করবেন তাঁরা। মুসলমানদের অশিক্ষা অনুন্নতি ও অবনতির জন্য গঙ্গাদ বাচন যাঁরা বলেন, শিক্ষাই জাতির মেরুদণ্ড, মুসলমান শিক্ষিত না হয়ে পিছিয়ে গেল, তাদের নিজেদেরও উচিত শিক্ষায় এগিয়ে যাওয়া আর আমাদেরও উচিত সহযোগিতা করা। এ দরদ ও সমবেদনার বাণী সত্যিই বড় শ্রুতিমধুর। পূর্ববঙ্গের মুসলমানেরা সংখ্যায় বেশি হওয়া সত্ত্বেও তাঁরা শিক্ষায় পিছিয়ে ছিলেন একথা সত্য নয়, বরং পিছিয়ে রাখা হয়েছিল ইচ্ছাকৃতভাবেই। তার প্রমাণে বলা যায়, পশ্চিমবঙ্গের মহামহা শিক্ষিত, বুদ্ধিজীবী, রাজা, মহারাজা, স্যার, রায়বাহাদুর ও বাবুরা ঢাকায় বিশ্ববিদ্যালয় হওয়ার কথায় খুশি হওয়ার পরিবর্তে ফেটে পড়েছিলেন রাগে দুঃখে আর হিংসায়।

১৯১২ খৃষ্টাব্দের ২৮শে মার্চ কলকাতার গড়ের মাঠে এক বিরাট সমাবেশ করা হয়। তখন কবির বয়স ছিল ৫১ বছর। ঠিক তার দুদিন পূর্বে ২৬শে মার্চ আর একটি গুরুত্বপূর্ণ মিটিং হয়েছিল। সেখানেই চূড়ান্ত সিদ্ধান্ত নেওয়া হয়েছিল যে, ঢাকায় ইউনিভার্সিটি হতে দেওয়া যাবে না। ঐ গুরুত্বপূর্ণ সভায় বাঘা বাঘা দেশীয় নেতারা উপস্থিত ছিলেন— "নতুন রাজ্য পূনর্গঠনে ঢাকা বিশ্ববিদ্যালয় প্রয়োজন কিনা বা শিক্ষা বিষয়ে করণীয় কী? —তা আলোচনার জন্য এক জনপ্রতিনিধিপূর্ণ সভা হয় টাউন হলে।" [দ্রষ্টব্য কলকাতা ইতিহাসের দিনলিপি : দ্বিতীয় খণ্ড, চতুর্থ পর্ব (বিংশ শতাব্দী : প্রাক স্বাধীনতাকাল), এপ্রিল ১৯৯৫, পশ্চিমবঙ্গ রাজ্য পুস্তক পর্ষদ কর্তৃক প্রকাশিত]

প্রায় সমস্ত সংবাদপত্রগুলো যাতে ঢাকা ইউনিভার্সিটি না হয় তার জন্য শিল্প নিপুণতা দেখালেন তাঁদের লেখায়। আর ঐ বিখ্যাত অথবা কুখ্যাত সভার সভাপতি যিনি

হয়েছিলেন তিনি হচ্ছেন ঠাকুরবাড়ির কবি রবীন্দ্রনাথ। তাহলে কি রবীন্দ্রনাথ চাননি যে তাঁর জমিদারির অন্তর্ভুক্ত মুসলমান কৃষক ও শ্রমিক সন্তান এবং অনুল্লতরাও বিশ্ববিদ্যালয়ের আলো পেয়ে ধন্য হোক? কবির সঙ্গে আরও যাঁরা ছিলেন তাঁরা হলেন ডঃ স্যার বাসবিহারী ঘোষ, কলকাতা বিশ্ববিদ্যালয়ের স্বনামধন্য ভাইস চ্যান্সেলার স্যার আশুতোষ মুখোপাধ্যায়, গিরিশচন্দ্র ব্যানার্জী প্রমুখ। বলতে আরো লজ্জা হয় যে, স্যার আশুতোষ মুখার্জীর নেতৃত্বে সেই সময়কার ভাইসরয় লর্ড হার্ডিঞ্জ সাহেবকে যাতে ঢাকা বিশ্ববিদ্যালয় না হয় তার জন্য আঠারো বার স্মারকলিপি দিয়ে চাপ সৃষ্টি করা হয়েছিল। নীচতা এত নিচে নেমেছিল যে, তাঁরা ঢাকা বিশ্ববিদ্যালয়কে বিক্রয় করে বলতেন মক্কা বিশ্ববিদ্যালয়। প্রতিবাদপত্র বলা হয়েছিল যে, ঢাকা ইউনিভার্সিটিকে কেন্দ্র করে গোটা পূর্ববঙ্গে মুসলমানদের একটা শিক্ষিত পরিমন্ডল গড়ে উঠবে। তবুও ঢাকা ইউনিভার্সিটি হোল। তার ভাইস চ্যান্সেলার হলেন সাহেব মিঃ ফিলিপ হরতগ। ২৫ বছর তিনি উপাচার্য ছিলেন। বড়লাট হার্ডিঞ্জ হিন্দুদের এই বলে আশ্বাস দিয়েছিলেন যে, হিন্দুদের চিন্তার কোন কারণ নেই— ঢাকা বিশ্ববিদ্যালয়ের ক্ষমতা বাড়তে দেওয়া হবেনা, মাত্র দশ মাইল পরিধির মধ্যেই সীমাবদ্ধ থাকবে। [তথ্য : জীবনের স্মৃতিস্মরণে : ডক্টর রমেশচন্দ্র মজুমদার— এ. আসাদের একশ' বছর র রাজনীতি পুস্তকে উদ্ধৃত, পৃ. ৭২, ১৯৯৪]

যেসব জঙ্গি ও গুপ্ত সমিতি সৃষ্টি হয়েছিল, যাদের রাজনীতির সঙ্গে যুক্ত হয়েছিল ডাকাতি, বোমা, রিভলভার, ছোরা, তলোয়ার প্রভৃতি ব্যবহার করা, সেগুলো ইতিহাসে যে রঙেই রঙিন করা হোক না কেন তাতে মুসলমানদের মুসমানত বজায় রেখে প্রবেশের অধিকার ছিলনা। এই বইয়ের প্রথম খণ্ডে তার আলোচনা হয়েছে। তাতেও ঠাকুরবাড়ির অনেকে তথা রবীন্দ্রনাথও সংযুক্ত ছিলেন। 'স্বদেশী আন্দোলন' বলে চালানো হলেও এটা ছিল সন্ত্রাসবাদ। কবি স্বয়ং লিখেছেন, "আমাদের দেশে যখন স্বদেশী আন্দোলন হয়েছিল তখন আমি তার মধ্যে ছিলাম। মুসলমানরা তখন তাতে যোগ দেয়নি, বিরুদ্ধে ছিল।"

কিন্তু কেন ছিল? গিরিজাশঙ্কর রায় লিখেছেন, "আমরা দেখিযাই, দেখিতেছি অরবিন্দ, বঙ্কিম-প্রদর্শিত জাতীয়তাকেই সজ্ঞানে ১৮৯৪ খৃষ্টাব্দ হইতেই অনুসরণ করিতেছেন।... তিনি একপায়ে দাঁড়াইয়া বগলা মন্ত্র জপ ও বগলা মূর্তি পূজা শেষ করিয়া আসিয়াছেন। ... গুপ্ত সমিতিতে মা কালীও আছেন এবং শ্রীগীতাও আছে। এতে মুসলমান ভ্রাতাগণ যদি বলেন যে, 'এ ব্যবস্থায় দেশ উদ্ধারের জন্য আমরা যা-ই বা কি করিয়া, আর থাকিই বা কোন মুখে?' [দ্রঃ শ্রী অরবিন্দ ও বাংলার স্বদেশী যুগ, পৃ. ৪৫২-৫৩]

অতএব মুসলমানেরা যোগ দেয়নি নয়, যোগ দেবার দরজা খোলা ছিলনা। সমগ্র মুসলিম জাতি হরিজন ও অনুল্লত সম্প্রদায়গুলোর মধ্যে মুসলমানদের উন্নত অবস্থা থেকে

অবনত করার কুব্যবস্থা এবং হরিজন ও অনুল্লতদের উন্নতির পথ বন্ধ করার পরিপ্রেক্ষিতে বাবু সমাজ অক্ষুরিত হবার পর থেকেই ইংরেজ সরকার যত রকম কৌশল অবলম্বন করেছিল তার মধ্যে বিশেষ গুরুত্বপূর্ণ কাজটি হচ্ছে, কলকাতাকে এবং সেই সঙ্গে কলকাতার কয়েকটি পরিবারকে বেছে নেওয়া যাঁদের দিয়ে প্রচুর অনুগত ও অনুসারী তৈরি করা সম্ভব হবে। ঠাকুরবাড়ি সেক্ষেত্রে ব্রিটিশদের পক্ষে একটি বৃহত্তর শ্রাণ্ড।

লক্ষ লক্ষ মানুষ অর্ধহার অনাহারে যখন মারা যাচ্ছে, মাথা তুলতে চাইছে বিপ্লবের জন্য, তখন ব্রাহ্ম সমাজ নিয়ে হৈ চৈ করছেন বাবু সমাজ। ১৮২৯ খৃষ্টাব্দের ৬ই জুন ব্রাহ্ম সমাজের জন্য জমি কেনা হোল। সূক্ষ্মদ্রষ্টাদের পক্ষে গুরুত্বপূর্ণ সংবাদ হোল যে, এ দলিলে 'ব্রাহ্ম' না লিখে 'ব্রহ্ম' শব্দ ব্যবহার করা হয়েছিল। ব্রাহ্ম সমাজ যে ভবিষ্যতে আবার হিন্দু সমাজেই ফিরে আসবে এটা তারই ইঙ্গিত ছিল।

পূর্বেই ইঙ্গিত দেওয়া হয়েছে, বৃটিশ বঙ্গদেশকে ভারতের মূল কেন্দ্র করে নিয়েছিল। তার পরে যেটা উল্লেখযোগ্য কথা সেটা হোল, মুসলমান শাসকদের সময় শাসকদের নিকটস্থ হতে পেরেছিলেন অর্থাৎ চাকর থেকে চাকরিজীবী এবং প্রশাসনের সহযোগী হয়েছিলেন কিছু ভাগ্যবান বঙ্গীয় ব্যক্তি। সেটাও নিজেদের আখের গোছাবার জন্যই হয়েছিল; তাতে আন্তরিকতা ছিল অল্প। এ 'খাপ খাওয়ানোর' বুদ্ধিটুকু ছিল বলেই মুসলিম শাসক সম্প্রদায় এবং তাদের কোর্ট কাছারি অফিস আদালতের ভাষা, ফার্সি ও উর্দুকে ভালভাবেই রপ্ত করেছিলেন তাঁরা। সেই সঙ্গে এটাও তাঁরা সিদ্ধান্ত নিয়েছিলেন যে, নিজেদের বংশধরদের ফার্সি শেখাতে পারলেই তাঁরা শাসকদের আমলা বা সহযোগী হয়ে সুখ শান্তি আর অর্থের একটি মোটা অংশীদার হতে পারবেন। ফলে তখনকার হিন্দু সমাজের ফার্সি জানা মানুষেরা মুসলমান শাসকদের মুগ্ধ করতে এবং উদার্য প্রদর্শন করতে পোষাক পরিচ্ছদ কথাবার্তা আচার ব্যবহারে নিজেদেরকে তাঁদের সঙ্গে মিলিয়ে নিয়েছিলেন। এমনকি শাসক সম্প্রদায় এবং তাঁদের আমলাদের সঙ্গে মিলন মৈত্রীর পরিপ্রেক্ষিতে নিজেদের বাড়ির কন্যাদের তাঁদের হাতে তুলে দিয়েছিলেন অনেকে। আগেই উল্লেখ করা হয়েছে যে, ঠাকুরবাড়ির পূর্বপুরুষ জয়দেব ও কামদেব তাঁদের আখের গোছাতে নিজের ধর্ম ত্যাগ করে জামালুদ্দিন ও কামালুদ্দিনে পরিণত হয়েছিলেন।

সুবিধাভোগী দলের বাইরে যে সংখ্যাগরিষ্ঠ বঞ্চিত দলটি ছিল তাঁরাই ক্রমে ক্রমে ছোটলোক অচ্ছূত আদিবাসী হরিজন ব্রাত্য প্রভৃতি নাম পেয়ে উন্নতিশূন্য হয়ে বেঁচেছিলেন মাত্র।

বৃটিশের বাছাই করা ঠাকুরবাড়িটি বৃটিশ সরকারের উন্নতি ও প্রশাসনের সঙ্গে উন্নয়নশীল সমাজে সর্বক্ষেত্রে জড়িয়েছিল অঙ্গাঙ্গীভাবে। এও উল্লেখ করা হয়েছে যে, কলকাতা ইউনিভার্সিটি ছিল শাসকদের একটি কর্মযজ্ঞের ঘাঁটি। ঠাকুরবাড়ির পুরুষ ও

মহিলারা গুরুত্বপূর্ণ ভূমিকায় কেমনভাবে জড়িয়ে ছিলেন তার একটি সংক্ষিপ্ত ঘটনাপঞ্জী দেওয়া হল এখানে :

- ১। ১৮৩০-এর ১৭ই অগস্ট প্রতিষ্ঠিত হোল ইউনিয়ন ব্যাঙ্ক। তার কর্তা ছিলেন দ্বারকানাথ ঠাকুর।
- ২। 'প্রগতিপন্থী'দের সভা হোল কলকাতায় ঐ বছর ১০ই নভেম্বর। তার সভাপতি ছিলেন ঠাকুরবাড়ির প্রিন্স।
- ৩। ঐ সাঁলেই 'সর্বস্বত্ব দীপিকা সভা' স্থাপন। তারও সম্পাদক ছিলেন প্রিন্স দ্বারকানাথ ঠাকুর।
- ৪। ৬ নম্বর প্রেস আইন বাতিলের সুপারিশ সভা। তার মধ্যমণি ছিলেন প্রিন্স।
- ৫। কলকাতার চৌরঙ্গী থিয়েটারকে ঋণমুক্ত করলেন যিনি তিনিও ঐ প্রিন্স।
- ৬। 'তত্ত্বরঞ্জিনী সভা'কে 'তত্ত্ববোধিনী সভা'য় পরিণত করা হোল। তারও নেতা ঐ প্রিন্স।
- ৭। বৃটিশ প্রতিনিধি জর্জ টমসনকে হিন্দু কলেজে সম্বর্ধনা প্রদান। ১৮৪৩-এর ১১ই ডিসেম্বর। তারও মূলনায়ক ঠাকুরবাড়ির প্রিন্স।
- ৮। 'তত্ত্ববোধিনী সভা' থেকে 'তত্ত্ববোধিনী পত্রিকা'র প্রকাশ। এতেও নেতৃত্ব প্রিন্সের।
- ৯। 'বৃটিশ ইণ্ডিয়ান এসোসিয়েশনে'র সৃষ্টি। বৃটিশের সহযোগিতায় বোম্বাই ও মাদ্রাজে তার শাখা স্থাপন। এখানেও নেতৃত্ব ঠাকুরবাড়ির প্রিন্সের।
- ১০। 'সমাজোন্নতি বিধায়িনী সুহৃদ সমিতি'র প্রতিষ্ঠা ১৮৫৫র ১৫ই ডিসেম্বর। সভাপতি প্রিন্স ঠাকুর।
- ১১। ঐ বছর ২৫শে ডিসেম্বর অধ্যক্ষ সভার প্রতিষ্ঠা। সম্পাদক ঠাকুরবাড়ির প্রিন্স।
- ১২। ১৮৬১-র ১লা অগস্ট ইন্ডিয়ান মিরর পত্রিকার জন্ম। তার মূলধন দিয়েছিলেন ঐ প্রিন্স দ্বারকানাথ।
- ১৩। বৃটিশের বাছাই করা আন্তর্জাতিক নেতা কেশব সেনকে 'ব্রহ্মানন্দ' উপাধি প্রদান করলেন ঐ প্রিন্স।
- ১৪। শান্তিনিকেতনে 'তপোবন' তৈরির পরিকল্পনায় বিশ বিঘে জমি ক্রয়। উদ্যোক্তা দেবেন্দ্রনাথ ঠাকুর।
- ১৫। 'ন্যাশনাল পেপার' পত্রিকার প্রকাশ। অর্থ জোগালেন ঠাকুরবাড়ির দেবেন্দ্রনাথ ঠাকুর।
- ১৬। 'ব্রাহ্ম সমাজ'কে বিভক্ত করে 'আদি ব্রাহ্ম সমাজে'র সৃষ্টি। মূল নায়ক দেবেন্দ্রনাথ ঠাকুর।

১৭। ১৮৬৭-র ৫ই জানুয়ারি 'জোড়াসাঁকো থিয়েটারে'র উদ্বোধন। অভিনেতা ও অভিনেত্রী প্রত্যেকেই ঠাকুরবাড়ির সদস্য।

১৮। ঐ বছর ২৬শে মার্চ 'চৈত্রমেলা'র প্রথম অধিবেশন। তার দুই উদ্যোক্তা হলেন দ্বিজেন্দ্রনাথ ও গগনেন্দ্রনাথ ঠাকুর।

১৯। ঐ বছর ১৮ই এপ্রিল 'বিদ্বৎজন সভা'র সৃষ্টি। কর্মকর্তা হলেন দ্বিজেন্দ্রনাথ ও সত্যেন্দ্রনাথ ঠাকুর।

২০। ১৮৭৪-র ১২ই ডিসেম্বর প্রথম বাঙালী সিভিলিয়ান হলেন যিনি তিনি ঠাকুরবাড়ির সত্যেন্দ্রনাথ ঠাকুর।

২১। ১৮৭৫-তে বিলেতের ফিলাডেলফিয়া বিশ্ববিদ্যালয় থেকে প্রশিক্ষণ দিয়ে তৈরি করা হোল একজন 'সঙ্গীতাচার্য'কে। তিনি হলেন শৌরীন্দ্রমোহন ঠাকুর।

২২। ১৮৭৬-এর ফেব্রুয়ারিতে 'হিন্দুমেলা' আরম্ভ হোল। তার সভাপতি দ্বিজেন্দ্রনাথ ঠাকুর।

২৩। ১৮৭৭-এর ২৯শে জুলাই 'ভারতী' পত্রিকার প্রথম প্রকাশ। পরিচালক দ্বিজেন্দ্রনাথ ঠাকুর। আরও যঁারা সম্পাদনা করেছিলেন তাঁরা হলেন স্বর্ণকুমারী দেবী, হিরন্ময়ী দেবী, সরলাদেবী ও রবীন্দ্রনাথ ঠাকুর।

২৪। ১৮৮০-র ১৮ই জানুয়ারি এক বাঙালীকে বৃটিশ কর্তৃক 'অর্ডার অফ দি ইন্ডিয়ান এম্পায়ার' উপাধি প্রদান। তিনি হচ্ছেন শৌরীন্দ্রমোহন ঠাকুর।

২৫। ঐ বছরের ২৬শে এপ্রিল মাদ্রাজ ও বাংলার নেতাদের নিয়ে ম্যাজিস্ট্রেট বি.এল. গুপ্তর বাগানে বিশেষ মিটিং। তারও মুখ্য ব্যক্তিত্ব হলেন দ্বিজেন্দ্রনাথ ও সত্যেন্দ্রনাথ ঠাকুর।

২৬। ১৮৮১তে কলকাতা টাউন হলে প্রথম ভারতীয় ব্যক্তির প্রতিমূর্তি স্থাপন করা হয় স্যার লেঃ গভর্নর ইডেনের উপস্থিতিতে। সেই ভাগ্যবান ব্যক্তি হলেন দ্বারকানাথ ঠাকুরের ছোটভাই রমানাথ ঠাকুর।

২৭। ১৮৮৪-র জুলাই মাসে 'নবজীবন' পত্রিকার প্রকাশ। তাতে লেখকদের মধ্যে বিশেষ আকর্ষণ ছিলেন রবীন্দ্রনাথ ঠাকুর।

২৮। ১৮৮৪-র এপ্রিলে 'বালক' পত্রিকার জন্ম। সম্পাদিকা ঠাকুরবাড়ির জ্ঞানদানন্দিনী দেবী।

২৯। ১৮৮৬-র ১২ই অগস্ট সৃষ্টি হোল মহিলাদের 'সখী সমিতি'। পরিচালিকা ঠাকুরবাড়ির স্বর্ণকুমারী দেবী।

৩০। ভিক্টোরিয়া-পুরের ভারতগমনের আনন্দে তাঁকে মোটা অঙ্কের উপঢৌকন দিয়ে প্রশংসাপত্র পেলেন দেবেন্দ্রনাথ ঠাকুর। তারিখ ১২.১২.১৮৮৯।

- ৩১। ১৮৯১-এ 'সাধনা' পত্রিকার প্রকাশ। সম্পাদক সুধীন্দ্রনাথ ঠাকুর।
- ৩২। রানী ভিক্টোরিয়ার ৬০তম জন্মবার্ষিকীতে আনন্দে 'মার্চেন্ট অব ভেনিস' অভিনীত হয়। সমস্ত খরচ বহন করেন সৌরেন্দ্রমোহন ঠাকুর।
- ৩৩। ইটালীর যুদ্ধ জাহাজের সমস্ত অফিসারদের নেমন্তন্ন। আপ্যায়নে বিশেষ সভার ব্যবস্থা করেন সৌরেন্দ্রমোহন ঠাকুর। ১৯.২.১৮৯৯ -এ কলকাতায়।
- ৩৪। ১৯০৪-এর ১০ই জানুয়ারি সরস্বতী ইনস্টিটিউটে এক বিশেষ সভা হয়। তার সভাপতি দ্বিজেন্দ্রনাথ ঠাকুর।
- ৩৫। ১৯০৫-এর ৮ই জানুয়ারি প্রাচীন পুঁথিকেন্দ্রিক একটি সভা হয়। তার সভাপতি ছিলেন সত্যেন্দ্রনাথ ঠাকুর।
- ৩৬। ঐ বছর এপ্রিল মাসে 'ভান্ডার' পত্রিকার প্রকাশ। সম্পাদক রবীন্দ্রনাথ ঠাকুর।
- ৩৭। ২৯শে এপ্রিল শেক্সপিয়ার সোসাইটির একটি সভা হয়। সভাপতি সত্যেন্দ্রনাথ ঠাকুর।
- ৩৮। ঐ বছর ক্যানকটা স্কুল অব আর্টের ভাইস প্রিন্সিপ্যাল পদে বসানো হয় ঠাকুরবাড়ির অবনীন্দ্রনাথ ঠাকুরকে।
- ৩৯। ১০ই অক্টোবর নিবেদিতাকে নিয়ে একটি বিশেষ সভা হয়। চাঁদা তোলা হয় ৭০ হাজার টাকা। প্রধান আকর্ষণ ছিলেন রবীন্দ্রনাথ।
- ৪০। 'বন্দেমাতরম' নামের একটি সম্প্রদায় শিবাজী উৎসব পালন করতে ভারতমাতার ছবি ব্যবহার করে। চিত্রকর ছিলেন অবনীন্দ্রনাথ ঠাকুর। তারিখ ১০.৬.১৯০৬।
- ৪১। অপরিচিত বৌদ্ধ ধর্মের উপর এক আলোচনাচক্র হয়। প্রধান বক্তা সত্যেন্দ্রনাথ ঠাকুর।
- ৪২। বৃটিশ মিত্র রামমোহনের ৭৫তম মৃত্যুবার্ষিকী অনুষ্ঠানে রেভারেন্ড আণ্ডারসেনের ইচ্ছায় প্রধান বক্তা ছিলেন রবীন্দ্রনাথ ঠাকুর।
- ৪৩। বিখ্যাত সঙ্গীত বিশারদকে এনে এক বিশেষ আলোচনাচক্র হয়। যার সভাপতি হন রবীন্দ্রনাথ ঠাকুর।
- ৪৪। ইংলণ্ডের পণ্ডিত ও শিল্পাচার্য মিঃ বোটেনস্টাইনকে কলকাতায় আনানো হয়। প্রত্যেকদিন ঠাকুরবাড়িতে তাঁকে নিয়ে হোত এক বিশেষ আলোচনা। এই কর্মযজ্ঞ শুরুর তারিখটি ছিল ৩১.১২.১৯১০।
- ৪৫। সরকারের নির্দেশে ১৯১৩-র ২৮শে অক্টোবর কলকাতা বিশ্ববিদ্যালয় ডি.লিট. 'দিল রবি' ঠাকুরকে।
- ৪৬। ইংরেজ ভাইসরয় গভর্নমেন্ট হাউসে ২৬.১২.১৯১৩-তে সম্মানসূচক এক ডিগ্রি দান করেন রবীন্দ্রনাথ ঠাকুরকে।

- ৪৭। ১৯১৪-র ফেব্রুয়ারিতে কলকাতার ইউনিভার্সিটি ইনস্টিটিউটে মিঃ উইলিয়াম ডিউকের সভাপতিত্বে সঙ্গীত ও বাদ্য নিয়ে অনুষ্ঠান হয়। সেদিন প্রধান আকর্ষণ ছিলেন সত্যেন্দ্রনাথ ঠাকুর।
- ৪৮। ঐ বছর ১০ থেকে ১২ই এপ্রিল কলকাতা টাউন হলে যে 'লিটারারী কনফারেন্স' হয় তারও সভাপতি ছিলেন সত্যেন্দ্রনাথ ঠাকুর।
- ৪৯। ইউনিভার্সিটি ইনস্টিটিউটে সঙ্গীতসম্মিলনীর সভায় সভাপতি হন ঐ সত্যেন্দ্রনাথ ঠাকুর, ২৮.২.১৯২০ তারিখে।
- ৫০। ১৯২২-এর ৯ই অগস্ট শান্তিনিকেতনে এলেন সিলভা লেভি। তাঁকে আনলেন ঠাকুরবাড়ির রবীন্দ্রনাথ।
- ৫১। ১৯২৪-এর ২১শে জানুয়ারি মিঃ এলমহাস্ট আলফ্রেড থিয়েটারে বক্তৃতা দেন। সভাপতি ছিলেন রবীন্দ্রনাথ ঠাকুর।
- ৫২। ১৯২৫-এর ১৮ই জুলাই আর্ট থিয়েটার কোম্পানি রবি ঠাকুরের বই মঞ্চস্থ করে স্টার থিয়েটার হলে।
- ৫৩। ১৯.১২.১৯২৫-এ 'অল ইণ্ডিয়া ফিউচার কংগ্রেসে'র গুরুত্বপূর্ণ সভা হয়, সভাপতি কবি রবীন্দ্রনাথ।
- ৫৪। রামমোহনের মৃত্যুশতবার্ষিকী পালনে সিটি কলেজে বিশেষ সভা হয়। সালটি ছিল ১৯২৭। বিশেষ আকর্ষণ ছিলেন রবীন্দ্রনাথ ঠাকুর।
- ৫৫। ঐ বছরের ৪ঠা মার্চ মুসলিম খাঁন গোষ্ঠীকে আড়াল করতে প্রাচ্য সঙ্গীত, আধুনিক সঙ্গীত ও কীর্তন সৃষ্টি এবং প্রচারের ব্যবস্থা হয়। প্রধান বক্তা অবনীন্দ্রনাথ ঠাকুর।
- ৫৬। ভরতপুরের রাজবাড়িতে এক গুরুত্বপূর্ণ গোপন সভায় হিন্দি ভাষার পরিপুষ্টির এক আলোচনায় প্রধান অতিথি হন কবি রবীন্দ্রনাথ ঠাকুর। ১৯২৭-এর ২৮শে মার্চ।
- ৫৭। ১৯২৮-এর ৫ই জানুয়ারি 'এসোসিয়েশন ফর উওম্যানস ওয়ার্ক ই বেঙ্গলে'র সভা কলকাতা ইউনিভার্সিটিতে হয়, সভাপতি ছিলেন রবীন্দ্রনাথ ঠাকুর।
- ৫৮। ১৯২৯-এর ২৬শে ফেব্রুয়ারি মিঃ টুকের রবীন্দ্রনাথ ঠাকুরকে নিয়ে কানাডা রওনা হন।
- ৫৯। ঐ বছর ২৭শে ফেব্রুয়ারি কলকাতা বিশ্ববিদ্যালয়ের আশুতোষ বিল্ডিংয়ে হয় প্রাচীন চিত্রশিল্পের উপর এক বিশেষ আলোচনা। প্রধান বক্তা অবনীন্দ্রনাথ ঠাকুর।
- ৬০। ১৯৩০-এর ২রা ফেব্রুয়ারি গোথলে মেমোরিয়াল গার্লস স্কুলের মাঠে বেঙ্গল লিটারারী কনফারেন্স হয়। সভাপতিত্ব করেন ঠাকুরবাড়ির স্বর্ণকুমারী দেবী।

৬১। ৮ই ফেব্রুয়ারি সাহিত্য পরিষদের একটি বিশেষ সভায় চলতি ব্যবহৃত বাংলা শব্দের দীর্ঘ তালিকাকে সংস্কৃত শব্দ সম্বলিত তালিকায় পরিণত করেন কিছু বুদ্ধিজীবী। নেতৃত্ব দেন কবি রবীন্দ্রনাথ ঠাকুর।

৬২। সরকারি নির্দেশে ৬ই অগস্ট কলকাতা বিশ্ববিদ্যালয় রবীন্দ্রনাথ ঠাকুরকে সম্বর্ধনা দেয়।

৬৩। স্যার হ্যামিলটন তাঁর 'আদর্শ পল্লীকেন্দ্র' দেখতে রবি ঠাকুরকে আমন্ত্রণ জানান।

৬৪। ১৯৩৩-এর ১১ই ফেব্রুয়ারি গান্ধীজীর 'হরিজন' পত্রিকায় রবীন্দ্রনাথ সম্বোধনাত্মক লেখা পাঠালেন।

৬৫। বরানগরে ১৯৩৩-এর ৮ই এপ্রিল হিন্দু মহাসভার এক সাম্প্রদায়িক সভা হয়। তাতেও যোগ দিলেন রবীন্দ্রনাথ।

৬৬। ১৯৩৪-এর ২১-৩১শে অক্টোবর মাদ্রাজে সাংস্কৃতিক অনুষ্ঠানে বিশেষ অতিথি হন কবি রবীন্দ্রনাথ ঠাকুর।

৬৭। ঐ বছর ২৯শে নভেম্বর বেনারস হিন্দু বিশ্ববিদ্যালয়ে আমন্ত্রিত হলেন রবীন্দ্রনাথ ঠাকুর।

৬৮। ১৯৩৫-এর ৮ই ফেব্রুয়ারি বেনারস হিন্দু ইউনিভার্সিটির দেওয়া 'ডক্টর' উপাধিতে ভূষিত হলেন রবীন্দ্রনাথ ঠাকুর।

৬৯। ১৯৩৬-এর ১৫ই মার্চ পাটনায় নাটক মঞ্চস্থ করতে রবীন্দ্রনাথ ঠাকুরকে নিয়ে যাওয়া হয়।

৭০। তখনকার ষড়যন্ত্রের কারখানা কলকাতা বিশ্ববিদ্যালয়ে ১৯৩৬-এর ১১ই সেপ্টেম্বর আরবি ফারসি মিশ্রিত চলতি বাংলা ভাষার শব্দ ও বানান পরিবর্তন যজ্ঞে রবীন্দ্রনাথ ঠাকুর লিখিত স্বীকৃতি দেন। রবীন্দ্রনাথের স্বাক্ষরের তলায় শরৎচন্দ্র চট্টোপাধ্যায়ও সই করেন।

৭১। বঙ্গের প্রাক্তন গভর্নর মিঃ রোনাল্ড সাহেব ইংলণ্ডে ৯.১২.১৯৩৮-এ চিত্রকলা প্রদর্শনী উদ্বোধনে রবীন্দ্রনাথকে ডেকে নিলেন।

৭২। ১৯৩৯-এর ১৯শে অগস্ট মহাজাতি সদনের ভিত্তিপ্রস্তর স্থাপনে ডাক পড়ল রবীন্দ্রনাথ ঠাকুরের।

৭৩। ঐ বছর ৮ই সেপ্টেম্বর ব্রিটিশের বিরুদ্ধে না গিয়ে তাদেরকে সাহায্য সহযোগিতা করতে যে প্রচারপত্র তৈরি করা হয় তাতে ছিলেন বাঙালী রামানন্দ চট্টোপাধ্যায়, স্যার নীলরতন সরকার, স্যার প্রফুল্লচন্দ্র রায় আর তাঁদের মধ্যমণি ছিলেন রবীন্দ্রনাথ ঠাকুর।

অনেক বাদসাদ দিয়ে এই ৭৩টি ঘটনার প্রত্যেকটিতে প্রত্যক্ষভাবে জড়িয়ে আছেন ঠাকুরবাড়ি অর্থাৎ ঠাকুরবাড়ির পুরুষ ও মহিলারা। যেমন দেবেন্দ্রনাথ, রবীন্দ্রনাথ, সত্যেন্দ্রনাথ, অবনীন্দ্রনাথ, জ্ঞানদানন্দিনী দেবী, স্বর্ণকুমারী দেবী প্রমুখ। ঢাকায় যাতে কোনমতেই ইউনিভার্সিটি না হয় তার জন্য গড়ের মাঠে যে সভা হয়েছিল তাতেও নেতৃত্ব দিয়েছিলেন রবীন্দ্রনাথ। এ আলোচনা বিশদভাবে পুর্বেই করা হয়ে গেছে। এরকম বহু ঘটনা আছে যা উল্লেখ করলে তালিকাটি হয়ে উঠবে বড়ই ক্লান্তিকর।

'চেপে রাখা ইতিহাস' এবং 'বজ্রকলমে'র প্রথম খণ্ডে যেটা জানানো হয়েছে সেটা হোল, ইংরেজ সরকার যাঁদের ইচ্ছা তাঁদেরকে হিরো করেছে, আবার যাঁদের ইচ্ছা তাঁদেরকে করেছে সিন্ধু থেকে বিন্দু।

রবীন্দ্রনাথের প্রতিভার কথা যারবার বলা হয়েছে। সে বিশ্বাসে আমাদের কারোরই কমতি নেই। কিন্তু কি করে স্বীকার করা যাবে যে তাঁর মত কবি ভারতবর্ষে আর কেউ ছিলেন না? আবার প্রশ্ন উঠবে, যদি তিনি অপ্রতিদ্বন্দ্বী না-ই হবেন তাহলে তখনকার কবি সাহিত্যিক তো অনেকেই ছিলেন, তাঁরা প্রতিবাদ করলেন কই?

রবীন্দ্রভক্ত অধ্যাপক দীপন চট্টোপাধ্যায়ের 'রবীন্দ্রবিরোধী সমালোচনা' বই থেকে তথ্য দিয়ে বলা যায়, রবীন্দ্রযুগে বিখ্যাত লেখক, কবি, সমালোচক ও পত্রিকার সম্পাদকেরা তাঁর বিরুদ্ধে প্রতিবাদের যে বন্যা বইয়ে দিয়েছিলেন কালের গতিতে চাপা পড়ে গেছে সেসব। কারণ তাঁদের পিছনে ছিলনা সরকারি পৃষ্ঠপোষকতা। যেমন দ্বিজেন্দ্রলাল রায় রবীন্দ্রনাথের ভাবের অস্পষ্টতা ও নৈতিক স্থলনের কথা স্পষ্ট করে বলেছিলেন। বিপ্লবী সন্ত্রাসবাদী বিপিনচন্দ্র পাল ও রাধাকমল মুখোপাধ্যায়ও ছিলেন কবির কড়া সমালোচক। যতীন্দ্রনাথ সেনগুপ্ত, মোহিতলাল মজুমদার ও বুদ্ধদেব বসু ছিলেন ঐ যুগের মহারথী। তাঁরাও এগিয়ে এসেছিলেন কবির বিরুদ্ধে। [তথ্য : ঐ, পৃ. ১, ছাপা ১৯৯৪]

'বুর্জোয়া' শব্দটি একরকমের গালি বললেও অতুল্য নয়। যার অর্থ কায়মী স্বার্থবাদী বা স্বার্থপর ধনী। রবীন্দ্রনাথকেও যখন 'বুর্জোয়া' বলা হোল, তিনি কিন্তু তা মেনেই নিলেন। কারণ তিনি ছিলেন ধনী জমিদার। আর জমিদারেরা অধিকাংশই যে অত্যাচারী ও লুণ্ঠনকারী তা স্বীকার করা যায় না। দেবীপ্রসাদ চট্টোপাধ্যায় লিখেছেন, 'রবীন্দ্রনাথকে বুর্জোয়া বলাটা অপবাদ দেবার সামিল নয় এবং এটা অনিবার্য ঐতিহাসিক ঘটনা।' [ঐ, পৃ. ২]

কবি রবীন্দ্রনাথকে দয়ার প্রতিমূর্তি বলে আমরা অনেকে মেনে নিলেও জমিদার রবীন্দ্রনাথ কিন্তু তার বিপরীতই ছিলেন :

"রবীন্দ্রনাথ ঠাকুর সামন্তবাদী প্রজাপীড়ক জমিদার ছিলেন। তাঁর দফায় দফায় খাজনা বৃদ্ধি এবং জোর-জবরদস্তি করে তা আদায়ের বিরুদ্ধে ইসমাইল মোল্লার নেতৃত্বে

শিলাইদহে প্রজাবিদ্রোহ হয়েছিল।” [অধ্যাপক অমিতাভ চৌধুরী : জমিদার রবীন্দ্রনাথ, দেশ ১৪৮২ শারদীয় সংখ্যা দ্রষ্টব্য]

চারিদিকে নিষ্ঠুরতার এবং দুর্নামের প্রতিকূল বাতাসকে অনুকূল করতে “রবীন্দ্রনাথ ঠাকুরের প্রাইভেট সেক্রেটারি অমিয় চক্রবর্তী একবার বিশাল জমিদারির একটি ক্ষুদ্র অংশ দরিদ্র প্রজাসাধারণের জন্য দান করার প্রস্তাব করেছিলেন। ঠাকুরমশাই ইজিচেয়ারে আধশোয়া অবস্থা থেকে সোজা হয়ে বসে বলেছিলেন— ‘বল কি হে অমিয়! আমার রথীন (কবির একমাত্র পুত্রের নাম) তাহলে খাবে কী?’” [দ্রষ্টব্য অন্নদাশঙ্কর রায়ের রচনা থেকে উদ্ধৃত পুস্তক— রবীন্দ্রনাথের রাজনৈতিক চিন্তাধারা : আবু জাফর]

অধ্যাপক অরবিন্দ পোদ্দার লিখেছেন, “জমিদার জমিদারই। রাজস্ব আদায় ও বৃদ্ধি, প্রজ্ঞা নির্বাচন ও যথেষ্ট আচরণের যেসব অস্ত্র চিরস্থায়ী বন্দোবস্ত বাংলার জমিদার শ্রেণীর হাতে তুলে দিয়েছিল, ঠাকুর পরিবার তা সদ্যবহারে কোন দ্বিধা করে নি। এমন কি জাতীয়তাবাদী হৃদয়াবেগে ঔপনিষদিক ঋষি মন্ত্রের পুনরাবৃত্তি এবং হিন্দু মেলায় উদাত্ত আহুত ও জমিদার রবীন্দ্রনাথকে তাঁর শ্রেণীস্বার্থ থেকে বিচ্যুত করতে পারে নি।” [দ্রষ্টব্য অরবিন্দ পোদ্দার : রবীন্দ্রনাথ ও রাজনৈতিক গ্রন্থ]

সাহিত্যিক অন্নদাশঙ্কর রায়ও বলেছেন, শান্তিনিকেতনে একটি চাকরি পেয়ে তাঁর সরকারি চাকরি ছেড়ে দেওয়ার ইচ্ছা ছিল কিন্তু রবীন্দ্রনাথ হলেন জমিদার মর্জির, ঠিক নেই, কখনো আবার চাকরি নষ্ট করে দিলে তাঁর খাবার অভাব হবে। রবীন্দ্রনাথ ইন্টারনেট (অসহিষ্ণু) ছিলেন। যে মাস্তার রবীন্দ্রনাথের কথার প্রতিবাদ করতেন তাঁর চাকরি থাকতো না।

অন্নদাশঙ্কর রায় আরও বলেন, “জমিদার হিসেবে ঠাকুর পরিবার ছিল অত্যাচারী। গ্রাম জ্বালিয়ে দিয়েছিল। বুট পরে প্রাজাকে লাথি মেরেছেন, পায়ে দলেছেন দেবেন ঠাকুর। এটাই রেকর্ড করেছিল হরিনাথ মজুমদার। যিনি মহর্ষি বলে পরিচিত, তিনি এরকম ভাবে মানুষকে পদাঘাতে দলিত করেন! গ্রাম জ্বালাবার কথাও আছে। আবুল আহসান চৌধুরীর কাছে এর সমস্ত ডকুমেন্ট আছে। সমগ্র ঠাকুর পরিবার কখনো প্রজার কোনও উপকার করে নাই। স্কুল করা দীর্ঘি কটানো এসব কখনো করে নাই। মুসলমান প্রজাদের টিটু করার জন্য নমঃশূদ্র প্রজা এনে বসতি স্থাপনের সাম্প্রদায়িক বুদ্ধি রবীন্দ্রনাথের মাথা থেকেই বের হয়েছিল। কাঙাল হরিনাথ মজুমদার তাঁর ‘গ্রাম্যবর্তা প্রকাশিকা’ পত্রিকায় ঠাকুর পরিবারের প্রজাপীড়নের কথা লিখে ঠাকুর পরিবারের বিরাগভাজন হয়েছিলেন।” [দ্রষ্টব্য দৈনিক বাংলা বাজার, ১৪.৪.১৯৯৭ এবং ১.৫.১৯৯৭ সংখ্যা]

স্বামী বিবেকানন্দের কনিষ্ঠ ভ্রাতা ভূপেন্দ্রনাথ দত্ত তাঁর জন্য লিখেছেন, “রবীন্দ্রনাথ অত্যন্ত সামন্ততান্ত্রিক।” [দীপন চট্টোপাধ্যায়ের ঐ বই, পৃ. ৪]

শ্রীকুমার বন্দ্যোপাধ্যায়, কবি জ্যোতিষ্মনাথ সেনগুপ্ত, শিবনারায়ণ রায় প্রমুখও লিখেছিলেন রবীন্দ্রনাথের বিরুদ্ধে। বিরোধীদের মধ্যে নিতাপ্রিয় ঘোষও একজন অন্যতম সমালোচক। প্রথম চৌধুরী ও অজিত কুমার চক্রবর্তী বিরোধীদের মধ্যেই গণ্য। সরলাবালা দাসী ছিলেন বিরোধী লেখিকা। তিনি কবিকে চিঠি লিখেছিলেন, “যদিও উপন্যাস হিসাবে লেখকের যথেষ্ট লিখিবার ক্ষমতা ও অধিকার আছে, কিন্তু এমন রচনায় অধিকার আছে কি, যা সমস্ত দেশকে মিথ্যা অসম্মানের অভিযোগে অভিযুক্ত করতে পারে?” ইত্যাদি। [ঐ, পৃ. ১০-১১]

বিদ্যাবিশারদ কালীপ্রসন্ন রবীন্দ্রনাথের বিরুদ্ধে লিখেছেন, “তিনি হচ্ছেন কলা কেবল্যাবাদের কবি।”

অমিতাভ চৌধুরী যা লিখেছেন তা রবীন্দ্রনাথের বিরুদ্ধেই যায়— “গীতাঞ্জলি নামটাই ধার করা! রবীন্দ্রনাথ দীর্ঘদিন কাটিয়েছিলেন শিলাইদহ কুমারখালি অঞ্চলে। কুমারখালির বিশিষ্ট তান্ত্রিকের সঙ্গে তিনি পরিচিত হন। বাংলা ১২৯৫ অর্থাৎ ১৮৮৮ খৃষ্টাব্দে বিদ্যার্ব মশাই একটি বই লেখেন। বইটির নাম ‘গীতাঞ্জলি’। কুমারখালির মথুরানাথ যন্ত্রে মহেশচন্দ্র দাস মুদ্রিত করেন।”

কবির শান্তিনিকেতনের শিক্ষক কর্মী সহযোগী ও বান্ধবের দল যাঁরা ছিলেন তাঁরা অনেকে নানা ভাষার যোগ্য অনুবাদকও ছিলেন। কবির প্রতিভা-বিকাশের পূর্বে এতদিন পর্যন্ত যাঁরা সূর্যের মত উজ্জ্বল হয়ে ছিলেন তাঁরা বেশিরভাগই মুসলমান। যেমন মাওলানা জালালুদ্দিন রুমী, শেখ সাদী, হাফিজ, ওমর খৈয়াম, হালি, মির্জা গালিব, ফিরদৌস প্রমুখ ভারতীয় ও বহির্ভারতীয় কবি ও সাহিত্যিক। তাঁদের বিশ্ববিখ্যাত সাহিত্য রচনার সঙ্গে রবীন্দ্রনাথের লেখার বহু ক্ষেত্রে মিল দেখে কবি তাঁদের ভাব চুরি করেছেন না লিখে কথাটা উল্টোভাবে লেখা হোল ‘সমাজ দর্পণে’ : “কবির জন্মের পূর্বেই মধ্যযুগের সাধকেরা বিনা স্বীকৃতিতেই চুরি করে নিয়েছেন। অদৃশ্য সিঁধ কাটবার কোথাও কোন একটি সহজ পথ নিঃসন্দেহে আছে।”

রবীন্দ্রগবেষকদের বক্তব্য যে, রবীন্দ্রনাথের ‘ভারততীর্থ’ কবিতাটি মধ্যযুগের পারস্যের কবি মাওলানা জালালুদ্দিন রুমীর কবিতার নকল। যেটি পরে প্রমাণিত হয়েছে।

“বায়ু আঁ, বায়ু আঁ

হর আঁচে হাঙ্গী বায়ু আঁ।

গর কার্ফির গর গবরওয়া

বোত পরন্তি বায়ু আঁ।

ই দরগাহে মা দরগাহে

না-উন্মিদ নীন্ত।

শতবার গর তওবাহ শিকস্তী বায়ু আঁ।”

এই কবিতাটি সামনে করে রবীন্দ্রনাথ লিখেছেন :

“এসো হে আর্ষ, এসো অনাৰ্ঘ

হিন্দু মুসলমান,

এসো এসো আজ তুমি ইংরাজ

এসো এসো খ্রীষ্টান।

মা'র অভিষেক এসো এসো ত্বরা

মঙ্গলঘট হয়নি যে ভরা

সবার পরশে পবিত্র করা তীর্থ নীরে

এই ভারতের মহামানবের সাগরতীরে।”

রবি ঠাকুরের রচিত ‘চিত্রা’ কাব্যের ‘এবার ফিরাও মোরে’ এবং ‘মানসী’ কাব্যের ‘বধু’ কবিতা দুটির ভাব ও কাঠামো ইংরেজ কবি মিঃ শেলী ও মিঃ ওয়ার্ডসওয়ার্থের কবিতার অনুরূপ বলে অনেক গবেষকের মত।

“নারায়ণ বিশ্বাস প্রথম ধরে দেন ‘গোরা’ এবং ‘ঘরে বাইরে’ নকল। একথা অবশ্য আগে বলবার চেষ্টা করেছিলেন প্রিয়রঞ্জন সেন। তারপর পাটনা বিশ্ববিদ্যালয়ে গবেষণারত একটি মেয়েও ‘গোরা’ এবং ‘ঘরেবাইরে’র সাথে দুটি ইংরেজি উপন্যাসের সাদৃশ্যের কথা বলেছিলেন। এর বেশি বলতে সাহস পাননি। কালীমোহন ধরে দিয়েছিলেন রবীন্দ্র কবিতার নকল। ... ‘জনগণমন’ তিনি লিখেছেন আশুতোষ চৌধুরীর পরামর্শে ভারত সম্রাট পঞ্চম জর্জের অভিষেক উপলক্ষে। আশুতোষ চৌধুরী ছিলেন তাঁর ভাইব্বি জামাই, প্রমথ চৌধুরীর বড় ভাই। এই রবীন্দ্রনাথই ডঃ ডেভিডের মধ্যস্থতায় আশুরসনের কাছ থেকে টাকা নিয়ে ‘চার অধ্যায়’ লেখেন। এটা এখন প্রমাণ হয়ে গেছে। শুধু তাই নয়, ‘ঘরে বাইরে’ও তাঁকে টাকা দিয়ে লেখানো হয়। অনেক অন্ধ রবীন্দ্রভক্ত বলেছেন যে, পঞ্চম জর্জকে বন্দনা করে নয়, ‘জনগণমন’ আসলে ঈশ্বরকে বন্দনা করে লেখা। ঈশ্বর তো বিশ্বব্যাপী। রবীন্দ্রনাথের ঈশ্বর কেন শুধু বৃটিশ ভারতের উপনিবেশের ভৌগোলিক সীমায় আবদ্ধ রইলেন? এ প্রশ্নের কী জবাব দেবেন তাঁরা?” [দ্রষ্টব্য : ডেইলি পত্রিকা ‘দৈনিক বাংলা বাজার’, তারিখ ১.৫.১৯৯৭]

‘চার অধ্যায়ে’র কথা বলতে গেলে এ কথাটুকু লুকিয়ে রাখা যাবে না যে, ওটাতে আছে ইংরেজের মহিমা প্রচার। কারণ ইংরেজ সরকারের পক্ষ থেকে বইটির হাজার হাজার কপি বিভিন্ন কারাগারে আটক রাজবন্দীদের কাছে বিনামূল্যে বিতরণ করা হয়েছিল

এবং গুরুত্বপূর্ণ গ্রামেগঞ্জে যাত্রা ও নাটকে অভিনয় করে দেখানো হয়েছিল। [দ্রষ্টব্য ইতিহাসের নিরিখে রবীন্দ্র-নজরুল চরিত : সরকার শাহাবুদ্দিন আহমেদ, পৃ. ৪০৪]

মুসলিম বিদ্রোহী বঙ্কিমচন্দ্রকে অত্যন্ত সমীহ করতেন রবীন্দ্রনাথ। কারণ তাঁর জানা ছিল যে, বঙ্কিম বৃটিশের এক নম্বরের বাছাই করা ব্যক্তি। শত্রু মিত্র সকলকে এ কথা স্বীকার করতেই হবে যে, বঙ্কিমচন্দ্র ছিলেন একজন প্রখ্যাত সাহিত্যিক এবং সৃজনশীল লেখক।

একবার রবীন্দ্রনাথের সাধ হয়েছিল বঙ্কিমচন্দ্রের সঙ্গে একতাল লড়াই করার। কিন্তু সাহস করে সামনে থেকে ঠেলা না দিয়ে পিছন থেকেই মেরেছিলেন ধাক্কা। বঙ্কিম বুঝতে পেরেছিলেন এ ওস্তাদি ধাক্কা রবীন্দ্রনাথ ছাড়া অন্য কারও নয়। ব্যাপারটি এইরকম : “কিছুদিন আগে জোড়াসাঁকো ঠাকুরবাড়ির এক কর্মচারী ও ব্রাহ্ম সমাজের সহ সম্পাদক কৈলাশচন্দ্র সিংহ বঙ্কিমচন্দ্রের একটি ঐতিহাসিক প্রবন্ধের বিরুদ্ধে বিদ্রোহমূলক পান্টা প্রবন্ধ লেখেন। একটুখানি উদ্ধৃতি দিই— ‘হে বঙ্গীয় লেখক! যদি ইতিহাস লিখিতে চাও তবে রাশি রাশি গ্রন্থ অধ্যয়ন কর। কাহারও অনুবাদের প্রতি অন্ধভাবে নির্ভর করিও না। উইলসন, ম্যাক্সমুলার প্রভৃতির পদলেহন করিলে কিছুই হইবে না। স্বাধীনভাবে গবেষণা কর। না পার গুরুগরি করিও না’ ইত্যাদি।”

বঙ্কিমচন্দ্র অত্যন্ত উত্তোক্ত হয়েছিলেন। বুঝতে পেরেছিলেন যে এ ধাক্কা রবীন্দ্রনাথের। জবাব লিখতে গিয়ে তাঁর মনের ক্ষোভ প্রকাশ হয়ে পড়ে। রবীন্দ্রনাথের ভাষা স্মরণে তিনি বললেন, ‘গালিগালাজের বড় ছড়াছড়ি, বড় বাড়াবাড়ি আছে। আমরা প্রায়ই দেখিয়াছি গালিগালাজে প্রভু অপেক্ষা ভৃত্য মজবুত। এখানে বলিতে হইবে প্রভুই (রবীন্দ্রনাথ) মজবুত। তবে প্রভু, ভৃত্যের (কৈলাশচন্দ্র সিংহ) মেছোহাটা হইতে গালি আমদানি করেন নাই, প্রার্থনা মন্দির হইতে আনিয়াছেন। উদাহরণ অসাধারণ প্রতিভা ইচ্ছা করিলে স্বদেশের উন্নতির মূল শিথিল করিতে পারেন। কিন্তু সত্যের মূল শিথিল করিতে পারেন না। মেছোহাটার ভাষা এতদূর যায় না।’ [দ্রষ্টব্য : ‘জ্যোতির্ময় রবি ও কালো মেঘের দল : সুজিতকুমার সেনগুপ্ত, পৃ. ৯৮-৯৯]

রবীন্দ্রনাথ বুঝতে পারলেন, তিনি ধরা পড়ে গেছেন বঙ্কিমের অনুমানের কপ্তিপাথরে। তিনি জানতেন যে, বৃটিশ পাওয়ার হাউসের সঙ্গে বঙ্কিমের যোগ ছিল প্রত্যক্ষ। তাই তিনি পরাজয় বরণ করে ‘ভারতী’ পত্রিকায় লিখলেন, “বঙ্কিমবাবু বলিয়াছিলেন, ‘ভারতী’তে প্রকাশিত আমার প্রবন্ধে ‘গালিগালাজের বড় ছড়াছড়ি আছে’। শুনিয়া আমি নিতান্ত বিস্মিত হইলাম। বঙ্কিমবাবুর লেখা প্রসঙ্গে আমার যাহা বলিবার বলিয়াছি। কিন্তু কোথাও গালি দেই নাই। তাঁহাকে গালি দেওয়ার কথা আমার মনেও আসিতে

পারে না। তিনি আমার গুরুজনতুল্য। তিনি আমার চেয়ে কিসে না বড়? আমি তাঁহাকে ভক্তি করি। আর কেই বা না করে?”— পরিশেষে তরুণ রবীন্দ্রনাথ খোলাখুলিভাবে বললেন, “ভুল বোঝাবুঝির জন্য বঙ্কিমচন্দ্র যেন তাঁকে মার্জনা করেন ও আগের মতোই যেন তিনি তাঁকে স্নেহের দৃষ্টিতে দেখেন।” [ঐ, পৃ. ৯৮-৯৯ দ্রষ্টব্য]

একমাত্র কালীপ্রসন্ন কাব্যবিশারদ তাঁর ‘মিঠেকড়া’তে পরিষ্কার বলেই দিয়েছিলেন যে, “রবীন্দ্রনাথ মোটেই লিখতে জানতেন না, স্বেচ্ছা টাকার জোরে গুঁর লেখার আদর হয়। কিন্তু বরাবর এতো নির্বোধের মতো লিখলে চলে কখনো? ... ‘গীতাঞ্জলি’ নোবেল প্রাইজ পাওয়ার পর জনরবের কি ধূম— রবীন্দ্রনাথ কোন বাউলের খাতা চুরি করে ছেপে দিয়েছেন। ... শেষে অবশ্য নামও জানা গেল— স্বয়ং লালন ফকির মহাশয়ের বাউল গানের খাতা চুরি করেই রবীন্দ্রনাথ নোবেল প্রাইজ পেয়েছেন। আজ অবিশ্বাস্য শোনাতেও একথা কিন্তু সত্যি, সেদিন বহু ব্যক্তি শান্তিনিকেতনের বিভিন্ন কর্তাকে বলেছেন এবং লিখেছেন— রবিবাবু বড় কবি স্বীকার করি। ... যাকগে, তা গীতাঞ্জলির খাতাটা এবার উনি ফিরিয়ে দিন। প্রাইজ তো পেয়েই গেছেন, অনেক টাকাও হাতে এসে গেছে, ওতো আর কেউ নিতে যাচ্ছে না, তা গান লেখা খাতাটা উনি দিয়ে দিন।”

“পাঁচকড়িবাবু সত্যিই বিশ্বাস করতেন যে, রবীন্দ্রনাথের ক্রমবর্ধমান জনপ্রিয়তা একটা হুজুগ মাত্র। ... কারণ রবীন্দ্র সাহিত্য অনুরাগ বিশুদ্ধ ন্যাকামি ছাড়া আর কিছুই নয়। পাঁচকড়িবাবু একথাও বহুবার স্পষ্টভাবে বলে দিয়েছেন— রবীন্দ্রনাথের প্রায় যাবতীয় সৃষ্টিই নকল। বিদেশ থেকে ঋণ স্বীকার না করে অপহরণ।” [দ্রষ্টব্য জ্যোতির্ময় রবি ও কালো মেঘের দল : সুজিতকুমার সেনগুপ্ত, পৃ. ১১১ এবং ১৬১]

বিরুদ্ধ-লেখাতে কবি কিন্তু দুঃখ পেতেন খুব। দ্বিজেন্দ্রলালের লেখায় বেদনা পেয়ে তাঁর পুত্র দিলীপ কুমারকে কবি লিখেছিলেন, “কোনদিনই তোমার পিতার বিরুদ্ধে কারোর সঙ্গে আলোচনা করিনি। ... তোমার পিতাকে আমি শেষ পর্যন্ত শ্রদ্ধাই করেছি।” [অধ্যাপক দীপন চট্টোপাধ্যায়, পূর্বোক্ত, পৃ. ১৫]

১৯৩৯-এ কবি সৃষ্টিন্দ্রনাথ দত্তকে একটি চিঠিতে রবীন্দ্রনাথ দুঃখের সঙ্গে লিখেছিলেন, “কাব্য বিশারদ সুরেশ সমাজপতি, দ্বিজু রায়, বিজয় মজুমদার, চিত্তরঞ্জন দাস প্রভৃতি অনেক প্রধান ব্যক্তি কুশী ভাষায় অক্লান্তভাবে আমার প্রতি শরবর্ষণ করেছেন। [পৃ. ১৭]

কবির সঙ্গে কাদম্বরীর অবৈধ প্রেমকে কেন্দ্র করে নাকি জ্যোতিরিন্দ্রনাথের সংঘর্ষ হয়েছিল। সেটাকে কেন্দ্র করে ডঃ নরেশচন্দ্র সেনগুপ্ত ‘পাপের ছাপে’ লেখায় কবিবিরুদ্ধ মতামত ব্যক্ত করেছেন।

ঠাকুরবাড়ির সুভোঠাকুর সম্পাদিত ‘ভবিষ্যত’ পত্রিকায় কবির বিরুদ্ধে লেখা বের হয়। সুভোঠাকুর কবির জন্য লিখেছিলেন, “পয়েট টেগোর কে হন তোমার জোড়াসাঁকোতেই থাকো / বাবার খুড়ো যে হন শুনিয়াছি, মোর কেহ হয় নাকো।” [পৃ. ২৩]

মণিলাল গঙ্গোপাধ্যায় ও প্রমথ চৌধুরী রবীন্দ্র বিরোধী লেখা লিখেছেন। অধ্যাপক দীপন চট্টোপাধ্যায় লিখেছেন, “এই কাদম্বরী ও রবীন্দ্রনাথের সম্পর্ক নিয়ে আর এই এক পারিবারিক কলঙ্ক এবং নানা সমালোচনা শুরু হয়ে যায়।” [পৃ. ২৪]

রবীন্দ্র বিরোধী নবীন কালী পাহাড়ের লালন করেছিল ‘অগ্রগতি’। ‘অগ্রগতি’ পত্রিকাটি সেই সময়কার বিখ্যাত পত্রিকা বলা যায়। তাতে নামজাদা যেসব লেখকেরা লিখতেন তাঁরা হচ্ছেন সুভো ঠাকুর, আশু চট্টোপাধ্যায়, বিরাম মুখোপাধ্যায়, মণি বাগচি, হীরালাল দাশগুপ্ত, দীনেশ দাশ, বিমল মিত্র, জীবনানন্দ দাশ, জগদীশ গুপ্ত, প্রেমেন্দ্র মিত্র, বুদ্ধদেব বসু, অচিন্ত্য কুমার, সাগরময় ঘোষ প্রমুখ। বস্তুত ‘কল্লোল’ এবং ‘অগ্রগতি’ প্রধানত ছিল রবীন্দ্র সমালোচক।

রবীন্দ্রনাথকে অশ্লীল লেখার অভিযোগে অনেকেই অভিযুক্ত করেছেন। কবি বিরক্ত হয়েছেন তাতে, দুঃখও পেয়েছেন অনেক। কবি লিখেছিলেন, “এ রকম তর্ক উঠলে আমি কুণ্ঠিত হই। বর্তমান কালে আমার লেখা মুখরোচক হোক না হোক, আমি কিছুমাত্র অপেক্ষা করিনে। ... আমাকে কেউ পছন্দ করুন বা না করুন, এখন আমার চেয়ে ভাল লিখতে পারুন বা না পারুন, সে আলোচনা অত্যন্ত অপ্রাসঙ্গিক বলে মনে করি।” [পৃ. ৬০]

কিছু গবেষকের ধারণা, রবীন্দ্রনাথকে তৈরি করে নিয়েছে বৃটিশ। আর নোবেল প্রাইজও পাইয়ে দেওয়া হয়েছে তাঁকে। আমরা সকলে তাতে একমত হই আর না হই, কবির প্রখর প্রতিভা অনস্বীকার্য জেনেও তাঁর পারিবারিক প্রারম্ভিক আলোচনা করলে দেখা যাচ্ছে, যদিও তিনি কবিতা লিখতে পারতেন হঠাৎ একদিন তাঁর ভাগ্না জ্যোতিপ্রকাশ মামাকে ডেকে বললেন, “তোমাকে কবিতা লিখিতে হইবে। ইহার পর চৌদ্দ অক্ষরে পয়ার কি করিয়া লিখিতে হয় তাহাও শিখাইয়া দিলেন। তখন তাঁহাকে আর কে ঠেকাইয়া রাখে?”

“উহা দেখিয়া তাঁহার এক দাদা হেমেন্দ্রনাথ কিংবা জ্যোতিরিন্দ্রনাথ শ্রোতা সংগ্রহের উৎসাহে সকলকে অতিষ্ঠ করিয়া তুলিলেন” [দ্রঃ আত্মজাতী রবীন্দ্রনাথ, দ্বিতীয়, ১৯৯৩, নীরদ সি. চৌধুরী, পৃ. ৯৩]

পত্রিকাওয়ালাদের উপরে ঠাকুরবাড়ির প্রভাবের কথা আগেই বলা হয়েছে। তখনকার 'ন্যাশনাল' পত্রিকার সম্পাদক নবগোপাল মিত্রকে ঠাকুরবাড়িতে আনানো হোল। কবির কবিতা দেখানো হোল তাঁকে। তিনি সংশোধন করে দিলেন কিছু কাটাকাটি করে।

নর্মাল স্কুলের সুপারিনটেনডেন্ট গোবিন্দবাবুও ছিলেন এক বিশেষ ব্যক্তি। তিনি স্কুলে রবিকে ডেকে বললেন, সুনীতি সম্বন্ধে একটি কবিতা লিখে আমাকে পড়ে শোনাও। কবি লিখে আনলেন এবং উচ্চ স্বরে তা আবৃত্তি করলেন। কবিকে যে কবিতা লিখতেই হবে, তাঁকে যে প্রতিষ্ঠিত হতেই হবে, একটা হৈ চৈ যে করতেই হবে এটা প্রমাণিত হতে পারে ঐ অল্প দৃষ্টান্ত থেকেই। এগুলো কাকতালীয় নয়, এ এক বিশেষ ইঙ্গিত। তাহলে কি সিদ্ধান্তই নেওয়া হয়েছিল যে, ঠাকুরবাড়িতে এমন একজনকে তৈরি হতে হবে যাঁকে নোবেল প্রাইজ দিতে কোন বাধা থাকবে না সাহেবদের?

নোবেল প্রাইজের কথা বলতে গিয়ে 'গীতাঞ্জলি' নামটি কোথা থেকে নেওয়া হয়েছে তা বলা হয়েছে। প্রচার করা হয়েছে যে, গীতাঞ্জলির অনুবাদ নিজেই করেছিলেন কবি। কিন্তু একদল বুদ্ধিজীবী সন্দেহ পোষণ করে আসছেন তাতে। কারণ বাংলা কবিতার ইংরেজি অনুবাদ করা একটা কথা। আর বাংলা কবিতার ইংরেজিতে কাব্য ও কবিতা করে অনুবাদ করা অন্য কথা। অবশ্যই তিনি বাংলা ভাষার কবি ছিলেন। ইংরেজি ভাষার কবি তিনি আদৌ ছিলেন না।

যাঁকে দীনবন্ধু এন্ড্রুজ বলা হয়, ঐ মিঃ এন্ড্রুজ ছিলেন একজন বিলেতি সাহেব পণ্ডিত এবং ধর্মতত্ত্বে বিজ্ঞ। ১৮৭১-তে জন্ম এবং ১৯৪০-এ মৃত্যু। "১৮৯৩ সনে ক্লাসিকাল ট্রাইপস (অনার্স)-এ প্রথম শ্রেণীতে উল্লীর্ণ হন। আর ১৮৯৫ সনে থিওলজি ট্রাইপসেও প্রথম শ্রেণীতেই পাস করেন। উহা ডবল ফার্স্ট হওয়া, শিক্ষায় বিশেষ কৃতিত্বের পরিচায়ক।" ১৯০৬ থেকে ১৯১৩ পর্যন্ত তিনি স্টিফেন কলেজের প্রফেসর ছিলেন। পরে সিমলার সানাওয়ার-এ লরেন্স মিলিটারি এসাইলামের প্রিন্সিপাল হন। ভারতবর্ষে আসেন ১৯০৪-এর মার্চ মাসে, ৩৩ বছর বয়সে। দিল্লিতে কেমব্রিজ ব্রাদারহুডে যোগ দেন। ১৯১২-তে রবীন্দ্রনাথ যখন বিলাতে, তখন তিনিও ভারত থেকে সেখানে পৌঁছলেন। পূর্বেই যে রবীন্দ্রনাথের সঙ্গে তাঁর নিবিড় যোগাযোগ ছিল না তা বলা যায় না। সেই বিখ্যাত বুদ্ধিজীবী-সভায় যেখানে উইলিয়াম রোটেনস্টাইনের বাড়িতে কবি স্বয়ং, সঙ্গে আছেন বিখ্যাত কবি ইয়েটস্, সেখানে মিঃ নেভিনসন এনড্রুজকে নিয়ে গেলেন কেন? সেই গুরুত্বপূর্ণ সভাতে মিঃ এজরাপাউও পর্যন্ত ছিলেন। মিঃ এনড্রুজের লেখা থেকেই প্রমাণ হচ্ছে যে, কবির সঙ্গে তাঁর নিবিড় যোগাযোগ হয়ে গেছে পূর্বেই। তাঁকে দেখেই কবি বলেছিলেন— "But in a moment he had clasped my hand

and said to me : 'Oh Mr. Andrews, I have so longed to see you. I cannot tell you how much I have longed to see you.'" যার বাংলা দাঁড়ায় : একটি মুহূর্তে তিনি আমার হাত চেপে ধরলেন এবং বললেন, ও এন্ড্রুজ মশাই, আপনাকে অনেকদিন থেকে দেখতে চাইছিলাম। আমি ভাষায় প্রকাশ করতে পারছি না যে আপনার জন্য কতটা অধীর ছিলাম আমি।

স্বামী বিবেকানন্দের শিষ্য হয়ে যেমন মিস মার্গারেট নোবল অবিবাহিতা হয়েই জীবন কাটিয়েছেন, এন্ড্রুজও তেমন অবিবাহিত হয়ে বাংলাদেশেই কাটিয়েছিলেন তাঁর জীবন। তিনি নাম পেয়েছিলেন 'নিবেদিতা' আর ইনি নাম পেয়েছিলেন 'দীনবন্ধু'।

• রবীন্দ্রনাথের ইংরেজী তিনি ইচ্ছামত লিখে দিতেন বা সংশোধন করতেন একথা নীরদ সি. চৌধুরী লিখেছেন— "তিনি রবীন্দ্রনাথের ইংরেজি যেখানে উচ্চাঙ্গের বলিয়া মনে করিতেন না, উহাকে সাহিত্যিক করিয়া দিতেন।... রবীন্দ্রনাথের যে সব মত তাঁহার ভাল লাগিত না তাহা বদলাইয়া নিজের বিচার অনুযায়ী পরিবর্তন করিয়া দিতেন। অর্থাৎ তিনি রবীন্দ্রনাথকে যতটুকু সম্ভব শ্রেষ্ঠ অ্যানড্রুজ বলিয়া দেখাইতেই চাইতেন।... ইয়েটস্ সম্পাদনার কার্যে রবীন্দ্রনাথের ইংরেজি কিছু সংশোধন করিতেছেন, এইরূপ কোন ইঙ্গিত করিয়া থাকিবেন। অ্যানড্রুজ উহাতে ক্ষিপ্ত হইয়া রোটেনস্টাইনকে বলিয়া উহা বর্জন করাইলেন।... নিজের ইংরেজি সম্বন্ধে রবীন্দ্রনাথের মোহ দেখিয়া ইয়েটস্ একটু বিরক্তির বশেই রোটেনস্টাইনকে ১৯৩৫ সনে লিখিয়াছিলেন, '... Tagore does not know English. No Indian knows English. Nobody can write with music and style in a language not learned in childhood and ever since the language of his thoughts.' [দ্রঃ ঐ, পৃ. ১০৯]

এখানে বোঝা গেল যে, প্রখ্যাত কবি ইয়েটস্ রোটেনস্টাইনকে লিখেছেন এই বিশ্বাসেই যে, রবীন্দ্রনাথ ইংরেজি জানেন না, কোন ভারতীয়ই ভাল ইংরেজি জানে না। আর যে ভাষা কেউ শৈশবে শেখেনি বা যে ভাষা কারোর চিন্তাভাবনার ভাষা নয় তার পক্ষে সে ভাষা সুন্দর করে লেখা সম্ভব নয়। কিন্তু মিঃ ইয়েটস্ বোচারা ভুলই করেছিলেন। তিনি তখন জানতেই পারেন নি যে ঐ লেখাগুলো তাঁদের ইংলণ্ডেরই এক মহারথীর শিল্প নিপুণতা।

নীরদবাবু লিখেছেন, "এ প্রসঙ্গে আর একটা কথা বলা প্রয়োজন। রবীন্দ্রনাথ কবিতাটি যথাযথ ইংরেজি অনুবাদ করেন নাই, যে কোন কারণেই হোক উহা অশুদ্ধ অনুবাদ হইয়াছিল।" তিনি আরো দেখিয়েছেন, রবীন্দ্রনাথের গীতাঞ্জলির যে কবিতাগুলো অনুবাদ করে বা করিয়ে তিনি পেয়েছিলেন নোবেল প্রাইজ, সেগুলো ইংরেজ কবিদের নকল

মাত্র। এটা তাঁর ভিত্তিহীন দাবী নয়। কবির ইংরাজি করা গীতাঞ্জলির ৬১, ২৬ ও ৮৬ নং কবিতাগুলোর পাশাপাশি ইংরেজ কবি Solomon এবং St. Francis-এর ইংরেজি কবিতা বা গান পরস্পর সাজিয়ে দিয়ে প্রমাণ করে দিয়েছেন যে, রবীন্দ্রনাথের তৈরি করা কবিতার সঙ্গে ইংরেজ কবিদের বহুলাংশেই মিল রয়েছে। অনেকের ধারণা ভাব ও ভাষায় মিল রয়েছে প্রায় ৯০ শতাংশ। তাহলে কি তাঁদেরই ইঙ্গিতে বিলেতের কবিদের 'থিম' তাঁকে পূর্বেই গোপনে পরিবেশন করা হয়েছিল?

একাধিকবার উল্লেখ করা হয়েছে, ভারতকে ইংরেজদের হাতে তুলে দেওয়ার পিছনে ঝাঁদের ভূমিকা ছিল তাঁদের মধ্যে অবিভক্ত বঙ্গ সৃষ্টি করা বাঙালী বুদ্ধিজীবীবৃন্দ প্রথমেই উল্লেখযোগ্য। তাছাড়া ভারতের অন্যান্য প্রদেশে রাজা মহারাজা প্রভৃতি উপাধিধারী বৃটিশের সহযোগীদের নামও হিসেবের বাইরে নয়। আমরা অধিকাংশ মানুষ এইটুকুই জানি, শান্তিনিকেতনে প্রতিষ্ঠিত বহু বিভাগ সুশোভিত বিশ্ববিদ্যালয় শুধু ঠাকুরবাড়ির অর্থেই হয়েছে। অর্থ দিয়েছেন দেবেন্দ্রনাথ, রবীন্দ্রনাথ দিয়েছেন নোবেল প্রাইজের টাকা, তাঁর স্ত্রী মৃগাচিনি দিয়েছেন তাঁর সম্পূর্ণ গহনা ইত্যাদি। কিন্তু এ তথ্য সম্পূর্ণ নয়। আসল কথা হচ্ছে, বৃটিশের প্রত্যক্ষ ও পরোক্ষ ইঙ্গিতে ভারতের রাজা মহারাজা রায়বাহাদুর প্রভৃতি বৃটিশ সহযোগীদের বহু অর্থ যোগ হয়েছে এখানে। সেইসঙ্গে বহির্ভারতের সাহেব-মে-দেরও বিপুল অর্থ পৌঁছেছে এখানে— “দেশ বিদেশের বহু বিশিষ্ট ব্যক্তি এবং অনেকে প্রতিষ্ঠান ও শান্তিনিকেতনে অর্থ সাহায্য করেন। যেমন ত্রিপুরারাজ প্রথম থেকেই আর্থানুকূল্য করেন। বরোদা, জয়পুর, পিঠাপুরম, কাঠিয়াওয়ার, পোরবন্দর, লিমডি, আওয়াগড়ের রাজন্যবৃন্দ, হায়দারাবাদের নিজাম, হালোয়াসিয়া ট্রাস্ট ইত্যাদি।” [দ্র. বিশ্বভারতীর অনুমোদিত ‘শান্তিনিকেতন নির্দেশিকা’, ১৯৯০, পৃ. ১৫]

মিঃ উইলিয়াম পিয়ারসন মৃত্যুর পূর্বে দান করে গেছেন তাঁর জীবনের সঞ্চিত সমস্ত অর্থ। ‘দীনবন্ধু’ উপাধিপ্রাপ্ত সাহেব মিঃ এড্‌জ তাঁর জীবনের সমস্ত অর্থ দেওয়া ছাড়াও ভারত ও ভারতের বাইরে থেকে ‘বহু অর্থ কবিকে সংগ্রহ করে দেন’। মিঃ লেনার্ড এলমহাস্ট-এর স্ত্রী মিসেস ডরোথি দীর্ঘকাল ধরে দান করে গেছেন বিপুল অর্থ। ফ্রান্সের ম্যাডাম ডীন ‘বিশ্বভারতীতে বিদ্যুৎ সরবরাহের জন্য অর্থ দান করেন’।

ছাপাখানার মেশিন যন্ত্রপাতি কেনার জন্য মোটা অঙ্কের টাকা এসেছিল আমেরিকা থেকে ১৯১৭ খৃষ্টাব্দে। তাছাড়া ‘গান্ধীজী নিজে বিশ্বভারতীর জন্য প্রচুর অর্থ সংগ্রহ করে দিয়েছিলেন’। [তথ্য ঐ, পৃ. ১৫]

এই প্রতিষ্ঠানটি হিন্দু ধর্ম বহির্ভূত ব্রাহ্ম ধর্ম প্রচার ও প্রসারের প্রেক্ষিতে সৃষ্টি হয়েছিল বলেই প্রচারিত। ‘মহর্ষিদেবকৃত ট্রাস্ট ডীডে উল্লেখ আছে যে, ধর্মভাব উদ্দীপনের জন্য

বর্ষে বর্ষে একটি মেলা বসাইবার উদ্যোগ করিবেন। এই মেলায় সকল সম্প্রদায়ের সাধু পুরুষেরা আসিয়া বর্ম বিচার ও ধর্মালোচনা করিতে পারিবেন। এই মেলার উৎসবে কোনপ্রকার পৌত্তলিক আরাধনা হইবে না।’ [দ্র. ঐ, পৃ. ৩৪-৩৫]

বিশ্বভারতী প্রতিষ্ঠানের দুটি ক্ষেত্র। শান্তিনিকেতন ও শ্রীনিকেতন। শ্রীনিকেতন “প্রধানতঃ পল্লীসংগঠন কুটীর ও কারুশিল্পচর্চা কৃষি বিদ্যাচর্চার ক্ষেত্র। এখানে বি. এস-সি. (কৃষি) ও এম. এস-সি. (কৃষি) এবং বি. এস. ডব্লিউ. ও এম. এস. ডব্লিউ. পড়ানো হয়। ইংল্যান্ড নিবাসী এল. কে. এলমহাস্ট-এঁর আর্থানুকূল্যে গঠিত।” [ঐ, দ্রষ্টব্য পৃ. ৪৩]

উচ্চশিক্ষিত এবং ভারতে প্রাচীন সভ্যতা সৃষ্টির সমর্থক ছিলেন এল. কে. এলমহাস্ট। তাঁর দান ও মানের বিষয়ে রবীন্দ্রনাথ বলেছেন, “শ্রীনিকেতনকে যিনি রক্ষা করেছেন, তিনি একজন বিদেশী— কি না তিনি দিয়েছেন।” [দ্রঃ নন্দন, শারদ সংখ্যা ১৪০১]

রতনকুঠী গেস্ট হাউস যেটি বিরাট মোটা অঙ্কের অর্থে তৈরি হয়েছে, সেটি ‘দানবীর রতন টাটার আনুকূল্যে নির্মিত। ঐ দানবীরের নামানুসারে ঐ অঞ্চলকে বলা হয় রতনপল্লী’।

এই শান্তিনিকেতন থেকে এনড্রুজ পৃথিবীর বহু জায়গায় গিয়েছেন। যেমন পূর্ব পশ্চিম ও দক্ষিণ আফ্রিকা, ফিজি, অস্ট্রেলিয়া, নিউজিল্যান্ড, জাপান প্রভৃতি। ভারতের প্রায় প্রত্যেকটি প্রদেশেই তাঁকে ঘুরতে হয়েছে। তার আসল কারণ ছিল রাজনৈতিক। নীরদ সি. চৌধুরী লিখেছেন, “তাঁহাকে যাযাবর বলিলে ভুল হইবে। যাযাবর বিশিষ্ট উদ্দেশ্যে খাদ্যের জন্য একস্থান হইতে অন্য জায়গায় যায়, পাখিরাও খাদ্যের জন্যই একদেশ হইতে বহু দূরদেশে যায়। এনড্রুজ যাইতেন রাজনৈতিক উত্তেজনার জড়নায়।”

কবির সঙ্গে এনড্রুজের সম্পর্ক ছিল খুব ঘনিষ্ঠ। সেইসময় ভারতের রাজনৈতিক প্রখ্যাত হিন্দু নেতা ছিলেন গান্ধীজী, মুসলমানদের মধ্যে ছিলেন আলি ব্রাদার্স অর্থাৎ মৌলানা মহম্মদ আলি ও শওকত আলি। গান্ধী যখন মৌলানাদের খেলাফত কমিটিতে যোগ দিলেন তখন সারা ভারতবর্ষে হিন্দু মুসলমানের মধ্যে তৈরি হোল এক মিলন সেতু। রবীন্দ্রনাথ তখন আমেরিকায়। আর শান্তিনিকেতনের হর্তাকর্তা ঐ সময় এনড্রুজই। এনড্রুজ শওকত আলিকে শান্তিনিকেতনে সম্মানের সঙ্গে অভ্যর্থনা জানালেন। ইংরেজ বা সরকার বিরোধী শওকত আলির সেখানে আসার সংবাদ পেয়ে রবীন্দ্রনাথ এনড্রুজকে লিখলেন : “If Shaukat Ali can come to Shantiniketan and talk to our boys about his fanatical programme it will be difficult for me to ask students from all parts of the world to come there and accept from India her gift of peace and wisdom ...” [দ্রঃ নীরদ সি. চৌধুরী : আত্মজাতী বাঙালী-৩য়,

পৃ. ১১৭] যার ভাবার্থ হোল, শওকত আলি যদি শান্তিনিকেতনে এসে ছাত্রদেরকে তাঁর গৌড়া মতবাদের কথা বলেন তাহলে আমার পক্ষে বিশ্বের বিভিন্ন স্থানের ছাত্রদেরকে সেখানে আসতে বলা এবং ভারত থেকে শান্তি ও জ্ঞানের পাঠ নিতে বলা কঠিন হবে।

‘গীতাঞ্জলি’র গুপ্তরহস্য বলতে গেলে আরো দু-একটি কথা জানানো প্রয়োজন। গীতাঞ্জলি যাঁরা দেখেননি তারা অনেকে মনে করেন যে, মোটা গীতাঞ্জলি বইখানির পুরো ইংরেজি অনুবাদ বিলেতে পাঠিয়ে দেওয়া হয়েছিল আর তাঁর কবি প্রতিভায় মুগ্ধ হয়ে তাঁরা দিয়ে দিলেন নোবেল প্রাইজ।

‘ইহার পর ইংরেজী ‘গীতাঞ্জলী’তে রবীন্দ্রনাথের কোন্ কোন্ কবিতার অনুবাদ আছে বলা প্রয়োজন। ইহার নাম ‘গীতাঞ্জলী’ হইলেও বইটিতে বাংলা ‘গীতাঞ্জলী’র সব গান (বা কবিতা) অনূদিত হয় নাই— বাংলাতে ১৫৭টি গান ছিল, উহার মধ্যে শুধু ৫৩টি মাত্র ইংরেজি করা হইয়াছিল, ইংরেজি ‘গীতাঞ্জলী’তে সবশুদ্ধ ১০৩টি কবিতা ছিল (বইটি বড় টাইপে মাত্র ১০১ পৃষ্ঠা হইয়াছিল, দাম হইয়াছিল মাত্র চার শিলিং ছয় পেন্স— আমাদের টাকায় তিন টাকা ছয় আনা)। বাকি ইংরেজিতে অনূদিত কবিতা আসিয়াছিল প্রধানত ‘নৈবেদ্য’ ও ‘খেয়া’ হইতে, অল্প কয়েকটি সাময়িক পত্রে প্রকাশিত কবিতা হইতে।” [দ্রঃ এ, পৃ. ১৪২]

ঠাকুরবাড়ির ছেলে ও মেয়েদের মধ্যে কবিতা, কাব্য, গান, চিত্রাঙ্কনের প্রতিভা অধিকাংশেরই ছিল। এটা অস্বীকার করার উপায় নেই। তাছাড়া অর্থের জোরে বহু প্রতিভাবান ও প্রতিভাবতীদের তাঁরা পুষতে পারতেন, ইচ্ছামত আনাতে পারতেন ও পারতেন ইচ্ছামত কাজে লাগাতে। রবীন্দ্রনাথের দাদা সোমেন্দ্রনাথও অত্যন্ত প্রতিভাবান ছিলেন, যিনি চারপকবির মত চলতে ফিরতে কবিতা বা গান তৈরি করতে পারতেন। কোন্ মর্মবেদনা দুঃখ বা জ্বালায়, ঘৃণা বা অভিমানে তিনি পাগল হয়ে গিয়েছিলেন তা বলা বেশ কঠিন। তবে রবীন্দ্রনাথ তাঁর ঐ দাদার জন্য যা লিখেছেন তার মর্মার্থ হোল, তিনি নাকি রবীন্দ্রনাথকে খুব ভালবাসতেন।

এবার একটি মর্মান্তিক উদ্ধৃতি দিচ্ছি : “রবীন্দ্রনাথের অখ্যাত দাদাদের মধ্যে সবচেয়ে গুণী সোমেন্দ্রনাথ, পাগল হয়ে যাওয়ার পরেও তাঁর স্নাতপ্রেম চলে যায়নি। তিনি ছোটবেলায় ছোটভাইয়ের কবিতার সমঝদার বের করার জন্যে আমলাদের মাঝখানে ঘুরে বেড়ানেন। রবীন্দ্রনাথ নিজেই লিখেছেন— ‘আমার দাদা এই সকল রচনায় গর্ব অনুভব করিয়া শ্রোতা সংগ্রহের উৎসাহে সংসারকে একেবারে অতিষ্ঠ করিয়া তুলিলেন।’” “রবীন্দ্রনাথ যেবার নোবেল প্রাইজ পেলেন সোমেন্দ্রনাথের কী আনন্দ। সারা বাড়ি দৌড়ে বেড়ান আর চিৎকার করেন— ‘রবি প্রাইজ পেয়েছে, রবি প্রাইজ পেয়েছে’। আবার নাতিরা

যখন তাঁর কাছে যায় তিনি ঘরের ভেতর তাদের ডেকে এনে ফিসফিস করে বলেন, ‘জানিস তো গীতাঞ্জলীর সবকটি কবিতা কিন্তু আমার লেখা। রবি আমার কাছ থেকেই তো নিয়েছে।’ এই কথা শুনে নাতিরা যখন বলেন, ‘তাহলে তুমি এত আনন্দ করছ কেন’, সোমেন্দ্রনাথ তখন খেপে যান, ঠেঁচিয়ে বাড়ি মাং করে বলেন, ‘তোদের এত হিংসে কেন রে, আমার ছোটভাই নোবেল প্রাইজ পেয়েছে, আমি আনন্দ করব না তো কে করবে? কার লেখা, তাতে কী?’ [দ্রঃ অমিতাভ চৌধুরী : ইসলাম ও রবীন্দ্রনাথ, পৃ. ২৩, ছাপা ১৪০০ বঙ্গাব্দ]

অন্যদিকে নোবেল প্রাইজ পাওয়ার পর মনে হয় রবীন্দ্রনাথের উপর তিনি ক্ষুব্ধও হয়েছিলেন। সোমেন্দ্রনাথ পিছনে তাঁকে ‘কেরাণী’ বলে তিরস্কার করতেন। তার অর্থ এও হতে পারে যে তাঁর লেখাগুলোই কেরাণীর মত লিখে দিয়ে পেয়ে গেলেন নোবেল প্রাইজ। কিছুদিন এমন হয়েছিল যে বাড়িতে কোন অতিথি এলেই তাঁকে নিয়ে গিয়ে বলতেন, “চল আমার সঙ্গে। আমার বাড়ীতে একজন কেরাণী আছে। তাকে দেখবে চল।” তারপর আঙুল বাড়িয়ে দেখিয়ে দিয়ে বলতেন, “ঐ দেখ কেরাণী, কলম পিষছে তো পিষছেই। তাঁর ধারণা ছিল, তিনি যদি ঠিকমত লিখতেন, তাহলে ছোটভাইয়ের (রবীন্দ্রনাথ) চেয়ে অনেক বড় লেখক হতে পারতেন।” [এ. পৃ. ২৩]

সোমেন্দ্রনাথের প্রতিভার কথা কিন্তু উড়িয়ে দেওয়া যাবে না। তিনি খুব পান খেতেন— তাঁকে রোজ পান সেজে দিতেন না তবো কমলাদেবী— দীনেন্দ্রনাথের স্ত্রী। এই কমলাদেবী তাঁর খুব প্রিয়পাত্রী ছিলেন। দেখতে না পেলেই সোমেন্দ্রনাথ মুখে মুখে কবিতা বানিয়ে ডাক পাড়তেন তাঁকে। [পৃ. ২৫]

কবি সারা জীবনের অজস্র লেখার মধ্যে কত মানুষের কথা উল্লেখ করেছেন। তাতে তাঁর বাবা, কাাকা, দাদু, দিদি, ভাই, ছেলে, মেয়ে, জামাই, নাতি, নাতনি, বন্ধুবান্ধব কতজনই স্থান পেয়েছেন। কিন্তু এতবড় প্রতিভা দাদা সোমেন্দ্রনাথের মতুর পর কবির কোন শোকমাখা বাক্য বা বেদনা প্রকাশের চিহ্নস্বরূপ কোন লেখা পাওয়া যায় না মোটেই। তাই বিখ্যাত রবীন্দ্র-গবেষক শ্রী অমিতাভ চৌধুরীও ঐ একই প্রশ্ন নিয়ে লিখেছেন : “সোমেন্দ্রনাথের মৃত্যু তাঁর অতি নিকটজন ছাড়া কারও মনে কোন রেখাপাত করেনি। ছোটভাই রবীন্দ্রনাথের কোন শোকজ্ঞাপক মন্তব্যও আমরা জানতে পারি না। বিশাল ঠাকুরবাড়ির বিশাল পরিবারের ভিড়ে তিনি হারিয়ে গেছেন।” [এ. পৃ. ৩০]

একটা কথা উড়িয়ে অস্বীকার করা যাবে না যে, নোবেল প্রাইজ পাওয়ার পূর্বে কবির বাজারদর ছিল খুব নিচুমানের। মূল্য নির্ধারকেরা অনেকে লিখেছেন, “ঠাকুর নোবেল প্রাইজ প্রাপ্তির পূর্বে প্রায় অশিক্ষিত ব্যক্তি হিসাবে গণ্য হতেন। আমার ম্যাট্রিকুলেশন

পরীক্ষার বাংলা প্রশ্নপত্রে ঠাকুরের একটি রচনা থেকে উদ্ধৃতি দিয়ে সেটাকে বিস্কু ও সাধু বাংলায় লেখার নির্দেশ ছিল। এবং এটা ছিল ১৯১৪ সালে তাঁর নোবেল পুরস্কার প্রাপ্তির একবছর পরে।” [জাস্টিস আব্দুল মওদুদ : মধ্যবিস্তৃত সমাজের বিকাশ : সংস্কৃতির রূপান্তর, ১৯৮২, পৃ. ৪০৮]

এই প্রেক্ষিতে স্মরণ করা যেতে পারে যে, ১৯০৭-এ অক্সফোর্ড বিশ্ববিদ্যালয়ের সঙ্গীত বিশেষজ্ঞ রীব্রুনাথকে বিশ্ববিদ্যালয়ের পক্ষ থেকে সঙ্গীতের উপর একটা ডিগ্রি দেবার প্রস্তাব দেন। কিন্তু অক্সফোর্ডের তদানীন্তন চ্যান্সেলর লর্ড কার্জন এই প্রস্তাব সঙ্গে বাতিল করে দেন। কার্জনের বক্তব্য হোল, রবীন্দ্রনাথের চেয়ে অনেক বেশি খ্যাতিসম্পন্ন গুণী ভারতবর্ষে আছেন। [অধ্যাপক ডক্টর অরবিন্দ পোদার : রবীন্দ্রনাথ : রাজনৈতিক ব্যক্তিত্ব, পৃ. ১৪৮]

রবীন্দ্রনাথের বইয়ের প্রথম প্রকাশক চিত্তামণি ঘোষ দায়িত্ব নিয়েছিলেন ১৯০৮ সালে। তার পূর্ব থেকেই অব্যাহত ছিল কবির লেখালেখির গতি। কিন্তু প্রথম দিকে কোন প্রকাশক এগিয়ে আসেননি, নিজের খরচেই ছাপাতে হয়েছিল তাঁর বই ‘কবিকাহিনী’। প্রকাশক হিসাবে নাম ছিল কবির বন্ধু প্রবোধচন্দ্র ঘোষের। দ্বিতীয় বই ‘বনফুল’ প্রকাশ করেন কবির দাদা ঐ সোমেন্দ্রনাথ। যিনি গীতাঞ্জলীর লেখক বলে দাবী করেছিলেন। কবির বই ছাপানোর পর সেইসময় জনগণের দৃষ্টিতে বইগুলো এমনই অচল ছিল যে, প্রেসের ভিতরেই অবিক্রিত হয়ে থেকে যেত সেগুলো। কবি তা স্বীকার করে নিজের ভাষায় বলেছেন, “শুনা যায়, সেই বইয়ের বোঝা সুদীর্ঘকাল দোকানের শেল্ফ ও তাঁহার চিত্তকেভারাতুর করিয়া বিরাজ করিতেছিল।” [শ্রী অমিতাভ চৌধুরীর ঐ বই, পৃ. ৭৮]

তারপর কবির ভাগ্নে সত্যপ্রসাদ গঙ্গোপাধ্যায় তাঁর বইগুলো ছাপেন ১৮৯৬ খৃষ্টাব্দে। ভাগ্নে বলেছেন, “১৮৯৬ সালে ‘রবিমামা’র প্রথম কাব্যগ্রন্থগুলি প্রকাশ করেন তিনিই। তারপর বছরবছর রবীন্দ্রনাথকে এ বিষয়ে অনেকটা নিজের উপরেই নির্ভর করতে হয়েছে। নিজের খরচে বইয়ের পর বই তিনি ছাপিয়েছেন। ... রবীন্দ্রনাথের বই অনেক সময় বিক্রি করতে হয়েছে অর্ধেক দামেও। তা নিয়ে সেকালে কম ঠাট্টা বিক্রপ হয়নি। ... ১৯০০ সালে কবির বন্ধু প্রিয়নাথ সেনকে তিনি লিখেছিলেন— ‘ভাই, একটা কাজের ভার দেব? ... আমার গ্রন্থাবলী ও ক্ষণিকা পর্যন্ত সমস্ত কাব্যের কপিরাইট কোন ব্যক্তিকে ৬০০০ টাকায় কেনাতে পারো? শেষের যে বইগুলি বাজারে আছে, সে আমি সিকিমূল্যে তার কাছে বিক্রি করব— গ্রন্থাবলী যা আছে, সে এক তৃতীয়াংশ দামে দিতে পারব (কারণ এটাতে সত্যের অধিকার আছে, আমি স্বাধীন নই। আমার নিজের দৃঢ় বিশ্বাস, যে লোক কিনবে সে ঠকবে না। ... আমার প্রস্তাবটা কি তোমার কাছে দুঃসাধ্য বলে ঠেকবে?

যদি মনে কর ছোটগল্প এবং বউঠাকুরাণীর হাট ও রাজর্ষি কাব্য গ্রন্থাবলীর চেয়ে খরিদারের কাছে বেশি সুবিধাজনক বলে প্রতিভাত হয় তাহলে তাতেও প্রস্তুত আছি। কিন্তু আমার বিশ্বাস কাব্য গ্রন্থগুলোই লাভজনক।’ এইভাবে নানারকম ঝামেলার মধ্যে কবির বই প্রকাশ করতে হয়েছে। পরে প্রকাশনার ভার নিল এলাহাবাদের ইণ্ডিয়ান পাবলিশিং হাউস। তাদের কাছ থেকে দায়িত্ব এসে পড়ে বিশ্বভারতীর ওপর ১৯২৩ সালে।” [পৃ. ৭৯]

এরপর কবির লেখাগুলোর উপর ঠেকে গেল ইংরেজদের পরশমণির প্রভাব। কবির বই ইংরেজিতে অনূদিত হয়ে বিলেতের ম্যাকমিলান কোম্পানি প্রকাশ করলেন সেগুলো। তারপরে বিশ্বভারতীও ইংরেজি বই প্রকাশ করতে শুরু করল। এক্ষেত্রে অনেকেই মনে করেন যে, যদি কবি নজরুল-সুকান্তের মত দরিদ্র হতেন তাহলে প্রতিভা বিকাশ এবং পরিণতি কী হোত তা বলা কঠিন।

বৃটিশ শাসকদের সঙ্গে ঠাকুরবাড়ির এমন হার্দিক সম্পর্ক ছিল যে, একজন বিদেশী বৃটিশ আইনজীবী ঠাকুরবাড়ির সম্পদ, সম্পত্তি সংরক্ষণ, অর্থনৈতিক উন্নতির পরামর্শদান ইত্যাদি বিষয়ে যুক্ত ছিলেন প্রত্যক্ষভাবে।

ইংরেজদের কাছে অনুগ্রহ ভিক্ষা করা এবং ইংরেজরাজকে টিকিয়ে রাখার পক্ষে এবং বিপক্ষে দুটি দল ছিল। রবীন্দ্রনাথ কিন্তু সরকারের পক্ষ অবলম্বন করে বললেন : “রাগ করিয়া যদি বলি ‘না আমরা চাইনা’, তবুও আমাদের চাইতেই হইবে, কারণ যতক্ষণ পর্যন্ত আমরা এক হইয়া মহাজাতি বাঁধিয়া উঠিতে না পারি ততক্ষণ পর্যন্ত ইংরেজ রাজত্বের যে প্রয়োজন তাহা কখনোই সম্পূর্ণ হইবে না।” [অধ্যাপক ডঃ অরবিন্দ পোদার : রবীন্দ্রনাথ : রাজনৈতিক ব্যক্তিত্ব, ১৯৮৮, পৃ. ১৩৩ দ্রষ্টব্য]

ইওরোপ বা বিলেতকে তিনি এত উঁচু নজরে দেখে ফেলেন যে, তিনি লেখেন, “ইউরোপ গিয়া সংস্কারমুক্ত দৃষ্টিতে আমরা সত্যকে প্রত্যক্ষ করিব, এই শ্রদ্ধাটি সইয়া যদি আমরা সেখানে যাত্রা করি তবে ভারতবাসীর পক্ষে এমন তীর্থ পৃথিবীতে কোথায় মিলিবে?” [দ্রষ্টব্য ঐ, পৃ. ১৩৩-৩৪]

রবীন্দ্রনাথ ইংরেজদেরকে অত্যন্ত ভালবেসে লিখেছিলেন, “শ্রীযুক্ত দেশানুরাগ যদি পারেন তো আমাকে ক্ষমা করবেন, আমার বিশ্বাস ইংরাজ মেয়েদের মত সুন্দরী পৃথিবীতে নেই। নবনীর মত সুকোমল শুভ্র রংয়ের উপর একখানি পাতলা টুকটুকে ঠোঁট, সুগঠিত নাসিকা এবং দীর্ঘ পল্লব বিশিষ্ট নির্মল নীল নেত্র— দেখে পথকষ্ট দূর হয়ে যায়।” [দ্রষ্টব্য নীরদচন্দ্র চৌধুরী : আত্মজাতী রবীন্দ্রনাথ, পৃ. ২৫]

কবি আরও লেখেন, “আজ পৃথিবীকে যুরোপ শাসন করিতেছে বস্তুর জোরে, ইহা অবিশ্বাসী নাস্তিকের কথা। তাহার শাসনের মূল শক্তি নিঃসন্দেহেই ধর্মের জোর, তাহা ছাড়া আর কিছু হইতেই পারে না।”

কবি আরও লেখেন, “ইংরেজদের আহ্বান আমরা যে পর্যন্ত গ্রহণ না করিব, তাহাদের সঙ্গে মিলন যে পর্যন্ত না সার্থক হইবে, সে পর্যন্ত তাহাদিগকে বলপূর্বক বিদায় করিব, এমন শক্তি আমাদের নাই। যে ভারতবর্ষ অতীতে অঙ্কুরিত হইয়া ভবিষ্যতের অভিনুখে উদ্ভিন্ন হইয়া উঠিতেছে, ইংরেজ সেই ভারতের জন্য প্রেরিত হইয়া আসিয়াছে। সেই ভারতবর্ষ সমস্ত মানুষের ভারতবর্ষ—আমরা সেই ভারতবর্ষ হইতে অসময়ে ইংরেজকে দূর করিব, আমাদের এমন কী অধিকার আছে। বৃহৎ ভারতবর্ষের আমরা কে?”

তিনি আরও লিখিলেন, “ইংরেজদের যাহা কিছু শ্রেষ্ঠ, ইংরেজ তাহা যে সম্পূর্ণভাবে ভারতবর্ষে প্রকাশ করিতে পারিতেছে না, সেজন্য আমরা দায়ী আছি। আমাদের দৈন্য ঘুচাইলে তবেই তাহাদেরও কৃপণতা ঘুচিবে! ... সকল দিকেই আমাদের শক্তিশালী হইতে হইবে, তবেই ভারতবর্ষকে ইংরেজ যাহা দিতে আসিয়াছে, তাহা দিতে পারিবে।”

কবি এও লিখেছেন, “অন্য পক্ষে যাহারা কাণ্ডজ্ঞানবিহীন অসংবত শ্রেণ্যের দ্বারা ইংরেজকে উন্মত্তভাবে আঘাত করিতে যায়, তাহারা ইংরেজের পাপ প্রকৃতিকেই জাগরিত করিয়া তোলে। ভারতবর্ষ অত্যন্ত অধিক পরিমাণে ইংরেজের লোভকে, উদ্ধত্যকে, ইংরেজের কাপুরুষতা ও নিষ্ঠুরতাকেই উদ্বোধিত করিয়া তুলিতেছে, এই যদি সত্য হয়, তবে এজন্য ইংরেজকে দোষ দিলে চলিবেনা, এর অপরাধের প্রধান অংশ আমাদেরই হইবে।” [রবীন্দ্র রচনাবলী খণ্ড ১৩, পৃ. ৫৩ এবং ডঃ পোদ্দার, ঐ, পৃ. ১৩৫ দ্রষ্টব্য।]

১৯০৮-এর ২৪শে ডিসেম্বর লর্ড মিন্টোকে যে অভিনন্দন জানানো হয়, অর্থাৎ প্রশাসকদের শোষণ ভুলে গিয়ে শান্তিপূর্ণ শাসনে বিগলিত হয়ে অভিনন্দনে যে ভাষা ব্যবহার করা হয়েছিল তা আজকের নিরিখে অত্যন্ত বেদনাদায়ক। তাতে নামকরা সব হিন্দু জমিদার ও বুদ্ধিজীবী এলিটরা সই করেছিলেন। যেমন ছিলেন দুই বাংলার ব্যবস্থা পরিষদের সমস্ত দেশি সদস্য আর প্রধান প্রধান জমিদারবর্গ। আর ছিলেন ঠাকুরবাড়ির রবীন্দ্রনাথ। দ্বিতীয় তালিকায় নাম ছিল ঠাকুরবাড়ির সত্যেন্দ্রনাথের। [তথ্য: অধ্যাপক পোদ্দার, ঐ, ১৩৮-৩৯]

অরবিন্দ, বিপিন পাল, পি. মিত্র প্রভৃতি সন্ত্রাসবাদীদের সঙ্গে ঠাকুরবাড়ির অনেকেই যুক্ত ছিলেন এ কথার দু রকম অর্থ হতে পারে। একটা হচ্ছে সন্ত্রাসবাদীদের পক্ষে ছিলেন ঠাকুরবাড়ি, দ্বিতীয়তঃ, এও হতে পারে যে, ঐ দলের গুচ্ছ তথ্য জানার জন্য দলে যোগ

দিয়েছিলেন। যদি ধরেই নেওয়া হয় যে, কবি সন্ত্রাসবাদের পক্ষেই ছিলেন, তাহলে স্পষ্টভাবে তিনি একথা কিভাবে বলতে পারলেন, “আজ দস্যুবৃত্তি তক্ষরতা অন্যাগ্য পীড়ন দেশহিতের নাম ধরিয়া চারিদিকে সঞ্চরণ করিতেছে, একি এক মুহূর্তের জন্য তাহারা সহ্য করিতে পারেন যাহারা জানেন আত্মহিত, দেশহিত, লোকহিত যে কোন হিতসাধনই লক্ষ্য হউক না কেন, কেবলমাত্র বীর ও ত্যাগী ও তপস্বী তাহার যথার্থ সাধক। জাতির চরিত্রকে নষ্ট করিয়া আমরা জাতিকে গড়িয়া তুলিব এমন ভয়ঙ্কর ভুলকে তিনি কখনোই এক মুহূর্তের জন্য স্থান দিতে পারেন না যিনি ধর্মকেই শক্তি বলিয়া জানেন।”

রবীন্দ্রনাথ আমাদের দেশের বাংলাভাষার গদ্য পদ্য সাহিত্য কাব্য রচনায় যেন ছিলেন হিমালয়। তিনি জানতেন বাংলা ভাষা কোথায় কোথায় প্রচলিত। সমগ্র বঙ্গ দেশ অর্থাৎ বাংলাদেশ, পশ্চিমবঙ্গ ছাড়াও বিহার, উড়িষ্যা, নেপাল, ভূটান, ত্রিপুরা ও আসাম প্রভৃতি বিরাট এলাকা জুড়ে বাংলাভাষা প্রচলিত ছিল তখন। অতএব বাংলা ভাষাভাষী লোক যত বৃদ্ধি হবে এবং তাঁরা যত শিক্ষিত হবেন ততোই রবীন্দ্রনাথ খুশি হবেন এটাই সাধারণ মানুষের বিশ্বাস। কিন্তু বঙ্গভাষীদের খণ্ড বিখণ্ড করে তাদের একতাবদ্ধ হতে না দিয়ে এবং বাংলা, ফার্সী ও নানা ভাষার মিশ্রণে প্রস্তুত উর্দু ভাষার গুরুত্ব কমিয়ে তাদের মস্তিষ্কপ্রসূত বাংলা শব্দ, উর্দু ব্যাকরণ আর দেবনাগরী অক্ষর নিয়ে একটি খিচুড়ি ভাষা তৈরি করার প্রয়োজন বোধ করে ইংরেজরা। ঐ সময় ইংরেজের স্তাবকেরা সরকারের ঐ ক্রাজে সহযোগিতা করবে তা স্বাভাবিকই ছিল। বাংলা ভাষাকে নিহত না করলেও আহত করার মত কাণ্ড যাঁরা বরদাস্ত করেন নি তাঁরা হচ্ছেন বাঙালী মুসলিম ডঃ শহীদুল্লাহ, বাঙালী মুসলিম সৈয়দ নওয়াব আলি, বাঙালী মুসলিম মাওলানা আকরম খাঁ প্রমুখ। অপরদিকে ব্রাহ্ম নেতা কেশবচন্দ্র সেন, রাজনারায়ণ বসু, বঙ্কিমচন্দ্র চট্টোপাধ্যায় প্রভৃতি মনীষীরা প্রতিবাদ না করে মেনে নিলেন সেটা। বৃটিশ শাসকের হিসাব অনুযায়ী ভারতে তখন নাকি ১৭৯টি ভাষার অস্তিত্ব ছিল। দেশ স্বাধীন হলে ইংরেজির পরিবর্তে কোন ভাষা সর্বভারতীয় ভাষারূপে গৃহীত হবে এ প্রশ্ন তুলেছিলেন মহাত্মা গান্ধী। রবীন্দ্রনাথ যা বলেছিলেন তা আশ্চর্যের চেয়েও আশ্চর্য। গান্ধীজীকে রবীন্দ্রনাথ লিখিতভাবে জানিয়েছিলেন— “The only possible National language for inter provincial inter-course is Hindi in India.” কি করে যে তিনি বাঙালী কবি হয়ে হিন্দি ভাষাকে বরণ করে নিয়ে কাদের খুশি করলেন, কারা ক্ষতিগ্রস্ত হোল সে প্রশ্ন থেকেই গেল। বাংলা ভাষার বেঁচে থাকা এবং তার উন্নতিতে উপকার হোল কি অনিশ্চিত হোল সে বিচারের দায়িত্ব প্রত্যেক বাঙালীরই।

বঙ্গের মুসলমানেরা বাংলাভাষা পছন্দ করতেন না বা করেন না এটা কিন্তু রটনা, ঘটনা নয় মোটেই। বাংলা ভাষার শ্রীবৃদ্ধি, উন্নতি ও প্রতিষ্ঠায় মুসলমানদের অবদান কারোর চেয়ে কম নয় বরং বেশি। ডঃ দীনেশচন্দ্র সেনের রচনাবলী থেকে তা প্রমাণিত। সারা পৃথিবীতে প্রথম বাংলাদেশ সৃষ্টি করেছে বিশেষতঃ মুসলিম বাঙালীরাই। এই বিষয়ে এক বাঘা বাঙালী লেখকের উদ্ধৃতি দিচ্ছি :

“সেই অবিভক্ত বাংলার বিধানসভায় নব নির্বাচিত মুসলমান সদস্যরাই ছিল খাঁটি বাঙালী। এর আগে রাজনীতিতে আসতেন শুধু বড় বড় জমিদার, উকিল, ব্যারিস্টার বা রায়বাহাদুর খাঁনবাহাদুর। তাঁদের পোষাক হয় সাহেবী অথবা চোগা চাপকান। মুখের ভাষা সব সময়ই ইংরেজি। কিন্তু গ্রাম বাংলার বিভিন্ন প্রান্ত থেকে নির্বাচিত মুসলমান প্রতিনিধিরা বিধান পরিষদে নিয়ে এলেন বাংলা ভাষা। লুঙ্গির ওপরে পাঞ্জাবী পরে আসতেও তাঁদের দ্বিধা নেই। পশ্চিমবাংলার দিকের মুসলমানরা তো ধুতিও পরেন নিয়মিত। তাঁরা তাঁদের বক্তব্য বাংলা ভাষায় পেশ করতে লাগলেন। তখন নিয়ম ছিল কোন সদস্য বাংলায় বক্তৃতা করলে তা রেকর্ড করা হতো না। বক্তব্যের সারাংশ ইংরেজিতে তর্জমা করে দিতে হত। তাই সেই। তবু তাঁরা বাংলা বলবেনই।

বাঙালী হিন্দু নেতারা ততদিনে খন্দরের ধুতি পাঞ্জাবি ধরেছেন বটে, কিন্তু বক্তৃতার সময় ইংরেজির ফোয়ারা ছোটান। কে কি বললেন, সেটা বড় কথা নয়। কে কত জোরালো ইংরেজির তুড়ি ছোটাতো পারেন, সেটাই যেন গর্বের বিষয়। হিন্দু নেতাদের মধ্যে এরকম একটা হীনমন্যতা ছিল যে, সর্বসমক্ষে বাংলা বললে লোকে যদি ভাবে যে, লোকটা ইংরেজি জানে না! শিক্ষিত মুসলমানদের ও বালাই নেই। যাঁরা ইংরেজিতে ভাল বক্তা, তাঁরাও ইংরেজি ছেড়ে প্রায়ই শুরু করতেন বাংলায়। স্বয়ং ফজলুল হক ছিলেন শিক্ষাদীক্ষায় অনেকের চেয়েই উঁচুতে, তিনি মাঝেমাঝেই ইংরেজির বদলে শুধু বাংলা নয়, একেবারে খাঁটি বরিশালী বাঙাল ভাষায় কথা বলতেও দ্বিধা করতেন না।”

[ডঃ সুনীল গঙ্গোপাধ্যায়ের লেখা পূর্ব-পশ্চিম, প্রথম খণ্ড, পৃ. ৯৭]

রবীন্দ্রনাথ সম্বন্ধে একদল পণ্ডিতের মত যে, তিনি ছিলেন বাউল। বৃহত্তর জনসাধারণ এসব হয়ত কিছুই জানেন না। তাঁরা শুধু জানেন তিনি প্রখ্যাত কবি, সাহিত্যিক, গায়ক, সুরকার, চিত্রকর, অভিনেতা, জমিদার, দার্শনিক ইত্যাদি। স্বপক্ষ বিপক্ষ প্রত্যেককে স্বীকার করতেই হবে তাঁর বহুমুখী মৌলিক প্রতিভাকে।

বাউল সম্পর্কে জনসাধারণের মধ্যে সুধারণা ও কুধারণা দুটোই বিদ্যমান। অনেকেই মনে করেন, বাউলেরা একটি বিশেষ ধার্মিক সম্প্রদায়। তাঁদের ঐ ধর্মের প্রচার ও প্রসারের ক্ষেত্রে প্রচলিত রীতিনীতি বর্জন করে গান গীত বা কবিতার মধ্যেই সীমিত

তাঁদের সাধনা। অন্য কোন দলের সঙ্গে ঝগড়া-বিবাদ, তর্কযুদ্ধ, মামলা-মোকদ্দমার রাস্তায় মোটেই যেতে চান না তাঁরা। তাছাড়া প্রকৃত বাউলেরা তাঁদের বাউলতন্ত্র গোপন রাখতে চান একান্তভাবে। বিভিন্ন ধর্ম থেকে আসা মানুষেরাই এই বাউলতন্ত্রকে বাঁচিয়ে রেখেছেন। ইহুদী, খৃষ্টান ও ইসলাম ধর্মের মতো কোন নবী বা অবতারকে তাঁরা মেনে চলেন না। বিভিন্ন স্থানে নানা নেতা গজিয়ে ওঠেন আর তাঁর নামেই তাঁর ভক্তেরা নিজেদের নামকরণ করে থাকেন। ফলে বাউল সম্প্রদায় বহু নামে পরিচিত। যেমন অধ্যাপক উস্তুর সুধীর চক্রবর্তীর মতে : “বাউল, নেড়া, দরবেশ, সাঈয়, আউল, সাধিবনৌপন্থী, সহজিয়া, খুশি বিশ্বাসী, রাখাশ্যামী, রাম সাধনিয়া, জগবন্ধু-ভজনিয়া, দাদু পন্থী, রৈদাসী, সেনপন্থী, রামসুনেহী, মীরাবাদ, বিখল ভক্ত, কর্তাভজা, স্পষ্টদায়িক বা ল্পকবিরাঙ্গী, রামবল্লভী, সাহেবধনী, বলরামী, হজরতজী, গোবরাই, পাগলনাথী, তিসকদাসী, দর্পনারায়ণী, বাড়ি, অতিবাড়ি, রাখাবল্লভী, সখীভাবুকী, চরণদাসী, হরিশ্চন্দ্রী, সধপন্থী, মাধবী, চুহুড়পন্থী, পুরাপন্থী, বৈরাগী, নাগা, আখড়া, দুয়ারা, কামধেয়ী, মুকুটধারী সংযোগী, বারসাম্প্রদায়িকা ভাট, মহাপুরুষীয় ধর্মসম্প্রদায়ী, জগনোহিনী, হরিবোলা, রাত ভিখারী, উৎকলী, বিন্দুধারী, অনন্তকুলী, সঙ্কুলী, যোগী, গুরুদাসী বৈষ্ণব, খণ্ডিত বৈষ্ণব, করণ বৈষ্ণব, গোপ বৈষ্ণব, নিহঙ্গ বৈষ্ণব, কালিন্দী বৈষ্ণব, চামার বৈষ্ণব, হরিবাসী, রামপ্রসাদী বড়গল, নস্করী, চতুর্ভূজী, হারারী, বাণশরী, পঞ্চধুনী, বৈষ্ণব তপস্বী, আগরী, মার্গী, পশ্টুদাসী, আপাপন্থী, সংনামী, দরিয়াদাসী, বুনিয়াদাসী, আহমদপন্থী, বীজমার্গী, অধুতী, তিসল, মানভাবী কিশোরী ভজনী, কুলিগায়েল, টহলিয়া বা নেমো বৈষ্ণব, জেমী, শাঙ্কমী, নরেশপন্থী, দশামার্গী, পাদুল, বেউরদাসী, ফকিরদাসী, কুস্তপাতিয়া, খোজা গৌরবাদী, বামে কৌপীনে, কপীন্দ্র পরিবার, কৌপীন ছাড়া চোরাধারী, কবীরপন্থী, থাকী, মুলুকদাসী” ইত্যাদি। [ডঃ কর্তাভজা ধর্মমত ও ইতিহাস : অধ্যাপক শ্রী সনৎকুমার মিত্র সম্পাদিত, পৃ. ২০-২১, ১৩৮-৩]

এইসব নামগুলো থেকে বোঝা যাচ্ছে ইচ্ছামতো নেতা নেত্রী বেছে নিয়েছেন এঁরা। এইসব তান্ত্রিক বৈষ্ণব ফকির যোগীদের বেশিরভাগই অশিক্ষিত ও নিরক্ষরপ্রায়। এঁদের গুণসাধনা অত্যন্ত বীভৎস ও কুৎসিত। যা প্রকাশ্যে প্রচার করা বিপজ্জনক। সেই জন্যই অত্যন্ত গোপনে তাঁরা রক্ষা করে চলেন তাঁদের তন্ত্রকে। অনেক শিক্ষিত গবেষক তাঁদের শিষ্য সেজে ভিতরে প্রবেশ করে পরে প্রকাশ করে দিয়েছেন অনেক তত্ত্ব।

“মিথুনাত্মক যোগসাধনী আধ্যাত্মবাদী বাউল সম্প্রদায়ের সাধনার মূল পদ্ধতি। বাউলের সাধনা দেহকেন্দ্রিক। ‘দেহমন্দিরে প্রাণের ঠাকুর’ অধেষণই বাউলের সাধনার নার।” [ডঃ বসন্তকুমার পাল : মহাত্মা লালন ফকির, পৃ. অবতরণিকা-১০, ১৩৬২]

প্রকৃত বাউলদের একটি বিশেষ বৈশিষ্ট্য হচ্ছে তাঁরা শরীরের কোনও স্থানের কেশ বা চুল কাটেন না। মল মূত্র শুক্র এবং রজঃ প্রভৃতি নোংরা অখাদ্য বস্তু নিজেদের মধ্যে



বিশেষ ভঙ্গিমায় রবীন্দ্রনাথ

খাওয়া ও খাওয়ানোর প্রথা আছে যেটা সাধারণভাবে অনেকের কাছেই কদর্য, বীভৎস, জঘন্য ও ঘৃণ্য বলে বিবেচিত। অধ্যাপক ডক্টর সুধীর চক্রবর্তী মহাশয়ও লিখেছেন, “বাউলদের ব্যাপারে দ্বিতীয় যে চিন্তাভাবনা বহু মানুষকে তাঁদের সম্পর্কে কৌতূহল অথবা বিদ্বেষ টেনে এনেছে সেটা চারিচন্দ্র ভেদ, অর্থাৎ মল মূত্র রজ বীর্য পান। বাউল তো শুধু নয়, আমাদের কায়াবাদী সাধকদের অনেকে দুই চাঁদ (মল মূত্র) বা চার চাঁদের চর্চা করেন। এ তো বহু শত বছরের ধারা। এককালে বাউলদের ‘মুত্থেকো’ বলা হয়েছে। তাঁদের এই বিচিত্র সাধনাকে ‘কদর্য’ ‘বীভৎস’ ‘জঘন্য’ এইসব নিন্দাত্মক বিশেষণে ঘৃণা করা হয়েছে। ... সম্ভবতঃ এ বীর্যপানরত পুরুষ নিজের বীর্য দ্বারাই শরীরে এন্টিবডি উৎপন্ন করবে এবং তাতে শুক্রাণুর উৎপাদন অবশ্যই অল্প হবে। তাই দেখা যায়, বাউলদের সন্তান সংখ্যা অত্যন্ত অল্প। ... রবীন্দ্রনাথ নিজেও বাউল গানের ভাবমূল্যে ও ছন্দে আকৃষ্ট হয়েছিলেন এবং দেশবাসীকে প্রথম সচেতন করেছিলেন বাউল গানের নিজস্বতা ও গুরুত্ব সম্পর্কে।” রবীন্দ্রনাথ নিজেকেও বাউল বলে পরিচয় দিয়েছেন। ডক্টর সুধীরবাবু এ প্রসঙ্গে লিখেছেন, “তাঁর কোন কোন রচনাকে তিনি এমনকি ‘রবীন্দ্র বাউলের রচনা’ বলে মেনে নিয়েছেন।” [দ্রঃ ‘দেশ’, পৃ. ৩৬, ডিসেম্বর ১৯৯১]

বিশ্বভারতী বিশ্ববিদ্যালয়ের ভাইস চ্যান্সেলর শ্রী ক্ষিত্তিমোহন সেনশাস্ত্রী মহাশয় ‘বাংলার বাউল’ নামে এক বিখ্যাত বই লিখেছেন। বইটিতে তিনি ঋক সাম যজু অথর্ব বেদ বেদান্ত সামনে করে সংস্কৃত নানা শ্লোকের উদ্ধৃতি দিয়ে প্রমাণ করতে চেয়েছেন যে, বাউল সম্প্রদায়ের মূল উৎস বেদ থেকে। ক্ষিত্তিমোহনবাবু বাউলদের সম্পর্কে লিখেছেন, “দেহের মাধোই তাঁহাদের বিশ্ব। জাতি ও সমাজের বন্ধন উভয়ের কাছেই অর্থহীন। ... এই সন্তমত বা বাউলিয়া মতে সব গুরুরাই প্রায় হীনবংশজাত ও নিরক্ষর। এইসব নিরক্ষর দীনহীনের কথা বহুকাল ভারতের কোন বড় পণ্ডিতজনের লেখায় আত্মপ্রকাশ

করিতে পারে নাই। ... কলিকাতায় যখন ভারতীয় দর্শন মহাসভার মহা-অধিবেশন হইতেছে তখন তাহার স্থান হইল কলিকাতা বিশ্ববিদ্যালয়ের সিনেট-মন্দির। একেবারে পাণ্ডিত্যের প্রধান ঘাঁটিতে। দার্শনিক পণ্ডিতদের বিরাট সভায় বসিয়া সভাপতিরূপে ১৯২৫ সালের ১৮ই ডিসেম্বর রবীন্দ্রনাথ যে Philosophy of our People নামে অভিভাষণ পড়িলেন, তাহা বাংলাদেশের এই নিরক্ষর বাউলদেরই কথা। এই অভিভাষণের সব তত্ত্ব ও আগাগোড়া বাণী বাংলার পল্লীবাসী নিরক্ষর বাউলদের রচনা হইতেই সংগৃহীত। তাহার পরে ১৯৩০ সালে রবীন্দ্রনাথকে অক্সফোর্ড বিশ্ববিদ্যালয় নিমন্ত্রণ করিল সেখানে বিদ্বৎজন সভায় হিবার্ট বক্তৃতা দিতে। অক্সফোর্ড হইল সারা জগতের অভিজাত পণ্ডিতের একেবারে মুখ্যতম কৌলীন্য পীঠ। সেখানে বসিয়া গুরুদেব রবীন্দ্রনাথ যে বক্তৃতা দিলেন তাহাও ভারতের কোন শাস্ত্রসম্মত অভিজাতদর্শন বা বিদ্বানদের ধর্মতত্ত্ব লইয়া নহে। তাহা ভারতেরই নিরক্ষর দীনহীন সন্ত বাউলদের মানবধর্ম বা Religion of Man। ... বাউলদের বেশের ও ভাষের মধ্যে হিন্দু-মুসলমান দুই ভাবেরই মিলন আছে। তাঁহারা সর্বকেশ রক্ষা করেন, কারণ কেশের বিশেষভাবে রক্ষা না-রক্ষার দ্বারা বিশেষ সম্প্রদায় সূচিত হয়।” [পৃ. ১-৩, এ বই দ্রষ্টব্য]

“অথর্ববেদকে বাউলেরা নিজেদের প্রাচীনতম বাণী বলেন।” [পৃ. ১২] “তান্ত্রিকদের সঙ্গে বাউলদের কায়াবোধ এবং কায়াযোগেরই মিল দেখা যায়।” [পৃ. ২০] এই তান্ত্রিকদের নোংরামির কথা পূর্বেই আলোচনা করা হয়েছে।

ডক্টর ক্ষিত্তিমোহনবাবু আরও লিখেছেন, “মহাভারতে বাউলিয়া বহু তথ্য আছে। ... বাউলদের সেবা কথাই মেত্রয় উপনিষদে, দেহই তোমার দেবালয়। তাহাতে যে জীব তিনিই তো শিব।” [এরপর আছে সংস্কৃত শ্লোক]

উপাচার্য মহাশয় সুনীপুণ ভাষায় বাউলদের সম্পর্কে যা কিছু লিখেছেন তাতে তাঁদের বীভৎস নোংরামির কথা চেপে রাখেন নি তিনি। তাঁর ভাষায়, “দেহতত্ত্বের গান ইঁহারা করেন। ইঁহাদের ‘দেহ সাধনায় চারিচন্দ্রের ভেদ’ অতি গোপনীয় ব্যাপার এবং তাহা অতি বীভৎস।” [পৃ. ৫১]

এই সব নিরক্ষর বাউলদের অশুদ্ধ গ্রাম্য ভাষার যে সব গান ভাইস চ্যান্সেলর স্বয়ং সংগ্রহ করেছিলেন কবি রবীন্দ্রনাথ সে সব গানের এমন সমর্থন ও প্রশংসা করলেন এবং তদানীন্তন ডিগ্রিধারী শিক্ষিতদের প্রতি কটাক্ষ করে যা মন্তব্য করেছিলেন তা অনেকের মতে সীমাতিরিক্ত ও অসমীচীন— “রবীন্দ্রনাথ শুনিয়া স্তম্ভিত হইলেন। তিনি বলিলেন, ‘শিক্ষিত লোকের মুরদ তো আমার অজানা নাই। এইসব জিনিস যে তাঁহাদের রচনার শক্তির বাহিরে তাহা আমি খুবই বুঝি। একটা গান পাইলে হয়তো তাহারা কতক অনুরূপ

আর একটা গান করিতে পারেন। কিন্তু মূলটা রচনা করা কোন শিক্ষিত লোকের কর্ম নয়। আমার তো তাহার কাছাকাছি শক্তিও নাই।” [দ্রঃ বাংলার বাউল, পৃ. ৬৪, এ]

উপাচার্য ক্ষিতিমোহনবাবু তাঁর সংগ্রহ করা বাউলদের ঐ দ্ব্যর্থবোধক গানের সংগ্রহলিপি প্রকাশ করায় নিষেধ থাকা সত্ত্বেও বেশ কিছু প্রকাশ করে ফেলেছেন। তিনি তাঁর ভাষাতেই লিখেছেন, “ইহার পর আমি নিজে আর বাউল বাণী বাহির করি নাই। যদিও তাহা সাজাইয়া লিখিয়া রাখিয়াছিলাম। প্রায় চল্লিশ বৎসর এ গুলি শুধু নিজের কাছেই রাখিয়া নিজেই আলোচনা করিয়াছি। কখনো বন্ধুবান্ধবদের দেখাইয়াছি এবং আমার অন্তরের প্রয়োজনে ব্যবহার করিয়াছি, যাহার জন্য আমার এই সংগ্রহ। পরে রবীন্দ্রনাথ ও চারুবাবুকে তাঁহাদের দায়িত্বে দুই একটি বাণী প্রকাশ করিবার জন্য আমার খাতাগুলি দিয়াছি। রবীন্দ্রনাথ তাহা তাঁহার দার্শনিক সভায় সভাপতির অভিভাষণে ব্যবহার করিয়াছেন। ব্যবহারের সঙ্গে সঙ্গে তাহাতে আমার কাছে ঋণও স্বীকার করিয়াছেন।” [দ্রঃ এ, পৃ. ৬৪-৬৫]

ভাইস চ্যান্সেলর ড. ক্ষিতিমোহন সেন জানিয়েছেন, তরুণ বয়সেই রবীন্দ্রনাথ বাউলদের সঙ্গে জড়িয়ে পড়েন। তাঁর জমিদারির শিলাইদহ পরগণার কাছেই ছিল প্রতিভাবান লালন ফকিরের স্থান, সেটা ছিল কুষ্টিয়ার নিকট। লালনের জন্ম হিন্দু বংশে। সিরাজ সাঁই নামে মুসলমান ফকিরের কাছে দীক্ষা নেন ঐ লালন বাউল। লালনের শিষ্যধারার একজন ছিলেন রবীন্দ্রনাথের শিলাইদহের ডাকহরকরা বা পিওন, তার নাম ছিল গগন। সেই গগন বাউলের বাউলগান রবীন্দ্রনাথ তাঁর Hibbert বঁড়ুতায় উদ্ধৃত করেছিলেন। লালনের সাধনাতে হিন্দু মুসলমান দুই ধর্মেরই লোক দেখা যায়। “তাঁহার (লালনের) সাধনাতে দুই ধর্মেরই যোগ দেখা যায়— এই ধারার সঙ্গে কবিগুরু রবীন্দ্রনাথের পরিচয় ছিল।” [দ্রষ্টব্য ড. সেনের ঐ বই, পৃ. ৫৯] সুতরাং রবীন্দ্রনাথের সঙ্গে বাউলদের নিবিড় যোগাযোগ ও প্রভাব প্রমাণিত হয়।

শুধুমাত্র কবির দাড়ি গোঁফ মাথার চুল না কাটা আর গেরুয়া রঙের লম্বা আলখাল্লা পরাটাই তাঁর বাউল হওয়ার পর্যাপ্ত কারণ নয়। সমালোচকেরা বাউলদের আলো ও কালো দিক বিচার করতে গেলে তাঁদের শ্রেণীহীন সমাজ গড়ার সারল্য যেমন চোখে পড়বে তেমনি উদারতার অতি বাড়াবাড়ি হিসেবে অধিকাংশ ক্ষেত্রে আত্মীয় অনাত্মীয় সকলের সঙ্গে অবাধ যৌনজীবনের কালোদিকও প্রকাশিত হবে তাঁদের কাছে।

আমাদের ভারতীয় সমাজে কথিত শিক্ষিত ও অশিক্ষিত বেশির ভাগ মানুষই অতিমানুষ মহান মানুষ প্রতিভাবান মানুষের প্রতি ভক্তির মাত্রা বাড়তে বাড়তে তাঁকে বানিয়ে ফেলেন ঋষি, মহা-ঋষি, যোগী, মুনি, সাধক— সবশেষে ভগবান পর্যন্ত করে ফেলেন তাঁকে। অপরদিকে চরিত্রহীন, লম্পট, সমাজবিরোধী, অসংযমী, ব্যভিচারী প্রভৃতি লোককে সমাজের এত পরিবর্তন হওয়া সত্ত্বেও ভাল চোখে দেখা হয় না। কবির ব্যক্তিগত

ব্যবহারিক জীবনে নারীসঙ্গ, অবাধ মেলামেশা যৌনতা বিষয়ে বিতর্ক আনবার কোন প্রয়োজনই নেই। কারণ রবীন্দ্রনাথ এ বিষয়ে ছিলেন অত্যন্ত স্পষ্টবাদী।

“১৯২৮ সালের ১লা ফেব্রুয়ারী তাঁর স্নেহধন্য দিলীপ কুমার রায়কে এক দীর্ঘ চিঠি লেখেন। বিষয় : নারীর ব্যভিচার। রবীন্দ্রনাথ স্পষ্ট ভাষায় উল্লেখ করেছেন, ‘সমাজে যদি অশান্তি না ঘটে তাহলে ব্যভিচার ব্যভিচারই হয় না। সাঙ্ঘাতিক কথা, আজকালও এই দুঃসাহসিক উক্তি করতে কেউ সাহস পাবে না। তিনি বলেছেন ‘ব্যভিচারের ফলে যদি সন্তান সমস্যা দেখা দেয়, তাহলে আজকাল সেটাও সমস্যা নয়। কেননা কন্ট্রাসেপটিভ বেরিয়ে গেছে। নিবারণের উপায়গুলোও সহজ। সুতরাং গর্ভধারণ করতে হয় বলে দেহকে সাবধান রাখার দায় আর তেমন নেই। ... সমাজ নিজের প্রয়োজন বশতঃ স্বভাবকে ঠেকিয়ে রাখে। ঠেকিয়ে রাখতে তার অনেক ছল বল কৌশল অনেক কড়াকড়ি অনেক পাহারার দরকার হয়। কিন্তু প্রয়োজনগুলোই যখন আলগা হতে থাকে, তখন স্বভাবকে ঠেকিয়ে রাখা আর সহজ হয় না। ব্যক্তিগত সম্পত্তি ভোগের দৃষ্টান্ত দেখ না। আমার যখনই ক্ষিদে পায়, তখন আমার কাছে যদি ফল না থাকে, তবে তোমার গাছ থেকে ফল পেড়ে খেতে আমার স্বভাবতই ইচ্ছা হয়। কিন্তু বেহেতু ব্যক্তি সম্পত্তির সীমা রক্ষা করা সামাজিক শৃঙ্খলা রক্ষার পক্ষে অত্যাব্যশ্যক, এইজন্যই ফল পেড়ে খাওয়াটা চুরি। এই চুরি সম্বন্ধে সমাজ আমাদের মনে যে সংস্কার দৃঢ়বদ্ধমূল করে দিয়েছে সেটা নিজের ব্যবস্থা রক্ষা করবার উদ্দেশ্যে। ... বস্ত্রত চুরি না করার নীতি শাস্ত্রত নীতি নয়, এটা মানুষের মনগড়া নীতি। এ নীতিকে পালন না করলে সমাজে যদি অশান্তি না ঘটে, তবে পরের দ্রব্য নেওয়া চুরিই নয়। এই কারণে তুমি দিলীপ কুমার রায় যদি আমি রবীন্দ্রনাথের লিচুবাগানে আমার অনুপস্থিতিতে লিচু খেয়ে যাও, তুমিও সেটাকে চুরি বলে অনুশোচনা কর না, আমিও সেটাকে চুরি বলে খড়গহস্ত হই না। ব্যভিচার সম্বন্ধে এই কথাটাই খাটে। এর মধ্যে যে অপরাধ সেটা সামাজিক। অর্থাৎ সমাজে যদি অশান্তি ঘটে, তবে সমাজের মানুষকে সাবধান হতে হয়। যদি না ঘটে, তাহলে ব্যভিচার ব্যভিচারই হয় না।”

অধ্যাপক চৌধুরী লিখেছেন, “এই চিঠিতে রবীন্দ্রনাথ যা বলেছেন, চমকে ওঠার মত। সামাজিক রীতিনীতির কথা বরবাদ করে সত্য বস্তুকে তিনি সামনে তুলে ধরেছেন। ‘ঋষি কবি’র চেয়ে রক্তমাংসের মানুষ রবীন্দ্রনাথ যে অনেক বড় তা তিনি দেখিয়েছেন।” [দ্রষ্টব্য অমিতাভ চৌধুরী : ইসলাম ও রবীন্দ্রনাথ]

রবীন্দ্রনাথের সম্পূর্ণ জীবন আলোচ্য যদি খুব খুঁটিয়ে দেখা যায় তাহলে অন্ধভক্ত ও স্বপক্ষীয়দের বাদ দিলে আরো দুটি পক্ষ থাকে, একটি বিপক্ষ এবং অপরটি নিরপেক্ষ। এই শেষ দুটি পক্ষের অনেকের একথা বলা অস্বাভাবিক নয় যে, বৃটিশের হাতে ভারতকে

তুলে দেওয়ার চক্রান্তে যে দলটি সক্রিয়ভাবে কাজ করেছে তার মধ্যে ছিলেন ঠাকুরবাড়ির অনেক পুরুষ এবং মহিলা। প্রকাশ্যে এবং অপ্রকাশ্যে অনুগত ভারতীয়দের সঙ্গে ইংরেজদের পরামর্শ, পরিকল্পনা গ্রহণ, মদ-মাংস-ইন্দ্রিয়পরায়ণতা, ব্যভিচার বা ইন্দ্রিয়রসের ছড়াছড়ি করিয়ে দেওয়ার মূল কারখানা যে কাঁচি ছিল ঠাকুরবাড়ি তার শ্রেষ্ঠতম না হলেও শ্রেষ্ঠতর হওয়ার দাবীদার। এই সাংঘাতিক ধারণার সঙ্গে আমরা সহজে একমত হতে পারব না, কিন্তু এই দাবীকে খুব সহজে উড়িয়ে দেওয়ার স্পর্ধাও নেই আমাদের। কারণ এঁদের পক্ষে যাঁরা ছিলেন তাঁদের মধ্যে বিশ্ববিখ্যাত স্বামী বিবেকানন্দও আছেন। স্বামী বিবেকানন্দ মনে করতেন, বাঙালী জাতির সর্বনাশ করেছে ঠাকুরবাড়ি। বাঙালী জাতির পৌরুষ সৃষ্টিতে সহায়ক না হয়ে ক্ষতিকারক হয়েছে ঐ ঠাকুরবাড়ি। এককথায় ঠাকুরবাড়ির কালচার সম্পর্কে স্বামীজীর মনোভাব ছিল অত্যন্ত কঠোর। একটি উদ্ধৃতি দিলে পরিষ্কার হবে বিষয়টি— “কিন্তু স্বামীজী ঠাকুরবাড়ির কালচার সম্পর্কে কঠোর মনোভাব পোষণ করতেন। তিনি মনে করতেন, ঠাকুরবাড়ির প্রভাব বাঙালী জীবনের পক্ষে ক্ষতিকর। তাঁর মত ছিল, ঠাকুরবাড়ির সাহিত্য দর্শন বাঙালীর সমাজে পৌরুষ সৃষ্টিতে সাহায্য করবে না। তিনি রুঢ় কণ্ঠে বলেছিলেন, এই পরিবার ইন্দ্রিয় রসের বিষ বাঙলাদেশে ঢুকিয়ে দিয়েছে। তাঁর তীব্র মন্তব্য : ‘আমার জীবনোদ্দেশ্য রামকৃষ্ণ নয়, বেদান্ত নয়, আর কিছুই নয়— শুধু জনগণের মধ্যে পৌরুষ আনা’।” [দ্রষ্টব্য পবিত্রকুমার ঘোষ : সাপ্তাহিক বর্তমান পত্রিকা, ১লা ফেব্রুয়ারি, ১৯৯৭]

রবীন্দ্রনাথের গুণাবলীর মধ্যে একটি হোল, তিনি জালিয়ানওয়ালাবাগে ইংরেজের গুলিতে ভারতীয়দের নিহত হওয়ার কারণে দরদী হয়ে ত্যাগ করেছিলেন নাইট বা ‘স্যার’ উপাধি। প্রশ্ন হোল সেটা তিনি স্বেচ্ছাপ্রণোদিত হয়ে ত্যাগ করেছিলেন নাকি ত্যাগ করতে বাধ্য হয়েছিলেন?

ভারতীয় নেতা যাঁরা বিলেতে থাকতেন রবীন্দ্রনাথের নাইট উপাধি পাওয়ায় ক্রোধে এবং ক্ষোভে ফেটে পড়েছিলেন তাঁরা। সে সংবাদ কবির কাছে পৌঁছয়। সেই সঙ্গে গুজব হোক বা সত্য, কবিকে ঐ ভারতীয় প্রবাসী নেতার খুন করে দেবেন বলে হুমকি দেন। ডঃ অরবিন্দ পোদ্দার লিখেছেন, “তাঁর প্রতি যুক্তরাষ্ট্রে প্রবাসী ভারতীয় বিপ্লবীদের সংগঠন ‘গদর পার্টি’র সদস্যদের প্রকাশ্য বিরূপতা; তাঁরা তাঁদের পত্রিকায় রবীন্দ্রনাথের তীব্র সমালোচনা করে বলেন, ‘স্যার’ খেতাব গ্রহণ করে কবি নিজেকে সাম্রাজ্যবাদীদের নিকট বিক্রিয়ে দিয়েছেন। একটি গুজব দ্রুত ছড়িয়ে পড়ে যে বিপ্লবীরা তাঁকে হত্যা করার পরিকল্পনা রচনা করেছেন।” [দ্র. ডঃ পোদ্দারের পূর্বোক্ত বই, পৃ. ১৬৮]

অনেকের মতে এই হুমকির পর কবি নানারকম চাপে বা ভয়ে সন্ত্রস্ত হয়েই ঐ উপাধি ত্যাগ করতে বাধ্য হন। সাধারণভাবে মনে হবে, বৃটিশের উপর ঘৃণা এবং

ক্রোধেই তিনি ঐ খেতাব ত্যাগ করেছিলেন। কিন্তু খেতাব ত্যাগের পত্রটিতে বৃটিশের কাছে যেভাবে অনুন্নয় বিনয় এবং তাদের মহানুভবতার কথা উল্লেখ করেন তাতে তাঁর দেশভক্তি অপেক্ষা ইংরেজভক্তির প্রাবল্য অস্বীকার করা যায় না।

বিশ্ববিদ্যালয়ের প্রখ্যাত প্রোফেসর ডক্টর অরবিন্দ পোদ্দার সেই দরখাস্তের বয়ানের অংশ উদ্ধৃত করেছেন, যাতে তিনি জানাতে চেয়েছেন যে, কবি রবীন্দ্রনাথ চেমস্ফোর্ডকে যে পত্রলিখেছিলেন তার শেষাংশে তিনি লর্ড হার্ডিঞ্জের প্রতি শ্রদ্ধা প্রদর্শন করেন। তিনি লেখেন— “তাঁর অস্তুঃকরণের মহানুভবতার (নোবলনেস অব হার্ট) জন্য তিনি তখনও পরম শ্রদ্ধা পোষণ করেন। হার্ডিঞ্জের মহানুভবতার প্রত্যক্ষ অভিজ্ঞতা রবীন্দ্রনাথের নিশ্চয় কিছু ছিল।” [দ্র. এ, পৃ. ১৩৯]

তাছাড়া তিনি ঐ ‘নাইট’ উপাধি ত্যাগ করতে চেয়েছিলেন একথা সত্য হলেও তা তিনি ত্যাগ করতে পেরেছিলেন বলে কোন প্রশ্ন এখনো পাওয়া যায় নি। কারণ তাঁর উপাধি ত্যাগের চিঠিটি ছিল ইংরেজ তোষণে ভরা এবং বৃটিশের কাছে তা গৃহীত হয়নি আদৌ।

আমাদেরকে শেখানো হয় যে, রবীন্দ্রনাথ জালিয়ানওয়ালাবাগে নিষ্ঠুরতার জন্য তাঁর ব্রিটিশের কাছ হতে আনুগত্যের নিদর্শন স্বরূপ পাওয়া পুরস্কার ‘নাইট’ বা ‘স্যার’ টাইটেল ত্যাগ করেন। রবীন্দ্রযোগে সারা ভারতে যতো রায়বাহাদুর, খাঁনবাহাদুর, নাইট বা স্যার উপাধিপ্রাপ্ত ব্যক্তি ছিলেন তাঁদের সঙ্গে রবীন্দ্রনাথের যোগাযোগ ছিল বিশেষভাবে। এসব বিষয় ভুলে গিয়েও যদি সিদ্ধান্ত নেওয়া হয় যে, রবীন্দ্রনাথ নিঃসন্দেহে প্রশংসার দাবীদার দুটি কারণে : একটি হোল, তাঁর যোগ্যতা ছিল বলেই তিনি পেয়েছিলেন নাইট বা স্যার উপাধি। আর দ্বিতীয়টি হোল, সেটা পাওয়ার পরেও দেশের স্বার্থে ত্যাগ করেছেন সেই লোভনীয় উপাধিটি। সুতরাং তাঁর ইতিহাস স্বর্ণোজ্জ্বল করে রাখতে হবে আমাদের।

তাহলে অন্ততঃ একটা উদাহরণ দেওয়া যাক। বৃটিশের আর এক বিখ্যাত সুহৃদ অত্যন্ত অনুগত সহযোগী মুহম্মদ-এর ধনী ও মানী ব্যক্তি ছিলেন মোহাম্মদ ইউসুফ ইসমাইল। তাঁকেও ঐ একই বছরে দেওয়া হয়েছিল ‘নাইট’ বা ‘স্যার’ উপাধি। “যখন ভারতের স্বাধীনতা আন্দোলন বা তা নিয়ে হইচই জোর কদমে চলছে। এই সব উত্তেজনার মধ্যে দেশপ্রেমী স্যার ইউসুফ ইংরাজ প্রদত্ত তাঁর উপাধি পরিত্যাগ বা বর্জন করার ইচ্ছা প্রকাশ করেন। এবং সে বিষয়ে ইংরাজ কর্তাদের নিকট চিঠি লেখেন খেতাব ফেরত পাঠিয়ে।”

তাহলে দেখা যাচ্ছে রবীন্দ্রনাথ ও ইউসুফ একই বছরে উপাধি পেলেন এবং নিজের নিজের উপলব্ধি বা অনুভূতি প্রেক্ষিতে দুজনেই তাঁদের উপাধি ত্যাগ করলেন। প্রকৃত বিচারে উভয়েই হবেন ইংরেজের সহযোগী বা স্তাবক অথবা উভয়েই হবেন দেশপ্রেমী বা

বীর। দুজনেই প্রতাপশালী ও ধনী। একজনের ইতিহাস জীবন্ত, আর একজনের ইতিহাস পাতালের অতলতলে সমাধি।



স্যার মোহাম্মদ ইউসুফ ইসমাইল

রবীন্দ্রনাথের নাইট উপাধি প্রত্যাহান করার বিষয়টি বিতর্কিত। তিনি তাঁর সুচিন্তিত মার্জিত ও প্রগাঢ় ভক্তিসহ উপাধিটি ফেরত দেবার জন্য ইংরেজি ভাষায় যে অনুনয় পত্রটি পাঠিয়েছিলেন, সেটা আমাদের ভারতীয়দের কাছে প্রচারিত ও প্রকাশিত। কিন্তু যেটা বিতর্কিত সেটা হোল, ইংরেজ সরকার কি সেটা গ্রহণ করেছিলেন? মনে হয় সরকার সেটা ফেরত নেননি। তার প্রমাণে বলা যায়, স্যার ইউসুফ স্যার রবীন্দ্রনাথকে যে চিঠি দিয়েছিলেন তাতে লিখেছিলেন যে : তিনি গভর্নরকে জানিয়েছিলেন, তাঁর পাওয়া ঐ নাইট উপাধি তিনি ত্যাগ করতে চান। তাতে তাঁকে গভর্নরের

পক্ষ থেকে উত্তরে জানানো হয় যে, ওটা ফেরত নেওয়া সম্ভব নয়।

স্যার ইউসুফ স্যার রবীন্দ্রনাথকে আরও লেখেন : আমার চিঠির উত্তরে তা ফেরত দেওয়া সম্ভব নয় জানলাম। কিন্তু আপনি কী পদ্ধতিতে ফেরত দিয়েছেন বা ফেরত দেবার বিশেষ কোন নিয়ম আছে কিনা জানাতে অনুরোধ করছি।

উত্তরে রবীন্দ্রনাথ লিখলেন, 'আমি নিজে কখনোও এই উপাধি ব্যবহার করিনা এবং বন্ধুদেরও তা করতে দিই না।' রবীন্দ্রনাথ আরও যা লিখলেন তার অর্থ এইরকম: আমি যখন নাইটহুড ফেরত দিয়ে চিঠি দিলাম তখন আপনার মতো আমাকেও জানানো হোল যে, শুধুমাত্র কাগজগুলো গভর্নরের কাছে ফেরত দিয়ে এটা পরিত্যাগ করা যাবে না; কেউ উপাধি না পেতে পারেন কিন্তু উপাধি পরিত্যাগ করা কোন মতেই সম্ভব নয়।

সুতরাং তাঁদের উপাধি ত্যাগ করার এমন কোন তথ্য আমাদের হাতে নেই। প্রমাণের জন্য ইউসুফ ইসমাইল এবং কবি রবীন্দ্রনাথের ইংরেজি পত্রের অংশ তুলে দেওয়া হোল

"Dear Dr. Rabindranath Tagore,

... I have received a reply from the Secretary sending back the Letters Patent to me and intimating that I cannot divest myself of my Knighthood by the mere return of the same. ... May I encroach upon your precious time and request you to let me know whether any spe-

cial procedure was adopted by you in renouncing the title and to let me know what steps were taken by you to divest your goodself effectively of the title. ...

Sincerely yours,
Sd/- Mohamad Yusuf Ismail "


এবার রবীন্দ্রনাথের পত্রটি :

"Dear friend,

In 1919 when I felt constrained to renounce my Knighthood as a protest against the Punjab atrocities, I was also informed like you that it was not possible to divest oneself of the said honour by merely returning the Letters Patent to the Governor General. One can be deprived of the honour by his Majesty the King Emperor but no resignation is possible. I do not myself use the title nor do I allow my friends to do the same. That was all, I was advised, I could do. With kind regards.

Yours sincerely,

Sd/- Rabindranath Tagore"



স্যার ইউসুফকে লেখা রবীন্দ্রনাথের চিঠি

জালিয়ানওয়ালাবাগের নৃশংস হত্যাকাণ্ডের জন্য কবি যদি শুক্ক ও ক্রুদ্ধ হয়ে ঐ 'নাইটহুড' ত্যাগ করতেন তাহলে ঐ তকমাটি তাঁর কাছে প্রতীয়মান হোত বিষাক্ত অগ্নিকণ্টকের মতো। কিন্তু নানা চাপে পড়ে 'নাইটহুড' ত্যাগ করার পর কবি যা করেছিলেন তা এক বিস্ময়। কথাটি আকারে ছোট হলেও তা মারাত্মক ও তাৎপর্যপূর্ণ। তিনি লিখলেন :


"এ মণিহার

আমায় নাহি সাজে।"

সুতরাং সেই সময়ের ভারতীয় নেতৃবৃন্দ তাঁর 'নাইট' ত্যাগ করাকে কোন গুরুত্বই দিতে চাননি।

* স্যার ইউসুফ এবং স্যার রবীন্দ্রনাথের নিজস্ব লেটারপ্যাডে টাইপ করা মূল চিঠিদুটির ফটোকপি তৎসহ 'দেশ', ৫ মে, ১৯৯৬ সংখ্যায় প্রকাশ্য।

জালিয়ানওয়ালাবাগের হত্যাকাণ্ডের পর ১৯১৯-এর ডিসেম্বরে অমৃতসরে সভা চলছিল কংগ্রেসের। বক্তারা সব বক্তব্য রাখলেন সরকারের বর্বরতার প্রতিবাদে। দেশের



সেবায় কে কী করেছেন সে বিষয়ে জোরদার আলোচনা হোল একটা। সেখানে কবিগুরুর 'নাইট' ত্যাগের কোন উল্লেখই হোল না। তখন কংগ্রেস সভাপতি জহরলাল নেহরুর পিতা মতিলাল নেহরুর হাতে শ্রী অমল হোম কবিগুরুর 'নাইট' উপাধি ত্যাগের বিষয়ে একটা খসড়া করে তাঁর হাতে দিলেন। মতিলাল তা পড়ে তার উল্লেখ না করে কাগজটি একপাশে সরিয়ে দিলেন। তখন অমল হোম তাঁর পুত্র জহরলাল নেহরুকে সুপারিশ করলেন। তিনিও গুরুত্ব দিলেন না মোটেই। এক এক করে বহু নেতার কাছেই ফিস্‌ফিস্‌ করে বলতে গেলেন। আমল দিলেন না কেউই। দেশের এ গুরুত্বপূর্ণ সভার গুরুত্বপূর্ণ রেডলিউশনে রবীন্দ্রনাথের নাম কোন হিন্দু নেতাই চুবতে দিলেন না কোনমতে।

রবীন্দ্রনাথকে লেখা স্যার ইউসুফের চিঠি

রেডলিউশন তৈরি হবার পর অমল হোম মহম্মদ আলি জিন্নাহ সাহেবকে জানালেন যে, এত নেতাকে রবীন্দ্রনাথের কথা বললাম, কেউই গুরুত্ব দিলেন না। জিন্নাহ সাহেব শুনে "আমাকে বলেছিলেন— তুমি আমাকে বললে না কেন?" পরের বছর ১৯২০-র ১৩ ই এপ্রিলে জালিয়ানওয়ালাবাগের প্রথম বাৎসরিক সভায় অধিনায়ক ছিলেন জিন্নাহ সাহেব। জিন্নাহ রবীন্দ্রনাথের বাণী চেয়ে পাঠালেন এ সভার জন্য। কবি বিশ্বয়ে হতবাক হওয়ার পরেই সন্দেহচিত্তে একটি দীর্ঘ ভাষণ লিখে তাঁর কাছে পাঠিয়ে দেন। [দ্রষ্টব্য রবীন্দ্রনাথের কিশোর জীবনী : হযরত মামুদ, পৃ. ৪৬]

জমিদারদের যে নীচ চরিত্র, শোষণের চরিত্র, কবি সেক্ষেত্রে অপেক্ষাকৃত ভাল ছিলেন বলা যায় কারণ হিন্দু মুসলমানের বসার পৃথক ব্যবস্থা যে তুলতে চেয়েছিলেন সে আলোচনা করা হয়েছে আমার লেখা 'চেপে রাখা ইতিহাস' বইয়ে। তবুও জমিদারদের যে ঠাটবাট,

কথায় কথায় চাবুক ও জুতো চালানো, যাকে ইচ্ছা শাস্তি আর যাকে ইচ্ছা মুক্তি দেওয়া, যাকে ইচ্ছা ধ্বংস আর যাকে ইচ্ছা রক্ষা করার যে দাপট, রবীন্দ্রনাথও ছাড়তে পারেন নি তা। তাই অধ্যাপক অরবিন্দ পোন্দার লিখেছেন, "কিন্তু তাঁর উদার ও মানবিক বোধের ঐশ্বর্য সত্ত্বেও, জমিদার ও জমিদারির যে ঠাট যা সামন্ত সম্পর্কের একটি অঙ্গ, তা তিনি বর্জন করতে পারেন নি, জমিদারের ক্ষমতা আড়ম্বর ও দাপট সম্পর্কে প্রজাদের ভীতি থেকেই গেছে।" [ডক্টর পোন্দার, পৃ. ২০]

কবিদের জমিদারিতেও টাকায় ৫০ থেকে ৬০ পয়সা কর বাড়িয়ে দেওয়ার অত্যাচারের ইতিহাসটিও বাস্তব সত্য। বুদ্ধিমান বিচক্ষণ দার্শনিক হিসেবি কবি কি করে মনে করতে পারলেন যে, তাঁরা জমিদার হিসাবে মাথা, আর গরীব শ্রমিক ও চাষীদের মর্যাদা পায়ের মতো; আর পায়ের স্বাভাবিক কাজই হচ্ছে মাথাসহ শরীরের উপরের দিকটা বহন করা। কি করে তিনি লিখতে পারলেন যে, মানুষ হিসাবে সকলে সমান নয়। তাঁর ভাষাতেই তিনি লিখেছেন, "...সংসারে উচ্চ নীচতা যখন আছেই, সৃষ্টিলোপ ব্যতীত কখনোই যখন তাহা ধ্বংস হইবার নহে, তখন উচ্চ এবং নীচের মধ্যে একটা অবিচ্ছিন্ন সম্বন্ধ থাকিলে উচ্চতার ভার বহন করা সহজ হয়। চরণের পক্ষে দেহভার বহন করা সহজ, বিচ্ছিন্ন বাহিরের বোঝাই বোঝা' ইত্যাদি। স্পষ্টই দেখা যাচ্ছে, জমিদার-প্রজা, উচ্চনীচ সম্পর্কে নীচের পক্ষে সহনীয় করে ব্যাখ্যার প্রচেষ্টা এই সৌন্দর্য বেষ্টিত বাক্যবিন্যাসের মধ্যে রয়েছে।" [ডক্টর পোন্দার, এ, পৃ. ২১]

কলকাতার কিছু বন্ধুবান্ধব যোগাড় করে তাঁদের সঙ্গে কবি নিজেকে যুক্ত করে একটি সুদের কারবার শুরু করেছিলেন— তার নাম দিয়েছিলেন 'কৃষিব্যাঙ্ক'। তাঁরা শতকরা সাত টাকা সুদ দিয়ে মূলধন যোগাড় করেছিলেন। আর কবি তাঁর জমিদারিতে গরীব প্রজাদের কাছ থেকে সুদ নিতেন শতকরা ১২ টাকা। [তথ্য এ, পৃ. ২২]

অমিতাভ চৌধুরী লিখেছেন : "আগেই বলেছি তিলকের লক্ষ্য ছিল হিন্দু স্বরাজ। প্রশ্ন উঠতে পারে রবীন্দ্রনাথ কী করে এই লক্ষ্যধারী রাজনৈতিক নেতার সঙ্গে নিজেকে যুক্ত করেছিলেন।" [শ্রী চৌধুরীর পূর্বাভাব বই, পৃ. ১২৪]

"প্রভাতকুমার মুখোপাধ্যায় রবীন্দ্রজীবনীতে লিখেছেন, 'পশ্চিম ভারতে যে রাজনৈতিক আন্দোলন তিলক কর্তৃক প্রবর্তিত হয়, রবীন্দ্রনাথ সে সম্বন্ধে ভালরূপেই ওয়াকিবহাল ছিলেন।'"

রবীন্দ্রনাথ ও তিলকের মধ্যে এত সুগভীর সম্পর্ক ছিল যে, তার প্রমাণ পাওয়া যায় রবীন্দ্রনাথের উক্তিতেই। শ্রী অমিতাভ চৌধুরী লিখেছেন, "তাতে দেখতে পাচ্ছি তাঁর দৃঢ় হিসেবে তিলক রবীন্দ্রনাথকে ইউরোপে পাঠাতে চেয়েছিলেন এবং সেই বাবদ ৫০ হাজার টাকা দিতেও চেয়েছিলেন। রবীন্দ্রনাথ শেষমুহুর্তে সেই প্রস্তাবে রাজি হননি।"

কবি স্বয়ং লিখেছেন, “তখন মহামান্য টিলক বেঁচে ছিলেন— তিনি তাঁর কোন দূতের যোগে আমাকে ৫০ হাজার টাকা দেবেন বলে পাঠিয়েছিলেন, আমাকে যুরোপ যেতে হবে। ... আমি বললুম, রাষ্ট্রিক আন্দোলনের কাজে যোগ দিয়ে আমি যুরোপ যেতে পারব না। ... তারপরে বোম্বাই শহরে তাঁর সঙ্গে আমার দেখা হয়েছিল। তিনি আমাকে পুনশ্চ বললেন, রাষ্ট্রনৈতিক ব্যাপার থেকে নিজেকে পৃথক রাখলে তবেই আপনি নিজের কাজ, সূতরাং দেশের কাজ করতে পারবেন, এর চেয়ে বড় আর কিছু আপনার কাছে প্রত্যাশাই করিনি।”

“১৮৯৭ সালে তিলক গ্রেফতার হলে তাঁর মামলায় সাহায্যের জন্য টাকা জোগাড় করে পুণেতে পাঠানো হয়।” রবীন্দ্রনাথ ছিলেন টাকা সংগ্রহের প্রধান উদ্যোক্তা।

ভারতবর্ষের বাঙালী চরিত্র কেন এত অদ্ভুত এই আলোচনা করতে গিয়ে প্রতিষ্ঠিত বাঙালী কবি রবীন্দ্রনাথের প্রসঙ্গ এসে গেল। মুসলিমবিদ্বেষী বা হরিজন অনুন্নতদের বিরোধী নেতা অনেকেই তাঁদের কলুষ মানসিকতা নিয়েই মারা গেছেন। কিন্তু রবীন্দ্রনাথের বৈশিষ্ট্য হোল, তিনি নিজের ভুল বুঝতে পেরে সংশোধিত হয়েছিলেন নিজেই।

তাঁর মৃত্যুর কয়েক বছর পূর্বে তাঁর জমিদারির মুসলমান প্রজাদের শেষ দেখা করতে গিয়ে তিনি বললেন, “তোমরা আমার বড় আপনজন, তোমরা সুখে থাক। তোমাদের জন্যে কিছুই করতে পারিনি। ইচ্ছা ছিল মান সম্মান সন্ত্রম সব ছেড়ে দিয়ে তোমাদের সঙ্গে তোমাদের মতই সহজ হয়ে জীবনটা কাটিয়ে দেব। কী করে বাঁচতে হবে, তোমাদের সঙ্গে মিলেমিশে সেই সাধনা করব। কিন্তু আমার এই বয়সে তা আর হবার নয়। আমার সময় হয়ে এসেছে। এই নিয়ে দুঃখ করে কী করব? তোমাদের সবার উন্নতি হোক— এই কামনা নিয়ে আমি পরলোকে চলে যাব।” [ডঃ ইসলাম ও রবীন্দ্রনাথ : শ্রী অমিতাভ চৌধুরী, ১৪০০ সাল, পৃ. ৬]

হিন্দুদের গোরক্ষা সমিতি, গরুমার্কী রাজনীতি— তিনি বুঝতে পেরেছিলেন যে ওটা ভুল পদক্ষেপ। তাই বললেন, “এ দেশে মহিষও দুধ দেয়, মহিষেও চাষ করে। কিন্তু তার কাটা মুণ্ডু মাথায় নিয়ে সর্বাস্থে রক্ত মেখে যখন উঠোনময় নৃত্য করে বেড়াই, তখন ধর্মের দোহাই দিয়ে মুসলমানদের সঙ্গে ঝগড়া করলে ধর্ম মনে মনে হাসে। কেবল ঝগড়াটাই প্রবল হয়ে ওঠে। কেবল গরুই যদি অবধ্য হয় আর মোষ যদি অবধ্য না হয় তবে ওটা ধর্ম নয়, অন্ধ সংস্কার।” [এ, পৃ. ৭]

রবীন্দ্রনাথ আরও বলেছেন, “ভারতবর্ষের অধিবাসীদের দুই মোটা ভাগ হিন্দু ও মুসলমান। যদি ভাবি মুসলমানদের অস্বীকার করে একপাশে সরিয়ে দিলেই দেশের সকল মঙ্গল প্রচেষ্টা সফল হবে, তাহলে বড়ই ভুল করব। ছাদের পাঁচটা কড়িকে মানব,

আর বাকি তিনটে কড়িকে মানবই না, এটা বিরক্তির কথা হতে পারে কিন্তু ছাদ রক্ষার পক্ষে সুবুদ্ধির কথা নয়।”

কবি আরও লিখেছেন, “আমার অধিকাংশ প্রজাই মুসলমান। কোরবানী নিয়ে দেশে যখন একটা উত্তেজনা প্রবল, তখন হিন্দু প্রজারা আমাদের এলাকায় সেটা সম্পূর্ণ রহিত করবার জন্যে আমার কাছে নালিশ করেছিল। সে নালিশ আমি সঙ্গত মনে করিনি। কিন্তু মুসলমান প্রজাদের ডেকে যখন বলে দিলুম কাজটা এমনভাবে যেন সম্পন্ন করা হয় যাতে হিন্দুদের মনে অকারণে আঘাত না লাগে, তারা তখনই তা মেনে নিলে। আমাদের এখানে এ পর্যন্ত কোনও উপদ্রব ঘটেনি। আমার বিশ্বাস তার প্রধান কারণ, আমার সঙ্গে মুসলমান প্রজার সম্পর্ক সহজ ও বাধাহীন।” [ডঃ ইসলাম ও রবীন্দ্রনাথ : অমিতাভ চৌধুরী, পৃ. ১০]

কবি বেদনা নিয়ে লিখেছেন, “আমরা নাকি ধর্মপ্রাণ জাতি। তাই তো আজ দেখছি ধর্মের নামে পশুত্ব দেশ জুড়ে বসেছে।”

দেশদরদী নেতাদের অনেকেই ভগুমি ধরতে পেরে তিনি বুঝেছিলেন যখন গরীব মুসলমান প্রজা ও অনুন্নতদের বলা হচ্ছিল বিলেতী নুন খাওয়া যাবে না, বিলেতী কাপড় পোড়াতে হবে ইত্যাদি, কৃষক ও অনুন্নতরা এটার কোন গুরুত্বই দেন নি; তাঁরা তখন অস্থির ছিলেন পেটের ভাতের জোগাড়ে। কবি বললেন, “দেশ বলতে তো মাটি নয়, এই সমস্ত মানুষই তো। তা, তোমরা কোনোদিন চোখের কোণে এদের দিকে তাকিয়ে দেখেছ? আর, আজ হঠাৎ মাঝখানে পড়ে এরা কী নুন খাবে আর কী কাপড় পরবে তাই নিয়ে অত্যাচার করতে এসেছ! এরা সইবে কেন, আর এদের সইতে দেব কেন?” [ডঃ পোদ্দার, এ, পৃ. ১২৮]

কবি মুসলমানদের জন্য হিন্দুদের বলেছেন, “জীবনের মহলে বরাবর তোমরা এক কোঠায়, ওরা আর এক কোঠায় কাটিয়ে এসেছে। আর, আজ তোমাদের দায় ওদের কাঁধের উপর চাপাতে চাও? তোমাদের রাগের ঝাল ওদের দিয়ে মিটিয়ে নেবে? আমি তো একে কাপুরুষতা মনে করি। ... কিন্তু ঐ গরীবদের স্বাধীনতা দলন করে তোমরা যখন স্বাধীনতার জয়পতাকা আক্ষফালন করে বেড়াবে তখন আমি তোমাদের বিরুদ্ধে দাঁড়াব। তাতে যদি মরতে হয় সেও স্বীকার।” [ডঃ এ, পৃ. ১২৮-২৯]

হিন্দু নেতৃত্বের মূল্যায়ন করে কবি আবার বলতে পারলেন, “মানুষকে ঘৃণা করা যে দেশে ধর্মের নিয়ম, প্রতিবেশীর হাতে জল খাইলে যাহাদের পরকাল নষ্ট হয়, পরকে অপমান করিয়া যাহাদেরকে জাতি রক্ষা করিতে হইবে, পরের হাতে চিরদিন অপমানিত না হইয়া তাহাদের গতি নাই। তাহারা যাহাদিগকে ম্লেচ্ছ বলিয়া অবজ্ঞা করিতেছে, সেই ম্লেচ্ছদের অবজ্ঞা তাহাদিগকে সহ্য করিতে হইবেই।” [ডঃ এ, পৃ. ১২৫]

রবীন্দ্রনাথ হিন্দু-মুসলমান সম্পর্ক নিয়ে আরও লিখলেন, “আমরা যে কেবল স্বতন্ত্র তাহা নয়। আমরা বিরুদ্ধ। আমরা বহু শত বৎসর পাশে পাশে থাকিয়া এক খেতের ফল, এক নদীর জল, এক সূর্যের আলো ভোগ করিয়া আসিয়াছি, আমরা এক ভাষায় কথা কই, আমরা একই সুখ দুঃখে মানুষ, তবু প্রতিবেশীর সঙ্গে প্রতিবেশীর যে সম্বন্ধ মনুষ্যোচিত, যাহা ধর্মবিহিত, তাহা আমাদের মধ্যে হয় নাই। আমাদের মধ্যে সুদীর্ঘকাল ধরিয়া এমন একটি পাপ আমরা পোষণ করিয়াছি যে, একত্রে মিলিয়াও আমরা বিচ্ছেদকে ঠেকাইতে পারি নাই। এ পাপকে ঈশ্বর কোনোমতেই ক্ষমা করিতে পারেন না।”

[ঐ, পৃষ্ঠা ১২৫]

মাটির দেশকে রক্তমাংসের মা বানিয়ে নেওয়া হোল, আবার দেবীর মতো মনে করে দেশ-মায়ের কাছে সাহায্যও চাওয়া শুরু হোল। কবির মতে ওটা একটা নেশা ছাড়া কিছু নয়। তিনি লেখেন, “কেননা, আমি এই বলি, দেশকে সাদাভাবে দেশ বলেই জেনে, মানুষকে মানুষ বলেই শ্রদ্ধা করে, যারা তার সেবা করতে উৎসাহ পায় না— চিৎকার করে মা বলে, দেবী বলে, মন্ত্র পড়ে যাদের কেবলই সম্মোহনের দরকার হয়— তাদের সেই ভালবাসা দেশের প্রতি তেমন নয়, যেমন নেশার প্রতি।” [ঐ, পৃ. ১২৭]

কবি দেশকে ‘মা’ ‘মা’ বলে ডাকাকে প্রথমে সমর্থন করেছিলেন এবং সেইভাবে কবিতাও লিখেছিলেন। কিন্তু নিজের ভুল নিজেই শুধরে নিয়ে স্পষ্টভাবে দেশের লোককে জনিয়েছেন : (ক) “শুধু মা মা বলে দেশকে যারা ডাকাডাকি করে তারা চিরশিশু। দেশ বৃদ্ধ শিশুদের মা নয়, দেশ অর্ধ-নারীশ্বর— মেয়ে পুরুষের মিলনে তার উপলব্ধি।” (চার অধ্যায়, ১৯৩৯) (খ) “বাংলাদেশের মেট্রিয়ার্কি বাইরে নেই, আছে নাজীতে। মা মা শব্দে হাস্যধ্বনি তা আর কোন দেশের পুরুষ মহলে শুনেছ কি? (ল্যাবরেটরি, ১৯৪০ দ্রষ্টব্য) [সংগ্রহ : অধ্যাপক দীপন চট্টোপাধ্যায়, পূর্বোক্ত পৃ. ১৯-২০]

অধ্যাপক দীপন চট্টোপাধ্যায় কবির জন্য আরও লিখেছেন, “রবীন্দ্রনাথ ভাবাদর্শের দিক থেকে এই নগ্ন শক্তির উপাসনার বিরুদ্ধে ছিলেন। ভারতের শক্তি উপাসনা হয়ে আসছে ভয়ঙ্করী মা কালীর মূর্তিতে। ধার্মিক বিভ্রান্তি হিসাবে রবীন্দ্রনাথ সাধামত তা প্রত্যাখ্যান করেন।” [ঐ, পৃ. ২০]

শঙ্করীপ্রসাদ বসুও লিখেছেন, “ঠাকুর পরিবারের বোধহয় চরম কালীবিবোধীর নাম রবীন্দ্রনাথ ঠাকুর, যিনি তাঁর দীর্ঘ জীবনের শেষ প্রান্ত পর্যন্ত কালী সম্বন্ধে তীব্র বিতৃষ্ণা বোধ করে এসেছেন। তিনি তাঁর সাহিত্য জীবনের গোড়া থেকেই কালীপূজা বলতে নিঃসন্দেহে হিংস্রতার উপাসনা বুঝে এসেছেন।”

ঠাকুরবাড়ির অবনীন্দ্রনাথ ঠাকুর এই প্রসঙ্গেই বলেছেন, “সাবি সাহেবদের মেম, দেবার সাহেব-সুঝো ও বড় বড় মানাগণ্য” লোকেদের নিমন্ত্রণ করে এনে ঠাকুরবাড়িতে রবীন্দ্রনাথের ‘বাস্মিকী প্রতিভা’র অভিনয় হয়েছিল। তাতে কিভাবে কালীপূজা দেখানো হয়েছিল তার বর্ণনা : “তারপর চলল আমাদের মদ খাওয়া। ... কালীমূর্তি দেখতেই রবীন্দ্রনাথ খেপে যেতেন। ... ত্রেণধ ও বিতৃষ্ণায় কাঁপতে কাঁপতে রবীন্দ্রনাথ (রোমারোল্যান্টকে) বললেন, এ ধরণের রক্তমাখা নিমন্তর থেকেই চিরকাল মানুষের মধ্যে প্রবাহিত হয়েছে খুশীর হিংস্রতা, যুদ্ধ ও হত্যাকাণ্ডী দেবতার উপাসনা, রক্তপানের রুচি।”

প্রভাতকুমার মুখোপাধ্যায়ের ‘রবীন্দ্র জীবনী’র চতুর্থ খণ্ডে উল্লিখিত আছে : “জওহরলাল নেহেরুকে একটি পত্রের মাধ্যমে : বক্ষিমচন্দ্র জীবিত থাকার সময়ই রবীন্দ্রনাথ ‘বন্দেমাতরম’ গানটির প্রথম স্তবক সুর দিয়েছিলেন। কলকাতা অধিবেশনে তিনি প্রথম গান গাইবেন।”

‘বন্দেমাতরম’ গোটা গানটি পড়ে তার অর্থ তলিয়ে দেখে কবি অত্যন্ত ক্ষুব্ধ হন— “ক্ষুব্ধ রবীন্দ্রনাথ বৃদ্ধদের বসুকে একটি পত্র দেন। তাতে লেখা ছিল : ‘ভারতবর্ষে ন্যাশানাল গান এমন কোন গান হওয়া উচিত যাতে এটা হিন্দু নয় কিন্তু মুসলমান খৃষ্টান— এমনকি ব্রাহ্ম শ্রদ্ধার সঙ্গে ভক্তির সঙ্গে যোগ দিতে পারে। ‘হাং হি দুর্গা কমলা কমল দল বিহারিণী’ ইত্যাদি হিন্দু দেবদেবী— নামধারিণীদের স্তব, যাদের ‘প্রতিমা পূজি মন্দিরে মন্দিরে’ সার্বজনিক গান মুসলমানদের গলধরকরণ করাতাই হবে। হিন্দুর পক্ষে ওকালতি হচ্ছে এগুলি আইডিয়া মাত্র। কিন্তু যাদের ধর্মে প্রতিমা পূজা নির্বিঘ্ন, তাদের কাছে আইডিয়ার দোহাই দেবার কোন অর্থই হয়না। (২৮শে ডিসেম্বর ৩য় খণ্ড) এই প্রসঙ্গে ডক্টর নেপাল মজুমদার মন্তব্য করেন, “বন্দেমাতরম গানের কেন্দ্রস্থলে আছে দুর্গার স্তব, এ কথা এতই সুস্পষ্ট যে, এ নিয়ে তর্ক করা চলে না। ‘আনন্দমঠ’ উপন্যাস সাহিত্যের বই। তার মধ্যে এই গানের সুসঙ্গতি আছে। কিন্তু যে রাষ্ট্রসভায় ভারতবর্ষের সকল ধর্ম সম্প্রদায়ের মিলন ক্ষেত্র, সেখানে এ গান সার্বজনীনভাবে সঙ্গত হতেই পারে না।” (ভারতে জাতীয়তা ও আন্তর্জাতিকতা ও রবীন্দ্রনাথ, ৪র্থ খণ্ড দ্রষ্টব্য) [সংগ্রহ : দীপন চট্টোপাধ্যায়, পূর্বোক্ত, পৃ. ১৮]

অনেক আধুনিক পর্যবেক্ষকদের সঙ্গে আমরাও একমত যে, পূর্ব বর্ণিত ম্যাক্সমুসারের ঐ সব মডবন্থ তিনি জানতেন, বুঝতেন অথবা সংযুক্তও ছিলেন। আর্ব এবং আর্বতন্থ ভালভাবেই বুঝে ফেলেছিলেন তিনি। তাই দ্ব্যর্থহীনভাবে তাঁর কবিতার যা জনিয়েছেন তাতে প্রমাণিত হয় যে, তিনি শুধরে নিতে পেরেছিলেন নিজেকে। তাই কবি লিখতে পেরেছেন : “খুদে খুদে ‘আর্ব’ গুলো কানের মত গজিয়ে ওঠে, ছুঁচালো সব জিবের তপা কাঁটার মতো পারে ফোটে।” [৩য় পোদ্দার, ঐ, পৃ. ৩০ দ্রষ্টব্য]

ম্যাক্সমুলার, যিনি নিজের নাম সংস্কৃত করেছিলেন মোক্ষমুলার— সে ভণ্ডামিও ধরতে পেরেছিলেন তিনি। কবি তাই লিখেছেন :

“মোক্ষমুলার বলেছে ‘আর্থ’, / সেই শুনে সব ছেড়েছি কার্য, / মোরা বড়ো করেছি ধর্ম, / আরামে পড়েছি শুয়ে।” [এ, পৃ. ৩০ দ্রষ্টব্য]

সারা জীবন ধরে বৃটিশ ভজনা করলেও, তাদের তোষণে অনেক কিছু লিখলেও মোহনিদ্রা ভঙ্গ হয়েছিল তাঁর। তাই লিখেছিলেন : “আজ আমি বলিতেছি, ভারতবর্ষের দীনতম মলিনতম কৃষককে আমি ভাই বলিয়া আলিঙ্গন করিব, আর এ যে রাঙ্গাসাহেব টম্‌টম হাঁকাইয়া আমার সর্বাপে কাদা ছিটাইয়া চলিয়া যাইতেছে উহার সহিত আমার কানাকড়ির সম্পর্ক নাই।” [দ্রঃ রবীন্দ্র রচনাবলী ১২শ খণ্ড ; এ, পৃ. ৫৬]

রবীন্দ্রনাথ মুসলমান জাতির বিরুদ্ধে প্রত্যক্ষ ও পরোক্ষভাবে নানা বিষয়ে নিজেকে জড়িয়ে ফেলেছেন। অন্যদিকে ইসলামধর্মের প্রতি সহানুভূতিশীল তেমন কিছু লেখবার প্রয়োজন অনুভব করেন নি। যা সত্যিই দুর্লভ। কিন্তু বার্কাক্য ও মতুর সন্ধিক্ষণে যখন পৌঁছে গেলেন তখন এ মানসিকতারও পরিবর্তন ঘটলো তাঁর। ১৯৩৩-এর ২৬শে ত্রিসেহর রোহাইয়ে উদযাপিত হয়েছিল মুসলমানদের পয়গম্বর দিবস। কবি হজরত মুহাম্মদের (স) পক্ষে একটি বাণী পাঠালেন যেটা সেই সময়ের খাতনামা কংগ্রেস নেত্রী সরোজিনী নাইডু পাঠ করে শোনান। ভারত তথা পৃথিবীর অসংখ্য আগাছার মত ধর্মগুলোকে তিনি গুরুত্ব দিতেন না মোটেই; মাত্র কয়েকটি ছাড়া। তাই তিনি তাঁর লেখার মধ্যে পয়গম্বরের প্রশংসা করে মুসলমান জাতির ইসলাম সম্বন্ধে লিখলেন : “জগতে যে সামান্য কয়েকটি মহান ধর্ম আছে, ইসলাম ধর্ম তাদেরই অন্যতম। ... সত্য ও শাস্ত্যকে যাঁরা জেনেছেন ও জানিয়েছেন, তাঁরা ঈশ্বরের ভালবাসার পাত্র এবং মানুষকেও তাঁরা চিরকাল ভালবেসে এসেছেন।”

স্যার আব্দুল্লাহ সোরাবদীর কাছ থেকে অনুরোধ পেয়ে ১৯৩৪-এর ২৫শে জুন হজরত মুহাম্মদের (স) জন্মদিন উপলক্ষে কবি যে বাণী পাঠিয়েছিলেন সেটি আকাশবাণী বেডিঙতে প্রচারিত হয়েছিল। সেই বাণীর শেষ বাক্যটি হোল : “... আজকের এই পুণ্য অনুষ্ঠান উপলক্ষে মুসলিম ভাইদের সঙ্গে একযোগে ইসলামের মহাখবির [হজরত মুহাম্মদ স.] উদ্দেশ্যে আমার ভক্তি উপহার অর্পণ করে উৎসাহিত ভারতবর্ষের জন্য তাঁর আশীর্বাদ ও সাহুনা কামনা করি।” স্যার আব্দুল্লাহ এ বক্তব্যটি ছেপে জনগণের মধ্যে পরিবেশন করেছিলেন। [দ্রঃ অমিতাভ চৌধুরী : ইসলাম ও রবীন্দ্রনাথ, পৃ ২-৩]

রবীন্দ্রনাথ মৃত্যুর পূর্বে অনুভব করতে পারলেন যে, ইস্ট ইণ্ডিয়া কোম্পানি থেকে গুরু করে তখন পর্যন্ত মানী ও ধনী মুসলমান জাতিকে যে ভাবে ধ্বংস করা হয়েছে এখন

শুধু ‘হিন্দু মুসলমান ভাই ভাই’ বললে তা হবে প্রতারণারই নামান্তর। বরং মুসলমানদের যে অবস্থা ছিল সেই অবস্থায় তাদের ফিরিয়ে এনে হিন্দু সমাজের সমকক্ষ করার প্রয়োজন আছে। তাই তিনি তাঁর ভাষায় বললেন, “হিন্দু মুসলমানে ‘মিলন’ অপেক্ষা ‘সমকক্ষতা’ প্রয়োজন আগে।”

রবীন্দ্রনাথ মুসলমানদের মূল্যায়ন করতে পারলেন তাঁর জীবনের অন্তিম সময়ে। তিনি লিখলেন, “বাংলাদেশের পূর্বভাগে মুসলমানের সংখ্যাই অধিক। ধর্মগত ও সমাজগত কারণে মুসলমানদের মধ্যে হিন্দুর চেয়ে ঐক্য বেশি। সুতরাং শক্তির প্রধান উপকরণ তাহাদের মধ্যে নিহিত হইয়া আছে।” [দ্রঃ রবীন্দ্র রচনাবলী, ১০ম ও ১৪শ খণ্ড]

আমরা যাঁরা কবির স্বপক্ষে অথবা যাঁরা নিরপেক্ষ তাঁদের কথা ছেড়ে দিলেও বিপক্ষ দল কবির মূল্যায়ন করতে চাইলে এইসব তথ্যের ভিত্তিতে তাঁদের পক্ষে সঠিকভাবে বলা কঠিন হবে যে কবি ব্রাহ্ম, নাকি হিন্দু, নাকি বৈষ্ণব, নাকি বাউল, নাকি সুবিধেবাদী? প্রসঙ্গ শেষ করতে আমরা বলতে পারি যে, কবি রবীন্দ্রনাথ ঠাকুর ও সমগ্র ঠাকুর বাড়ি, সেইসঙ্গে পূর্ণ বঙ্গের ভূমিদার বাবু রাজা মহারাজা রায়বাহাদুর প্রভৃতি মিলে যে ‘এলিট’ শ্রেণী তাঁদের কারণেই সমগ্র মুসলমান জাতি ব্রিটিশের সঙ্গে লড়াইয়ে পরাজিত, শিক্ষা ক্ষেত্রে বঞ্চিত ও অর্থনৈতিক ক্ষেত্রে বিস্তৃত হয়েছেন। সেইসঙ্গে অনুরত, অস্পৃশ্য হরিজন, আদিবাসীরাও এঁদের প্রভাব অতিক্রম করে পারেন নি মাথা উঁচু করে প্রতিষ্ঠিত হতে। বলাবত্বল্য, মতুর পূর্ব পর্যন্ত বেশির ভাগ নেতাই তাঁদের বৈরী মনোভাব নিয়েই মারা গেছেন। কবি রবীন্দ্রনাথ কিন্তু শুধুরে নিয়েছেন নিজেকে, অনুভব করেছেন এবং স্বীকারও করে গেছেন যে, নিজের স্বার্থসিদ্ধির জন্য, দেশ বিদেশে প্রিয় হওয়ার জন্য সারা জীবন ধরে যা করা হয়েছে তা অসত্য ও প্রতারণার নামান্তর। তাই তিনি লিখেছেন, “আমার পৃথিবীর মেয়াদ সংকীর্ণ হয়ে এসেছে, অতএব আমাকে সত্য হবার চেষ্টা করতে হবে, প্রিয় হবার নয়।” [দ্রঃ রাশিয়ার চিঠি, পৃ. ৫৯]

বাঙালী চরিত্রের সঠিক চিত্র অঙ্কন করা বড় জটিল। রবীন্দ্রনাথের অনেক শত্রু ছিল একথা ধরে নিয়েই স্বীকার করতে হয়, তুলনামূলক হিসাবে তাঁর মিত্র বন্ধুবান্ধব বা ভক্তের সংখ্যা অনেক বেশি। কবি মৃত্যুর পূর্বে একটির পর একটা শোকাঘাত পেয়ে আত্মিক যন্ত্রণা ভোগ করেছেন অনেক। যেমন ঠাকুরবাড়িতে একটির পর একটি রত্ন পাগল হয়ে গেলে তাঁদের বেঁধে রাখতে হোত, পাঠাতে হোত পাগলা গারদে। তিলে তিলে তাঁরা নানা যন্ত্রণায় মিশে গেছেন মৃত্যুর সঙ্গে। অকালে তাঁর পুত্রের মৃত্যু, তাঁর মেয়েদের করুণ দাম্পত্য জীবন এবং তাঁদের তখনকার দুরারোগ্য ব্যাধি যক্ষ্মায় মৃত্যু—

সবশেষে শুরু হোল তাঁর দেহের উপর যন্ত্রণা, মৃত্যুর পূর্বসংকেত। উঃ বিধানচন্দ্র রায়ের পরামর্শে প্রকাবের সময় অসহ্য যন্ত্রণা থেকে নিষ্কৃতি পেতে অপারেশানে সম্মত হতে হয় কবির ইচ্ছার বিরুদ্ধেই। কলকাতার জোড়াসাঁকোয় তাঁকে নিয়ে আসা হোল। অপারেশানের পূর্বে যন্ত্রণাকাতর কবিকে পূর্ণভাবে অজ্ঞান না করেই অপারেশান করা হোল। কবি অনেক কষ্টে চোখ বুজে যন্ত্রণা সহ্য করলেন। কিন্তু কবি বাঁচতে পারলেন না, মৃত্যুই হয়ে গেল তাঁর।

ভক্ত, অভক্ত না অতিভক্ত— নির্ধারণ করা মুশকিল। শ্রুত বাঙ্গালী দর্শক এসে প্রতীক্ষা করছেন তাঁর মরদেহ দেখার। ভয়ধ্বনি হচ্ছিল জোরে জোরে। ভক্তির প্রাবল্যে ঠাকুরবাড়ির কোলাপসিবল গেট ভেঙ্গে ফেললো জনতা। ভক্তরা কবির মরদেহ সাঙ্গানো খাট থেকে তুলে নিয়ে চলে গেলেন জনস্রোতের মাঝখানে। কবি নিষেধ করে গিয়েছিলেন তবুও ‘রবীন্দ্রনাথ ঠাকুর কি ভয়’ ‘বন্দেমাতরম’ ধ্বনিত হতে লাগলো বারে বারে। বাঙ্গালী রবি ভক্তদের এতই ভক্তির আধিক্য যে, কবির স্মৃতি বাড়িতে রাখার জন্য প্রায় সারা জীবন ধরে তাঁর সংরক্ষিত মাথা ভর্তি শুভ্র কেশ, চিত্তাকর্ষক দাড়ি অনেকে ছিঁড়ে নিয়ে যেতে লাগলেন। শেষে দেখা গেল, শ্মশানে যাওয়ার পূর্বেই কবির চেহারাই বদলে দিয়েছেন অতি ভক্তের দল।

অধ্যাপক অমিতাভ চৌধুরী বেদনা নিয়েই লিখেছেন, ‘যখন মুখাঙ্গি করা হয়, তখন রবীন্দ্রনাথের মুখমণ্ডল বিকৃত। জনতার এতই রবি অনুরাগ যে স্মৃতিচিহ্ন হিসেবে তাঁর মাথার চুল ও মুখের দাড়ি সব উপড়ে নিয়ে যাওয়া হয়েছে। এই হল গিয়ে কবি প্রহরণের শেষ দৃশ্য। সারা জীবন সন্দরের সাধক রবীন্দ্রনাথকে চির বিদায় নিতে হোল সন্দরের হাতে।’ [তথ্য ও উদ্ধৃতি : ইসলাম ও রবীন্দ্রনাথ, পৃ. ১৩৬-৩৭]

ছবি : তথ্য ও সংস্কৃতি বিভাগ, পশ্চিমবঙ্গ, ‘দেশ’, বিশ্বভারতী এবং বাংলা একাডেমির সৌজন্যে

বিচিত্র ব্যক্তি গান্ধীজী

মোহনদাস করমচাঁদ গান্ধী এক বিশাল ব্যক্তিত্ব। শুধু ভারত নয়, সারা বিশ্বে তিনি স্বাধীন ভারতের শ্রেষ্ঠতম নেতা বলে পরিচিত। শুধু কি তাই? তিনিই জাতির জনক। কোটি কোটি মানুষের কাছে তিনি ‘মহাত্মা’। অসংখ্য মানুষের কাছে তিনি ‘বাপুজী’। আমাদের অনেকের কাছে তিনি এক মহান ঋষি। অহিংস সাধনার তিনি প্রচারক ও অন্যতম প্রতিষ্ঠাতা। ব্রহ্মচর্য সাধনার তিনি ছিলেন জীবন্ত প্রতিমূর্তি। আর ছিলেন গরীব ও হরিজন দরদী। আশ্রয় নিয়েছিলেন পর্ণকুটারে। কত বড় প্রখরবুদ্ধি ঝানু রাজনীতিবিদ তিনি ছিলেন যে, তাঁকে শ্রেষ্ঠতর না বলে শ্রেষ্ঠতমই বলতে হয়। কারণ তখনকার কংগ্রেসকর্মীরা তাঁর আঙুলের ইশারায় উঠতেন বসতেন। মতভেদ, মতানৈক্যের মাঝখানে বেশিরভাগ ক্ষেত্রে তাঁর কথাই ছিল চরম ও চূড়ান্ত। লাঠির প্রহার খেয়েছেন মাথায়, পড়ে গেছেন লুটিয়ে অথচ ক্ষমা করেছেন স্বতঃস্ফূর্তভাবে। কিন্তু পরিতাপের কথা এটাই যে, ভারতবাসীর হাতেই তিনি নিহত হলেন, লুটিয়ে পড়লো তাঁর মৃতদেহ, শেষ রক্তবিন্দু শুঁবে নিল তৃষিত ভারতের শুষ্ক মৃত্তিকা।



গান্ধীজী

বারবার বলা হয়েছে যে, প্রচলিত সাধারণ ইতিহাস লেখার নিয়মের গতবাঁধা ছকে লেখা হয়নি এই বই। গান্ধীজী সম্পর্কে যা কিছু বলা হোল তার সবই সাধারণ ভক্ত এবং অসাধারণ ভক্তদের বিশ্বাসের বিষয়। এসবই আলো দিক। এগুলো প্রমাণ করতে বিরাট পরিশ্রম বা গ্রন্থ-গ্রন্থালয়ে গভীর অনুসন্ধানের কোন প্রয়োজন নেই। কিন্তু গান্ধীবিরোধী যঁারা, অথবা যঁারা নিরপেক্ষ, তাঁরা খুঁজতে চাইবেন নতুন তত্ত্ব ও তথ্য, চরিতার্থ করতে চাইবেন তাঁদের অনুসন্ধিৎসা। এইটুকু করতে গেলে চরম অধ্যাবসায়, প্রচণ্ড পরিশ্রম, অসংখ্য পুস্তক সংগ্রহ ও গভীর মনোযোগ সহকারে তা পড়ে নিরপেক্ষ ঐতিহাসিক নন্দ একটি আলোখ্য তৈরি করা নিঃসন্দেহে সুকঠিন। আমার অযোগ্যতা স্বীকার করেও, এই দুঃসাধ্য কাজটি করতে গিয়ে আলোর পাশে কালো দিকটিও তুলে ধরতে হয়েছে।

অনেকের মনে আসতে পারে যে, আলোকপ্রাপ্ত শুভ্রোজ্জ্বল ইতিহাসপ্রসিদ্ধ ব্যক্তিত্বের কালোদিক খুঁজে তাঁর ইতিহাসে মসিসিঞ্চন বা কালি ছিটানোর প্রয়োজনীয়তা বা উপকারিতা কতটুকু? এ প্রশ্ন যাঁরা করেন, তাঁরা উচ্চস্তরের পাঠকশ্রেণীর মধ্যে গণ্য নন। বরং তাঁরা সরল ও সহজপ্রাণ সাধারণ পাঠক। এ বইটি কিন্তু সাধারণ অসাধারণ উভয় শ্রেণীর উদ্দেশ্যেই নিবেদিত।

উদাহরণ দিয়ে বলা যায়, বঙ্কিমচন্দ্র চট্টোপাধ্যায় বৃটিশ সরকারের সি. আই. ই. উপাধিপ্রাপ্ত মানেই প্রথম শ্রেণীর বৃটিশ ভক্ত। বহু পুরস্কার ও উন্নতিপ্রাপ্ত এত বড় ব্যক্তিত্ব যে সাম্প্রদায়িক দোষে দুষ্ট, এ অভিমত হিন্দু-মুসলমান অনেকেই। তাঁর সময়ে তিনি অপ্রতিদ্বন্দ্বী শ্রেষ্ঠতম সাহিত্যিক হিসাবে তাঁকে স্বীকৃতি দিতে কাপণ্য দেখাতে পারবেন না কোন সংস্থা বা ব্যক্তি। কিন্তু শরৎচন্দ্র, বঙ্কিমের সমকক্ষ বা তাঁর চেয়ে বড় না হলেও, তিনিও সমসাময়িক প্রতিষ্ঠানকৃত ঔপন্যাসিক, কথাসাহিত্যিক। ইংরেজের কাছ থেকে কোন উপাধি বা সুযোগ সুবিধা পাবার সৌভাগ্য বা দুর্ভাগ্য না হলেও তাঁর লেখা গল্প-উপন্যাসে তিনি যা করেছেন, তাতে তাঁর দুটি গুণ চন্দ্র ও সূর্যের মতো আজও সাহিত্যের আকাশে জ্বলজ্বল করছে। সেটা হোল, লেখার মধ্যে সরলতা ও সহজবোধ্যতা। অপর দ্বিতীয়টি হোল, সমাজ সংস্কারে তাঁর লেখা সাম্প্রদায়িকতার বিষাক্ত অভিশাপ থেকে মুক্ত। তাঁর ইতিহাসের আলো দিক আলোচনার সঙ্গে সঙ্গে কালো দিক আলোচনারও প্রয়োজন আছে।

দেশবরেণ্য কথাসিদ্ধী শরৎচন্দ্র চট্টোপাধ্যায় মদ্যপান ও বেশ্যাভোগের সঙ্গে প্রকাশ্যভাবে জড়িত ছিলেন বলে যাঁরা অভিযোগ করেছেন তাঁদের কথা অপ্রমাণিত সত্য বলা কঠিন। এখানে একটি উদ্ধৃতি দেওয়া প্রয়োজন : ভাগলপুরে শরৎচন্দ্র “মজফফরপুরের এক বড়ো জমিদার পরিবারের ছেলে মহাদেব সাহুর খুব ঘনিষ্ঠ হন। শরৎ-এর সঙ্গে মিশে মহাদেবও ধীরে ধীরে বাংলা লিখতে পড়তে শিখে নিলেন। এই মহাদেবের সঙ্গে মিশেই শরৎচন্দ্র মদ এবং পতিতাদের সঙ্গে লিপ্ত হয়ে পড়েন। ... শিখরনাথবাবু শরৎ-এর এই উচ্ছৃঙ্খল ব্যবহার পছন্দ করতেন না। শরৎচন্দ্র শিখরনাথের কাড়ী ছাড়লেন। এরপর বহু পতিতার সঙ্গে শরৎ-এর সম্পর্ক হয়। দুই বন্ধু মিলে রাতের পর রাত পতিতালয়ে পড়ে থাকতেন। ঐ সময় মজফফরপুরে পুটিবান্দ নামে একজন অসাধারণ সুন্দরী বেশ্যা ছিল। শরৎ নাকি তাকে ভালবাসতেন। এখানে রাজবালা নামে একজন তরুণীর সঙ্গেও শরৎচন্দ্রের সম্পর্ক হয়েছিল। রাজবালার বাবা বিধুভূষণবাবু উকিল ছিলেন। শরৎচন্দ্রের ‘চরিত্রহীন’ উপন্যাসের কিছু অংশ, ‘ব্রহ্মদৈত্য’ রচনাটি এখানে বসেই লেখা।” [বিকাশকুমার ঝা : মুজফফরপুরের বাঙালী জমিদাররা, আলোকপাত, জানুয়ারি, ১৯৯০ সংখ্যা]

বিখ্যাত কথাসিদ্ধীর চরিত্রের এই সমালোচনায় লাভের দিক কতটুকু? আমাদের বিশাল জনসমাজের বিশেষতঃ কিশোর ও তরুণদের পদস্ফুলন হওয়া অস্বাভাবিক নয় মোটেই। যখন সে মনে করে যে সে চরিত্রহীন, সে সমাজের ক্ষয়িষ্ণু শেষ বিন্দু, সত্যিই তখন সে নিঃশেষ হয়ে যায়। কিন্তু শরৎচন্দ্রের এই ঘটনা তার জানা থাকলে সে পাবে নতুন উদ্দীপনা ও জীবন্ত চেতনা। তার মনে হবে শরৎচন্দ্র এই অবস্থায় জিরো থেকে যদি হিরো হতে পেরে থাকেন, তাহলে তারও গুণের বিকাশ ঘটাতে বিন্দু থেকে সিদ্ধ হওয়া নিশ্চয়ই অসম্ভব নয়। এটাই হোল অন্যতম লাভের দিক।



শেখবে গান্ধীজী

পূর্বোক্ত গুণে গুণায়িত বিরাট ব্যক্তিত্ব গান্ধীজী যেদিন নিষ্ঠুরভাবে আততায়ীর গুলিতে নিহত হলেন, সেদিন ভারতের বহু স্থানে আনন্দে মিস্তি বিতরণ করা হয়েছিল। বঙ্গের বিখ্যাত সাহিত্যিক, প্রাক্তন জেলাশাসক ও বিচারপতি অনন্যশঙ্কর রায় লিখেছেন, “শেষকালে মৌনতা ভঙ্গ করে শ্যামাপদবাবু [শ্যামাপ্রসাদ মুখার্জি] আমাকে বলেন, ‘শুনেছেন? রাত্রে এখানকার কয়েকটি বাড়িতে মিস্তান্ন বিতরণ হয়ে গেছে।’ আমি তো থ। গান্ধী নিধনের সংবাদে মিস্তান্ন বিতরণ? এটা কি ভারতবর্ষ? ভেবেছিলুম এটা একটা বিচ্ছিন্ন ঘটনা। কিন্তু জেলার নানা জায়গা থেকে খবর আসতে লাগলো যে সেই রাত্রে মিস্তান্ন বিতরণ করা হয়েছে! আশ্চর্যের ব্যাপার! সংবাদপত্রে পড়া গেল, ভারতের বিভিন্ন অঞ্চলে একই সময়ে মিস্তান্ন বিতরণ হয়েছে।” [দ্রষ্টব্য ‘পশ্চিমবঙ্গ’, তথ্য ও সংস্কৃতি বিভাগ থেকে প্রকাশিত, গান্ধী সংখ্যা, পৃ. ৫৬, ১৯৯৫]

এত বড় ঘটনা যখন ঘটলো, নিশ্চয়ই তার পিছনে কারণ থাকবেই। রাষ্ট্রীয় স্বয়ংসেবক সংঘ, অর্থাৎ আর. এস. এস. পার্টিকে গান্ধীর মৃত্যুর পরেই নিষিদ্ধ করা হোল। কারণ ঐ দলেরই সমর্থক নাথুরাম গডসে তাঁকে যে গুলি করলেন এটা আকস্মিক বা একটা বিচ্ছিন্ন ঘটনা নয়; বহুদিন ধরে পুঞ্জীভূত নানা অভিযোগে [তাঁদের মতে] মৃত্যুর শিকার হতে হোল তাঁকে।

অবিভক্ত ভারতবর্ষ যখন ভাগ হয় ভারত ও পাকিস্তান নামে, তখন উভয় দেশের মধ্যে যেসব শর্ত নির্ধারিত হয়েছিল, তার মধ্যে একটা ছিল এই যে, পাকিস্তানকে ভারত

৫৫ কোটি টাকা ধার হিসেবে দেবে। পাকিস্তান ও ভারতের মধ্যে কাশ্মীর নিয়ে ঝামেলার সৃষ্টি হয়। হানাহানি ও দাঙ্গায় জড়িয়ে বা ক্ষতিগ্রস্ত হয়ে তখন দুদেশই ছিল স্পর্শকাতর অবস্থায়। পাকিস্তান কাশ্মীরে ঝামেলা সৃষ্টি করেছে— এ কথার উপর বিশ্বাস করে ভারতের নেতা জওহরলাল নেহরু ও তাঁর দলবল পূর্ব প্রতিশ্রুতির টাকা দিতে অস্বীকার করেন। তাতে উচ্ছ্বাসপ্রবণ তরুণ ও নবীনরা খুশি হয়ে এটা সমর্থন করেন। তারা মনে করেন, পৃথক যখন হয়ে গেছি, তাদের উপকার হয় এমন কোন কাজ আমাদের না করাই উচিত। সেই সময় গান্ধীজী দাবি করলেন, ঐ ৫৫ কোটি টাকা যদি পাকিস্তানকে না দেওয়া হয় তাহলে তিনি আত্মহত্যা করবেন অনশন করে। বাকীদের স্তম্ভ তৈরি হয়েই ছিল— তাঁর অনশনে যেন হোল অগ্নিসংযোগ। গান্ধীর বিরুদ্ধবাদীদের ধারণা হোল, তিনি পাকিস্তান বা মুসলমানদের দালাল। ধারণা হওয়ার কারণ শুধু এটাই নয়, আরো আছে। তারমধ্যে অন্যতম হোল, গান্ধীর দুই পুত্রের ইসলাম ধর্ম গ্রহণ। এটাও ভুল বোঝাবুঝি। হিন্দু ধর্ম ত্যাগ করে তাঁর পুত্রের ইসলাম ধর্ম গ্রহণে গান্ধীর সমর্থন ছিল না। [দ্রষ্টব্য গান্ধী-রচনা সম্ভার, তৃতীয় খণ্ড, পৃ. ১২৭]

এবার পঞ্চদশ কোটি টাকার কথা। একটি বিখ্যাত বই থেকে উদ্ধৃতি দিচ্ছি। বইটি একজন জেসুইট সনামধন্য নেতার লেখা। যাতে 'যুগান্তর', 'বসুমতী', 'প্রভাত', প্রভৃতি সংবাদপত্রের প্রশংসা ছাপা আছে। লেখক সুনীল কুমার গুহ। 'স্বাধীনতার আবোল তাবোল'। শান্তিনিকেতন বিশ্বভারতীর গ্রন্থাগারে সংরক্ষিত এই বইটির নম্বর ৮৭২০৮/৯৪. ৬০২ সু গু।

শ্রী গুহ লিখেছেন, "তাই ভারতের সাথে একটা বন্দোবস্ত হয়েছিল যে, আপাততঃ এই খরচ চালাবার জন্য ভারত পাকিস্তানকে পঞ্চদশ কোটি টাকা ধার দেবে। এই ধার দেওয়া দেই-ইর ব্যাপারে লেখাপড়ার কাজও হয়ে গিয়েছিল: কিন্তু পাকিস্তান হঠাৎ কাশ্মীরে হাদামা বাধিয়ে বসায় পাকিস্তানকে জব্দ করবার জন্য ভারত সরকার ঐ টাকাটা দিতে নারাজ হলেন। ... পাকিস্তান যখন ধমক দিলে যে, টাকাটা না দিলে তারা করাচি এবং লাহোর ব্যাঙ্ক থেকে রিজার্ভ ব্যাঙ্কের সব টাকা জোর করে কেড়ে নেবে তখন তাঁদের টনক নড়লো। ... গান্ধীজীকে আবার উপোস করতে হল শিষ্যদের বদন রক্ষা করবার জন্যই : যাতে সমস্যাটাই টাকাটা পাকিস্তানকে দিয়ে দেওয়া যায়। ... হতভাগা নাথুরাম গভসে বুঝতে ভুল করলো যে গান্ধীজী শুধু তাঁর অবোধ পুত্র এবং শিষ্যদের বদনরক্ষা করবার জন্যই অনশনের চর করেছিলেন— পাকিস্তানকে সাহায্য করবার জন্য নয়।" [দ্রষ্টব্য সুনীল গুহ'র লেখা ঐ বই, পৃ. ৭১]

শ্রী সুনীল গুহ'র এই লেখা যদি গ্রহণযোগ্য না হয় তাহলে এই প্রসঙ্গে পশ্চিমবঙ্গ

সংস্কারের তথ্য ও সংস্কৃতি বিভাগ থেকে প্রকাশিত 'পশ্চিমবঙ্গ' পত্রিকার গান্ধী সংখ্যা থেকে নতুন দিচ্ছি কয়েকটা লাইন— "মহাত্মাভি জানান যে, পাকিস্তানের যে ৫৫ কোটি টাকা ভারত সরকার আটকে রেখেছে সেটা পাকিস্তানকে মিটিয়ে দেওয়াটাই তাঁর ইচ্ছা। (গান্ধী) অনশন শুরু করার চক্রে দাঁটার মধ্যে ভারত সরকারের ক্যাবিনেট মিলিত হল পাকিস্তানের প্রাপ্য টাকা প্রদানের বিষয় আলোচনা করার জন্য। সেদিন রাতে বিড়লা ভবনের বাইরে এক জনত্রা আওয়াজ তুলল, 'খুন কা বদলা খুন', 'বদলা চাহিয়ে বদলা', 'গান্ধী মূর্ত্যবাদ' ইত্যাদি।"

তাঁকে অহিংস মতবাদের স্রষ্টা যে বলা হয় এ কথার সত্যতাতেও সন্দেহের অবকাশ যথেষ্ট। একদল বিচক্ষণ গণিতদের মতে এটা মিঃ তলস্তয়ের সৃষ্টি করা তত্ত্ব, যা বৃটিশের পক্ষ থেকে গান্ধীকে শেখানো হয়েছিল ভারতে পরিবেশনের জন্য। তলস্তয়ের শিষ্য গান্ধীজী দক্ষিণ আফ্রিকায় এই অহিংসবাদের প্রশিক্ষণটি পেয়েছিলেন।

"পুস্তকাগার সমবায় সমিতি ইত্যাদি যা গড়ে তুলেছিলেন তা তিনি গুরু টলস্টয়ের নামেই করেছিলেন। গুরু টলস্টয় বেঁচে ছিলেন এবং গান্ধীজীর সাথে যে তাঁর পত্রবিনিময়ও হোত তারও অনেক প্রমাণ আছে। কিন্তু যে মুহূর্তে গান্ধীজী নেতৃত্ব করবার জন্য এই মূর্খ ভারতভূমিতে পদার্পণ করলেন সেই মুহূর্ত থেকেই তিনি ঋষি টলস্টয়কে ভুলে গেলেন। এ ব্যাপারটা কি করে সম্ভব হোল, কি করে সম্ভব হোল তাঁর প্রচারকার্য যে তাঁর ঐ 'অহিংসাবাদ' তাঁর নিজেরই আবিষ্কার? ভারতে এসেও তিনি গঠনমূলক অনেক কিছুই করেছিলেন, কিন্তু কারও সঙ্গে ঐ টলস্টয়ের নাম জড়িত করতে দেখা যায়নি।" [দ্রষ্টব্য সুনীল গুহ, ঐ, পৃ. ২৩]

রানী ভিক্টোরিয়া স্বয়ং যে উপাধিতে ভূষিত হয়েছিলেন সেই উপাধি একজন ভারতীয়কে দিতে হলে তাঁকে বৃটিশের কতটা বিশ্বাসভাজন সেবক হতে হবে সেটুকু গান্ধীজীর মধ্যে পাওয়া গিয়েছিল বলেই রানী গান্ধীজীকে 'কাইজার-ই-হিন্দ' উপাধিটি দিতে পেরেছিলেন।

শ্রী অমিতাভ মিত্র, জওহরলাল নেহরু এবং ইন্দিরা গান্ধীর সমালোচনা করে লিখেছেন, "উনি (নেহরু) তাঁর কন্যার কাছে ফ্লেভ প্রকাশ করেছেন যে, রানী ভিক্টোরিয়া সিপাহী



কৈশোরে গান্ধীজী

বিল্লোহের পর 'কাইজার-ই-হিন্দ' নিয়ে রাজসিংহাসনে আরোহণ করেছেন। কিন্তু তাঁর গুরুদেব স্বয়ং গান্ধীজী ১৯১৪-১৮ সালে অহিংসার অবতার হয়ে গ্রামে গ্রামে সাম্রাজ্যবাদীদের সাহায্য করেছেন সৈন্য সংগ্রহ করে এবং সেই কাজের উপহার স্বরূপ তিনিও একই উপাধি গ্রহণ করেছিলেন রানী ভিক্টোরিয়ার মতন।" [দ্রঃ বর্তমান দিনকাল, ১-১৫ জুলাই, ১৯৮২, পৃ. ২৫]

যাঁরা গান্ধীজীকে ইংরেজের প্রশিক্ষণপ্রাপ্ত নিজেদের দলের বাছাই করা প্রতিনিধি বলে মনে করেন, শ্রী গুহও এ বিষয়ে সহমত পোষণ করেছেন তাঁদের সঙ্গে। জেলখাটা বিপ্লবী হিসেবে ইংরেজের জেলের যন্ত্রণার প্রত্যক্ষ অভিজ্ঞতা লেখকের ছিল। গান্ধীর প্রতি তাঁর সন্দেহ হয়েছিল এইজন্য যে, গান্ধীজী অনেক সময় জেলে এতো জামাই আদরে থাকতেন এবং স্বাধীনতা ভোগ করতেন যে তা জানলে বিশ্বাস করা অত্যন্ত কঠিন। তিনি লিখেছেন, "কোনও অসুবিধা যাতে না হয় সেজন্য গান্ধীজীকে তাঁর স্ত্রী আর সেক্রেটারী সুদ্ধাই এক রাজপ্রাসাদে থাকবার ব্যবস্থা করেছিলেন।" [দ্রঃ ঐ, পৃ. ৫৪]

ভারতের বিখ্যাত অন্যতম ধনকুবের স্যার আগা খানের যে রাজপ্রাসাদ, সেখানেও গান্ধীজীকে বন্দী করে রাখা হোত। সেখানেই তাঁর সঙ্গে ভক্তবৃন্দ এবং সাক্ষাৎপ্রার্থীরা দেখা করতে পারতেন। [তথ্য : সুনীল কুমার ধাত্তা : ভারতছাড়া আন্দোলন ও গান্ধীজী, 'পশ্চিমবঙ্গ' গান্ধী সংখ্যা, ১৯৯৫, পৃ. ৭১]

লেখকদ্বয়কে যদি গান্ধীর শত্রুই ধরে নেওয়া যায় তাহলে গান্ধীজী স্বয়ং যে বই লিখিয়েছেন, যেটা 'গান্ধী-রচনা সম্ভার' বলে পরিচিত, সেটা পড়লেও মনে না হওয়ার কারণ নেই যে, গান্ধীর সঙ্গে ইংরেজের সম্পর্ক ছিল অত্যন্ত মধুর— বা অত্যন্ত রহস্যময়ও বটে।

গান্ধী স্বয়ং বলেছেন, "আমার জেলে আসার জন্য প্রস্তুত হওয়ার আলাদা ধরন ছিল; জেল ত নয় যেন কোন উৎসবে যাইতে প্রস্তুত হইতেছি। পুলিশ সুপারিনটেনডেন্ট মিঃ হিলি সজ্জন, আশ্রমে না আসিয়া অনুসূয়া বেনকে দিয়া খবর পাঠাইলেন যে, তিনি আমাকে গ্রেফতার করিবার জন্য ওয়ারেন্ট লইয়া আশ্রমের দরজায় মোটরে অপেক্ষা করিতেছেন। আমার তৈরী হওয়ার জন্য যত সময় লাগে তাহা আমার ইচ্ছামত লইতে বলিয়া দিয়াছিলেন।" [গান্ধী-রচনা সম্ভার, তৃতীয় খণ্ড, পৃ. ১৪৫]

তিনি আরো লিখেছেন, "আর কিছু হোক না হোক কয়েক সপ্তাহ সর্বমতী জেলে একান্তে কাটাইতে পারিব এমন আশা করিয়াছিলাম। আমি ভাবিয়াছিলাম যে, সরকার আমাকে দীর্ঘ দিন কোন এক জায়গায় রাখিবেন না। কিন্তু টনিয়া লইয়া যাবার জন্য প্রস্তুত ছিলাম না। পাঠকের স্বরণ থাকিতে পারে যে, ২০শে তারিখে আমাকে এক

স্পেশাল ট্রেনে করিয়া লইয়া যাওয়া হয়। যে কর্মচারীদের প্রতি আমাকে স্থানান্তরিত করার ভার পড়িয়াছিল তাঁহাদের ভদ্রতার সীমা ছিল না। সারা রাত্তায় তাঁহারা আমার কোন অসুবিধা হইতে দেন নাই।" [ঐ, পৃ. ১৪৮]

"আমি যে সাধারণ খাদ্য খাই, তাহা না খাইয়া বিশেষ খাদ্য গ্রহণ করা উচিত বলিয়া [জেল সুপারের] মনে অত্যন্ত চিন্তা জাগিল। তাঁহার ইচ্ছা ছিল যে, আমি যেন মাখন খাই। আমি তাঁহাকে বলিয়াছিলাম, আমি কেবল ছাগলের দুধের মাখনই খাইতে পারি। তিনি অমনি বিশেষ হুকুম করিলেন যে, ছাগলের দুধের মাখন তাড়াতাড়ি আনা চাই। মাখন আসিল। এখন কী দিয়া মাখন খাওয়া যায় সে প্রশ্ন উঠিল। আমি বলিলাম কিছু আটা যেন দেন। তাহা দেওয়া হইল। কিন্তু এত মোটা আটা যে উহা আমার হজম করিতে কষ্ট হইত। কিছু মিহি আটা আনা হইল ও আমাকে ২০ তোলা করিয়া দেওয়া হইল। এত আটা দিয়া আমি কী করিব?" [ঐ, পৃ. ১৪৯]



বিদেশে ছাত্রাবস্থায় গান্ধীজী

তাহলে কি তাঁদের কথাই সত্য, যাঁরা মনে করেন গান্ধীজী বৃটিশেরই শিক্ষণপ্রাপ্ত বাছাই করা রেডিমেড নেতা? তাহলে কি তাঁদের এ কথাটাও সত্য যে আজ যাঁদের নেতা বলে পরিচিতি, তাঁদের অধিকাংশই ছিলেন বৃটিশের অনুগত হিতাকাঙ্ক্ষী ও স্তাবক? সেই জনাই কি আমাদের দেশের ঐ সমস্ত নেতাদের বৃটিশের সঙ্গে আঁতাতের পত্র আদান প্রদানের সমস্ত ফাইল, ভারতত্যাগের পূর্বেই পুড়িয়ে দিতে হয়েছিল? যে কাগজপত্রের ওজন ছিল চার টনের মতো।

শ্রী সুনীল গুহও লিখেছেন, "গান্ধীজী যে, ইংরাজ সাম্রাজ্যকে ধ্বংস করবার জন্য নেতৃত্ব দান করতে এসেছিলেন না। এসেছিলেন বিপ্লবী ভারতকে ধ্বংস করতে; ধ্বংস করতে এসেছিলেন ভারতের নবসংগঠিত শক্তিকে, এ একটা মহাসত্য।" [দ্রঃ গুহ, পূর্বোক্ত, পৃ. ১৬]

"রাজনৈতিক নেতাদের ফাইল নষ্ট করে যাওয়াই ইংরেজের পক্ষে স্বাভাবিক। স্বাভাবিক এই কারণে যে তথাকথিত অনেক রাজনৈতিক নেতাই তো বাইরে যে সব কাজকর্ম করেন আর তলে তলে গভর্নমেন্টের সঙ্গে তার উন্টেটাও করেন। এই সব রেকর্ডের

ফাইল দেশের জনসাধারণের হাতে না পড়াই উচিত। ... তাই গোপন ফাইল কারুরই ছিল না। সব নষ্ট করে ফেলা হয়েছিল। মহাত্মা গান্ধীর মতো অহিংস অবতার নেতার ফাইলও নষ্ট থেকে বাদ পড়েনি। ... নেতাজী সুভাষচন্দ্রের বা অন্য কোন বিপ্লবীর ফাইল তো নষ্ট করা হয়নি, নষ্ট করা হয়েছিল মহাত্মা গান্ধী, জিন্মা সাহেব আর ঐ ধরণের অন্য বড় বড় নেতার ফাইল। নেতাজীর মৃত্যু প্রমাণ করবার জন্য যে ইনকোয়ারি কমিশন বসানো হয়েছিল তারই রিপোর্টে পাওয়া যাবে যে, সুভাষচন্দ্রের বিষয়ে বিরাট ফাইলটি ভালভাবেই আছে, এমনকি পোকায়ও বিশেষ কাটবাঃ সুযোগ পায়নি।” [দ্রঃ গুহ, ঐ, পৃ. ১৭]

তিনি আরও লিখেছেন, “বাংলা ভাষায় প্রকাশিত একটি বিখ্যাত সাপ্তাহিক ‘দেশ’ পত্রিকায় প্রকাশিত ‘১৭ই আগস্ট সংখ্যায় ঐ বিখ্যাত দেশ সাপ্তাহিকেই ডি.এস.চাওজী নামক বোম্বাইয়ের জনৈক পুলিশ অফিসারের লিখিত ‘সেবাগ্রামে পুলিশ’ শীর্ষক একটি লেখা প্রকাশিত হয়েছে। ঐ লেখাটিতে লেখক চাওজী— যিনি বহুদিন ওয়ার্দা থানাতে দারোগা ছিলেন এবং যাঁর সঙ্গে গান্ধীজীর বিশেষ জানাশোনাও ছিল, ... গান্ধীজীর বিষয়ে দুটি অতি গোপন খবর প্রকাশ করে দিয়েছেন। খবর দুটির প্রথমটি হচ্ছে গান্ধীজী কিভাবে একজন বিপ্লবী কর্মীকে গ্রেফতার করতে পুলিশকে সাহায্য করেছিলেন। এবং দ্বিতীয়টি হচ্ছে যে, সদাশয় ইংরেজ সরকার মহানুভব গান্ধীজীর প্রাণ রক্ষার্থে কিভাবে একজন গোয়েন্দা পুলিশকে গান্ধীজীর কুটারের নিকট সবসময়ের জন্য মোতায়েন করেছিলেন।” [দ্রঃ গুহ, পৃ. ১৮]

শ্রী সুনীল গুহ লিখেছেন, “দক্ষিণ আফ্রিকায় তিনি নাকি টাকা রোজগার বাদেও অনেক কিছু করেছিলেন। আর তাঁর ঐ অহিংসা মতবাদ এও তিনি এখানে থাকতেই আয়ত্ত্ব করেছিলেন। ভারতের রঙ্গমঞ্চে তাঁকে প্রথম দেখা যায় প্রথম মহাযুদ্ধের আমলে, এবং একজন সৈন্য সংগ্রহকারী হিসাবেই। ইংরেজ-জার্মান যুদ্ধে ইংরেজই যে ন্যায়পক্ষ, তাতে তাঁর কোন ভুল ছিল না; ... ইংরেজ-জার্মানদের এই রক্তক্ষয়ী যুদ্ধে ভারতীয় সৈন্যেরা গিয়ে অংশগ্রহণ করলেও তাঁর অহিংসাতেও সেদিন কোন দ্বিধা দেখা যায়নি।” [ঐ, পৃ. ১৯]

শ্রী গুহ আরও লিখেছেন, “তবে গান্ধীজী দক্ষিণ আফ্রিকায় প্রথম জীবনে বুয়োর যুদ্ধে গান্ধীজী যে ইংরেজ সৈন্যদের সঙ্গে এম্বুলেন্স ভলান্টিয়ারের কাজ করেছিলেন এবং ঐ বাবদ ইংরেজদের কাছ থেকে অনেক প্রশংসা এবং পুরস্কারও পেয়েছিলেন।”

সুনীলবাবুর মতো যে কোন গান্ধীবিরোধী ব্যক্তি যা লিখবেন, তাই চোখবুজে মেনে নেওয়া অসম্ভব। কিন্তু গান্ধীর নিজের লেখাতেও যদি তা প্রমাণিত হয়, তাহলে তা খণ্ডন করা মুশকিল। অহিংসবাদী গান্ধীজী বৃটিশের জন্য সৈন্য সংগ্রহ করে কি করে দলগঠন

করলেন? ঐ কাজটি অহিংস না সহিংস, তা বিবেচনা করলেন না মোটেই। তিনি স্বয়ং বলেছেন, “আমি পূর্বেই বলিয়াছি যে, আমাদের কার্যের কথা জেনারেল বুলার তাঁহার সরকারিপত্রে (ডেসপ্যাচে) উল্লেখ করিয়াছেন। আমাদের ৩৭ জন নেতাকে মেডেলও দেওয়া হইয়াছিল।” [রচনা সম্ভার, দ্বিতীয় খণ্ড, পৃ. ৮০]

গান্ধীজী আরো বলেছেন, “সংখ্যায় আমি ২০/২৫ জনের একটি ছোট দল সংগঠিত করিয়া ফৌজের সহিত যুদ্ধে গেলাম। এই ছোট দলের ভিতরও সকল প্রদেশের ভারতবাসীই ছিলেন। একমাস এই দলকে সেবা করিতে হয়। আমাদের এই কার্য পড়াটা ঈশ্বরের কৃপা বলিয়া সর্বদা মানিয়া থাকি। ... একমাসের মধ্যেই আমাদের কাজ শেষ হইয়া গেল। সরকারি ডেসপ্যাচে আমাদের কাজের উল্লেখ করা হয়। আমাদের দলের প্রত্যেককে এই উপলক্ষে বিশেষভাবে তৈয়ারি পদক দেওয়া হয়। লাটসাহেব একটি ধন্যবাদজ্ঞাপক পত্র দেন।” [গান্ধী রচনাসম্ভার, দ্বিতীয় খণ্ড, পৃ. ৯৯-১০০]



দক্ষিণ আফ্রিকায় গান্ধীজী

গান্ধীজী বলেন, “সেইজন্য আমরা সাউথ আফ্রিকা বৃটিশ ইন্ডিয়া কমিটি গঠন করিবার সাহস করিলাম।” [ঐ, পৃ. ১২১]

প্রকাশ থাকে যে ঐ দলটির সেক্রেটারি নিযুক্ত হয়েছিলেন ইংল্যান্ডের মিঃ রিচ। তিনি হলেন একজন বৃটিশ নেতা। গান্ধীজী বলেন, “নব প্রতিষ্ঠিত প্রতিষ্ঠানের সম্পাদক হওয়ার সমস্ত গুণই তাঁহার ছিল। তিনি ইংল্যান্ডেই ছিলেন আর এই কাজ করার ইচ্ছাও তাঁহার ছিল।”

গান্ধীজী স্বয়ং যে বক্তব্য লিখেছেন, তা কোনমতেই গ্রাহ্য নয় বলা যাবে না। আফ্রিকায় ভারত থেকে যাওয়া ভারতবাসীদের নেতৃত্ব দিতে গিয়ে তাঁর বিরুদ্ধে অভিযোগ উঠেছিল যে, তিনি সাহেবদের কাছ থেকে ১৫ হাজার পাউন্ড ঘুষ নিয়েছেন। সত্য মিথ্যা যা-ই হোক, গান্ধীজী একথার উল্লেখ করেছেন। গান্ধীজীর ব্যবহারে বা তাদের মতে, বিশ্বাসঘাতকতা মনে হওয়ায় মীর আলম তাঁর মাথায় লাঠি চালিয়েছিল। গান্ধীজী তাঁর জীবনীতে তাদের জন্য লিখেছেন যে, তারা বলেছিল, “আমরা শুনিয়াছি যে আপনি বিশ্বাসঘাতকতা করিয়া জেনারেল স্মার্টের নিকট হইতে পনেরো হাজার পাউন্ড লইয়া

সম্প্রদায়ের স্বার্থ বিক্রয় করিয়াছেন। আমরা কখনো দশ আঙ্গুলের ছাপ দিব না এবং কাহাকেও দিতে দিব না। ... শুনলাম মীর আলম ও তাহার সঙ্গীরা আমাকে আরও লাঠিপেটা করে এবং লাথি মারে। ইউসুফ মিঞা ও খান্দি নাইডু কিছু মার আটকান। তাহাদের দুজনের উপরও সেইজন্য কিছু মার পড়ে।” গ্রেফতার হওয়া মীর আলম ও সঙ্গীদের জন্য গান্ধী বলেছিলেন, “উহাদিগকে ছাড়িয়া দিতে হইবে।” কিন্তু গান্ধীজীই বলেছেন, মীর আলমদের “তিনমাস করিয়া কারাদণ্ড হয়”।

লাঠির চোট খাওয়া গান্ধীজীকে সাধারণ হাসপাতালে না দিয়ে বৃটিশ সরকারের শ্রদ্ধেয় বিশ্বাসভাজন মিঃ ডোকের বাড়িতে তাঁর চিকিৎসা ও সেবাশুশ্রূষার ব্যবস্থা হয়। গান্ধীজী বলেছেন, “আত্মীয়প্রতীম শ্রীযুক্ত ও শ্রীমতী ডোকের তত্ত্বাবধানে আমি ভালই আছি। শীঘ্রই আমি আবার কর্তব্যে হাত দিতে পারিব আশা করিতেছি” — এই বর্ণনা সংবাদপত্রে ছাপাবার জন্য দিয়েছিলেন।

গরীবদরদী গান্ধীজী খেটে খাওয়া ভাঙ্গী বা মেথরদের বাড়িতে আশ্রয় নিতেন— এইসব ইতিহাসের নিচে এ কথাটাও লুকিয়ে আছে যে, বৃটিশের একান্ত অনুগত সহযোগী ও সাহায্যকারী রতন টাটার মতো বড় ধনীদেও তিনি ছিলেন একান্ত রক্ষাকর্তা ও পরামর্শদাতা। দক্ষিণ আফ্রিকায় ভারত থেকে যাওয়া কুলি শ্রমিকদের নেতৃত্ব দিতে গিয়ে তিনি যে ‘সত্যগ্রহ’ শুরু করেছিলেন, সেই সত্যগ্রহের অর্থভাণ্ডারে সে বাজারের পঁচিশ হাজার টাকা সাহায্য করেছিলেন স্যার রতন টাটা। গান্ধীজী লিখেছেন, “কেপটাউনে নামিতেই বিলাত হইতে তার পইলাম যে, শ্রীযুক্ত [পরবর্তীকালে স্যার] রতন টাটা সত্যগ্রহের অর্থভাণ্ডারে ২৫,০০০ টাকা দিয়াছেন। আমাদের তৎকালীক প্রয়োজনের পক্ষে ইহা যথেষ্ট ছিল এবং আমরা আগাইয়া চলিলাম।” [পৃ. ২২৯]

আফ্রিকাতেই গান্ধীজীকে ভারতে নেতৃত্ব দেবার জন্য প্রশিক্ষণ দেওয়া হচ্ছিল তাতে আর্থিক ও সার্বিক সহযোগিতা করা বা করানো হয়েছিল সরকারের পক্ষ থেকেই। এই অভিযোগ সত্য মিথ্যা যা-ই হোক, গান্ধীজী স্বয়ং তা স্বীকার করলে উড়িয়ে দেওয়া যাবে না মোটেই। সত্যগ্রহী দলের থাকার জন্য যে বাসস্থান ও খামারবাড়ির জন্য যে বিরাট জয়গার প্রয়োজন, সে ব্যবস্থাও সাহেবরা করে দিয়েছিলেন। গান্ধীজী তা স্বীকারও করেছেন — “শ্রীযুক্ত কলেনবেকের সহিত ইতিপূর্বেই পাঠকের পরিচয় হইয়াছে। তিনি ৩৩০০ বিঘার খামারবাড়ি কিনিয়া বিনামূল্যে ও বিনা খাজনায় সত্যগ্রহীদিগকে ব্যবহারের জন্য দিলেন [৩০শে মে, ১৯১০]।” [এ, পৃ. ২৩৩]

ইংরেজ জাতি যেখানেই রাজত্ব প্রতিষ্ঠা করেছে, সেখানেই তারা তৈরি করে নিয়েছে তাদের বাছাই করা প্রতিনিধি। ভারতের ঐ রকমের একজন ‘কিং মেকার’ প্রতিনিধি বাছাই করেছিল বৃটিশ, যাঁর নাম গোপালকৃষ্ণ গোখলে। ১৮৬৬-তে তাঁর জন্ম আর

১৯১৫-তে হয়েছিল তাঁর মৃত্যু। আর ১৯১৫-র পরেই গান্ধীজীর ভারতে রাজনৈতিক বিকাশের উন্নতি। গোখলে ছিলেন প্রখ্যাত রাজনীতিবিদ ও লেখক। জন্মস্থান কোলাপুর। ‘সুধাকর’ পত্রিকার সম্পাদক। ১৮৯৫-এ কাশীতে কংগ্রেস অধিবেশনে গোখলে ছিলেন সম্পাদক। ১৮৯৭-এ ওয়েলবি কমিশনে সাক্ষ্য দিয়ে পর্যাপ্ত খ্যাতি লাভ করেছিলেন তিনি। বৃটিশ সরকারের বোম্বাই ব্যবস্থাপক সভার সদস্যও নির্বাচিত হন। তাছাড়া ১৯০৫-এ বেনারসে কংগ্রেস অধিবেশনে সভাপতিও হন। ঐ বছর ব্রিটিশের স্বার্থ ও সেবায় ‘ভারত সেবাসমিতি’ তৈরি হয়েছিল; যার ইংরেজি নাম ছিল ‘সার্ভেটস অফ ইন্ডিয়া সোসাইটি’— ঐ উদ্যোগের তিনিই ছিলেন প্রতিষ্ঠাতা। ১৯১১-তে যে পাবলিক সার্ভিস কমিশন গঠিত হয়েছিল, তারও তিনি ছিলেন প্রাণপুরুষ।

শ্রী সুনীল গুহ লিখেছেন, “ইংরেজ তাদের কূটবুদ্ধির বলেই অতি সহজেই বুঝতে পেরেছিল যে বংশত বংশের পরাবীন ভগ্নমেরুদণ্ড এই জাতির সম্মুখে, আধা ধর্ম আধা রাজনীতি মার্কা এই অহিংসাবাদের মতো একটি চীজ যদি ছাড়া যায়, তাহলে তারা এটিকে লুফে নেবে। এবং আপাততঃ তাদের উদ্দেশ্যও খানিকটা হাসিল হবে। হাসিল হয়েছেও।” [প্রাগুক্ত, পৃ. ২০]

মিঃ গোখলে বিলেত যেতেন-আসতেন, আর গান্ধীর সঙ্গে পত্রালাপ ও তার বিনিময় করতেন। কোন কোন সময় ইংলন্ডে ডেকে নিতেন গান্ধীকে। কখনো দক্ষিণ আফ্রিকায় গান্ধী এবং বৃটিশ আমলাদের নিয়ে বৈঠক করে শলাপরামর্শ চলতো তাঁদের মধ্যে। এসব কথা যদি অস্বীকার করাও হয়, গান্ধীর সাক্ষ্য ও স্বীকৃতি থেকে কিন্তু এসব প্রমাণ করা যাবে সহজেই। যেমন গান্ধীজী গোখলে সম্বন্ধে লিখেছেন, “১৯১১ সালে গোখলে বিলেতে ছিলেন। ... তাঁহার সহিত বরাবর আমার পত্রব্যবহার চলিতেছিল।” [রচনা, দ্বিতীয় খণ্ড, পৃ. ২৫৬]

মিঃ গোখলে যখন গান্ধীর কাছে আফ্রিকায় গিয়ে পৌঁছলেন তার পূর্বেই বৃটিশ সরকারের পক্ষ থেকে সেখানকার রাজনৈতিক কর্মকর্তাদের জানিয়ে দেওয়া হোল যে, গোখলেকে যেন পর্যাপ্তভাবে সম্মান ও সম্বর্ধনা জানানো হয়। ফলে গোখলে কেপটাউনে নামার সঙ্গে সঙ্গে চারিদিকে হলস্থল কাণ্ড। মিনিটারি সৈন্য আর রক্ষীবাহিনীতে সুসজ্জিত। স্টেশন এবং শহরকে আলোয় আলোকিত করা হয়েছিল। যেখানে যেখানে গোখলের বক্তৃতা করার ব্যবস্থা হয়েছিল, প্রত্যেকটিতে সভাপতি হয়েছিলেন বৃটিশের বড় বড় কর্মচারি বা আমলারা। খুব বড় মাপের বৃটিশ নেতা জেনারেল বোথার সঙ্গে গোখলের অনেক গোপন কথাবার্তা হয়েছিল। বেশিরভাগ স্থানে গোখলের বক্তৃতার তরজমা করেছিলেন গান্ধীজী। গান্ধীজী স্বয়ং তা স্বীকার করে লিখেছেন, “১৯১২ খৃষ্টাব্দের ২২শে অক্টোবর

গোথলে কেপটাউন বন্দরে নামিলেন। ... গোথলে বলিলেন, আমি যাহা বলিলাম, উহা হইবেই। জেনারেল বোথা আমাকে কথা দিয়াছেন যে, কালাকানুন রদ করা হইবে এবং তিন পাউন্ড কর উঠাইয়া দেওয়া হইবে। তোমাকে বারোমাসের মধ্যেই ভারতবর্ষে ফিরিতে হইবে। আমি তোমার কোন অজুহাতে কান দিব না।” [ঐ, পৃ. ২৬৫]

“স্টীমারে মন খুলিয়া কথাবার্তা বলার মতো যথেষ্ট অবকাশ হইয়াছিল। এইসকল কথাবার্তার মধ্যে গোথলে আমাকে ভারতবর্ষের কার্যের জন্য তৈয়ারি করিয়া লইলেন। ভারতবর্ষের প্রত্যেক নেতার চরিত্র বিশ্লেষণ করিয়া তিনি আমাকে বুঝাইয়া দিয়াছিলেন। সেই বিশ্লেষণ এত নিখুঁত ছিল যে, ঐ সকল নেতাদের সহিত পরিচয়ের পরে তাঁহার বিশ্লেষণের সহিত আমার প্রত্যক্ষ অভিজ্ঞতার কোন তফাত দেখিতে পাই নাই।” [ঐ, পৃ. ২৬৫-৬৬]

গোথলে যে বৃটিশের প্রথম শ্রেণীর অনুগত, যাচাই ও বাছাই করা এক নম্বরের সাহায্যপুস্তক ভক্ত ছিলেন, সে বিষয়ে অনেকেই সন্দেহ করেন না। লর্ড হার্ডিঞ্জের সঙ্গে তাঁর সম্পর্ক ছিল অত্যন্ত নিবিড়। ১৯১০ খৃষ্টাব্দে লর্ড হার্ডিঞ্জ ছিলেন ভারতের শাসনকর্তা। তিনি গোপালকৃষ্ণ গোথলেকে প্রশ্ন করেছিলেন, “বৃটিশরা তল্লি গুটিয়ে বৃটেনে চলে গেলে আপনারা কী কর্তব্য করবেন?” তখন তুখোড় রাজনীতিবিদ তদানীন্তন সর্বভারতীয় নেতা কল্লনাই করতে পারেননি যে বৃটিশবিহীন ভারত হতে পারে। তাই আবেগঘন গভীর কণ্ঠে যা উত্তর দিয়েছিলেন, তা আজকের ভারতবাসীর বিচারে বড়ই সাম্ভাটিক ও ক্ষতিকর। “সেই কথার উত্তরে গোথলে বলেন যে, আপনারা এডেন বন্দরে পৌঁছবার আগেই টেলিগ্রাম করে ফিরিয়ে আনবো।” [অমিতাভ মৈত্র : বর্তমান দিনকাল পত্রিকা, ১-১৫ই জুলাই, ১৯৮২, পৃ. ২৬]

রবীন্দ্রনাথ, গান্ধীজী, এড্‌জ সাহেব, পিয়ারসন সাহেব এবং আরো রাজনৈতিক সরকারি নেতানেত্রীদের পরস্পরের সঙ্গে গভীর বা নিবিড় সংযোগ ছিল— এই ইঙ্গিত পূর্বেও দেওয়া হয়েছে। গান্ধীজীকে যখন ভারতে আনানো হোল, ভারতেও সত্যগ্রহ চালু করতে এবং সারা ভারতে ঘুরে বেড়িয়ে নেতানেত্রীদের সঙ্গে আলাপ-আলোচনা করতে বহু অর্থের প্রয়োজন ছিল। সে সব অর্থের মোটা অংশের যোগান দিয়েছিল ইংরেজ সরকার। সরকারের পক্ষ থেকে রবীন্দ্রনাথের ছায়ার মতো সঙ্গী বিখ্যাত এড্‌জ ও পিয়ারসন সাহেবদের গান্ধীজী দক্ষিণ আফ্রিকায় থাকা কালে পাঠানো হয়েছিল, আর তাঁদের সঙ্গে ছিল মিঃ গোথলের লেখা পরিচয়পত্র। গান্ধী ভারতে আন্দোলন শুরু করার পর এ সম্বন্ধে তিনি লিখেছেন, “পরে যখন আন্দোলন আবার তীব্রভাবে আরম্ভ হইল, তখন ভারতবর্ষ হইতে সত্যগ্রহ ভাঙারে প্রভূত অর্থ দেওয়া হয়েছিল এবং লর্ড হার্ডিঞ্জও [


১৯১৩ সনের ডিসেম্বর মাসে] সত্যগ্রহীদের প্রতি গভীর ও উদগ্র সহানুভূতি জানাইয়া তাঁহাদিগকে উৎসাহিত করিয়াছিলেন। ভারতবর্ষ হইতে শ্রীযুক্ত এড্‌জ ও শ্রীযুক্ত পিয়ারসন দক্ষিণ আফ্রিকায় আসিয়াছিলেন। গোথলে না আসিলে এ সমস্ত ঘটিত না।” [পৃ. ২৬৭]

গান্ধী ও রবীন্দ্রনাথের মধ্যে কোন কোন বিষয়ে মতভেদ থাকলেও বৃটিশের সঙ্গে সহযোগিতার অনেক ক্ষেত্রে তাঁরা একমত ছিলেন। গান্ধীজী রবীন্দ্রনাথকে উপাধি দিয়েছিলেন ‘গুরুদেব’।

সাহেব চার্লি এড্‌জের জন্য গান্ধী লিখেছেন, “এটা ঠিক যে তিনি গুরুদেবের বন্ধু ছিলেন। কিন্তু গুরুদেবকে দেখতেন ভয়-ভক্তি-বিস্ময়ের চোখে। কিন্তু আমার সঙ্গে তাঁর ছিল নিবিড়তম বন্ধুত্ব। বহু বছর আগে গোথলের কাছ থেকে পরিচয়পত্র নিয়ে তিনি আমার কাছে এসেছিলেন। পিয়ারসন এবং তিনি মানুষ ইংরেজের প্রথম সারির নিদর্শন।”

অনেকে মনে করেন, গান্ধীজীকে এটাই শেখানো হয়েছিল যে, তিনি যেন ভারতবিরোধী বিপ্লবীদের সঙ্গে ব্যক্তিগতভাবে মিশে গিয়ে এমন ভূমিকা গ্রহণ করেন যাতে ভারতবাসীর মনে হয় গান্ধীও একজন বৃটিশবিরোধী বিপ্লবী নেতা। শুধু একটা বিষয়ে তাঁদের কাছ থেকে প্রতিশ্রুতি নেবেন যে, ভারতীয়রা যেন ব্রিটিশ ও ব্রিটিশ কর্মচারীদের গায়ে হাত না তোলেন, বৃটিশের সহযোগী জমিদারদেরও যেন আঘাত না করেন এবং বৃটিশ যাঁকে বা যাঁদেরকে সন্দেহ করে গ্রেফতার করতে চাইবে, তাঁরা যেন বিনা প্রতিবাদ ও প্রতিরোধে সহজে ধরা দেন।

এই ‘মনে হয়’ বলে যা লেখা হোল, এ অনুমান সত্য-মিথ্যা বিচারের দায়িত্ব তো পাঠকের। গান্ধী চেয়েছিলেন যে ভারতবাসী যেন বৃটিশ সরকারকে পিতা মনে করে নিজেদেরকে পুত্র মনে করেন। গান্ধীর ভাষায়— “বাবার কোন আচরণের বিরোধিতা



এড্‌জ ও পিয়ারসনের সঙ্গে গান্ধীজী

করার সময় ছেলে কী করে? প্রথমে সে বাবাকে আপত্তিকর পথ পরিহার করার জন্য অনুনয় করে অর্থাৎ সবিনয় আবেদন জানায়। পুনঃ পুনঃ আবেদন সত্ত্বেও পিতা যদি কর্ণপাত না করেন, তাহলে পুত্র এমনকি পিতৃগৃহ ত্যাগ করেও তাঁর সঙ্গে অসহযোগিতা করে। ... রাজা-প্রজার মধ্যও এরকম অসহযোগিতা সম্ভবপর। ... দ্বিতীয় পাঠ হল সহিষ্ণুতার। অসুবিধাজনক হলেও আমাদের রাষ্ট্রের বহু আইন বরদাস্ত করা উচিত। ছেলের কাছে বাবার সব আদেশ যুক্তিযুক্ত না হলেও সে তা পালন করে থাকে।” [দ্রঃ রচনা, দ্বিতীয় খণ্ড, পৃ. ৩৭০-৭১]

সবচেয়ে আশ্চর্যজনক বিষয় হল, ইংরেজ সরকার ভারতবাসীকে যখন আহত ও নিহত করেছে, তখন তাঁর ব্যথাবেদনার মিটার ওঠেনি। কিন্তু অত্যাচারিত নিপীড়িত ভারতবাসী যখন ক্ষোভে দুঃখে ফেটে পড়ে প্রতিরোধে কিছু মারধোর, খুন্জখম করেছেন, তখনই তাঁর অহিংসার ব্যথাবেদনার মিটার পৌঁছে গেছে শেষ সীমায়। তা না হলে তিনি কি করে বলতে পারেন— “ইতিপূর্বেই আমি বলেছি যে, জালিয়ানওয়ালাবাগের হত্যাকাণ্ডের আমি ততোটা নিন্দা করি না যতোটা করি ইংরেজদের হত্যা ও আমাদের হাতে সম্পত্তি বিনষ্টস্বার্থকে।” [ঐ, দ্বিতীয় খণ্ড, পৃ. ৩৯৩]

বৃষ্টিশেকের মেরো না, শুধু মার খাও, ইংরেজকে নিহত কোর না, শুধু নিহত হও— এই অচল আর অবাস্তুর নীতিকে চালু করতে এবং ভারতবাসী ইংরেজের সঙ্গে কেমন ব্যবহার করবে, সে সম্বন্ধে তিনি নীতি আদেশ সম্বলিত একটি কানুন তৈরি করলেন। তারমধ্যে তিন নম্বর কানুনে লিখলেন, “এরকম করার সময় তিনি বিরুদ্ধবাদীদের প্রহার ও বরদাস্ত করবেন, কিন্তু কখনো প্রত্যাঘাত করবেন না।” চার নম্বর কানুনে বললেন, “কর্তৃপক্ষ স্থানীয় কোন ব্যক্তি আইন অমান্যকারীকে গ্রেফতার করতে চাইলে তিনি স্বেচ্ছায় ধরা দেবেন এবং তাঁরা যদি তাঁর সম্পত্তি বাজেয়াপ্ত করতে চান, তাহলে তাতে বাধা দেবেন না।” আট নম্বর নিয়মে বললেন, “...অথবা দেশি কিংবা ইংরেজ রাজকর্মচারীদের অপমান করবেন না।” নয় নম্বর আইনে বললেন, “আন্দোলন চলাকালীন কেউ কোন রাজকর্মচারীকে অপমান অথবা আক্রমণ করলে আইন অমান্যকারী নিজের জীবন বিপন্ন করেও ঐ জাতীয় কর্মচারীকে অপমান ও আক্রমণের হাত থেকে রক্ষা করবেন। ... সত্যগ্রহী সম্পূর্ণভাবে নিরস্ত থাকবেন এবং অপমান, পদাঘাত, এমনকি তার চেয়েও বেশি দুর্ব্যবহার হলেও নীরবে নিজের স্থানে অটল থেকে গ্রেফতার হবার সময় আসামাত্র তিলমাত্র প্রতিবাদ বিনা গ্রেফতার বরণ করবেন।” [দ্রঃ ঐ, পৃ. ৩৭৩, ৩৭৮]

তিনি আরও বললেন, “প্রয়োজন হলে আমি লক্ষ লক্ষ প্রাণ বিসর্জন দেবার ঝুঁকি নেব যতক্ষণ অবশ্য তাঁরা স্বেচ্ছায় নিঃস্বপ্ন করবেন।” [পৃ. ৪০৯]

বৃষ্টিশেকের পদলেহী সহযোগী ভূমিদারদের জন্য তাঁকে প্রশ্ন করা হোল যে, বৃষ্টিশেকের ছত্রছায়ায় তারা যদি আমাদের ভূমি জোর করে কেড়ে নেয়, তাহলে আমরা সত্যগ্রহীরা কী করব— ভূমি ছেড়ে দেব না প্রতিরোধ করব? “উত্তর : হ্যাঁ, অত্যাচারীর (ভূমিদারকে) ভূমি ছেড়ে দেবার জন্য আমি নিঃসঙ্কোচে পরামর্শ দিব।” [পৃ. ৫০১]

গান্ধীর আমেরিকার এক বন্ধু গান্ধীকে প্রশ্ন করেন, ভারত যদি স্বাধীন হয় আর অন্য কোন রাষ্ট্র যদি ভারতকে আক্রমণ করে, তাহলে প্রতিআক্রমণ করা হবে নাকি, দেশটা তাদের হাতে ছেড়ে দেওয়া হবে? এই প্রশ্নের উত্তরে গান্ধী জানালেন, “প্রথম প্রশ্ন সম্বন্ধে আমি একথা বলব যে, বর্তমানে আমি যতদূর দেখতে পাচ্ছি, আমার আশঙ্কা হচ্ছে যে, রাষ্ট্রনীতি হিসাবে অহিংসা গৃহীত হবার সম্ভাবনা অত্যন্ত ক্ষীণ। ... তবে এই শোচনীয় ব্যাপার যদি ঘটেই, তাহলে অহিংসার সামনে দুটি পথ খোলা আছে। আক্রমণকারীকে দেশ দখল করতে দেওয়া হবে কিন্তু তার সঙ্গে অসহযোগ করা হবে।” [পৃ. ৫১১; ১৩.৪.১৯১১-র ‘হরিজন’ পত্রিকাতেও এটি ছাপা হয়েছিল]

তাই কি উক্তির অধ্যাপক নরহরি কবিরাজের মতো তাথ্যিক লেখকও গান্ধীজীর প্রতি সন্দেহান হয়ে স্পষ্ট করে লিখেছেন, “কিন্তু এবারেও যখন সংগ্রাম তুঙ্গে উঠলো, কৃষক আরম্ভ করল ভূমিদারের বিরুদ্ধে জঙ্গি সংগ্রাম [যেমন উত্তরপ্রদেশ], শ্রমিক আরম্ভ করল দুর্জয় প্রতিরোধ [যেমন শোলাপুর], এমনকি সৈনিকদের কোন কোন অংশ সাম্রাজ্যবাদী শিবির ত্যাগ করে জাতীয় আন্দোলনে যোগ দিতে আরম্ভ করল [যেমন গাড়াওয়ালি সৈন্যদের বিদ্রোহ], তখন গান্ধীজী আন্দোলনের রশি টেনে ধরলেন। গাড়াওয়ালি সৈন্যদের বীরত্বপূর্ণ সংগ্রামকে অভিনন্দন জানানো দূরের কথা, গান্ধীজী তার নিন্দা করলেন। ... এই জঙ্গি মনোভাবের চরম প্রকাশ ঘটল ঐতিহাসিক নৌবিদ্রোহের (১৯৪৬) মধ্যে দিয়ে। গান্ধীজী এই জঙ্গি আন্দোলনকে সমর্থন করা দূরে থাকুক, এর বিরোধিতা করতে থাকলেন। নৌবিদ্রোহীদের তিরস্কার করে তিনি বলেন— তারা এক খারাপ দৃষ্টান্ত স্থাপন করেছে। ... সঙ্গে সঙ্গে একথাও মনে রাখতে হবে যে এই সংগ্রাম যাতে অধিকতর জঙ্গি রূপ না নিতে পারে, যাতে এই সংগ্রাম কৃষকের শ্রেণীসংগ্রামে পরিণত না হয়, যাতে সংগ্রামের রশি জাতীয় বুর্জোয়াদের হাতের নাগালের বাইরে চলে না যায়, সেই উদ্দেশ্যে অহিংস মন্ত্রকে একটি বাধ্যতামূলক নীতি হিসাবে ব্যবহার করা হয়েছিল।” [দ্রঃ নরহরি কবিরাজ : ‘পশ্চিমবঙ্গ’ গান্ধী সংখ্যা, পৃ. ৮৫]

লর্ড কার্জনের সময় ১৯০৫ বৃষ্টিশেক বঙ্গভঙ্গ হয়। তখন বঙ্গের হিন্দু নেতানেত্রীগণ প্রতিবাদে ফেটে পড়েন। পূর্ববঙ্গের মুসলমানেরা চাইলেন যাতে বঙ্গভঙ্গ রদ না হয়। গান্ধীজীর সঙ্গে বৃষ্টিশেকের এতই নিবিড় যোগাযোগ ছিল যে, তিনি আগেই টের পেয়েছিলেন, হিন্দু নেতানেত্রীদের কথামতো বঙ্গভঙ্গ রদ হবেই। গান্ধী লিখলেন, “আগুন জুলিয়া

উঠিল। সে ষাণ্ডন নিভিবার নয়। বঙ্গভঙ্গ তো রদ হইবেই— বাংলা আবার এক তো হইবেই।” [রচনাসম্ভার, তৃতীয় খণ্ড, পৃ. ৭]

“তিন বৎসর পরে এই কথা যথার্থ বলিয়া প্রমাণিত হয়। বাংলা আবার জোড়া লাগে।”

গান্ধীজী বৃটিশের লোক ছিলেন— বিরুদ্ধবাদীদের এই যুক্তি তথ্যকে যদি অস্বীকার করাও যায়, গান্ধীর নিজস্ব স্বীকারোক্তিকে অস্বীকার করার উপায় খুঁজে পাওয়া দায়। তিনি বলেছেন, “একটানা ২৯ বছর ধরে আমি যেভাবে বৃটিশ সরকারের সঙ্গে সহযোগিতা করেছি, অন্য কোন ভারতীয় তা করেননি। ... (বৃটিশ) সাম্রাজ্যের উপকারার্থে কাজ করতে গিয়ে চারবার আমার জীবন বিপন্ন হয়েছিল। ব্যুরার যুদ্ধের সময় আমি এম্বুলেন্সবাহিনীর অধিকর্তা ছিলাম। জেনারেল বুলারের চিঠিপত্রে ঐ বাহিনীর কাজের উল্লেখ আছে। নাটালে জুলু বিদ্রোহের সময়েও আমি এম্বুলেন্সবাহিনী গড়ে তুলি। ঐ সময় কষ্টকর শিক্ষানবিশীর ফলে আমি প্রুরিসিতে আক্রান্ত হই। শেষবার দিল্লিতে অনুষ্ঠিত ‘ওয়ার কনফারেন্সে’ লর্ড চেমসফোর্ডকে প্রদত্ত প্রতিশ্রুতি রূপায়ণের জন্য আমি করারা জেলায় বাহিনী গঠনের অভিযানে আত্মনিয়োগ করি।” [দ্রঃ রচনা, তৃতীয় খণ্ড, পৃ. ৩৮০]

গান্ধীজীর ভাষায়, “আজীবন বৃটিশ জনগণের নিঃস্বার্থ বন্ধু বলে আমি নিজেকে দাবি করি। একসময় আমি আপনাদের সাম্রাজ্যের প্রতিও প্রীতি পোষণ করেছি। আমি ভেবেছিলাম ঐ সাম্রাজ্য ভারতের মঙ্গল করছে। কিন্তু যখন দেখলাম যে তা অবস্থার গতিকে ভারতের কোন মঙ্গল করতে পারে না, তখন থেকেই সাম্রাজ্যবাদের বিরুদ্ধে লড়ার জন্য অহিংসার পদ্ধতি গ্রহণ করেছি এবং এখনো ঐ পদ্ধতিকেই আশ্রয় করে আছি। আমার দেশের ভাগ্যে যাই থাকুক না কেন, আপনাদের প্রতি প্রীতি অক্ষয় রয়েছে, অক্ষয়ই থাকবে।” [ঐ, পৃ. ৪৪২]

অখ্যাত আর কুখ্যাত ব্যক্তির গান্ধী সম্পর্কে উদ্ভট নতুন কিছু বললে তা উড়িয়ে দেওয়া যেতে পারে ‘বাজে কথা’ বলে, কিন্তু যাঁরা বঙ্গ, ভারত তথা বিশ্ববিখ্যাত ব্যক্তি, তাঁদের গান্ধীবিরোধী মন্তব্যকে সব ক্ষেত্রে উড়িয়ে দেওয়া অন্যায এবং তা অন্ধতা ছাড়া কিছু নয়। যেমন ১৯২৮ সালের জুলাই-এর তিন তারিখে বিশ্ববিখ্যাত ব্যক্তি রোমাঁ রোলঁ গান্ধীজীকে একটি চিঠি লিখেছিলেন যাতে গান্ধীজীর নীতিবিরোধী কর্ম অর্থাৎ যুদ্ধ বা হত্যাকাণ্ডে সহযোগী হওয়ার বিরোধিতা করেছেন তিনি। তিনি লিখেছেন, “আমার ভগিনী ১৬ই ফেব্রুয়ারির ‘ইয়ং ইন্ডিয়া’র (পত্রিকা) প্রথম বিশ্বযুদ্ধে আপনার সহযোগিতা সম্বন্ধে আপনার নিবন্ধ আমাকে পড়ে শুনিয়েছেন।... কিন্তু আপনার মতো একজন অদম্য সাহসী এবং গভীর বিশ্বাসপরায়ণ ব্যক্তি যিনি আপোসহীনভাবে পাইকারি

নরহত্যার নিন্দা করেন— নিন্দা করেন জাতির সঙ্গে জাতির রণোন্মাদনার, তিনি যখন স্বেচ্ছায় এবং অন্যের বিনা প্ররোচনায় এইরূপ নরমেধে অংশগ্রহণ করতে পারেন, তখন পৃথিবীতে এমন কিছু নেই যা আমাকে দিয়ে আপনার এই কাজ সমর্থন করতে পারে।” [স্বাধীনতার ফাঁকি : বিমলানন্দ শাসমল, পৃ. ১৫]

ঐতিহাসিক ডঃ রমেশচন্দ্র মজুমদার গান্ধীর পরিকল্পনা পদ্ধতি ও অহিংস সংগ্রাম ইত্যাদি সম্বন্ধে বলেছেন, গান্ধীজী ছিলেন সম্পূর্ণভাবে ব্যর্থ। তাঁর ভাষায় Gandhi “was history's magnificent failure.”

বিজ্ঞানী স্যার জগদীশচন্দ্র বসু বলেছেন, “গান্ধী বড়ই সংকীর্ণ, তিনি শিল্পবিজ্ঞানের প্রতি বড়ই উদাসীন বা খড়্গহস্ত। মনের এই স্বাভাবিক ও প্রয়োজনীয় ঐশ্বর্যের তাঁর বড়ই অভাব।”

গান্ধীর প্রচারের কাণ্ডকারখানা দেখে তাঁর প্রতি অনাস্থা এসেছিল বিজ্ঞানী স্যার মেঘনাদ সাহারও। তিনি বলেছেন, “আমরা এক মুহূর্তের জন্যও বিশ্বাস করিনা যে আধুনিক বৈজ্ঞানিক প্রযুক্তি বাদ দিয়ে শুধুমাত্র চরকা, কটিবস্ত্র আর গরুর গাড়ি সম্বল করে জীবনযাত্রাকে স্বচ্ছল বা সুখী করা যায়। বরং বৈজ্ঞানিক অবিকারের যথাযথ প্রয়োগ থেকেই আমাদের জটিল আর্থিক, সামাজিক, এমনকি রাজনৈতিক সমস্যারও সমাধান সম্ভব।” [দ্রঃ পশ্চিমবঙ্গ : গান্ধী সংখ্যা, ১৯৯৫; দেশ : ৯ই অক্টোবর, ১৯৯৩]

ডক্টর আশ্বেদকর যিনি কয়েক কোটি অনুন্নত মানুষের নেতা, তিনি স্পষ্ট ভাষায় ছোট্ট করে গান্ধী সম্পর্কে বলেছেন, গান্ধী ছিলেন একজন ‘সফল প্রতারক’। ইংরেজিতে তিনি গান্ধীকে বলেছেন—“successful humbug” [দ্রঃ Gandhi : Saint or Sinner? by Barrister Fazlul Huq, p. 2]

ডক্টর আশ্বেদকর অনুন্নত শ্রেণী, ‘ছোটলোক’ বলে যাঁরা চিহ্নিত গান্ধীজী কর্তৃক ‘হরিজন’ উপাধিপ্রাপ্ত মানুষদের সার্বিক উন্নতির কথা ভেবে অর্থাৎ তাঁরা যেন তথাকথিত ভদ্রলোকদের সঙ্গে কাঁধে কাঁধ মিলিয়ে মাথা উঁচু করে বাঁচতে পারেন, তাঁদের জন্য পৃথক নির্বাচনের দাবি করলেন। তখন সকলেই জানতেন যে, গান্ধীজী অস্পৃশ্যতা দূর করতে চান। তিনি তাঁদের ভালবাসেন আর সেই সঙ্গে কামনা করেন তাঁদের সার্বিক উন্নতি। কিন্তু হয়ে গেল বিপরীত। ডঃ আশ্বেদকরের সং উদ্দেশ্য অনুভব করে তখনকার বৃটিশের প্রতিনিধি স্যার স্যামুয়েল হোর সেটা মেনে নেওয়া সঠিক মনে করলেন। মুসলিম লীগের মুসলমান সদস্যদেরও তাতে স্বতঃস্ফূর্ত সম্মতি ছিল। কিন্তু গান্ধীজী তা হতে দিলেন না। তিনি অনশন করে আত্মহত্যা করার সিদ্ধান্ত নিলেন। গান্ধীজী বললেন, “আমি স্যার স্যামুয়েল হোরকে জানাইয়াছি যে, আমাকে অনশনব্রত চালাইতে হইবে কারণ আমি এক্ষণে অপর কোনও উপায়ে বৃটিশ গভর্নমেন্টের সিদ্ধান্তকে বাধা প্রদান

করিবার আশা করিতে পারি না। অনুন্নত সম্প্রদায়ের জন্য স্বতন্ত্র নির্বাচন তাহাদের কিংবা হিন্দুধর্মের পক্ষে অনিষ্টকর। ইহা মনে করা আমার পক্ষে ভুল হইতে পারে। তাহা হইলে আমার জীবনযাত্রা পদ্ধতির অন্যান্য অংশও সম্ভবত নির্ভুল নহে। এমতাবস্থায় অনশনে প্রাণত্যাগ আমার ভুলের প্রায়শ্চিত্ত হইবে। (ইতি) আপনার একান্ত বশংবদ (স্বাক্ষর) এম. কে. গান্ধী। [বঙ্গবাণী, ১৩ই সেপ্টেম্বর ১৯৩২]

গান্ধীজীর অনশনের মূল উদ্দেশ্য একটাই। সেটা অনুন্নত সম্প্রদায়ের পৃথক নির্বাচনের অধিকার বন্ধ করা, যাতে ভবিষ্যত অনুন্নত সম্প্রদায় রাজনৈতিক অধিকার অর্জন করে উচ্চবর্ণের দাসত্ব থেকে নিজেরা মুক্ত হতে পারে তার সর্বপ্রকার পথ অবরোধ করা। এ ব্যাপারে সকল প্রকার আদর্শ ও নীতি বিসর্জন দিয়ে বিজ্ঞানী, লেখক, কবি থেকে শুরু করে উচ্চবর্ণের হিন্দুরা সকলে এসে গান্ধীর পাশে দাঁড়ালেন। শুধু একটাই উদ্দেশ্য, কিছুতেই ডঃ আশ্বেদকরের দাবি মানা হবে না। একে বাধা দিতেই হবে। [রবীন্দ্রনাথ গান্ধীজী ও আশ্বেদকর : শ্রী জগদীশচন্দ্র মন্ডল, ২৪-২৫ পৃষ্ঠা, ছাপা ১৯৮২]

যাঁরা গান্ধীর সমর্থক হয়ে তাঁর পক্ষে দাঁড়িয়েছিলেন সেইসব মনীষীদের মধ্যে স্যার প্রফুল্লচন্দ্র রায়, ডঃ শ্যামাপ্রসাদ মুখার্জী, শরৎচন্দ্র চ্যাটার্জী, রামানন্দ চ্যাটার্জী, নলিনীরঞ্জন সরকার, কিরণশঙ্কর রায়, তারকনাথ মুখার্জী, নেলী সেনগুপ্তা, সত্যদেব বিদ্যালংকার, ডি.পি. খৈতান, সুশীল রায়চৌধুরী, কামিনী রায়, স্যার তেজবাহাদুর সাক্ষ, স্যার চুনীলাল মোটা, বাবু রাজেন্দ্রপ্রসাদ, স্যার বিজয়চাঁদ মহতাব, স্যার ডঃ নীলরতন সরকার, রায়বাহাদুর হরিধন দত্ত, বিশ্বকবি রবীন্দ্রনাথ ঠাকুর প্রমুখ অনেকেই উল্লেখযোগ্য।

“কংগ্রেসসহ গান্ধীজীর নুন আন্দোলন, ভারতের পূর্ণ স্বরাজ্যলাভ কর্তৃকের মত উবে গিয়ে অস্পৃশ্যদের পূর্ণ অধিকারসহ সামাজিক মুক্তিলাভের অধিকারকে খর্ব করতে উঠে পড়ে লেগে গেলেন আর সেই কাজে তাঁকে সাহায্য করতে এলেন ভারতের জ্ঞানীগুণীজন। তাঁরা ধুয়ো তোলেন অস্পৃশ্যদের পৃথক নির্বাচন মেনে নিলে হিন্দু ধর্ম দ্বিধাবিভক্ত হয়ে যাবে। তাই হিন্দু ধর্ম রক্ষার নাম করে অস্পৃশ্যদের পৃথক নির্বাচনের পরিবর্তে তাদের মন্দির প্রবেশের অধিকার লাভের আন্দোলন গড়ে তোলেন। এই উপবাসব্রত উপলক্ষে রবীন্দ্রনাথ ঠাকুর বলেন, ‘জয় হোক তপস্বী, তোমার তপস্যা সার্থক হোক’।” [ঐ, পৃ. ৪৮-৪৯]

“অপরদল বিশেষ করে রাজা গোপালাচারী, মদনমোহন মালব্য, জি. ডি. বিড়লাসহ কতিপয় নেতা ডঃ আশ্বেদকরকে অনুরোধ জানান গান্ধীজীর সহিত আপোস চুক্তিতে আবদ্ধ হতে। চতুর্দিক হতে ডঃ আশ্বেদকরের উপর প্রবল চাপ আসায় তাঁকে বাধ্য হয়ে আন্দোলনের ধারা পরিবর্তন করতে হয়। দীর্ঘদিনের পৃথক নির্বাচন আন্দোলনের পরিসমাপ্তি ঘটলো।” [ঐ, পৃ. ৭২-৭৩]

এইসব গুরুত্বপূর্ণ তত্ত্ব ও তথ্যগুলি বহুল প্রচারিত না হলেও বেঁচে আছে ইতিহাসের পাতায় আজও। অনেকে মতে তাই মাঝে মাঝে সমাজে আগ্নেয়গিরির মতো উদ্গীরিত হয় পুঞ্জীভূত ক্রোধ-ক্ষোভ-দুঃখ-অভিমান ও প্রতিবাদ। সেইজন্য নকশাল নেতা চারু মজুমদারদের সময়ে আমাদের দেশের নামী দামী নেতাদের মার্বেল পাথরের যত মূর্তি ছিল তার মাথাগুলো কাটা শুরু হয়ে গিয়েছিল। অস্তুতঃ একটি উদ্ভৃতি দেওয়ারও প্রয়োজন আছে— “বিপ্লবী যুবসমাজ এখন মূর্তিভাঙার উল্লাসে মত্ত। বিদ্যাসাগর ছাড়াও রামমোহন, রবীন্দ্রনাথ, গান্ধীজী ও অন্যান্য জাতীয় নেতাদের মূর্তি ভাঙা হয়েছে অন্যান্য জায়গায়, দেওয়াল থেকে তাঁদের ছবি নামিয়ে এনে ছুঁড়ে দেওয়া হয়েছে আওনে। বিদ্যাসাগরের উপর রাগটাই যেন বেশি, বিদ্যাসাগরের শুধু মুড়ুই কাটা হয়নি তাঁর প্রবর্তিত শিক্ষা ব্যবস্থার প্রতিও ছড়িয়ে



গান্ধীজীর পিতা করমচাঁদ

পড়েছে প্রচণ্ড ঘৃণা। দিকে দিকে স্কুল কলেজে ভাঙচুর-তহনহ হচ্ছে। এমনকি স্কুলের ছাত্ররাও পুড়িয়ে দিচ্ছে তাদের ইস্কুল। প্রতিবাদ করার সাহস কারুর নেই। বিপ্লবী ছাত্রদের কাছে এখন প্রচুর হাতবোমা সেগুলি যথেষ্ট কার্যকর। তাতে শুধু ভয় ধরানো প্রচণ্ড শব্দই হয় না, মানুষও মরে। এরা মূর্তি ভাঙছে নতুন মূর্তি গড়বে বলে। গান্ধীকে সরিয়ে এরা ঝাঁসির রাগীর মূর্তি বসাবে, ব্যারাকপুরের গান্ধীঘাট হবে মঙ্গলপাণ্ডে ঘাট। এইসব নবীনেরা শোধনবাদী অতীতের সঙ্গে সব সম্পর্ক ছিন্ন করতে চায়। চারু মজুমদারও সমর্থন জনালেন এই তারুণ্যের উদ্দীপনাকে। তিনি লিখলেন, ‘ওপনিবেশ শিক্ষাব্যবস্থা আর ধনতন্ত্রের দালালদের প্রতিষ্ঠিত মূর্তিগুলো না ভাঙলে নতুন বিপ্লবী শিক্ষা ও সংস্কৃতির পত্তন করা যাবে না’।” [সুনীল গঙ্গোপাধ্যায়ের লেখা: দেশ, মার্চ, ১৯৮৮]

যাঁরা গান্ধীকে বহু প্রচারিত ‘অহিংস গান্ধী, সহজ ও সরল প্রাণের দয়ালু মানুষ’ বলে বিশ্বাস করেন, তাঁদের কথা স্বতন্ত্র। কিন্তু যাঁরা তাঁকে তার বিপরীত মনে করেন, তাঁদের পক্ষ থেকে বলা হয়, তিনি ছিলেন একজন উৎকট চরমপন্থী ডিক্টেটর। শ্রী সত্যেন সেন যিনি স্বয়ং দেশের জন্য ১৯৩০ থেকে ১৯৩৭ পর্যন্ত জেলে কাটিয়েছেন, তিনি তাঁর ‘পনেরোই আগস্ট’ বইতে লিখেছেন, ‘কিন্তু ইহার পর হইতেই কংগ্রেস নেতৃত্ব ক্ষমতা বণ্টনের ব্যাপারে আদর্শের পরিবর্তে ব্যক্তিগত আনুগত্যকে প্রাধান্য দিতে থাকে। এবং

যাঁহারা ইহার প্রতিবাদ করেন, তাঁহাদের বিরুদ্ধে শাস্তিমূলক ব্যবস্থা অবলম্বিত হইতে থাকে। এই সম্পর্কে গান্ধীজীর বক্তব্য— 'Those, who are inside the congress, must remain silent and those who will not must go out.' অর্থাৎ যাঁহারা কংগ্রেসের ভিতরে আছেন— তাঁহারা নীরব থাকিবেন এবং যাঁহারা ইহা পারিবেন না, তাঁহারা বাহিরেই থাকিবেন।" [দ্রঃ পৃ. ১০৯]

যে গান্ধীজী অহিংসা প্রচার করলেন, খোলা কথায় জানালেন নিজেদের আহত, নিহত হওয়া চলবে, অপরকে আহত নিহত করা যাবে না কোনক্রমেই, অন্যভাবে বললে এই দাঁড়ায় যে, অস্ত্রধারণের পরিবর্তে ধরে রাখতে হবে শাস্তকে এবং সেই শাস্তটি এমন হবে যেখানে অস্ত্রের সংস্রব থাকবে না মোটেই, সেই গান্ধীজীই ১৯১৮-র ২৭শে এপ্রিল ভাইসরয়ের অনুরোধে বৃটিশের রক্তাক্ত যুদ্ধে সমর্থন জানিয়ে সই দিলেন। কি করে তিনি বলতে পারলেন, "With a full sense of my responsibility, I beg to support the resolution." অর্থাৎ আমি পূর্ণ দায়িত্বজ্ঞান সহকারে এই (যুদ্ধের) রেজলিউশন সমর্থন করছি।

এ ১৯১৮-র ২৩শে জুন অহিংস গান্ধীজী জনগণের উদ্দেশ্যে বললেন, "If we want to learn the use of arms with the greatest possible despatch, it is our duty to enlist ourselves in the army. There can be no friendship between the brave and the effeminate. We are regarded as a cowardly people. If we want to become free from that reproach, we should learn the use of arms." [দ্রঃ Tendulkar : Mahatma Gandhi, vol. 1, p. 277, 280]

তাহলে কি করে গান্ধীজী বলতে পারলেন এই মারাত্মক কথাটি যে, অস্ত্র ব্যবহার ঠিকঠাক শেখার জন্য যুদ্ধবাহিনীতে নাম লেখানো কর্তব্য। সাহস আর মেয়েলিপনার মধ্যে কোন মিল হতে পারে না। ভারতীয়দেরকে লোকে কাপুরুষ বলে মনে করে— তাই এই বদনাম থেকে মুক্ত হতে হলে আমাদের অস্ত্রের ব্যবহার শেখা উচিত। যদি বন্দুক ও কামান চালানোর শিক্ষা নেওয়া হয়, তাহলে যখন তা প্রয়োগ করা হবে তখন শতসহস্র মানুষের রক্ত বরতে পারে ও মৃত্যু হতে পারে এটা তিনি ভুলে গেলেন কি করে?

শ্রী সত্যেন সেন লিখেছেন, "গান্ধীজী ১৯৪১ সালের ডিসেম্বর মাস হইতে নেতৃত্বের দায়িত্ব হইতে অব্যাহতি পাইয়া তাঁহার স্বভাবসিদ্ধ শান্তির বাণী প্রচার করিতেছিলেন।" [এ, পৃ. ৩০] লেখক আরও লিখেছেন, "কেননা আমরা দেখিয়াছি যে, শুধু অহিংস নীতির জন্যই গান্ধীজীকে কংগ্রেসের নেতৃত্বের পদ হইতে একাধিকবার অপসারিত করা

হইয়াছে। শুধু এই ব্যাপারে হিংসা-অহিংসার প্রশ্ন কংগ্রেসে ছিল না। কংগ্রেস হিংসা ও অহিংসাকে বরাবরই সুবিধা অনুযায়ী গ্রহণ ও বর্জন করিয়া আসিয়াছে।" [পৃ. ৪১]

গঙ্গানারায়ণ চন্দ্রও লিখেছেন, "শ্রী সুভাষচন্দ্র বসু ইউরোপ থেকে ফিরলেন। তিনি দেখলেন যে কংগ্রেসের সমস্ত কিছু পিছনে গান্ধীজীর অদৃশ্য হাত কাজ করছে। তিনি সভ্য না হয়েও কংগ্রেসের একনায়ক ডিক্টেটর। কংগ্রেস বলতে গান্ধীজী ছাড়া আর কিছু না।" [দ্রষ্টব্য : অবিস্মরণীয়, ২য় খণ্ড, পৃ. ১৫]

গান্ধীজীর এই চরম ও প্রচণ্ড একনায়কত্বের ধাক্কায় সুভাষচন্দ্র বসু কংগ্রেস থেকে বেরিয়ে যেতে বাধ্য হয়েছিলেন। অবশেষে ভারতের বাইরেই তাঁকে চলে যেতে হোল। ভারত আর ফিরে পেল না তাঁর নেতৃত্ব, এমনকি জীবন্ত অথবা মৃত দেহটুকুও।

গান্ধীজীর নিজের লেখা এবং ভারতীয় লেখকদের লেখা থেকেই শুধু তাঁর চরিত্রের আচ্ছাদিত দিকগুলো প্রমাণিত হয় না। বরং আন্তর্জাতিক খ্যাতিসম্পন্ন লেখকদের লেখা হতেও যা পাওয়া যায়, তা বহুক্ষেত্রে গান্ধীভক্তদের কাছে বেদনা ও লজ্জা ছাড়া কিছু নয়। যেমন দৈনিক পত্রিকা 'প্রতিদিনে' ১৯৯৮-এর ১২ই অক্টোবর 'গান্ধী অস্থিরমতি, জিন্মা ধর্মনিরপেক্ষ : বৃটিশ লেখক' এই শিরোনামে ছাপা হয় যে, "মহাত্মা গান্ধীকে 'অস্থিরমতি, আবেগপ্রবণ' বলে চিহ্নিত করেছেন এক আন্তর্জাতিক খ্যাতিসম্পন্ন বৃটিশ লেখক। নাম প্যাট্রিক ফ্রেঞ্চ। জিন্মা সম্পর্কে তাঁর মতামত, 'ভদ্রলোককে দেশভাগের জন্য অনেকে দায়ী করলেও শেষ অবধি তিনি ধর্মনিরপেক্ষই ছিলেন।' প্যাট্রিক তাঁর বই 'লিবার্টি এন্ড ডেথ—ইন্ডিয়ান জার্নি ফর ইনডিপেন্ডেন্স এন্ড ডিভিশন'-এর গোড়াতেই বলে দিয়েছেন, 'গান্ধীকে হিরো বানানো হয় ঠিকই, কিন্তু প্রতিটি গুরুত্বপূর্ণ রাজনৈতিক বাঁকের মুখে দাঁড়িয়ে তিনি যে আচরণ করেছেন, সিদ্ধান্ত নিয়েছেন, তা লক্ষ্য করলে প্রচারের বেলুন চূপসে যেতে বাধ্য।' ... দীর্ঘ গবেষণার পর প্যাট্রিকের সিদ্ধান্ত, জিন্মাকে পাকিস্তানের দাবিতে অনড় মনোভাব দেখাতে বাধ্য করেছিলেন কংগ্রেস নেতারা। গান্ধী এবং জিন্মার চরিত্রে বিশাল পার্থক্য দেখাতে গিয়ে প্যাট্রিক মন্তব্য করেছেন, দুজনেই গুজরাটের লোক। মাত্র ৩০ মাইল দূরত্বে দুজনের বাড়ি ছিল। একই জায়গার লোক হলেও দুজনের মধ্যে প্রায় কিছুই মিল ছিল না। গান্ধীর জীবন ও তাঁর বাণী সম্পর্কে দীর্ঘদিন পড়াশোনা করে প্যাট্রিক বলেছেন, ভদ্রলোক সত্যের পূজারী ছিলেন, কিন্তু সত্যটা কী, তাই অনেক সময় বুঝে উঠতে পারতেন না। তাঁর লেখাপত্র পড়ে বোঝাই যায় না, ঠিক কি বলতে চাইছেন। ধর্ম, রাজনীতি, দর্শন, নিরস্ত্র স্বাস্থ্য, যৌনতা, সবকিছু একসঙ্গে মিশিয়েছেন। নাতনি মানুষের সঙ্গে বিছানায় শোয়ার কথা জানাজানি হতে প্রার্থনাসভায় সবার সামনে গান্ধী ঘোষণা করেছিলেন, 'আমি চাইনা আমার সবচেয়ে নির্দোষ ব্যবহারকে কেউ ভুল বুঝুক।' ভদ্রলোক আসলে ব্যক্তিগত জীবন আর রাজনৈতিক জীবনের পার্থক্য করতেন না। গান্ধীর

বিখ্যাত আত্মজীবনী 'মাই এক্সপেরিমেন্ট উইথ ট্রুথ' সম্পর্কে প্যাট্রিক মন্তব্য করেছেন, 'আসলে সারা জীবন নিজের বিবেকের সঙ্গে যুদ্ধ করে ভদ্রলোকের যা অভিজ্ঞতা হয়েছিল, সে কথাই তিনি বইতে লিখেছিলেন।'

বিদেশী লেখক মিঃ প্যাট্রিকের কথাগুলো খুব একটা অবাস্তব মনে হবে না যদি গান্ধীজীর সারা জীবনের লেখা, ভাষণ, উপদেশ ও কর্মধারা খুব খুঁটিয়ে লক্ষ্য করা যায়। তিনি নিজেকে একজন চিকিৎসক বলেই দাবি করতেন। শুধু দাবি আর তা বিশ্বাসই করতেন না, অনেকের চিকিৎসা করে তাদের সুস্থ করে দিয়েছেন বলে তিনি লিখেছেন। তাছাড়া নিজের স্বাস্থ্যের প্রতি যত্ন নেওয়া, ব্রহ্মচর্য পালন করা, পরিষ্কার পরিচ্ছন্নতা রক্ষা করা আর খাওয়াদাওয়ার প্রতি যথেষ্ট লক্ষ্য ছিল তাঁর। এইজন্যই তিনি ডনসমাজে বলেছিলেন, তিনি ১২৫ বছর বাঁচবেন। বলেছেন, 'অন্তরাত্মা ঢালিয়া রামনাম করিলে যে কোন অসুখ সারে, ইহাতে সংশয়মাত্র নাই, ভগবানের অনন্ত নাম। যে নামে বাহার রুচি, সেই নামে সে তাঁহাকে ডাকিতে পারে।' [রচনা, ৪র্থ, পৃ. ৩২০] তিনি আরও লিখেছেন, 'রামনাম মামুলি হিতোপদেশ নহে। ইহা এমন এক বস্তু যাহা অনুভবে উপলব্ধি করিতে হয়। এই সাক্ষাৎ উপলব্ধি বাহার হইয়াছে, সে-ই কেবল রামনামের ব্যবস্থা নিতে পারে। অন্য কাহারও সে অধিকার নাই।... একথাই বুঝিতে হইবে যে তাঁর নাম লইলে যে সকল দুর্গতি দূর হয়, এ উপলব্ধি আমাদের নাই। এই উপলব্ধি আসিবেই বা কি কদিয়া? ডাক্তার-বৈদ্য-হাকিম বা অন্য চিকিৎসকেরা এই মহৌষধের শরণ লইতে বলে না। ইহাতে তাহাদের বিশ্বাস নাই। গদ্যর পাবনধারা যে গৃহে গৃহে বওয়ানো যায়, একথা স্বীকার করিলে যে তাহারা বেকার হইবে, মানে তাহাদের রোজগারের পথ বন্ধ হইবে। অতএব ঠেকিয়াই অব্যর্থ ঔষধ বলিয়া পাউডার বা মিক্সচার তাহাদের চালাইতে হয়। ইহাতে ডাক্তারদের পেট তো ভরে বটেই, আর অন্যদিকে ভাবগতিক দেখিয়া মনে হয় যে রোগীরাও যেন হাতে হাতে ফল পায়।' [পৃ. ৩২১-২২]

তিনি আরও লিখেছেন, 'আধ্যাত্মিক ব্যাধিতে মানুষ অন্ধকার হইতে রামনামের আশ্রয় লইয়া আসিয়াছে। ক্ষুদ্র তো বৃহৎ-এরই অংশ। তাই তো আমি বলি যে, শারীরিক ব্যাধিতেও রামনাম অব্যর্থ মহৌষধ।' তিনি অন্যত্র বলেছেন, 'রামই আমার ঈশ্বর। আমার রাম— অতীত, বর্তমান ও ভবিষ্যৎ ব্যাপ্ত করিয়া আছেন। তিনি অজ স্বয়ম্ভু। অতএব আপনারা বিভিন্ন ধর্মমতকে শ্রদ্ধা করুন।' আবার সেই মুখেই গান্ধীজী বললেন, 'পূজায় আমার আস্থা নাই।' তাহলে তিনি মূর্তিপূজার বিরোধী হয়ে গেলেন। অথচ তারপরেই বললেন, 'তথাপি তথাকথিত পৌত্তলিকতাকে আমি শ্রদ্ধা করি।' [দ্রঃ: ঐ, ষষ্ঠ খণ্ড, পৃ. ৫৯]

তাহলে কি পণ্ডিত প্যাট্রিকের উপরোক্ত কথাই মেনে নিতে হবে যে, গান্ধীজী যা বলতেন তা আসলে কি, তা নিজেই বুঝতেন না তিনি। যে রামনামের তিনি এতো গুণগান গাইলেন, সেই রামনামের জন্য আবার কি করে লিখলেন, "কিন্তু তাই বলিয়া ইহাও নহে যে, রামনাম সর্বাবস্থায় ও সর্বক্ষেত্রে অব্যর্থ।... অতিভোজনের ভোগ না ভুগিয়া পুনরায় অতিভোজনের বাসনা হইতে সে যদি রামনাম করিয়া অর্জীর্ণ হইতে অব্যাহতি পাইতে চায়, তবে বলিব রামনাম তাহার জন্য নয় : রামনাম সেখানে বেকার।" [ঐ, পৃ. ৩২৪]



গান্ধীজীর জ্যেষ্ঠ পুত্র হরিলাল

গোঁড়া হিন্দুর মতো গোরক্ষা বা গোহত্যার ব্যাপার নিয়ে তিনি স্পষ্ট মন্তব্য করেছেন, "গোরক্ষায় অবিশ্বাসী কোন কারও পক্ষে বোধহয় হিন্দু হওয়া অসম্ভব।... গো-সেবা বিশ্বসংস্কৃতিতে হিন্দু ধর্মের অবদান। আর যতদিন গোরক্ষায় নিরত হিন্দুদের অস্তিত্ব থাকবে, ততোদিন হিন্দু ধর্মও টিকে থাকবে।" [রচনা, চতুর্থ খণ্ড, পৃ. ৪৯৫-৪৯৭]

গরু সম্পর্কে এই মন্তব্য যিনি করেন, তিনিই আবার তাঁর সঙ্গীসাথীদের অর্থাৎ সত্যগ্রহীদের গোমাংস খেতে অনুমতি বা অর্থ দিতে পারেন কি করে? তিনি তাঁর জীবনীতে লিখেছেন, "এই (আশ্রমের) পরিবারদিগকে যখন ভরণপোষণের জন্য অর্থ দিয়াছি, তখনই তো মাংস এমনকি গোমাংসাহারে সহায়তা করিয়াছি।... খৃষ্টান ও মুসলমান ভাইয়েরা গোমাংস চাহিলেও তাঁহাদের তা না দিয়া উপায় নাই।... সঙ্গে সঙ্গে তাঁহাদের এই প্রতিশ্রুতি দিলাম যে, তাঁহারা গোমাংস চাহিলে তাহাও পাইবেন।" [ঐ, ২য় খণ্ড, পৃ. ২৩৩]

গোঁড়া হিন্দুর মতো গোরক্ষার পক্ষে বলে আবার সেই মুখে বিপক্ষেও বলতে পারলেন যে, "তাহা হইলে আমি কি গরুকে বাঁচাইবার জন্য মুসলমানদের সঙ্গে লড়াই করিব, মুসলমানকে মারিব? এমন করিলে তো আমি মুসলমান ও গরু উভয়েরই শত্রু হইব। এইজন্য আমার নিজের বুদ্ধিমত বলিতে পারি যে, গরুকে বাঁচাইবার একটি উপায়— মুসলিম ভাইদের বোঝানো যে, গরুর দ্বারা সকলেরই লাভ হয়, অতএব গোরক্ষা করা দরকার। যদি তাহারা ইহা না বুঝেন, তাহা হইলে গরুকে মারিতে দেওয়াই আমার উচিত; সহজ কারণ হইল তাহাকে বাঁচানো আমার হাতের বশ নহে। আমার যদি গরুর

জন্য করণায় হৃদয় পরিপূর্ণ হইত, তাহা হইলে তাহাকে বাঁচাইবার জন্য আমার নিজের জীবন বিসর্জন দেওয়া উচিত, ভাই-এর জীবন নেওয়া কখনোই প্রার্থিত নয়। ... হিন্দুরা যখন জেদ করে, তখনই গোহত্যা বাড়ে। আমার মতে গোরক্ষা প্রচারণী সমিতিগুলিকে গোহত্যা সমিতি বলা উচিত।” [ঐ, ৩য়, পৃ. ২৬]

গরু রক্ষাকারীর মুখোশ খুলে উদারপন্থী (?) হয়ে আবার লিখে ফেললেন, “মুসলমানেরা গোমাংসের জন্য গরু কাটে বলিয়া যে হিন্দু তাহাদের সহিত কলহ করে, সেই হিন্দুই কিন্তু ইংরেজের দাসত্ব স্বীকার করিতে লজ্জিত নয়। অথচ ইংরাজেরা যে পরিমাণ গোমাংসভোজী, মুসলমানেরা তো সেই তুলনায় কিছুই নয়। গরু খায় বলিয়াই তো আর ইংরাজের সহিত আমার কোন কলহ নাই, এবং সেই কারণে মুসলমানদের সহিত আমার কোন বিবাদ নাই। হিন্দুদের ব্যবহারের অসঙ্গতিটি দেখানোই আমার উদ্দেশ্য। টাকার লোভে তাহারা অনায়াসে ইংরাজ প্রভুর সেবা করে, কিন্তু মুসলমানদের বেলায় তাহাদের সঙ্গে বিবাদ করে। তাহা ছাড়া আপনারা ভুলিয়া যাইতেছেন যে, অনেক হিন্দুও পরিতৃপ্তির সহিত গোমাংস আহার করে। আমি এমন অনেক গাঁড়া বৈষ্ণবকে জানি যাঁহারা অসুখের সময় চিকিৎসকের ব্যবস্থাপত্র অনুযায়ী গোমাংসের নির্ধারিত গ্রহণ করেন।” [ঐ, ৬ষ্ঠ খণ্ড, ১৩৫ পৃষ্ঠা দ্রষ্টব্য]

বৃটিশের কোটি কোটি টাকার গোমাংস খাওয়ায় কোন প্রতিবাদ না ওঠায় তিনি লিখলেন, “এঁড়ে বাছুরগুলিকে হত্যা করা হইত, কারণ তাহাদের সবগুলিকে চাষের গাড়িটানা বলদে পরিণত করা যাইত না। এইসকল গোশালা শত শত একর বা তাহারও অধিক পরিমাণ জমি জুড়িয়া ছিল। ইহাদের সকলগুলিই প্রধানত ইওরোপীয় সৈন্যদের সুবিধার জন্য পরিচালিত হইত। এইগুলিতে বহু কোটি টাকা ব্যয় হয়।” [ঐ, পৃ. ২৯৫]

হয়তো তিনি অনুভব করেছিলেন যে, বৃদ্ধা গান্ধি আর বৃদ্ধ বলদ ও ষাঁড়গুলো খাদ্যের অভাবে ও অযত্নে তিলে তিলে যখন মৃত্যুতে পৌঁছায়, তখন ওগুলোকে খাদ্য হিসেবে ব্যবহার করাই উচিত। তা না হলে একথা স্পষ্ট করে গান্ধীজী কি করে বলতে পারলেন যে, “গোহত্যার জন্য মুসলমানদের দোষী করা মুর্থতা। হিন্দুরাই অত্যাচার করিয়া তিলেতিলে গোহত্যা করিতেছে। একেবারে মারিয়া ফেলা অপেক্ষা কষ্ট দিয়া আস্তে আস্তে মারা আরও ভয়ঙ্কর।”

স্বাস্থ্য সম্পর্কে বলতে গেলে মনে পড়ে যায়, বহু স্বাস্থ্য সচেতন ব্যক্তি স্ট্রোচ ও বৃদ্ধ বয়সেও যুবকের মতো সুদর্শন ও কর্মঠ হয়ে মাথা সোজা করে জীবনসংগ্রামে নিজেকে যুক্ত রেখে মৃত্যুর পূর্ব পর্যন্ত প্রমাণিত করে থাকেন তাঁদের স্পষ্ট সন্তোকে। আবার অল্প বয়সেই বার্ধক্যের আক্রমণে ন্যূন হয়ে পড়েন কেউ কেউ। ছবিতে লক্ষ্য করলেই বোঝা যাবে গান্ধীজী তাঁর শরীর, স্বাস্থ্যকে ধরে রাখতে পেরেছিলেন কতটুকু।

শ্রী ননীগোপাল দাস একটি ইংরেজি পুস্তক লিখেছেন যেটার নাম Was Gandhiji a Mahatma? গান্ধীজীর দর্শন শ্রুতিমধুর হলেও তা নিয়ে থেকে যায় আরও ভাবনাচিন্তার অবকাশ। তাঁর সময়ে একজন ভারতীয়ের দৈনিক গড় আয় ছিল ছ'পয়সা। সুতরাং তিনি সিদ্ধান্ত নিলেন যে, একজন সাধারণ ভারতবাসীর মতো তিনিও প্রতিদিন মাত্র ৬ পয়সাই বেঁচে থাকার জন্য খরচ করবেন। শ্রী দাসও লিখেছেন, “The average daily income of an Indian was only six pice. So, Gandhiji would take his daily food worth six pice.”



কিন্তু ১৯৫৪-র ডিসেম্বরে কলকাতায় যখন তিনি এসেছিলেন, তখন তাঁর খাবারের একটি তালিকা ঐ পুস্তকে দেওয়া আছে। সেটা হোল:

ভোর ৫টা : মুসুন্নি অথবা কমলালেবুর রস ১৬ আউন্স, সকাল ৭টা : ছাগলের খাঁটি দুধ আর ফলের রস ২৪ আউন্স, বেলা ১২টা : ১৬ আউন্স ছাগলের দুধকে ফুটিয়ে করা হবে ৪ আউন্স। তার সঙ্গে ৮ আউন্স সেন্দকরা টাটকা সজ্জি (যেমন গাজর, মুলো, টমেটো ইত্যাদি), ২ আউন্স কাঁচা সবজি পাতা (যেমন ধনেপাতা, শাক ইত্যাদি)। বেলা ২.৩০ : ডাবের জল, সন্ধ্যা ৫ টায় : ১৬ আউন্স ছাগলের দুধকে ফুটিয়ে ৪ আউন্স করে তারপরে ১০ আউন্স দুধে ফোটানো খেজুর, কিছু পরিমাণ ফল আর সেইসঙ্গে নারকেল। এরপর গান্ধীজী যখন শয্যাগ্রহণ করতেন, তখন তাঁর দুই পায়ে বেশ খানিকটা খাঁটি ঘি মালিশ করে শুষিয়ে দিতে হোত। তিনি প্রতিদিন যথেষ্ট পরিমাণে খাঁটি মধু খেতেন। গান্ধীজী একরকমের রুটি খেতেন, তার নাম ছিল (Khakra) থাকড়া। এক একটি রুটিতে থাকতো ৫ আউন্স আটা, ৫ গ্রেন সোডিয়াম বাই-কার্বনেট, অল্প লবণ আর অল্প জল। আর বেশি পরিমাণে ছাগলের দুধের ঘি। তারপরে সেটা সেকা হোত। সেসব খাবার তৈরি করতে এবং তাঁর সেবায় দক্ষ রাঁধুনি ও সেবক সেবিকা মোতায়েন থাকতো সবসময়। তিনি কোন খাবারে কখনো তেল খেতেন না, খাঁটি ছাগলের দুধের ঘি-ই ছিল তাঁর একমাত্র পছন্দ।

আন্তর্জাতিক লেখক শ্রী নীরদচন্দ্র চৌধুরী মহাত্মাজীর নিরামিষ ও শাকান্ন খাওয়ার কথা স্বীকার করেই লিখেছেন, “কিন্তু মহাত্মাজীর যে সেক্রেটারির উপর তাঁহার

থাকা-খাওয়ার ভার অর্পিত ছিল, তিনি বেলা এগারোটার আগে অর্থাৎ তাঁহার মধ্যাহ্নভোজনের একঘণ্টা মাত্র থাকিতে, তিনি সেদিন কি শাক খাইবেন, তাহার নির্দেশ দিতেন। গান্ধীজী প্রত্যহ এক শাক খাইতেন না অরুচি হইতে পারে বলিয়া।”

ছাগলের দুধের কথা একটু আগেই উল্লেখ করা হোল। শ্রী চৌধুরী লিখেছেন, “ইহার পর দুধের ব্যবস্থা। কামজ উদ্ভেজনা হয় বলিয়া মহাত্মাজী গাই-এর দুধ খাইতেন না। ছাগীর দুধের সঙ্গে রসুনের রস মিশাইয়া খাইতেন। ... তবু ছাগীর সন্ধান বিপুল উদ্যমে আরম্ভ হইল। একদিন সকাল সাতটার সময়ে উডবার্ন পার্কে আসিয়া দেখি, বাড়ির বাহিরের উঠানে প্রায় কুড়িটা ছাগী পাতা চর্বন করিতে করিতে মে-হে মে-হে করিতেছে। ছাগীপালকেরা বলিল, কোন ছাগী মহাত্মাজীর দুধ-মা হইবে, তাহা নির্বাচন করিবার জন্য স্বয়ং মহাদেব দেশাই (গান্ধীজীর সেক্রেটারি) আসিবেন। আমি ব্যাপারটা দেখিবার জন্য একপাশে দাঁড়াইয়া রহিলাম। মহাদেব দেশাই আসিয়া গাভীর মুখে একটি একটি করিয়া ছাগীর দিকে কঠিন দৃষ্টিপাত করিলেন এবং যে ছাগী তাঁহার সেই দৃষ্টিতে চক্ষু নত করিল, তাহাকে অসতী বলিয়া প্রত্যাহ্বান করিলেন। একটিমাত্র ছাগী তাহা না করিয়া কটমট করিয়া তাঁহার মুখের দিকে তাকাইয়া রহিল। সেটিই নির্বাচিত হইল।”

এই পনেরো-কুড়িটি ছাগীর অভিভাবকদের কাছ থেকে ছাগীগুলোকে আনা এবং আনার খরচ বহন করা ইত্যাদি ক্ষুদ্র বিষয়ে মহাদেব দেশাই-এর মতো বিরাট নেতাকে তদারকি করতে হোত, ব্যয় করতে হোত অর্থ আর মূল্যবান সময়। তাছাড়া তাঁর উন্নতমানের চিকিৎসা ব্যবস্থা, নিরাপত্তা ও সুবক্ষার ব্যবস্থা, তাঁর যাত্রাপথের সঙ্গীদের সেবা দেওয়া-নেওয়ার পিছনে যে খরচা হোত, তা চিন্তা করলেই অনুমিত হবে ঐ ছ’পয়সার খরচের হিসাব।

ভারতবর্ষে ব্রহ্মচার্যের পূর্ণতার জীবন্ত প্রতীক বলে মনে করা হয় গান্ধীজীকে। ব্রহ্মচার্যের জন্য গান্ধীজীর যতো প্রশংসাই করা হোক, বিশাল ভারতবর্ষের রাজনৈতিক শ্রেষ্ঠতম নেতার পক্ষে ব্রহ্মচার্য নিয়ে এত সাধনা, অনুশীলন ও প্রচারের প্রয়োজন ছিল কিনা, এ প্রশ্ন ভক্তদের কাছে না হলেও নিরপেক্ষ এবং বিপক্ষদের কাছে বিতর্কিত বলে চিহ্নিত।

ব্রহ্মচার্যের বাস্তবতা ও সার্বজনীন সুফলের কথা যদি মেনেই নেওয়া হয়, তাহলে চরিত্র ও মনুষ্যত্ব তৈরি করতে ঐ ওষুধটি সাধারণ মানুষের জন্য গ্রহণযোগ্য কিনা, এও এক প্রশ্ন।

দ্বিতীয় প্রশ্ন হোল, গান্ধীজী একজন সাধারণ মানুষ নন বরং অসাধারণ ব্যক্তি। তিনিও কি ঐ ব্রহ্মচার্য পালনে সার্থক হয়েছিলেন বা তিনি কি তাতে পূর্ণতাপ্রাপ্ত হয়েছিলেন? এ যে বিরাট বিষয়কর বিতর্কিত ব্যাপার। এর মীমাংসা ও সমাধানে স্বয়ং গান্ধী কি বলেছেন, নজর দিয়ে দেখা যাক সে দিকেই।

তিনি বলেছেন, “এই ব্রহ্মচার্য পালন অত্যন্ত কঠিন। প্রায় অসম্ভবও বলা যাইতে পারে।”

এই ব্রহ্মচার্যের তত্ত্ব গান্ধী পেলেন কোথা থেকে? এই তত্ত্ব তিনি পেয়েছিলেন গীতা থেকে। ধর্ম নিয়ে যাঁদের মাথা ঘামাবার সময় নেই তাঁরা অনুমানে ধরে নেন যে, বাইবেল, কোরআন, গ্রন্থসাহিব ও জেন্দআবেস্তার মতো গীতাও একটি ঈশ্বর প্রেরিত ধর্মগ্রন্থই হবে। শিক্ষিত সম্প্রদায় তো বটেই, আধাশিক্ষিত মানুষেরা অনেকে বিশ্বাস করেন যে রামায়ণ মহাভারত মানুষের তৈরি বা সৃষ্টি করা মহাকাব্য উপন্যাস মাত্র। কিন্তু গীতা যে মহাভারতেরই একটি ছোট অংশ এটুকু জানা আছে ক’জনের? গীতাভক্ত গান্ধীজী স্বয়ং বলেছেন, “গীতা মহাভারতের মধ্যে একটি ছোট অংশ।



গান্ধীজীর তৃতীয় পুত্র রামদাস

মহাভারতকে ঐতিহাসিক গ্রন্থ বলিয়া ধরা হয় কিন্তু আমার কাছে মহাভারত ও রামায়ণ ঐতিহাসিক গ্রন্থ নয়, ইহারা ধর্মগ্রন্থ। ... গীতার নিকট হইতে আমার জীবনের সমস্ত সমস্যার সমাধান করিয়া লইব। এমনি করিয়া যদি প্রতিদিন গীতা মনন করি তবে তাহা হইতে নিত্য নূতন আনন্দ পাওয়া যাইবে, নিত্য নতুন অর্থ পাওয়া যাইবে। ধর্ম ও জীবন সম্বন্ধে এমন কোন জটিল প্রশ্ন নাই, যাহার সমাধান গীতা করিতে পারে না।” [দ্রঃ রচনা, চতুর্থ, পৃ. ৬৪]

পূর্বেই গান্ধীপ্রদত্ত রামনামের কল্যাণের কথা বলা হয়েছে। তিনি বিশ্বাস করতেন যে, ঠিকমতো ব্রহ্মচার্য পালনকারী কুচিন্তা হতে মুক্ত জিতেদ্রিয় ব্যক্তির কোন রোগই হতে পারে না। কারণ কাছ একথাটি মূল্যবান হলেও চিকিৎসা বিজ্ঞানী ও আধুনিক চিকিৎসা প্রেমীদের হয়তো তা বিশ্বাসযোগ্য নয়। পক্ষ-বিপক্ষ-নিরপেক্ষ সকলকে একটা কথা স্বীকার করতে হবে যে গান্ধীজী যেটা প্রকাশ করতে ইচ্ছা করতেন বেশির ভাগ ক্ষেত্রে তা স্পষ্ট করে বলার সাহস অর্জন করেছিলেন তিনি। কিন্তু কিছু কিছু মূল বিষয় আদৌ প্রকাশ করে যাননি, আর যেটুকু প্রকাশ করেছেন তা সাধারণের বোধগম্য নয়।

ব্রহ্মচার্য সম্বন্ধে গান্ধীজী বলেছেন, “বিষয়ভোগ মাত্রই নিরোধ করার নাম ব্রহ্মচার্য। যে ব্যক্তি অন্য সকল ইন্দ্রিয়কে যেখানে সেখানে ভ্রমণ করিতে দিয়া একটা মাত্র ইন্দ্রিয় রুদ্ধ করার চেষ্টা করে সে যে নিষ্ফল প্রযত্ন করে এ বিষয়ে আর সন্দেহ কি আছে? কান

দ্বারা বিকারযুক্ত কথা শুনিবে, চক্ষুদ্বারা বিকার উৎপাদনকারী বস্তু দেখিবে, জিহ্বা দ্বারা বিকারোদ্ভেজক বস্তুর স্বাদ লইবে, হস্তদ্বারা বিকারোদ্ভেজক বস্তু স্পর্শ করিবে, আবার জননেত্রিয়কেও বশে রাখার আশা করিবে এ যেন ঠিক আগুনে হাতটা ঢুকাইয়া দিয়া তারপর না পোড়াইবার চেষ্টা করা। যদি আমরা সমস্ত ইন্দ্রিয় একসঙ্গে বশ করার অভ্যাস করি ... তাহা হইলেই জননেত্রিয় বশে আনার চেষ্টা শীঘ্র সফল হইতে পারে, সফল হইয়া থাকে।” [দ্রষ্টব্য রচনা, চতুর্থ, পৃ. ১০]

গান্ধীজী ব্রহ্মচর্যে সফল হয়েছিলেন বা তিনি নিজের ইন্দ্রিয়কে দমন করতে পেরেছিলেন—আমরা ভক্তিতে একথা মেনে নিলেও তিনি নিজে কিন্তু স্বীকার করেন নি তা। তাঁর ভিতরে অবৈধ কুচিন্তা যে বেঁচে ছিল সেই সত্য স্বীকার করে তিনি বলেছেন, “কুচিন্তা আমার আহত হইয়াছে, নিহত হয় নাই। গত দশ বছরে আমি গ্লুরেসি, আমাশয়, এপেণ্ডিসাইটিস ইত্যাদি রোগে ভুগিয়াছি। চিন্তা যদি আমার পূর্ববশে থাকিত তবে এসব রোগ আমার হইত না।” [এ, পৃ. ৩০৮]

এ পৃষ্ঠার টীকায় লেখা হয়েছে, “পূর্ণতার আমি সাধক। পূর্ণতালাভের পথ যে কী তাও আমি জানি। কিন্তু পথ জানা ও গন্তব্যে পৌঁছানো এক নয়। যদি পাপরহিত হইতাম, মনের ব্যাপারেও যদি রিপু সমূহ আমার পূর্ণ বশে থাকিত তবে আমার শরীর একেবারে নীরোগ হইত। ... আমার মনে হয় চিন্তার তথা মনের দুর্বলতার কারণে আমার এপেণ্ডিসাইটিস হইয়াছিল। অস্ত্রোপচারে আমি রাজী হই।”

গান্ধীজীর কথা সত্য বলে মনে নিলে নিবিড় নারীসঙ্গ থেকে গান্ধীজীরও দূরে থাকা অবশ্যই দরকার। কিন্তু তাঁর জীবনী পড়ে দেখা যাচ্ছে, দক্ষিণ আফ্রিকা থেকে শুরু করে ভারতে তাঁর মৃত্যুর পূর্ব পর্যন্ত নারীসঙ্গ গান্ধীজীর জীবনে জড়িয়ে গিয়েছিল অস্বাভাবিকভাবে। দক্ষিণ আফ্রিকায় কুমারী ওয়েস্ট মেমসাহেবের সঙ্গে মেলামেশার কথা উল্লেখ করে তিনি নিজেই তাঁর কথা লিখেছেন—“কুমারী ওয়েস্টের বয়স ৩৫ বৎসর, এখানে বিবাহ করেন নাই এবং অতিশয় পবিত্র জীবন যাপন করিতেছেন। তাঁহার দ্বারাও কম সেবা হয় নাই।” [দ্রঃ রচনা দ্বিতীয় খণ্ড, পৃ. ১৭৫]

উল্লেখ করা যেতে পারে যে, তিনি ছিলেন আফ্রিকার ট্রান্সভালের কোন এক সরকারি স্কুলের প্রধান শিক্ষিকা। তাছাড়া তিনি কেপ ইউনিভার্সিটির এক উল্লেখযোগ্য ছাত্রী ছিলেন। এই ইউনিভার্সিটির ইন্টারমিডিয়েট পরীক্ষায় দ্রুতলিখনে তিনি ফার্স্টক্লাস পেয়েছিলেন। [দ্রষ্টব্য রচনা, ২য়, পৃ. ১৭৭-১৭৯]

এইরকম প্রশিক্ষণপ্রাপ্ত বিদেশি কুমারীদের সঙ্গ সঙ্ক্ষে সাধারণ মানুষ কিছু না ভারলেও আধুনিক গবেষকদের অনেকের মতে এঁরা হতে পারেন বৃটিশের প্রশিক্ষণপ্রাপ্ত নিয়োগ করা গুপ্তচর।

আর এক কুমারী মেমসাহেবের নাম বলা যায়, তিনি হচ্ছেন সোজা শ্রেসিন। তাঁর প্রশংসা করতে গিয়ে তিনি তাঁর রাজনৈতিক গুরু গোখলের মন্তব্য দিয়ে প্রমাণ করেছেন ভদ্রমহিলার গুণশীলতার কথা।

গোখলে গান্ধীজীকে উদ্দেশ্য করে বলেছেন, “কুমারী শ্রেসিনের ন্যায় এমন পবিত্র, কার্যের প্রতি এমন একনিষ্ঠ, অনুরক্ত এবং এমন দৃঢ়প্রতিজ্ঞ আমি কদাচিৎ দেখিয়াছি। তিনি কোনও পুরস্কারের প্রত্যাশা না করিয়া ভারতীয়দের স্বার্থে তাঁহার সর্বস্ব যেভাবে অর্পণ করিয়াছেন তাহা দেখিয়া আমি আশ্চর্য হইয়াছি। এতদুপরি তাঁহার অসাধারণ ক্ষমতা ও কার্যকুশলতার কথা ভাবিলে তাঁহাকে তোমাদের এই আন্দোলনের এক অমূল্য সম্পদ বলিয়া ধরিতে হয়। আমার একথা বলাই বাহুল্য, তবুও বলিতেছি যে তুমি তাঁহার পালন পোষণ করিবে।” গান্ধীজী তাঁর সম্পর্কে লিখেছেন,



গান্ধীজীর কনিষ্ঠ পুত্র দেবদাস

“তাহার পর শ্রীযুক্ত কলেনবেক কুমারী শ্রেসিনকে আমার সহিত পরিচয় করাইয়া দেন। তিনি বলেন, এই বালিকার মা ইহাকে আমার হাতে সমর্পণ করিয়াছেন। এ খুব বুদ্ধিমতী ও সং, কিন্তু বড় দুষ্টি ও উদ্দাম প্রকৃতির—হয়তো বা কিছুটা উদ্ধতও হইবে। দেখুন যদি ইহাকে দিয়া আপনার কাজ চলে। কেবল বেতনের জন্য আমি ইহাকে আপনার কাছে দিতেছি না। একজন ভাল টাইপিস্টকে আমি মাসিক কুড়ি পাউণ্ড করিয়া দিতে প্রস্তুত ছিলাম, কিন্তু কুমারী শ্রেসিনের কর্মকুশলতা সঙ্ক্ষে আমার কোনও ধারণাই ছিল না। শ্রীযুক্ত কলেনবেক বলিলেন যে, তাঁহাকে প্রথম প্রথম মাসিক ছয় পাউণ্ড করিয়া দিতে হইবে। আমি ইহাতে স্বীকৃত হইলাম। কুমারী শ্রেসিনের ভিতরে যে দুষ্টিমি ছিল শীঘ্র তাহার পরিচয় তিনি দিলেন। কিন্তু একমাসের মধ্যেই তিনি আমার হৃদয় জয় করিয়া ফেলিলেন। দিন রাতে সকল সময়েই তিনি কাজের জন্য প্রস্তুত থাকিতেন। তাঁহার পক্ষে কোনও কাজই শুল্ক ও অসম্ভব ছিলনা। তাঁহার বয়স তখন মোটে ষোল বছর। ... শীঘ্রই এই বালিকা কেবল আমার দফতরের ভিতরই নহে, সমগ্র সত্যাগ্রহ সংগ্রামেরও নৈতিকতার রক্ষয়িত্রী ও প্রতিপালিকা হইয়া পড়িলেন। ... আমরা সকলে জেলে গেলে শ্রীযুক্ত ডোক ‘ইণ্ডিয়ান ওপিনিয়ন’-এর (সংবাদপত্র) ভার লইলেন। কিন্তু তাঁহার মতো শুভ্র কেশ ও বহুদর্শী ব্যক্তিও ‘ইণ্ডিয়ান ওপিনিয়ন’ের জন্য যাহা লিখিতেন তাহা এই

বালিকাকে দেখাইয়া অনুমোদন করাইয়া লইতেন। তিনি আমাকে বলিয়াছিলেন, ‘কুমারী শ্লেসিন না থাকিলে তিনি নিজেকেই নিজের কার্য দ্বারা সম্বৃত্ত করিতে পারিতেন না। তিনি যে সাহায্য করিয়াছিলেন এবং যে পরামর্শ দিয়াছেন তাহার মূল্যায়ন করা দুর্লভ। অনেক সময়েই আমার রচনায় তিনি যে সকল পরিবর্তন ও সংযোজন করিয়াছেন উপযুক্ত বিবেচনায় সেগুলি আমি গ্রহণ করিয়াছি।’”


গান্ধীজী ঐ বালিকার (?) জন্য আরও লিখেছেন, “তাঁহার কতকগুলি অভাবের কথা জানিতে পারিয়া তাঁহাকে আমি মাসিক দশ পাউণ্ড করিয়া দিতে আরম্ভ করি। দ্বিধার সহিত তিনি ইহা গ্রহণ করিলেও ইহার অতিরিক্ত লইতে সম্পূর্ণ অস্বীকার করেন।” ঐ বালিকা বলেছিলেন, “ইহার অতিরিক্ত আমার প্রয়োজন নাই। প্রয়োজনের অতিরিক্ত কিছু লইলে, যে আদর্শের টানে আপনার নিকট আসিয়াছি তাহার প্রতি বিশ্বাসঘাতকতা করা হইবে।” গান্ধীজী এই পরিপ্রেক্ষিতে বলেন, “এই জবাব পাইয়া আমি চূপ করিয়া গেলাম।”

আর এক বিলেতি কুমারী মেমসাহেব, যাঁর বাড়ি ছিল স্কটল্যান্ড, তাঁর নাম মিস ডিক। গান্ধীজী স্বয়ং এই বলে বর্ণনা দিয়েছেন যে, “কুমারী ডিক নামী এক স্কচদেশীয় বালিকা আমার টাইপিস্টের কাজ করিত। তিনি বিশ্বস্ততা ও পবিত্রতার প্রতিমূর্তি ছিলেন। আমার জীবনে অনেক দুঃখ পাইয়াছি কিন্তু তেমনি অনেক উদার চরিত্র ইওরোপীয় ও ভারতবাসীকে সঙ্গীরূপে পাওয়ার সৌভাগ্যও লাভ করিয়াছি। কুমারী ডিকের বিবাহ হওয়ায় তিনি আমার কাজ ছাড়িয়া দিয়া যান।” [রচনা, ২য়, পৃ. ১৭৭] এখানে ভুলে যাওয়া চলবেনা যে, ইউরোপীয়দের মধ্যে তখন বালিকা বিবাহের প্রচলন ছিল না। সুতরাং গান্ধীজীর সান্নিধ্য সময়ে তিনি বালিকা বা কিশোরী নন বরং যুবতীই ছিলেন বলা যায়।

গান্ধীজী লিখেছেন, “এমন অনেক গোরার নাম আমি দিতে পারি। তবে এক্ষণে আমি মাত্র তিন জন মহিলার কথা বলিয়া এই অধ্যায় শেষ করিব। ইহাদের মধ্যে একজন ছিলেন লর্ড হব হাউসের কন্যা কুমারী হব হাউস। ... অপর মহিলার নাম কুমারী অলিভ শাইনার। তাঁহার কথা পূর্বেই এক অধ্যায়ে উল্লেখ করিয়াছি। ইনি দক্ষিণ আফ্রিকার বিখ্যাত শাইনার পরিবারের বিদূষী কন্যা। ... তৃতীয় মহিলা কুমারী মোলটিনো। তিনি দক্ষিণ আফ্রিকার পুরাতন মোলটিনো বংশোদ্ভব বয়স্হা নারী ছিলেন। তিনিও যথাসম্ভি ভারতীয়দের সাহায্য করেন। পাঠক জিজ্ঞাসা করিতে পারেন যে, শ্বেতাঙ্গদের এতসব সাহায্যের ফল কি হইয়াছিল?”

গান্ধীজী এই প্রশ্নের উত্তরটি বিশেষ কারণে এড়িয়ে যেতে লিখেছেন—“তাঁহাদের সহানুভূতির প্রত্যক্ষ বর্ণনা করিবার জন্য এই অধ্যায় লিখিত হয় নাই। [দ্রঃ ঐ, পৃ. ১৮০-৮১]

পূর্বপ্রসঙ্গে ফিরে এসে বলা যায় যে, ভারতবর্ষে নেতৃত্ব দেওয়ার সময়েও গান্ধী নারীসঙ্গ হতে দূরে থাকতে পারেন নি বা চান নি। যেখানে সারা ভারতবাসী এবং পৃথিবীর মানুষ তাকিয়ে আছেন গান্ধীজী তথা কংগ্রেস নেতৃহের খাতে এক টি পদক্ষেপের প্রতি, যেখানে বানু রাজনীতিবিদ্বিশ্বের অন্যতম এক সেরা ব্যারিস্টার জিন্মা



মহাত্মা গান্ধী ও নেতৃত্বদ

পাকিস্তান সৃষ্টিতে চালিয়ে যাচ্ছেন তাঁর চরম সাধনা, ঠিক সেই সময় গান্ধীজী যদি নারী নিয়ে ব্রহ্মচর্যের পরীক্ষা শুরু করেন, আর তার ফাঁকে ফাঁকে কংগ্রেসকে নেতৃত্ব ও পরামর্শ দিতে থাকেন, তাহলে তা অত্যন্ত পরিতাপের।

নারীসঙ্গ, নারী সাধনা বা ব্রহ্মচর্যের পরীক্ষার কথায় মানুষ যাতে চমকে না ওঠেন সেজন্য হয়তো বা ধর্মের মোড়কে মুড়িয়ে যে কথাগুলো তিনি লিখেছেন তাও বিস্ময়কর। তিনি লিখেছেন, “ভাগবতে আমরা পড়িয়াছি যে, শুকদেব যখন নগ্ন অবস্থায় স্নান নিরতা স্ত্রীলোকদিগের নিকট দিয়া যাইতেছিলেন তখন তাঁহার মনে বিন্দুমাত্র চঞ্চলতার সৃষ্টি হয় নাই এবং সেই স্ত্রী লোকেরাও বিচলিত হয় নাই অথবা লজ্জাবোধ করে নাই।” [রচনা, দ্বিতীয়, পৃ. ১৪]

গান্ধীজী স্বয়ং শুকদেবের ভূমিকা নিতে চেয়েছিলেন কি না আর সেই সঙ্গে তাঁর পরীক্ষাগারের কিশোরী ও যুবতীদেরকে ‘চঞ্চলতা’, ‘লজ্জাবোধ’ এবং ‘বিচলিত’ না হওয়ার প্রশিক্ষণ দিয়েছিলেন কি না তাও খানিকটা ভাববার বিষয়। তিনি লিখেছেন, “কিন্তু ব্রহ্মচর্য বলতে সাধারণতঃ বোঝায় যৌন অঙ্গগুলির সংযম এবং যৌনকামনা ও যৌনসঙ্গ সম্পূর্ণ নিয়ন্ত্রণের দ্বারা বীর্যপাত প্রতিরোধ। যে সব দিক দিয়ে আত্মসংযম করে তার পক্ষেই এটা স্বাভাবিক। ... কিন্তু যতদিন যৌনকামনা থাকবে ততোদিন ব্রহ্মচর্য লাভ হয়েছে বলা যায়না। ... ব্রহ্মচর্যের সরাসরি পরিণতি বীর্যস্বল্পন বন্ধ। কিন্তু এই সব নয়।

পুরোপুরি ব্রহ্মচারী যে তারমধ্যে বেশকিছু লক্ষ্যনীয়ও রয়েছে। তার কথাবার্তা, তার চিন্তা, তার কাজের ধারা সবকিছুই, সে যে জীবন্ত সর্বশক্তির অধিকারী তা প্রকাশ করেছে। এ রকম ব্রহ্মচারী স্ত্রীলোকের কাছ থেকে পালায় না, স্ত্রীলোকের সদর জন্য সে লালায়িত না হতে পারে, কিন্তু যখন প্রয়োজনীয় সেবা করার ডাক আসে, সে তা এড়িয়েও যায় না। তার কাছে পুরুষ-স্ত্রীলোকের পার্থক্য প্রায় লোপ পায়। ... অন্য ভাষায় বলা যায়, এরকম লোক এমনভাবে তার যৌনকামনাকে নিয়ন্ত্রিত করেছেন যে, তার যৌনঙ্গ ঋজু হয়ে ওঠে না। যৌনগ্রহি থেকে প্রয়োজনীয় নিঃসরণের অভাবে তিনি পুরুষত্বহীন হয়ে পড়েন না।” [দ্রঃ রচনা, তৃতীয়, পৃ. ৮৭]

এই সব কথা যদি তিনি নিজের জন্যও বলে থাকেন তাহলে প্রশ্ন আসতে পারে গান্ধীজী কি স্বয়ং ব্রহ্মচার্যের সাধনায় পরিপূর্ণতা লাভ করেছিলেন? তার উত্তর তিনিই দিয়েছেন, “১৯০৬ সালে আমি ব্রহ্মচার্যের শপথ নিই। অন্যভাবে বলতে গেলে, পুরো ব্রহ্মচারী হওয়ার জন্য আমার প্রয়াস ৩৬ বছর আগে শুরু হয়েছে। ব্রহ্মচারী সম্বন্ধে আমার যে সংজ্ঞা সেইমত পূর্ণ ব্রহ্মচার্য আমি অর্জন করেছি তা বলতে পারিনা; তবে আমার মতে সেদিকে উল্লেখযোগ্যভাবে এগিয়ে গিয়েছি। ভগবান যদি ইচ্ছা করেন এই জীবনেই এমনকি পূর্ণতাও লাভ করতে পারি।” [দ্রঃ পূর্বোক্ত]

এ সম্পর্কে তিনি আরও লিখেছেন, “এই সব দায়িত্ব সুচারুরূপে সম্পন্ন করার জন্য আমাকে যৌনজীবনকে কঠোরভাবে নিয়ন্ত্রণ করতে হয়েছে এবং স্বদেশবাসী হোক অথবা ইউরোপীয়, সবার সঙ্গে সম্বন্ধের ক্ষেত্রে আমাকে অহিংসা ও সত্যের পুঙ্খানুপুঙ্খ আচরণ করতে হয়েছে। নিজেকে আমি গড়পড়তা (সাধারণ) মানুষ চেয়ে বড় বলে মনে করি না।” [এ, ২য়, পৃ. ৫০৪]

অহিংসা ব্রহ্মচার্য দুটোই ওতপ্রোতভাবে জড়ানো। বাস্তব সত্য যেটা সেটা হোল, দুটোতেই যে তিনি সম্পূর্ণভাবে সফল হন নি তাঁর লেখাতেই তা প্রমাণিত। এ বিষয়ে তিনি পূর্ণতা লাভ করেছিলেন কিনা সে প্রশ্ন করলে, উত্তরে তিনি বিরক্ত হয়ে বলেছিলেন, “প্রশ্নগুলি নিঃসন্দেহে তাত্ত্বিক। তাছাড়া প্রশ্নগুলি করাও হয়েছে অসময়ে।” কিন্তু সত্য স্বীকার করেই বলে ফেললেন, “কারণ অহিংসার সমস্ত কলাকৌশল আমি এখনো আরও করতে পারিনি। এর পরীক্ষা নিরীক্ষা এখনো চলছে।” [দ্রঃ রচনা, দ্বিতীয়, পৃ. ৫১০]

গান্ধীজী নিজের যৌনজীবন নিয়ে নানা পরীক্ষা নিরীক্ষা করেছিলেন। গান্ধীজীর সেক্রেটারী পিয়ারীলাল তাঁর স্মৃতিকথায় এ সম্পর্কে বিশদ উল্লেখ করেছেন। পণ্ডিত নেহরুর সেক্রেটারী এম.ও. মাথাইও নিজের স্মৃতিকথা Reminiscences of the Nehru Age-এ এই বিষয়টি বিবৃত করেছেন এইভাবে : ‘Freedom at Midnight’ গ্রন্থে নোয়াখালিতে মনুর সঙ্গে গান্ধীজীর সম্পর্কের ব্যাপারে উল্লেখ রয়েছে। এটা স্পষ্ট,

সত্যের সঙ্গে গান্ধীর পরীক্ষা নিরীক্ষার এই ব্যাপারটি যে তারও অনেক আগে শুরু হয়েছিল—লেখকদ্বয় তা জানতেন না। তাঁর স্ত্রী কস্তুরবার জীবদ্দশাতেই এর শুরু। গান্ধীজীর সঙ্গী

সমস্ত মহিলারাই (অর্থাৎ যাঁরা সহকর্মিনী হিসাবে তাঁর সঙ্গে কাজ করতেন) এর সঙ্গে জড়িত ছিলেন। রাজকুমারী অমৃত কাউরও ছিলেন এদের মধ্যে একজন। তিনি পরে আমার সঙ্গে ব্যাপারটি সম্বন্ধে অবাধ ও খোলাখুলি আলোচনা করেন। গান্ধীজী রাজকুমারী অমৃত কাউরের নিকট স্বীকার করেছিলেন যে, পরীক্ষারত অবস্থায় একাধিকবার তাঁর মনে খারাপ চিন্তার উদয় হয়েছিল। সম্প্রতি প্রকাশিত একটি গ্রন্থে [Colonialism, Tradition and Reform : An Analysis of Gandhi's Political Discourse, Sage Publications, New Delhi - 110048]



গান্ধীজী এবং রাজকুমারী অমৃত কাউর

গান্ধীজীর যৌন পরীক্ষা-নিরীক্ষার উপর তথ্যপূর্ণ আলোচনা করেছেন শ্রী ভিখু পারেখ। শ্রী পারেখ Hull University-র পলিটিক্যাল থিওরীর অধ্যাপক। তিনি ব্রিটেনের Commission for Racial Equality-র ডেপুটি চেয়ারম্যান। শ্রী ভিখু পারেখ বরোদা বিশ্ববিদ্যালয়ের উপাচার্যের পদও অলংকৃত করেছিলেন। তিনি দর্শনের উপর বেশ কয়েকটি উচ্চ প্রশংসিত বই-এরও লেখক।

গান্ধীজী যৌনতা ও ব্রহ্মচার্যের উপর পরীক্ষা নিরীক্ষা করতে গিয়ে এক পর্যায়ে নারীদের সঙ্গে মনঃসংযোগ করতে আরম্ভ করেন। এঁদের মধ্যে ছিলেন তাঁর আত্মীয়া উনিশ বছরের মনু ও আভা, তাঁর চিকিৎসক সুশীলা নায়ার এবং লোকনায়ক জয়প্রকাশ নারায়ণের স্ত্রী প্রভাবতী নারায়ণ প্রমুখ মহিলা সমাজকর্মী। শ্রী ভিখু পারেখের পুস্তক থেকে একটি অংশ নিচে উদ্ধৃত করা হচ্ছে :

“গান্ধীজী ১৯০১ সালে প্রতিজ্ঞা গ্রহণ করেন যে, তিনি সমস্ত প্রকার যৌনাচার থেকে বিরত থাকবেন। এ ব্যাপারে তিনি তাঁর স্ত্রীর মতামত নেওয়া কিংবা পরামর্শ করার

প্রয়োজন বোধ করেন নি। ... এ সময় গান্ধীজীর বয়স ছিল ৩৭ বৎসর এবং তিনি তখন দক্ষিণ আফ্রিকায় তাঁর প্রথম সত্যগ্রহ শুরু করতে যাচ্ছেন। ব্রহ্মচার্য পালনে নেমে গান্ধীজী উপলব্ধি করলেন কাজটি তাঁর জন্য মোটেই সহজ নয়। ... ব্রহ্মচার্যের শপথ নিলেও গান্ধীজী তাঁর স্ত্রীর পাশেই শয়ন করতেন। ... পরীক্ষার পর তাঁর বিশ্বাস জন্মে যে, খাদ্যাভ্যাস ও যৌনতার মধ্যে এক প্রত্যক্ষ ও নিবিড় সম্পর্ক রয়েছে। ... যেহেতু গান্ধী তাঁর দৈহিক আত্মনিয়ন্ত্রণ সম্পর্কে পূর্ণ আত্মবিশ্বাসী ছিলেন, তিনি তাঁর নারী সহযোগিনীদের সাথে নিবিড় দৈহিক স্পর্শ বজায় রাখেন। অনেক ভারতীয়ই এটা অপছন্দ করতেন— বিশেষ করে তাঁর মহিলাদের কাঁধে হাত রাখার অভ্যাসটি। বেশ কয়েকজন লোক ব্যক্তিগত আলোচনায় এবং প্রকাশ্যেও ব্যাপারটি তাঁর নিকট তুলেছিলেন। এই সব সমালোচনার প্রত্যুত্তরে ১৯৩৫ সালের সেপ্টেম্বরে গান্ধীজী 'জনসাধারণের মঙ্গলের জন্য' তাঁর ঐ অভ্যাস পরিত্যাগ করার প্রতিজ্ঞা গ্রহণ করেন। কিন্তু কয়েক বৎসর পর সেবাগাঁওতে তিনি তা ভঙ্গ করেন। গান্ধীজী যুক্তি দেখান যে, নারীস্পর্শ পরিহার করে চলার প্রতিজ্ঞার মধ্যে তাঁর স্ত্রী, সুশীলা নায়ায়, মনু এবং অন্য কিছু মেয়ে যাঁরা তাঁর কাছে কন্যার মতো— তাঁদের অন্তর্ভুক্ত করার অভিপ্রায় তাঁর ছিল না। ... রোগমুক্ত হবার জন্য যখন বোধহেতে বিশ্রাম নিচ্ছিলেন, তিনি তখন প্রবল এক যৌনবাসনা অনুভব করেন। ... ১৯৩৮ সালের ১৪ই এপ্রিল তিনি এক 'বদস্বপ্ন' দেখেন যাতে ছিল এক নারীর সঙ্গে দেখা করার আকাঙ্ক্ষা এবং স্বপ্নেই তাঁর শুরুপাত ঘটে যায়। স্পষ্টতই তিনি এতে সম্পূর্ণভাবে ভেঙে পড়েন। তিনি বুঝতে পারছিলেন না তাঁর কোন্ ভুলে এসব হচ্ছে? তিনি তাঁর আত্মবিশ্বাস পুরোপুরি হারিয়ে ফেলেন, তাঁর রাজনৈতিক কাজকর্মের ক্ষতি হতে আরম্ভ করে। দুর্ভাগ্য ও দীর্ঘ দর কষাকষিমূলক আলোচনায় জিন্নার সঙ্গে তাঁর মিলিত হওয়ার কথা, কিন্তু তিনি কোন উৎসাহ পাচ্ছিলেন না। অবশ্য যদিও তিনি জিন্নার সঙ্গে আলোচনায় বসলেন এবং বিভিন্ন প্রস্তাবাবলী পেশ করলেন, তিনি কিন্তু মোটেই আত্মবিশ্বাসী ছিলেন না। পুরো আলোচনায় অগ্রণী ভূমিকা নেবার দায়িত্ব তিনি নেহরুর উপরই ছেড়ে দিলেন। ... মীরা বেন এবং অমৃত কাউর— উভয়েই মেয়েদের সঙ্গে সমস্ত সংক্রমণ ত্যাগ করার জন্য গান্ধীজীকে পরামর্শ দিলেন। কেবলমাত্র মহিলাদের স্পর্শ করা নয়, বরং সেইসঙ্গে সকল ধরণের সান্নিধ্য, কথাবার্তা, দৃষ্টি বিনিময় ও চিঠিপত্র পরিহার করার জন্য তাঁরা জোর দেন। ... মীরা বেন তাঁকে বলেন যে, 'এপ্রিলের ঘটনাটি' কোন একবিচ্ছিন্ন ঘটনা নয়, কারণ তিনি ইতিপূর্বে একবার লক্ষ্য করেন যে, গান্ধীজী ঘুমের মধ্যে তাঁর এক মহিলা সহযোগীর গলা জড়িয়ে ধরে রয়েছেন। ... তিনি সতর্ক হলেন এবং তাকে চিহ্নিত করে দমন করার জন্য নয়া পদ্ধতি বের করার প্রয়োজনীয়তা অনুভব করলেন। কিন্তু কয়েকমাস পরে তিনি আবার যথেষ্ট আত্মবিশ্বাসী হয়ে উঠলেন এবং তাঁর নারী

সহকর্মীদের সাথে ঘনিষ্ঠ শারীরিক সংস্পর্শ বজায় রাখার পুরানো অভ্যাসটিকে পুনরায় চালু করলেন। মহিলা সহকর্মীদের বেশ কয়েকজন অনেক সময় তাঁর পাশেই শয়ন করতো। আর সুশীলা নায়ায় তো গান্ধীজীর সঙ্গে 'এক বিছানায় শুতেন' তাঁকে উষ্ণতা দিয়ে গরম রাখার জন্য। সুশীলা তাঁকে ম্যাসাজ করতেন এবং ওষধিযুক্ত জলদ্বারা স্নান করিয়ে দিতেন। এই স্নান প্রায় দেড়ঘন্টা ধরে চলতো। ... গান্ধীজীর জীবনযাত্রা প্রণালী সম্বন্ধে প্রথম প্রকাশ্যে মন্তব্য করা হয় Bombay Chronical পত্রিকায় ১৯৩৯ সালের অক্টোবর মাসে। পত্রিকাটির এলাহাবাদ সংবাদদাতা গান্ধীর ব্যক্তিগত জীবন সম্বন্ধে 'চমকপ্রদ জানকারী' প্রদান করেন। একটি প্রাদেশিক হিন্দু মৌলবাদী পত্রিকা আরও অনেক রসালো গল্প ছাপে। তারা সুশীলা নায়ায়ের নাম উল্লেখ করে গান্ধীজীর বিরুদ্ধে 'অধর্ম' ও 'চরম



আভা ও মনুর সঙ্গে গান্ধীজী

ইন্দ্রিয় পরায়ণতার অভিযোগ উত্থাপন করে। কিছু আমেরিকান পত্র পত্রিকা যারা আগে Madeleine Slade নামী মহিলার সঙ্গে ১৯৩১ সালে উভয়ের লণ্ডন সফরকালে গান্ধীজীর সঙ্গে 'অবৈধ' সম্পর্কের ইঙ্গিত দিয়েছিল— তারা আরও খোলাখুলি নানা কেচ্ছাকাহিনী প্রকাশে মেতে ওঠে। গান্ধীজী কিন্তু এসবের ফলে বিন্দুমাত্র বিচলিত হননি। ... সমালোচনা অভিযানে মোটেই দমে না গিয়ে গান্ধীজী শুধু যে নারীদের সঙ্গে তাঁর ঘনিষ্ঠ সংসর্গ বজায় রাখলেন তা নয়, সেই সঙ্গে তিনি নতুন করে এক অস্বাভাবিক আচার শুরু করলেন। বিগত কয়েক বৎসর ধরে তিনি মেয়েদের সঙ্গে একই কামরায় শয়ন করতেন। কিন্তু সম্মানজনক দুরত্ব বজায় রেখে। সম্প্রতি তিনি তাঁদের কয়েকজনের সঙ্গে 'একসাথে শুতে' আরম্ভ করেছিলেন। এবার তিনি সিদ্ধান্ত নিলেন তাঁর এক নতুন পরীক্ষা-নিরীক্ষায় পরবর্তী ধাপ হিসেবে তিনি উলঙ্গ হয়ে তাঁর মহিলা সহকর্মীদের সঙ্গে শোবেন। মনে হয় তিনি এটা শুরু করেছিলেন ১৯৪৪ সালের ২২শে ফেব্রুয়ারি

তঁার স্ত্রী মারা যাবার পর। ১৯৪৫ সালের এপ্রিলে বিড়লাকে লেখা পত্রে তিনি উল্লেখ করেন, 'সেইসব মহিলা বা কিশোরীরা যারা আমার সঙ্গে উলঙ্গ হয়ে শয়ন করেছিল'— এ থেকে বোঝা যায় বেশ কয়েকজন নারী এর সঙ্গে সংশ্লিষ্ট ছিলেন। সুনীলা নায়ার ছাড়াও প্রভাবতী নারায়ণ (জয়প্রকাশ নারায়ণের স্ত্রী), আভা গান্ধী, মনু গান্ধী এই 'পরীক্ষা-নিরীক্ষায়' অংশ নিয়েছিলেন। লীলাবতী, রাজকুমারী অমৃত কাউর, আনতুসসালাম এবং আরও বেশ কয়েকজন মহিলাও এর সঙ্গে যুক্ত ছিলেন বলে মনে হয়। ... এ সম্বন্ধে তিনি ১৯৪৫ সালের মার্চ মাসে মুন্সালাল শাহকে এক পত্র লেখেন : 'আমার পরিচয় হল, আমি যা-আমি তাই। সমাজের কল্যাণের কথা তুলে কোন লাভ নেই। আমি চিন্তা করা ছেড়ে দিতে পারিনা। আমি যতদূর সম্ভব একসাথে শোয়ার ব্যাপারটি স্থগিত রেখেছি। কিন্তু আমি এটা একেবারে ছেড়ে দিতে পারবো না। আমি যদি মেয়েদের সঙ্গে একসাথে শোয়ার ব্যাপারটা সম্পূর্ণ ছেড়ে দেই, তাহলে আমার ব্রহ্মচর্যকে কলঙ্কিত করা হবে। তাই এ ধরনের বাধা নিষেধ আমার উপর আরোপ করা উচিত নয়।' ... গান্ধীজী ১৯৪৬ সালের অক্টোবর মাসে তাকে (মনুকে) ডেকে পাঠালেন। মনু ছিলেন গান্ধীজীর grand niece (নাতনি) এবং তিনি গান্ধীজীর স্ত্রীর মৃত্যুকালীন অসুস্থতার সময় নিষ্ঠা সহকারে তঁার ভরপুর সেবা করেছিলেন। ... নিজের কাছে আসার জন্য লেখা এক পত্রে গান্ধী মনুকে লেখেন : 'তোমাকে ডেকে পাঠাচ্ছি কিন্তু এর উদ্দেশ্য তোমাকে অসুখী করা নয়। তুমি কি আমাকে ভয় পাও? তোমার ইচ্ছার বিরুদ্ধে কোন কিছু করতে আমি তোমাকে কখনোই বাধ্য করবনা।' ১৯৪৬ সালের ২০শে ডিসেম্বর ১৯ বছরের মনুর সঙ্গে গান্ধীর উলঙ্গ হয়ে শোয়ার পরীক্ষণ শুরু হয়। গান্ধীজী স্বয়ং মনুর পিতাকে এ সম্বন্ধে কিছু জানান নি। ... যাইহোক কথা ছড়িয়ে পড়লো এবং গান্ধীজী যাকে 'উড়ো আলাপ, কানাঘুষো, বক্রেজি' বলে অভিহিত করতেন। প্রথমে তার প্রবাহ আরম্ভ হোল। শেষ পর্যন্ত তা জনসাধারণের অসন্তোষ ও তীব্র গণ-প্রতিক্রিয়ায় পরিণত হয়। ... তঁার অনেক অনুসারী বিশেষতঃ বেশ কিছু গুজরাটি সহকর্মী তঁার সঙ্গে সম্পর্ক ছিন্ন করেন; হরিজন পত্রিকার দুজন সম্পাদক প্রতিবাদ জানিয়ে পদত্যাগ করেন, অনেকে তঁার সঙ্গে 'নন কো অপারেশন' করতে আরম্ভ করেন। সর্দার প্যাটেল খুবই ক্রোধাম্বিত হন এবং গান্ধীজীর সঙ্গে কথাবার্তা বন্ধ করে দেন। বিনোবাবে তাঁকে অসন্তুষ্ট জানিয়ে এক পত্র লেখেন। গান্ধীজীর পুত্র দেবী দাস তাঁকে উত্তেজিত ও তীব্র সমালোচনা মূলক এক পত্র প্রেরণ করেন। তঁার একান্ত অনুগত স্টেনোগ্রাফার পরশুরাম তঁার কাছে চাকরি করা ছেড়ে দেন। ... পন্ডিত নেহেরুও বিচলিত হয়ে পড়েন। তঁার অন্য বেশ কিছু সংখ্যক ভক্ত এ ব্যাপারে সন্তোষজনক কৈফিয়ত দাবী করে তঁার সাক্ষাতপ্রার্থী হন। ... এত কান্ড সত্ত্বেও গান্ধীজী কিন্তু অনুশোচনার ধারে কাছে গেলেন না। তিনি স্বীকার করেন যে, তঁার আচরণের

দ্বারা তিনি তঁার প্রিয় ও কাছে লোকজনদের হারিয়েছেন। কিন্তু তিনি জেদের সঙ্গে বলেন যে, 'যদি সারা দুনিয়াও আমাকে পরিত্যাগ করে তাহলেও আমি যা সত্য বলে মনে করি তা ছাড়তে পারবো না'। তঁার আচরণ তঁার অনুসারীদের হতাশ করে। তারা তঁার সম্বন্ধে বাজে ধারণা পোষণ করতে আরম্ভ করে এবং সংশয়ে পড়ে যে তিনি যথার্থই মহাত্মা কিনা। ... তিনি উলঙ্গ হয়ে আশ্রমে ঘুরে বেড়াতেন। তঁার নিজের তেমন কোন সচেতনতা এ ব্যাপারে ছিলনা, তার মহিলা সহকর্মিনীরাও এতে কোনরকম বিব্রত বোধ করতেন না।"

যাঁরা যাঁরা গান্ধীর বিরোধী হয়ে গিয়েছিলেন তঁারা হয়তো হিসেব করে দেখেছিলেন, বৃটিশ বা ইংরেজদের যে নেক নজর গান্ধীজীর উপর আছে এবং সারা বিশ্বে বড় বড় পত্রিকায় যেভাবে গান্ধীজী প্রচারিত হচ্ছেন তাতে গান্ধীজীর সঙ্গে সম্পর্ক ছিন্ন করলে তাঁদের উন্নতির মইটাই ভেঙে যাবে।

ফলে বেশির ভাগই ফিরে এসে গান্ধীজীর চিন্তাধারাকে সমর্থন করতে লাগলেন— "তঁারা তঁার সঙ্গে পুনরায় সম্পর্ক স্থাপন করেন। ব্যক্তিগত পর্যায়ে শুধু নয়, তঁারা প্রকাশ্যেও স্বীকার করেন যে, গান্ধীজীর প্রতি তঁারা চরম অবিচার করেছিলেন। ... থাকর বাপা বিষয়টি একান্তে মনুকে বুঝিয়ে বলেন, মনু পরীক্ষায় অংশ গ্রহণ থেকে বিব্রত হতে সম্মত হন, এবং গান্ধীজীর সঙ্গে কথা বলেন। গান্ধীজীও মনুর ইচ্ছাকে সঙ্গে সঙ্গে মেনে নেন। ... গান্ধীজী বিনোবাবেকে এক পত্রে লেখেন : 'এখন আর মনু আমার সঙ্গে বিছানায় শোয় না, এটা ঘটেছে তারই (মনুর) ইচ্ছা অনুযায়ী আর এর পিছনে কাজ করেছে বাপার এক মর্মস্বন্দ চিঠি'। নিজের সমালোচকদের আগাম নোটস দিয়ে ১৯৪৭ সালের মে মাসে গান্ধীজী তঁার ঐ আচরণ পুনরায় শুরু করেন। জীবনের অন্তিম দিন আসা অবধি তা জারি ছিল।" [দ্রঃ পৃ. ১৯-২৪, 'কলম' পত্রিকা, ১৯৯২]



চলার পথে গান্ধীজী

যুবতী ও কিশোরীদের কাঁধ ও গলায় হাত রেখে হেঁটে চলার ছবিগুলো পশ্চিমবঙ্গ সরকারের তথ্য ও সংস্কৃতি বিভাগ থেকে প্রকাশিত ১৯৯৫-এর 'পশ্চিমবঙ্গ' পত্রিকার গান্ধী সংখ্যার ১৭ ও ১৫৭ পৃষ্ঠা এবং উক্ত 'কলম' পত্রিকার ২২ ও ২৩ পৃষ্ঠা থেকে গৃহীত।

গান্ধীজীর জীবনের বিভিন্ন সময়ের ছবিগুলো ঐ 'পশ্চিমবঙ্গ' পত্রিকার ৪৮, ১০৯, ১২৭, ১৩৩, ১৩৫, ১৩৭ ও ১৩৯ পৃষ্ঠা থেকে সংগৃহীত।

আর একটা প্রশ্ন আসতেই পারে যে, বন্ধুচর্য আর অহিংসার শ্রেষ্ঠতম নেতা বলে যদি তাঁকে ধরেই নেওয়া যায়, তাহলে তার অনুসরণকারী সত্যাগ্রহী ভক্তদের আধ্যাত্মিক বা চারিত্রিক উন্নতি হয়েছিল কতখানি? তখন এমন একটা সময় ছিল যে, তাঁর বিরুদ্ধে সমালোচনা করা ছিল অত্যন্ত কঠিন। তাঁর বা তাঁদের জীবনের কালো রং দেখতে পেলেও স্পষ্টভাবে তা প্রকাশ করার স্পর্ধা ছিলনা অনেকেরই। রবীন্দ্রনাথ ঠাকুরের ভগ্নী শ্রীমতী সরলা দেবী গান্ধীজীকে একটি পত্র লিখে অসাধ্য সাধন করেছিলেন বললে অত্যাুক্তি হবে না। তিনি মনে করেছিলেন যে, গান্ধীজীর সঙ্গীসাথীদের আত্মশুদ্ধি হয়নি মোটেই। সরলা দেবী লিখেছিলেন, "আপনি কি স্বীকার করেন না যে, অস্পৃশ্যতার ন্যায় নারীদের প্রতি আচরণও নিন্দনীয় ব্যাধি স্বরূপ? আমি যে সকল যুবক 'স্বদেশসেবীর' সঙ্গে মিশিয়াছি তাহাদের শতকরা নব্বই জনের মনোভাব পশুর তুল্য। ভারতবর্ষে অসহযোগ আন্দোলনকারীগণের কয়জন নারীগণকে ভোগের সামগ্রী বলিয়া মনে করে না? আন্দোলনে জয়লাভ করিতে হইলে আত্মশুদ্ধি সর্বাগ্রে প্রয়োজন; নারীদিগের প্রতি মনোভাব পরিবর্তিত না হইলে আত্মশুদ্ধি কি সম্ভবপর?" [দ্রঃ রচনা, ৩য় খন্ড পৃ. ৩২৫]

গান্ধীজী যখন বুঝতে পারলেন যে, ইংল্যান্ড তথা ইউরোপের পণ্ডিতেরা বিশ্বজুড়ে প্রচার করতে শুরু করেছেন তাঁর স্ত্রী গুণ আর আধ্যাত্মিকতার কথা, তখন হয়ত তিনিও ভেবে ফেলেছিলেন যে, যীশু মুসা ও হজরত মুহাম্মদ (স.) প্রভৃতি নবী পয়গম্বরেরা নিরাকারের যেমন উপাসক ছিলেন আর তাঁদের উপর আল্লাহ বা গড-এর বাণী যেমন অবতীর্ণ হোত, তিনিও সেরকম ভেবে বলে ফেললেন— "কারণ চিরকালই আমি নিরাকার ঈশ্বরে বিশ্বাস করে এসেছি। আমি কেবল বহু দূরগত অথচ সুস্পষ্ট এক কণ্ঠস্বরের মতো শ্রবণ করেছি। এসব আমার সঙ্গে প্রত্যক্ষ বাক্যালাপে রত কোন মনুষ্যের কণ্ঠস্বরের মতোই অজ্ঞাত এবং অপ্রতিরোধ্য। ঐ স্বর শ্রবণকালে আমি স্বপ্নলোকে বিচরণ করছিলাম না। আর ঐ কণ্ঠস্বর শুনবার পূর্বে আমার মধ্যে একটা প্রচন্ড আলোড়ন হচ্ছিল। ... আমি কেবল এইটুকুই বলতে পারি যে, সমগ্র বিশ্বও যদি একমত হয়ে আমার বিরুদ্ধে রায় দেয় তবুও আমি যে যথার্থই ঈশ্বরের কণ্ঠস্বর শুনেছি, আমার এই বিশ্বাস শিথিল হবে না।" [ঐ, চতুর্থ খন্ড, পৃ. ৪২৩]

ঈশ্বরের 'ওহি' বা প্রত্যাদেশ তাঁর কাছে আসতো এই প্রসঙ্গে তিনি আরো বলে ফেললেন, "আমার পক্ষে সেই কণ্ঠস্বর আমার অস্তিত্বের চেয়েও বেশি বাস্তব। এ কণ্ঠ আমাকে অথবা কাউকে কোনদিন প্রতারিত করেনি।" [ঐ, পৃ. ৪২৪]

পূর্বেই আলোচনা করা হয়েছে বেদ বেদান্ত গীতা প্রভৃতি ধর্মগ্রন্থের জন্মকাহিনী আর সেগুলোর সারা বিশ্বজুড়ে প্রচার ভারতবাসীর উপর তার প্রচন্ড প্রভাব বিস্তার করেছিল। গান্ধীজী বিলেতে যখন পড়তে গিয়েছিলেন, সত্যি কথা বলতে কি, তিনি অত্যন্ত আধুনিক মানসিকতা নিয়েই গিয়েছিলেন। তা না হলে প্যান্ট শার্ট টাই পরে বেহালাবাদন এবং মেমসাহেবদের সঙ্গে বলডান্সে যোগ দেওয়া সম্ভব হোতনা তাঁর পক্ষে। তাহলে কি সাহেবদের বাছাইকরা ব্যক্তি গান্ধীজীকে সেখানেই দেওয়া হয়েছিল বেদ বেদান্ত গীতা আর রামায়ণের তালিম? তাঁর জীবনী থেকে যা পাওয়া যায় তাতে কী প্রমাণিত হয়? তাঁর জীবনের চতুর্থ খন্ডে তিনি লিখেছিলেন, "বিলাতে ছাত্রজীবনের দ্বিতীয় বর্ষের শেষের দিকে আমার সঙ্গে দুজন থিয়সফিস্টের পরিচয় হয়। এঁরা ছিলেন দুই ভাই এবং উভয়েই অকৃতদার। তাঁরা আমাকে গীতার কথা বললেন। তাঁরা তখন স্যার এডুইন আর্নল্ডকৃত গীতার অনুবাদ 'দি সঙ সেলেসসিয়াল' পড়ছিলেন। আমাকে তাঁদের সঙ্গে এর মূল পড়ার জন্য তাঁরা আমন্ত্রণ জানালেন। ... আমি তাঁদের কাছে সসঙ্কোচে নিবেদন করলাম যে, যদিও আমি তখনো পর্যন্ত গীতা পড়িনি, তবু তাঁদের সঙ্গে গীতা পাঠ করতে সানন্দে সম্মত আছি এবং এও বললাম যে, সংস্কৃতে আমার জ্ঞান অগভীর হওয়া সত্ত্বেও অনুবাদে কোথাও যদি যথাযথভাবে ভাবপ্রকাশ না হয়ে থাকে তাহলে আমি চেষ্টা করে মূল থেকে সঠিক অর্থ বার করতে পারব। ... তখনই গীতাকে আমার অমূল্য সম্পদ বলে মনে হোল। আর এই ধারণা প্রতিনিয়ত বৃদ্ধি পেতে পেতে আজ আমার মনের অবস্থা এই যে, গীতাকে আমি সত্যোপলব্ধির শ্রেষ্ঠতম গ্রন্থরূপে বিবেচনা করি।" [পৃ. ৩৮৫-৮৬]

"পূর্বোক্ত ভদ্রলোকদ্বয় আমাকে স্যার এডুইন আর্নল্ডকৃত 'দি লাইট অফ এসিয়া' পড়ার পরামর্শ দিলেন। ... তাঁদেরই আগ্রহে আমি মাদাম ব্লাউটস্কির 'কি টু থিওসফি'ও পড়ি। এই পুস্তকটি পাঠ করার পর আমার মনে হিন্দু ধর্ম সম্বন্ধে আরও অধ্যয়ন করার আকাঙ্ক্ষা জাগ্রত হয় ও আমার মন থেকে দেশের খৃষ্টান পাদ্রীদের দ্বারা সৃষ্ট সেই ধারণা অর্থাৎ হিন্দু ধর্ম কুসংস্কারে পরিপূর্ণ, বিদূরিত হয়।" [দ্রষ্টব্য : রচনা, চতুর্থ খন্ড, পৃ. ৩৮৬]

ম্যাগ্‌স্টার থেকে আগত একজন খৃষ্টান পণ্ডিত গান্ধীজীর উপর প্রভাব ফেলেন। তিনি তাঁর সম্বন্ধে লিখেছেন, "আমার সঙ্গে ম্যাগ্‌স্টার থেকে আগত জনৈক সং খৃষ্টানের পরিচয় হয়। তিনি আমার সঙ্গে খৃষ্টীয় ধর্ম সম্বন্ধে আলোচনা করতেন। ... তিনি বললেন, 'আমি নিরামিষাশী এবং মদ্যপান করি না। অবশ্য এতে কোন সন্দেহ নাই যে

অনেক খৃষ্টানই মাংসাহারী ও মদ্যপ। কিন্তু তা বলে আমাদের ধর্মগ্রন্থ এর কোনটিরই সমর্থন করে না। আপনি বাইবেল পড়ে দেখুন।’ আমি তাঁর পরামর্শ গ্রহণ করলাম এবং তিনি আমাকে একখন্ড বাইবেল এনে দিলেন। বাইবেলের বুক অফ জেনেসিস আমি পড়ে ফেললাম। ... কিন্তু নিউ টেস্টামেন্ট পড়ার সময় এক ভিন্নপ্রকারের অভিজ্ঞতা লাভ করলাম এবং বিশেষ করে ‘সারমন অন দি মাউন্ট’ তো সোজা গিয়ে আমার হৃদয়ে গেঁথে গেল। আমি গীতার সঙ্গে এর তুলনা করলাম। সারমন অন দি মাউন্টে আছে, ‘আমি তোমাকে বলছি যে, তুমি অন্যায়েও প্রতিরোধ করবে না; যে তোমার দক্ষিণ গাঙ্গে চপেটাঘাত করবে, তার দিকে বাম গাঙ্গে এগিয়ে দেবে। আর কেউ যদি তোমার জামাটি নিয়ে যায়, তাহলে তাকে কোটটিও দিয়ে দেবে।’ [ঐ, পৃ. ৩৮৭]

গান্ধীজী যাতে কমিউনিস্ট মতবাদে জড়িয়ে না পড়েন সে বিষয়েও প্রশিক্ষণ দিতে তাঁকে কিছু বই পড়ানো হয়েছিল। তিনি নাস্তিক্যবাদের জন্য লিখেছেন, “এ বিষয়ে আমি কয়েকটি বই পড়েছিলাম, কিন্তু সেগুলির নাম এখন ভুলে গেছি। তবে আমার মনে সে সবার কোন প্রভাব হয়নি। কারণ ইতিপূর্বেই আমি নাস্তিক্যবাদের সাহারা মরু অতিক্রম করে ফেলেছি।” [ঐ, পৃ. ৩৮৭]

মণিমুক্তো হীরা জহরতের বড় ব্যবসাদার ছিলেন রায়চাঁদ ভাই। তাঁকে দিয়ে গান্ধীজীকে আধ্যাত্মিকতার তালিম দেওয়া হয়েছিল। তিনি তাঁর জন্য লিখেছেন, “তখন আমি একজন পসারহীন ব্যারিস্টার; কিন্তু তবু যখনই দেখা হয়েছে তিনি আমার সঙ্গে গুরুতর আধ্যাত্মিক বিষয়ের আলোচনা করার জন্য সময় দিয়েছেন। ... তবু তাঁর কথাবার্তা আমার অত্যন্ত আকর্ষণীয় মনে হতো। তারপর বহু ধর্মীয় পুরুষ ও সাধু সন্তের সঙ্গে সাক্ষাত হয়েছে, অনেক ধর্মগুরুর সঙ্গেও দেখা করেছি। কিন্তু এরা কেউই আমার মনে রায়চাঁদ ভাইয়ের মত প্রভাব বিস্তারে সমর্থ হন নি। তাঁর কথা যেন একেবারে আমার হৃদয়ে প্রবেশ করতো। ... আধুনিক জগতে তিনজন সমসাময়িক ব্যক্তি ও তাঁদের রচনা আমার মনে গভীর প্রভাব বিস্তার করেছে। এঁরা হচ্ছেন রায়চাঁদ ভাইয়ের সাক্ষাত সংস্পর্শ, ‘দি কিংডম অফ গড ইজ উইদিন ইউ’ নামক পুস্তক দ্বারা টলস্টয়, এবং ‘আনটু দিস লাস্ট’-এর রচয়িতা রাসকিন।” [ঐ, পৃ. ৩৮৮]

বিলেতে পাশ করা একজন ব্যারিস্টারের সাধারণতঃ উদ্দেশ্য থাকে ব্যারিস্টারি, লক্ষ্য থাকে আইন ব্যবসায় নিজেকে প্রতিষ্ঠিত করা। কিন্তু গান্ধীজীর ব্যাপারটা মনে হচ্ছে যেন পুরো উন্টে। আসল ব্যবসা বাদ দিয়ে তাঁর এইসব প্রশিক্ষণের পিছনে সাহেব ও সাহেবদের পৃষ্ঠপোষক ব্যবসাদারদের অবদান চাপা দেওয়া মুশকিল।

গান্ধীজী প্রচন্ড বুদ্ধিমান অথবা প্রচন্ড অন্যাকিছু ছিলেন কিনা এই বিতর্কে যেতে চাচ্ছি না। কিন্তু কোন জায়গায় তিনি বলেছেন, গোরক্ষা না করলে হিন্দু হওয়া যায় না। তিনিই

আবার তাঁর কথায় ও কাজে বললেন বা দেখালেন গোরক্ষা নিয়ে মাতামাতি করা, বাড়াবাড়ি করা তাঁর মতে ঠিক নয়। গান্ধী রচনা সম্ভারের চতুর্থ খন্ডের ৩৭৯ পৃষ্ঠায় তিনি বলেছেন, “যদিও এ বিষয়ে সন্দেহ নেই যে হিন্দু ধর্মকে আমি অন্যান্য যাবতীয় ধর্মমতের তুলনায় সর্বাপেক্ষা অধিক মূল্যবান জ্ঞান করি।” এতে প্রমাণিত হয়, তিনি একনম্বরের সনাতনপন্থী একজন হিন্দু। আবার দেখা যাচ্ছে, ইতিহাসে রাম ও কৃষ্ণ বা পুরানো দেবদেবতার তিনি অনেক প্রশংসা করেছেন, লিখেছেন বা মাহাত্ম্য বর্ণনা করেছেন। তিনি লিখেছেন, “হিন্দুদের দেবতা কৃষ্ণ পুরুষোত্তম। সমালোচকদের কটু সমালোচনার প্রতি তাঁর ভ্রুক্লেপ নেই। ঈশ্বরকে এইসব নাথের মাধ্যমে ধ্যান করে রাম ও কৃষ্ণের লক্ষ লক্ষ ভক্ত তাঁদের জীবনকে উন্নত করেছেন।” [রচনা, চতুর্থ খন্ড, পৃ. ৪৮১]

আবার তিনিই বলেছেন, “আমার কৃষ্ণের সঙ্গে কোন ঐতিহাসিক ব্যক্তির সম্পর্ক নেই। আত্মাভিমানে আহত হবার জন্য যে কৃষ্ণ নরহত্যা করেন আমি তাঁর কাছে মস্তক নত করব না অথবা যে কৃষ্ণকে অহিন্দুরা একটি ইন্ড্রিয়পারায়ণ যুবক হিসাবে চিত্রিত করেন তিনি আমার আরাধ্য নন।” [ঐ, পৃ. ৪৮৪]

তাহলে তাঁর কৃষ্ণ ও তাঁর রাম কি অন্য পৃথিবীর? রামচন্দ্র তো শত্রুর সঙ্গে যুদ্ধ করেছেন, হয়েছে রক্তপাতও। হিন্দু ধর্মকে মানতে হলে দুর্গা, কালী, পশুবলি ইত্যাদিকে ধর্মের অন্তর্ভুক্ত বলে মানতে হবে; অন্ততঃ তার বিরুদ্ধে রক্ত মন্তব্য করা ঠিক হবে না। কিন্তু গান্ধীজী যুগযুগান্তরের মন্দিরে দেবদাসী প্রথার বিরুদ্ধে খুবই কড়া মন্তব্য করেছেন। তাঁর ভাষায় : “মেয়েদের দিয়ে এরকম বেশ্যাবৃত্তি চালানো যে হিন্দু ধর্মের অঙ্গ— এ কথা ভাবতেও আমার লজ্জাবোধ হয়। তা সত্ত্বেও ভারতবর্ষের বহু অঞ্চলে এই (দেবদাসী) প্রথা হিন্দুদের মধ্যে বিদ্যমান। কালীমায়ের সামনে ছাগবলী দেওয়া আমার মতে প্রত্যক্ষ অধর্মাচরণের নিদর্শন এবং পশুবলি দেওয়ার প্রথাকে আমি হিন্দু ধর্মের অঙ্গ স্বরূপ বিবেচনা করি না। হিন্দু ধর্ম বহু যুগ ধরে ক্রমে ক্রমে বিকশিত হয়েছে। হিন্দু ধর্ম— এই নামটি বিদেশীদের দেওয়া। হিন্দুস্থানের অধিবাসীদের ধর্মমতকে এই নামে অভিহিত করা হয়। একথা যথার্থ যে, একদা ধর্মের নামে পশুবলি দেওয়া হতো। কিন্তু এ ধর্মাচরণ নয়, হিন্দুধর্ম তো নয়ই।” [চতুর্থ খন্ড, পৃ. ৪৯৩]

পূর্বে আরো উল্লেখ করা হয়েছে যে, নবী Prophet পয়গম্বরদের মতো তাঁর উপর বাণী অবতীর্ণ হয়, যা তিনি শুনতে পান। অন্য জায়গায় তিনি স্বীকার করেছেন যে, তিনি একজন সাধারণ মানুষ। তিনিই বলেছেন, “নিজেকে আমি গড়পড়তা (সাধারণ) মানুষ চেয়ে বড় বলে মনে করি না।”

গান্ধী এও বলেছেন, “আমার যে সব ধারণা হয়েছে ও যেসব সিদ্ধান্তে এসে পৌঁছেছি তার কোনটাই শেষ কথা নয়। কালই আমি সেসব বদলাতে পারি। জগতকে শেখাবার আমার নতুন কিছু নেই।” [দ্রঃ ‘পশ্চিমবঙ্গ’ গান্ধী সংখ্যায় প্রিয়রঞ্জন সেন, পৃ. ৩১]

রাজপুত জাতি হিন্দুদের মধ্যে গৌরবময় এক জাতি। তাঁদের যুদ্ধপটুতা আরও বৃদ্ধি করেছে তাঁদের গৌরবকে। কিন্তু গান্ধীজী রক্তরক্তি পছন্দ করতেন না বলে রাজপুতদেরকে ঘৃণ্য মনে করে তিনি লিখেছেন, “আপনারা কি জানেন, রাজপুতরা কি করিত? যুদ্ধক্ষেত্রে নিজেদের উৎসর্গ করিবার পূর্বে তাহারা নিজ স্ত্রীলোকদিগকে স্বহস্তে মারিত।” [রচনা, ষষ্ঠ খন্ড, পৃ. ২৫]

মানুষ বা পশুর রক্তপাত তিনি বরদাস্ত করতে পারতেন না— একথা সত্য বলে যদি ধরে নেওয়া হয় আর নারীজাতির প্রতি তাঁর মায়া মমতার প্রাচুর্য ছিল এও যদি মেনে নেওয়া যায় তাহলে নারীজাতিকে তিনি কি করে পরামর্শ দিতে পারেন যে, কোন ব্যাভিচারী বা দুষ্কৃতকারী আক্রমণ করলে আত্মসমর্পণ না করে তারা যেন আত্মহত্যা করে। নারীর হাতের অস্ত্র আক্রমণকারীকে নিষ্ফেপ না করে নিজের দেহে চালানো— কোন ধরণের অহিংসা সে প্রশ্ন থাকবেই। তাঁর ভাষায়, “নারীকে দুষ্কৃতকারীর নিকট আত্মসমর্পণ করা অপেক্ষা আত্মহত্যা করিবার পরামর্শ দেওয়া যাইতে পারে কি?—এই প্রশ্নের স্পষ্ট পরিষ্কার জবাব চাই। নোয়াখালি রওনা হইবার ঠিক পূর্বে দিল্লীতে আমি ইহার জবাব দিয়াছি। নারী বরং আত্মহত্যা করিবে তথাপি আত্মসমর্পণ করিবে না। ইহা তো অতি সুনিশ্চিত পরামর্শ।” [ঐ, পৃ. ৫৩]

খুব উচ্চস্তরের তো দূরের কথা, সাধারণ ও স্বল্পশিক্ষিতরাও উপলব্ধি করতে পারেন সংবাদপত্রের গুরুত্ব। সংবাদপত্রের সব সংবাদই যে সত্য, তা নয়। যাঁরা সংবাদ সরবরাহ করেন হয়তো তাঁদের ক্রটি থাকে অথবা তাঁদের যাঁরা সংবাদ যোগান দিয়েছেন তাঁদেরও ক্রটি থাকা অস্বাভাবিক নয়। তাই বলে সংবাদপত্রের জগতটাকেই উপেক্ষা করা কোনও শিক্ষিত মানুষের পক্ষে সম্ভব নয়। বিলেত ফেরত নেতা গান্ধীজী খবরের কাগজের বিরুদ্ধে অনেক কথা বলেছেন ও লিখেছেন। যেমন তাঁর ভাষায়, “আমি নিজে সংবাদপত্রের খবর বড় বিশ্বাস করিনা। এবং সংবাদপত্র যাঁহারা পড়েন তাঁহাদের সাবধান করিয়া দিয়া বলি, ঐ সব কাগজে যে খবর ছাপা হয়, তাহা দ্বারা তাঁহারা যেন অতি সহজে বিচলিত না হন। উচ্চ শ্রেণীর সংবাদপত্রও অতিশয়োক্তি ও অতিরঞ্জন দোষ হইতে মুক্ত নহে।” [রচনা, ষষ্ঠখন্ড, পৃ. ২৯৯]

তখনকার শিক্ষিত সমাজের মানসিকতা নির্ধারণ করতে পারেন নি বলেই বিশ্ববিখ্যাত সাহিত্যিক শেক্সপিয়ারের নাটকগুলোকে তিনি ঘৃণা করতেন—“গান্ধীজী শেক্সপিয়ারের নাটকগুলিকে অশ্লীল মনে করে নিষিদ্ধ পাঠ্য ভাবতেন। অপরপক্ষে বাংলার বুদ্ধিজীবীরা ১৮ শতাব্দী থেকে আজ পর্যন্ত শেক্সপিয়ারকে অবশ্য পাঠ্য মনে করেন।” [সুধী প্রধান : গান্ধী ও সুভাষ, ‘পশ্চিমবঙ্গ’ গান্ধী সংখ্যা, পৃ. ৮৮]

অনেকে মনে করেন যে গান্ধীজী বৃটিশের নিযুক্ত, বৃটিশের বাছাই করা ভারতীয় সেই নেতা যিনি ইংরেজ বিরোধী ভারতবাসীদের ভিতরে প্রবেশ করে বিপ্লবী সেজে বা বিপ্লবীদের নেতৃত্ব দিয়ে অভিনয় করে গেছেন মৃত্যুর পূর্ব পর্যন্ত— তাহলে প্রশ্ন আসে, তা কিভাবে হয়েছিল? তাঁদের মতে তার সংক্ষিপ্ত উত্তর হচ্ছে : ১৯২০ সালের সেপ্টেম্বরে কলকাতার কংগ্রেসের অধিবেশনে এই ‘অহিংস’ কথাটি যখন সদস্যদের মাথায় ঢোকালেন, তখন সকলেই মেনে নেননি এটা। যাঁরা মেনে নেননি তাঁদের যিনি নেতৃত্ব দিয়েছিলেন তিনি হলেন ব্যারিস্টার দেশবন্ধু চিত্তরঞ্জন দাস। তখন ভোটভূটি হয়েছিল। কিন্তু অপরিচিত ও অখ্যাত মাথাগুণতি অনেক সদস্যের উপস্থিতি দেখা গেল সেখানে। মোট ভোটদাতা ছিলেন ২৭১০ জন। বৃটিশের কৌশল যাঁরা ধরতে পারলেন না অথবা জেনে বুকেই বেইমানি করলেন পক্ষে ভোট দিয়ে, তাঁদের সংখ্যা হোল ১৮২৬ জন। আর যাঁরা হিসেব করে ফেললেন যে, বৃটিশ আমাদের মারবে আর আমরা একতরফা মার খেয়েই যাবো অথচ মারতে পারবো না তাদের— এ কোনদেশীয় রাজনীতি? এবং যাঁরা এই ‘অহিংসনীতি’ মেনে নিতে পারলেন না তাঁদের সংখ্যা হোল ৮৮৪ জন। সুতরাং গান্ধীজীর ঐ প্রস্তাব পাস হয়ে গেল। তখন ষড়যন্ত্র টের করতে পারেন নি অনেকেই। বেশির ভাগ ট্যাক্সি ড্রাইভারকে ভাড়া করে আনা হয়েছিল পক্ষে ভোট দেওয়ার জন্য। ডঃ বিমলানন্দ শাসমল ডঃ আশ্বেদকরের Pakistan or Partition of India গ্রন্থের উল্লেখ করে লিখেছেন : পরলোকগত Mr. Fairsee আমাকে একবার বলেছিলেন যে, যাঁরা ঐ প্রস্তাবের পক্ষে ভোট দিয়েছিলেন তাঁদের মধ্যে বেশির ভাগই ছিলেন কলকাতার ট্যাক্সি ড্রাইভার যাঁদের এই প্রস্তাবের পক্ষে ভোট দেবার জন্যে ভাড়া করে আনা হয়েছিল। [তথ্য : স্বাধীনতার ফাঁকি : ব্যারিস্টার বিমলানন্দ শাসমল, পৃ. ১৬]

জাতির জনক বা জাতির পিতা এই উপাধিটি যেকোন কারণেই হোক ভারতে বহুল প্রচারিত ও প্রচলিত। হিন্দু, মুসলমান, খৃষ্টান, পার্সি, ইহুদি প্রভৃতি কোন জাতিরই তিনি প্রথম পুরুষ বা প্রতিষ্ঠাতা নন। তাহলে তিনি কোন জাতির পিতা এ প্রশ্ন থেকেই যায়। উত্তরে যদি বলা হয়, তিনি ভারতের স্বাধীনতা আন্দোলনের পিতা তাহলে সেখানে আর এক বিরাট প্রশ্নের সৃষ্টি হয়— স্বাধীনতা আন্দোলন কাকে বলে? তার সহজ ও সরল উত্তর হোল, কোন পরাধীন দেশের জনসাধারণ যখন স্বাধীনতার জন্য সেই সরকারের বিরুদ্ধে সংগ্রাম বা লড়াই করে তাকেই বলে স্বাধীনতা আন্দোলন। ১৯০০ খৃষ্টাব্দের পূর্বে ভারতীয় রাজনৈতিক মঞ্চে গান্ধীর কোন নাম গন্ধ ছিল না। যদি তাই হয় তাহলে একটি বড় প্রশ্ন থেকে যায় যে, জাতির জনক বা জাতির পিতা গান্ধীজীর আবির্ভাবের পূর্বে স্বাধীনতার জন্য কোন যুদ্ধ, বিপ্লব বা বিদ্রোহ কি হয় নি? তাহলে ওহাবী যুদ্ধ, ফারাসী বিপ্লব, মোপলা বিপ্লব, সাঁওতাল বিপ্লব, চোয়াড় বিপ্লব, সিপাহী বিপ্লব ইত্যাদি

সবই কি মিথ্যা? ১৯০০ খৃষ্টাব্দের পরে রাজনীতির মধ্যে গান্ধীজীর আবির্ভাব— যদি তাঁকে জাতির জনক বা পিতা বলে স্বীকৃতি দান করা হয় তাহলে ১৭৫৭ খৃষ্টাব্দের জুন মাসে বঙ্গদেশে যে ঐতিহাসিক যুদ্ধ সংগঠিত হোল, একদিকে ভারতীয় সৈন্যের নেতা সিরাজউদ্দৌলা অপরদিকে বৃটিশ সৈন্যের নেতা ইংরেজ ক্লাইভ— যুদ্ধে সিরাজউদ্দৌলা বা অন্যভাবে বললে, ভারতের হোল পরাজয় আর বৃটিশের হোল বিজয়। সিরাজ হলেন বন্দী ও নিহত, ভারত ভারতবাসীর হাত থেকে চলে গেল বৃটিশের হাতে— এও কি মিথ্যা?

১৯০০ খৃষ্টাব্দের গান্ধীজীকে যদি জাতির পিতা বলা হয়, তাহলে ১৭৫৭ খৃষ্টাব্দের লড়াকু বিপ্লবী শহীদ সিরাজউদ্দৌলাকে জাতির পিতা বলা হবে, নাকি জাতির পুত্র?

১৯৪৭-এর ১৫ই আগস্ট সারা ভারতবাসী স্বাধীনতা উদযাপনে যখন মাতোয়ারা হয়ে উঠলো, দিল্লিতে ত্রিবিধিত পতাকা তুলে সেই আনন্দময় মুহূর্তে গান্ধীজীও शामिल হলেন না কেন? কেন তিনি কলকাতায় লুকিয়ে রইলেন যিঞ্জি পল্লীতে সোহরাওয়ার্দীর সঙ্গে? কেন তাঁকে কংগ্রেস দলের পক্ষ হতে বসানো হোল না স্বাধীন ভারতের উচ্চাসনে? যেমন পাকিস্তানের উচ্চাসনে বসানো হয়েছিল সে দেশের জনক জিন্নাহ সাহেবকে?

জাতির জনক ও জাতির পিতা প্রসঙ্গ শেষ করতে গিয়ে এ বিষয়ে গান্ধী স্বয়ং কী মন্তব্য করেছেন সেটাই দেখা ভাল। মাত্র কিছুদিনের জন্য বিশেষ কিছু নেতার কৌশলে জাতির জনক আখ্যায় আখ্যায়িত করা হয়েছিল তাঁকে। কিন্তু পরক্ষণে নিভে গিয়েছিল সেই উপাধি প্রাপ্তির প্রদীপ। তিনি স্বয়ং বলেছেন, “আমাকে জাতির পিতা বলা হয়। আন্তরিক হইলে কথাটি এই অর্থেই সত্য যে, ১৯১৫ সালে দক্ষিণ আফ্রিকা হইতে আমার ফিরিবার পর, কংগ্রেস যে রূপ ধারণ করিয়াছে, তাহার সৃষ্টিতে আমার হাত অনেকখানি ছিল। ইহাতে একথাই সূচিত হয় যে, দেশবাসী আমার প্রভাবে খুব প্রভাবিত হইয়াছিল। কিন্তু আজ আমার সে প্রভাব নাই। এজন্য আমার দুঃশ্চিন্তা নাই, অন্ততঃ থাকা উচিত নয়।” [রচনা, ষষ্ঠখন্ড, পৃ. ২৮৪]

রবীন্দ্রনাথকে গান্ধীজী ‘গুরুদেব’ উপাধি দিয়েছিলেন। এই গুরুজী ও গান্ধীজীর মধ্যে অনেক সময় মতানৈক্য হলেও তাঁদের মধ্যে সম্পর্ক ছিল সুগভীর। তদানীন্তন সাম্প্রদায়িক দল বলে প্রকাশিত ‘রাষ্ট্রীয় সেবা সংঘের’ উপর গান্ধীজীর ধারণা ভাল ছিল না। তিনি মনে করতেন যে, তারা সহিংস বা রক্তপাত করার দল। যে কোন কারণেই হোক গান্ধীজী যাতে ঐ দলের বিপক্ষে না গিয়ে সপক্ষে থাকেন তার ব্যবস্থা করে দিয়ে গিয়েছিলেন রবীন্দ্রনাথ স্বয়ং। গান্ধীজী তাঁর রচনাসম্ভারের ষষ্ঠ খন্ডের ১৫৯ পৃষ্ঠার হেড লাইনে লিখেছেন, “রাষ্ট্রীয় সেবা সংঘ।” তারপরে লিখেছেন, “আমি শুনিয়াছি এই প্রতিষ্ঠানের হাতও রক্তরঞ্জিত। কিন্তু গুরুজী আমাকে নিশ্চয় করিয়া বলিয়াছেন যে,

একথা ঠিক নয়। তাঁহাদের সংস্থা কাহারও শত্রু নয়। মুসলমান হত্যা ইহার উদ্দেশ্য নয়। ইহার একমাত্র কাম্য যথাশক্তি হিন্দু ধর্মকে রক্ষা করা। এই সংঘ শান্তি চায় একথা তিনি আমাকে প্রচার করিয়া দিতে অনুরোধ করিয়াছেন।”

সবচেয়ে আশ্চর্যের কথা সেই সময় ভারতের অনেক বিচক্ষণ বিখ্যাত জাঁদরের নেতৃবৃন্দ, যাঁরা ছিলেন সত্যিকারের উচ্চশিক্ষিত, কথা বলতেন অত্যন্ত মাপজোক করে, যাঁরা অতীত ও বর্তমান সম্পর্কে সচেতন তো ছিলেনই, সেই সঙ্গে অদূর ভবিষ্যতের ভাবনা চিন্তা করার ব্যাপারেও ছিল যাঁদের দারুণ দক্ষতা— বিশাল সেই শিক্ষিত সমাজ কিভাবে প্রচারের প্রাবল্যে গান্ধীজীকে কেন্দ্র করে বৃটিশের কক্ষপথে ঘুরপাক খেলেন? প্রশ্ন আসবে, গান্ধীজী অসাধারণ ব্যক্তি ছিলেন নাকি সাধারণ ব্যক্তি? যদি সাধারণ হন তাহলে এতো সব অসাধারণ ব্যক্তি তাঁকে অনুসরণ করলেন কিভাবে? গান্ধীজী রচনা সম্ভারের চতুর্থ খন্ডের ভূমিকায় সাধারণ সম্পাদক শ্যামদাস ভট্টাচার্য এবং চেয়ারম্যান শঙ্করপ্রসাদ মিত্র লিখেছেন, “লোক শিক্ষার জন্য মহাত্মাগান্ধী তাঁর জনসেবা মূলক জীবনের উষাকাল থেকে শেষ নিঃশ্বাস ত্যাগ করার প্রায় কিছু পূর্ব পর্যন্ত অক্লান্তভাবে লেখনী চালনা করেছিলেন। ভারত সরকার গড়ে ৪০০ পৃষ্ঠার ৭০ খন্ডে ইংরেজিতে তাঁর সমগ্র রচনা প্রকাশ করার ব্যবস্থা করেছেন। “অর্থাৎ ২৮০০০ হাজার পৃষ্ঠার বই” লিখে গেছেন। কিভাবে? কখন? তাও এক বিষয়! সম্পাদক বিধুভূষণ দাশগুপ্ত সম্পাদকের ১৯৬৯ সালের ১লা অক্টোবরের নিবেদনে লিখেছেন, “কয়েকমাস পূর্বে কলিকাতা ময়দানে চিন্ময় মিশনের প্রতিষ্ঠাতা স্বামী নির্মাণানন্দ মহারাজের গীতার ব্যাখ্যা শুনিতে গিয়াছিলাম। তিনি প্রথমেই এই কথা বলিয়া তাঁহার ব্যাখ্যা আরম্ভ করেন— ‘গীতা পাঠ করিলে কি হয় যদি শুনিতে চাও তবে মহাত্মা গান্ধীর দিকে চাহিয়া দেখ। প্রথম জীবনে যিনি একজন সাধারণ প্রতিভার মানুষ ছিলেন, তিনিই গীতার শিক্ষা অনুশীলন করিয়া পরবর্তী জীবনে বিশ্ববরণ্য মহামানবে পরিণত হইয়াছিলেন। গীতার শিক্ষা অনুসরণ করিলে সাধারণ মানুষ মহাপুরুষে পরিণত হয়।’” [সম্পাদকের নিবেদন, দ্বিতীয় পৃষ্ঠা, চতুর্থ খন্ড]

স্বাধীনতা বিপ্লবীগণ যাতে কৃতকার্য হতে না পারেন সেজন্য সবসময় তিনি যেন লাগাম টেনে ধরতেন। বড় বেদনার কথা যে, প্রাণ উৎসর্গ করতে সংকল্প নিয়ে যাঁরা ঝাঁপিয়ে পড়েছিলেন তাঁদেরকে তিনি ‘উচ্ছৃঙ্খল জনতা’ বলে উল্লেখ করেছেন। ১৯৪৬ সালের ৭ই এপ্রিল ‘হরিজন’ পত্রিকায় ইংরেজিতে মন্তব্য করলেন— “I might have ... in the flames.” যার বাংলা মানে হচ্ছে; “আমি ইহা উপলব্ধি করিতে পারিতাম যদি তাহারা সমগ্র দেশকেই দলে টানিতে পারিত। অবশ্য তদ্বারা উচ্ছৃঙ্খল জনতার হস্তেই ভারতের সমর্পণ বুঝাইত। ১২৫ বৎসর বাঁচিয়া এই পরিণতি দেখিবার ইচ্ছা আমার নাই— তদপেক্ষা অগ্নিতে আত্মাহুতি দেওয়া শ্রেয়।” [এ, পৃ. ৪৩]

সত্য মিথ্যা যা-ই হোক, গান্ধী বিরোধীরা যাঁরা গান্ধীজীকে বৃটিশেরই গুপ্তচর বলে মনে করেন তাঁদের বাঁপিতেও অনুকূল দলিল কম নেই। বৃটিশ পার্লামেন্ট সদস্য মিস উইলকিন্সন বলেছেন, “ইংরেজের ভয় গান্ধীকে ততোটা নয়, যতোটা ভয় স্ফায়াপা ছেলের দলকে। গান্ধী ইংরেজের সবচাইতে বড় পুলিশ অফিসার অর্থাৎ আমাদের পোষা লোক।” (দ্রঃ অবিস্মরণীয় : গঙ্গানারায়ণ চন্দ্র, প্রথম খন্ড, পৃ. ৪১৮, ১৯৭৯-তে ছাপা)

যাঁদের দাবী গান্ধীজী বৃটিশেরই নিয়োগ করা লোক তাঁরা প্রমাণের নমুনা হিসাবে বেলা মিত্রের কথা উল্লেখ করেন। সুভাষচন্দ্র বসুর “আজাদ হিন্দ সরকারের গুপ্তচর বিভাগ (সিক্রেট সার্ভিস)-এর ১৪ জনের ফাঁসির আদেশ হল ভারতেই। হরিদাস মিত্র অন্যতম আসামী। তাঁর পত্নী বেলা মিত্র গান্ধীজীকে সব বললেন তাঁর কাছে গিয়ে এবং গান্ধীজীর উদ্যোগে বড়লাটের বিশেষ আদেশে সকলেই কারামুক্ত হলেন, ফাঁসি তো দূর অস্ত।” [সুশীলকুমার ধাড়া : ‘পশ্চিমবঙ্গ পত্রিকা’-গান্ধী সংখ্যা, পৃ. ৭৫]

গান্ধীজীকে সাধু, সন্ন্যাসী অথবা অবতার যা-ই বলে প্রচার করা হোক না কেন, সত্য ইতিহাসের মূল উপড়ে ফেলে দেওয়া যায় না। ইউরোপে গান্ধীজীকে নিয়ে সিনেমায় যে সব বই দেখানো হয়েছে তা ছিল অত্যন্ত অশ্লীল এবং ভারতবাসীর প্রত্যেকের পক্ষেই ছিল একটা কলঙ্ক। গঙ্গানারায়ণ বাবু লিখেছেন, “এমনকি ইউরোপে ছবি দেখানো আরম্ভ হল ‘Everybody Loves Music’। নেংটি পরা গান্ধীজী ইংরেজ রমণীর কণ্ঠলগ্ন হয়ে বলনৃত্য করছেন। সেদিন তো কংগ্রেসের হোমরা চোমরা অনেকেই ইউরোপ গিয়েছিলেন। তাঁরা ত কোনরকম আপত্তি জানাতে সাহস করেন নি। ওদেশ ত দেখিয়েই চলেছিল একই ধরণের ছবি ‘ইন্ডিয়া স্পীকস্’, ‘বেঙ্গলী’ ইত্যাদি। শুধু একজন বীর্যবান পুরুষ এর বিরুদ্ধে দাঁড়িয়ে সব বন্ধ করে দিয়েছিলেন— তিনি হলেন শ্রী সুভাষচন্দ্র বসু। তিনি নিজে গেলেন Arch Bishop Cardinal Intizar-এর কাছে। জানালেন তাঁর আপত্তি, ছবি দেখানো বন্ধ হল। নিজে হিটলারকে অনুরোধ করলেন, জার্মানীতে বই দেখানো বন্ধ হল। সেই সুভাষচন্দ্রকেই পরে গান্ধীজী কংগ্রেস থেকে তাড়ালেন তিন বছরের জন্য, অপরাধ বিপ্লবীদের সঙ্গে তাঁর ঘনিষ্ঠ সংযোগ।” [এ, পৃ. ৪১৯]

সুভাষচন্দ্রের বিরুদ্ধে গান্ধীজী তাঁর অত্যন্ত অনুরাগী ভক্ত ডঃ পট্টভি সীতারামাইয়াকে দাঁড় করিয়েছিলেন। কিন্তু পট্টভি সীতারামাইয়া পরাজিত হয়েছিলেন। গান্ধীজী তখন শোকার্ত হয়ে বলেছিলেন— এ পরাজয় সীতারামাইয়ার নয়, এ পরাজয় আমারই।

গান্ধীজীর সঙ্গে ধনীদেবের একটা নিবিড় সম্পর্ক বরাবরই ছিল। তাঁর রাজনৈতিক কাজকর্মের গোড়াপত্তনে সে বাজারে মোটা অর্থের সাহায্য করেছিলেন জি.ডি.বিড়লা। কংগ্রেস দলের মুষ্টিমেয় কিছু সং কর্মী এটাকে ভাল চোখে দেখেন নি। তাই তাঁরা বলে ফেলেছিলেন বা বলতে বাধ্য হয়েছিলেন— “And yet there were Congressmen.

was being dominated by them.” অর্থাৎ অনেক কংগ্রেসসেবীই কংগ্রেসকে ভাদি-য়া দেবার কথা বলিতেছেন। তাহদের মতে, এই প্রতিষ্ঠানটি ধনিক শ্রেণী ও চোরাবাজারীদের পুরোপুরি কবলহ না হইলেও তাহাদের দ্বারা প্রভাবিত ও নিয়ন্ত্রিত।” [দ্রঃ সত্যেন সেন: পূর্বোক্ত, পৃ. ১৬২]

গান্ধীজীর ঐ প্রিয়তম নেতা ডঃ পট্টভি সীতারামাইয়া স্পষ্ট বলেছিলেন, “The fight of Congress is the fight of the Indian Capitalist against the British Capitalist.” অর্থাৎ “কংগ্রেসের সংগ্রাম ব্রিটিশ ধনিক শ্রেণীর বিরুদ্ধে ভারতীয় ধনিক শ্রেণীর সংগ্রাম। ধনিক শ্রেণীর সঙ্গে কংগ্রেসের সম্পর্কের কথা বিশদ করিয়া গান্ধীজী সোদপুরে জনৈক ব্যক্তির প্রশ্নের উত্তরে বলিয়াছিলেন : My relation with the capitalist is the relation of Congress with the Capitalist. অর্থাৎ আমার সহিত ধনিকদের যে সম্পর্ক কংগ্রেসের সহিত ধনিকদের ঠিক সেই সম্পর্ক।” [এ, পৃ. ১৬২-৬৩]

গান্ধীজীর সময়ে খুব নাম করা ইংরেজি দৈনিক পত্রিকা ছিল Hindustan Times। ঐ পত্রিকাটির মালিক ছিলেন ধনকুবের মিঃ জি. ডি. বিড়লা। সম্পাদক ছিলেন দেবদাস বা দেবীদাস গান্ধী। জানিনা কেন লুকিয়ে রাখা হয় এসব তথ্য। ইনি হচ্ছেন গান্ধীজীর পুত্র। গান্ধীর আর এক পুত্রের নাম হরিলাল গান্ধী। এঁদের ইতিহাস চেপে রেখে দেওয়া হয়েছে কেন? তাঁরা দুই ভাই মুসলমান হয়ে গিয়েছিলেন বলেই কি এই ব্যবস্থা? কেউ বলেন একটি ছেলে মুসলমান হন, কেউ কেউ বলেন দুজনেই মুসলমান হয়েছিলেন। আবার কেউ বলেন, মুসলমান হয়ে আবার হিন্দুধর্মে ফিরে এসেছিলেন। আর একটি দল গান্ধীপুত্রের মুসলমান হওয়ার ব্যাপারটি একেবারেই উড়িয়ে দিতে চেয়েছেন। সাধারণ অনুসন্ধানপ্রিয় ইতিহাস প্রেমিকরা পাতাই করতে পারবেন না আসল ব্যাপারটা কী? গান্ধীজীর নিজের লেখা হতে উদ্ধৃতি দিলে প্রমাণের একটা কিছু পেতে পারেন পাঠকেরা।

তাঁর জ্যেষ্ঠ পুত্র মুসলমান হওয়ার পরে গান্ধীজী লিখেছেন— “আমার জ্যেষ্ঠপুত্র কয়েকবছর আগে ইসলামধর্ম গ্রহণ করেছেন। ... তাঁর মা একটি চিঠি লিখেছিলেন, জানতে চেয়েছিলেন ধর্মান্তরিত হওয়ার পর সে মদ্যপান ত্যাগ করেছে কিনা, কারণ ইসলাম মদ্যপান বর্জন করার নির্দেশ দিয়েছে। যাঁরা তাঁর ধর্মান্তর গ্রহণে খুশী হয়েছিলেন তাঁদের উদ্দেশ্যে তিনি ঐ চিঠিতে বলেছিলেন— তাঁর মুসলমান হওয়াতে এতোটা আপত্তি নেই, যতোটা আপত্তি রয়েছে তাঁর মদ্যপানে। মদ্যপান বরদাস্ত করবেন না।” [গান্ধী রচনা সম্ভার, তৃতীয় খন্ড, পৃ. ১২৭]

প্রচারিত সংবাদ এই যে, গান্ধীপুত্র হরিলাল ও দেবীদাস ইসলাম ধর্ম গ্রহণ করেছিলেন। হরিলাল পিতার মৃত্যুর একবছর পরে মুসলমান অবস্থাতেই মারা যান। [তথ্য : আনন্দবাজার পত্রিকা, পৃ. ৩, ৬ই জুলাই, ১৯৯০]

তাহলে কি গান্ধীজীর ছেলেরা নিরক্ষর অশিক্ষিত মূর্খ বলেই তাঁদেরকে চেপে রাখা হয়েছে? তা নয় মোটেই। আসল সত্য ইতিহাস হোল এই, গান্ধীর জ্যেষ্ঠ পুত্র হরিলাল বাবার অহিংস আন্দোলনে যোগ দিয়েছিলেন। হরিলাল গান্ধী কিন্তু জানতেন, তাঁর পিতার নামে যতো জয়ঢাক বাজানোই হোক, তখন সারা ভারতে হিন্দু নেতাদের মধ্যে হৃদপিণ্ডের মত ছিলেন চিত্তরঞ্জন দাস। অল্পবয়সেই হরিলাল জেল খেটেছিলেন ছ'বার। হরিলাল কলকাতার বড়বাজারে ব্যবসা ফেঁদেছিলেন। একদিন কিছু ছেলেমেয়েদের গ্রেফতার হওয়ার পর বড়বাজার থানায় হরিলাল গান্ধী দেখা করতে গিয়েছিলেন। তখন এ্যারেস্ট হওয়া ছেলেমেয়েরা চেয়েছিলেন যে, এই সংবাদ তাঁর মাধ্যমে তাঁর পিতা গান্ধীজীর কাছে পৌঁছে যাক। তখন গান্ধী পুত্র গুজরাটি বা হিন্দিতে উত্তর না দিয়ে ইংরেজিতে বললেন, "I need not send it to Mahatma; my father is present here in the person of Mr. C.R. Dass. Whatever he says we will do. অর্থাৎ মহাত্মার নিকট পাঠাইবার দরকার নাই, এখানেই মিঃ দাসের মধ্যে আমার পিতা উপস্থিত রহিয়াছেন।" [দ্রঃ শ্রী হেমন্তকুমার দাসের লেখা 'বন্দীর ডায়েরী', পৃ. ৬৯, ১৯২২-এ ছাপা]

"তিনমাস প্রেসিডেন্সি জেলে থাকার পর হরিলাল (গান্ধী) ও কেদারবাবুকে আলিপুর সেন্ট্রাল জেলে বদলি করা হইয়াছিল। হরিলালের অসুখে অসুখে শরীর অত্যন্ত খারাপ হইয়া গিয়াছিল— ৫ মাসে ২৫ পাউন্ড ওজন কমিয়া গেল।... এই বয়সে ছয় বার জেল খাটিয়াও হরিলালের চেতন্য হইল না।" [ঐ, পৃ. ৭৩-৭৪]

ঐতিহাসিকদের চরিত্র ষড়যন্ত্রপূর্ণ বা সাম্প্রদায়িক হলে তা বর্তমান ও আগামী প্রজন্মের জন্য দুঃসংবাদ ছাড়া সুসংবাদ নয় মোটেই।

পূর্বপ্রসঙ্গে ফিরে এসে আবার বলছি এক শ্রেণীর ধনিক ব্যবসায়ী আছে যারা নিজের স্বার্থের জন্য দেশকে পর্যন্ত ধ্বংস করে দিতে পারে। তারা জাতিতে হিন্দু মুসলমান পার্সী যা-ই হোক না কেন অর্থ, লাভ আর মূলধনই তাদের কাছে বড় ধর্ম। গান্ধীজী যখন আফ্রিকায় 'কুলি ব্যারিস্টার' হয়ে গিয়েছিলেন তখন তাঁর সঙ্গে সহযোগী হয়ে ওতপ্রোতভাবে জড়িয়েছিলেন যে সমস্ত ধনী ব্যবসায়ীরা, তাঁরা বেশিরভাগই ছিলেন মুসলমান সম্প্রদায়ভুক্ত। তাঁদের নাম গান্ধী রচনাবলীতে লেখা রয়েছে। যেমন শেঠ আব্দুল্লাহ (পৃ. ৪৩), শেঠ হাজী তৈয়েব খাঁন মহম্মদ (পৃ. ৪৩), শেঠ আদমজী মিয়া খাঁ (পৃ. ৫২), শেঠ রুস্তমজী (পৃ. ৬২), শেঠ আব্দুল গণি খুরশী, শেঠ মহঃ কাসিম কামরুদ্দিন (পৃ. ১০৪), শেঠ হাজী হাবিব (পৃ. ১০৫), শেঠ হাজী উজির আলি (পৃ. ১১৯), শেঠ ইমাম সাহেব বাওয়াজির (পৃ. ২১৬), শেঠ দাউদ মহম্মদ (পৃ. ২১৩), শেঠ আহম্মদ মহম্মদ কাছলিয়া (পৃ. ১৩৩). শেঠ ইউসুফ ইসমাইল (পৃ. ১৩১)-ইনি অবশ্য স্যার টাইটেলও পেয়েছিলেন পরে।

পাকিস্তানের ইসপাহানী, ভারতের বিড়লা সেই সঙ্গে আরো বড় বড় কিছু ব্যবসাদার বৃটিশের হাতে ভারতকে বিক্রি করে দিয়েছেন বললে তা চমকে যাওয়ার মত কথা বটে।

সাম্প্রদায়িক দাঙ্গাহাঙ্গামার আহত নিহত হওয়ার রক্তাক্ত মৃত্যুযজ্ঞ দেখে অথবা হিরোশিমা কিংবা নাগাসাকিতে পারমাণবিক বোমাতে বিরাট সংখ্যক মানুষ নিহত আহত আর পঙ্গু হয়ে গেলে ঐতিহাসিক সাহিত্যিক ও লেখকদের কলমের ডগা দিয়ে আঙুন ঝরতে থাকে। লিখতে কোন বাধা থাকে না কারণ ময়দান পরিষ্কার। কিন্তু এইরকম শ্রেণীর বড় ধরণের ধনীদের ক্রুর ষড়যন্ত্রের কারণে লক্ষ লক্ষ বা কোটি কোটি মানুষও যদি আহত নিহত হয় তাহলে সেরকম ক্ষেত্র কলম চালানো বড়ই কঠিন। কারণ তাঁদের টাকায় টিকি বাঁধা আছে অনেকেরই।

১৯৯৫-এর ২৪শে আগস্ট দৈনিক 'আজকাল' পত্রিকায় ডক্টর পূর্ণেন্দুঝা যে তথ্যপূর্ণ ঐতিহাসিক সংবাদ পরিবেশন করেছেন তা কোন কাপুরুষ লেখকের পক্ষে লেখা সম্ভব নয়। কলকাতার দারভাঙা বিল্ডিংয়ে ডাঃ বিধানচন্দ্র রায় ও ডক্টর শ্যামাপ্রসাদ মুখার্জী সহ তদানীন্তন বেশ কয়েকজন নেতাদের উপস্থিতিতে লেখক ডঃ ঝা-র সম্মুখে যে ঘটনাটি ঘটেছিল বা যা কথোপকথন হয়েছিল তা জানতে পারলে ঐ রকম ক্ষতিকারক ধনীদের চরিত্রের 'এক্স-রে' করা সম্ভব। ডক্টর পূর্ণেন্দুঝা-র সামনে বিধানচন্দ্র রায়কে হিন্দু মহাসভার প্রেসিডেন্ট ও প্রতিষ্ঠাতা ডক্টর শ্যামাপ্রসাদ মুখার্জী জানালেন, তিনি আশংকা করছেন যে, গোটা বঙ্গদেশ এবং পাঞ্জাব পাকিস্তান হয়ে যেতে পারে। ঠিক ঐ সময় কলকাতায় চলছিল হিন্দু মুসলমানের রক্তাক্ত দাঙ্গা। সাধারণ মানুষ মনে করছিলেন ঐ দাঙ্গা হবে দীর্ঘ— কবে যে থামবে তা আন্দাজ করতে পারছিলেন না তাঁরা।

আসল সত্য অনেকেই জানেন না যে, দাঙ্গা সৃষ্টি করতে পারেন রাজনৈতিক নেতারা, আবার তা বন্ধও করতে পারেন তাঁরা। এবার উদ্ধৃতি দিচ্ছি। ডাঃ বিধানচন্দ্র রায় বিড়লাজীকে যে ফোন করেছিলেন সেটা হচ্ছে— "বিড়লাজীকে বলেছেন গান্ধীজীকে রাজী করতে যাতে তিনি অন্ততঃ নীতিগতভাবে পাকিস্তানকে মেনে নেন। গান্ধীজী রাজী হলে বিড়লাজী যেন ইসপাহানী সাহেবকে দিয়ে মিঃ জিন্নাকে অনুরোধ করেন সোরাবর্দী সাহেবকে নির্দেশ দিতে মিলিটারীর আশ্রয় নিয়ে দাঙ্গা নিবারণ করতে। মিঃ জিন্নার অনুরোধ ছোটলাট নিশ্চয় মেনে নেবেন। ডঃ মুখার্জী সমগ্র বঙ্গদেশ ও পাঞ্জাব পাকিস্তানে যাবার আশংকা প্রকাশ করলে ডাঃ রায় জানালেন, বিড়লাজীকে বলা আছে, ইসপাহানী সেরকম কোন কৌশল করলে বিড়লাজীর ইউনাইটেড কমার্শিয়াল ব্যাঙ্কে তাঁর যে কয়েক কোটি টাকা বেনামীতে আছে, তা হাতছাড়া হবে। এরূপ ঈশিয়ারীতে ইসপাহানী মিঃ জিন্নাকে পাকিস্তানের এলাকায় একটি কমিশন ঠিক করবে ঐই প্রস্তাবে

রাজী করাতে পারবেন বলে তাঁর বিশ্বাস। এখানে উল্লেখ্য (পরবর্তীকালে ১৯৪৭ সালে ভারতের কেন্দ্রীয় সরকার পণ্ডিত জওহরলাল নেহেরুর নেতৃত্বে ডঃ মুখার্জী মন্ত্রী হন) এইসব চলা কালে আবার ডাঃ রায়ের কাছে ফোন এল। কিছুক্ষণ পর প্রায় বেলা ১টায় তিনি ফিরে এসে ঘোষণা করলেন উল্লিখিত পরস্পরের সঙ্গে কথা হয়েছে এবং বেলা ১-১৫ মিনিটে মার্শাল আইন জারি করে মিলিটারী রাস্তায় নামছে। ... কিন্তু মিলিটারী পূর্বোক্ত সময়ে নামল, গুলিগোলা চালাতে লাগলো। গণহত্যা ক্রমে বন্ধ হোল, কিন্তু দাঙ্গার জের চলতে লাগলো। দেশও ভাগ হোল— সেই সাম্প্রদায়িক অভিশাপ আজও আমাদের বহন করতে হচ্ছে। তখন বুঝিনি বিড়লার ব্যাঙ্কে ইসপাহানীর টাকা বেনামীতে কেন? পরে জানতে পারি, দ্বিতীয় বিশ্বযুদ্ধে বিড়লা ও ইসপাহানী যৌথভাবে বৃটিশকে শস্য যোগানোর ঠিকাদারি নিয়ে বঙ্গদেশের চাল গম সব তুলে দিয়েছিল তাদের হাতে। যার ফলে ১৯৪৩ সালে দুর্ভিক্ষে মারা যায় পঞ্চাশ লক্ষাধিক মানুষ। [এই মর্মান্তিক মৃত্যু সংখ্যা ৫০ লাখ বা আধ কোটি যেটা হিরোসিমা ও নাগাসাকির পরমাণু বিস্ফোরণে মৃতের সংখ্যার চেয়ে বহুগুণ বেশি]। পরে বিভিন্ন রিপোর্টে দেখেছি এইভাবে বিভিন্ন দিক দিয়ে চাপ সৃষ্টি করে গান্ধীজীকে পাকিস্তান মেনে নিতে রাজী করানো হয়েছিল। ব্যবসায়িক ও পুঁজিপতিদের স্বার্থে শোষণ শ্রমীর রাজনৈতিক প্রতিনিধিদের দেশবাসীর স্বার্থের পরিবর্তে তাদের শ্রেনীস্বার্থের আসল রূপ।”

যে গান্ধীজী একসময় বলেছিলেন, দেশভাগ করতে হলে আমার মৃতদেহের উপর ভাগ হবে, তার পূর্বে নয়— সেই গান্ধীজীই পুঁজিপতিদের চাপের কাছে [এই ক্ষেত্রে মিঃ জি. ডি. বিড়লার আদেশে] বাধ্য হলেন নতিস্বীকার করতে। সুর পাণ্টে ফেললেন তিনি—“দেশভাগের প্রশ্নে আর তিনি বাধা দেননি। এমনকি অল ইন্ডিয়া কংগ্রেস কমিটির সভাতে তিনি সবাইকে দেশভাগের প্রস্তাব মেনে নেওয়ার পরামর্শই দিয়েছিলেন। কারণ ব্যাখ্যা করে গান্ধীজী বলেছিলেন, আমার সেই অবস্থা বা বয়স নেই যাতে কোনও বিকল্প নেতৃত্ব গড়ে তুলতে পারি। এই পরিস্থিতিতে বর্তমান নেতৃত্বকে দুর্বল করে দেওয়া ভাল হবে। ফলে আমাকে এই তেতো বড়ি গিলতে হচ্ছে।” তারপর তিনি আর একটা কথা যোগ করলেন, “আমার যদি শক্তি থাকত তাহলে আমি একা হাতে বিদ্রোহ ঘোষণা করতাম। ... কাশ্মীর থেকে প্রত্যাবর্তনের সময় ৬ই আগস্ট লাহোরের কংগ্রেস কর্মীদের তিনি বলেন, ‘আমার বাকী জীবন পাকিস্তানের মাটিতেই কাটবে। হয়তো পূর্ববঙ্গে অথবা পশ্চিম পাঞ্জাবে কিংবা সীমান্ত প্রদেশে’।”

তাহলে কি তিনি ভারতের স্বাধীনতা মেনে নিতে পারেন নি? আরও প্রশ্ন আসে, তিনি কি তাহলে স্বাধীনতার পুরোপুরি বিরোধী ছিলেন? যে কোন বিষয়ে ক্ষোভ দুঃখ

অভিমান হতেই পারে। গান্ধীজীর যদি তাই হয়ে থাকে তাহলে তিনি ঐ তারিখটিতে চুপচাপ থেকে যেতে পারতেন। কিন্তু তিনি তা না করে বছর পাঁচেক আগে তাঁর শিষ্য মহাদেব দেশাই-এর মৃত্যুকে কেন্দ্র করে ঐ তারিখে তাঁর মৃত্যুদিন পালন করেন। সারাদিন ধরে গীতা পাঠ হয় এবং তিনি ঐ দিন উপবাসও করেছিলেন। এককথায় স্বাধীনতা দিবসের আনন্দের পরিবর্তে নিরানন্দময় মৃত্যুদিন পালন তাঁর মনের বিরোধিতাই প্রমাণ করে। [ডক্টর প্রফুল্ল ঘোষের ‘মহাত্মাগান্ধী’ পুস্তকের উদ্ধৃতি দিয়ে ঐ তথ্য পরিবেশন করেছেন শ্রী সুবজিৎ দাশগুপ্ত। দ্রষ্টব্য ‘পশ্চিমবঙ্গ’ পত্রিকা, গান্ধী সংখ্যা, পৃ. ১০০]

গান্ধীজী সফল না ব্যর্থ এ প্রশ্নও বিরাট। কংগ্রেস বারে বারে তাঁকে বাদ দিয়ে দিয়েছিল অথবা তাঁকে সরে আসতে হয়েছিল। অবশ্য মহিমাময় লেখকেরা ‘তাড়িয়ে দেওয়া’ ‘বের করে দেওয়া’ প্রভৃতি শব্দগুলোকে সযত্নে পরিহার করে উত্তমতর মিষ্টি শব্দ ‘তাঁকে অব্যাহতি দেওয়া হয়েছিল’ ব্যবহার করেছেন।

১৯৪৭-এর ১৫ই আগস্ট গোটা দিল্লি শহর যখন স্বাধীনতাময়, গান্ধী সেখানে নিঃসঙ্গ, নীরব, দুঃখিত এবং অসন্তুষ্ট— “অল ইন্ডিয়া রেডিও স্বাধীনতা দিবসের জন্য তাঁর বাণী প্রার্থনা করলে তিনি প্রথমে অক্ষমতা জানান। রেডিওর প্রতিনিধিবর্গ যখন তাঁকে বোঝাবার চেষ্টা করেন যে, তাঁর বাণী না পেলে ব্যাপারটা খুব খারাপ দেখাবে তখন গান্ধীজী রুঢ় জবাব দেন, ‘There is no message at all, if it is bad, let it be so,’ অর্থাৎ কোনও বাণী নয়, যদি বাণী না দেওয়াটা খারাপ হয়, তাই হোক।

গান্ধীজীর একটা দিকে বড় ব্যর্থতা দেখা যায়। সেটা হচ্ছে, তিনি কংগ্রেস ও মুসলিম লীগ কাউকে খুশি করতে পারলেন না, পারলেন না খুশি করতে হিন্দু মহাসভা বা রাষ্ট্রীয় সেবা সংঘকে। না খুশি করতে পারলেন ইংরেজি শিক্ষিত আধুনিকবাদীদের, না পারলেন সনাতন প্রাচীনপন্থীদের, না খুশি করতে পারলেন নিজের পরিবারের পুত্র-স্বজনদের। শেষে সকলের বিরোধিতা পেয়েও নিজে সুখী হওয়ার যে ক্ষমতা, সেখানেও তিনি ব্যর্থ। বারে বারে তাঁকে হত্যা করার চেষ্টা করা হয়েছে— “তাঁর প্রাণনাশের প্রথম চেষ্টা হয় ১৯৩৪-এর ২৫শে জুন পুনে শহরে। ... ১৯৪৬-এর জুন মাসে দিল্লি থেকে যখন মহাত্মাজী পুনে যাচ্ছিলেন তখন নিরাল ও করজাত স্টেশনের মধ্যে বিস্ফোরণ ঘটিয়ে তাঁকে হত্যার চেষ্টা করা হয়। তারপর ১৯৪৮-এর ২০শে জানুয়ারি তৃতীয়বার তাঁকে হত্যার চেষ্টা করে মদনলাল।” সবশেষে ১৯৪৮ এর “৩০শে জানুয়ারি শুক্রবার নাথুরাম গডসে মহাত্মাকে হত্যার পরে ধরা পড়ে। গডসের প্রথম বিচারে সেশন জজ মন্তব্য করেন যে, স্বরাষ্ট্রমন্ত্রী (প্যাটেল) গোপন তথ্যাবলী থেকে গান্ধী হত্যার চক্রান্ত সম্বন্ধে অবহিত হওয়ার

পরে যদি উপযুক্ত ব্যবস্থা নিতেন তাহলে মহাত্মাজীর জীবন রক্ষা পেত।” [সুরজিৎ দাশগুপ্ত : ‘পশ্চিমবঙ্গ’, এ, পৃ. ১০৪]

যে গান্ধীজী পিতা করমচাঁদ (বা কাবা গান্ধী) আর মাতা পুতলীবাঈ-এর কোলে গুজরাটের পোরবন্দর নামে ছোট্ট শহরে ১৮৬৯ খৃষ্টাব্দের ২রা অক্টোবর জন্মগ্রহণ করেছিলেন সেই গান্ধীজী ১৯৪৮-এর ৩০শে জানুয়ারি নতুন দিল্লিতে বিকাল ৫টা ১০ মিনিটে একজন ভারতীয়র হাতেই গুলিবিদ্ধ হয়ে প্রাণ হারান। ৭৯ বছরের বর্ষীয়ান এই বৃদ্ধ নেতাকে গুলি করে যে নিশ্চিহ্ন করতে চাওয়া হোল, এটা যদি না করা হোত, আরও কয়েক বছর ভারতের আকাশের নীচে যদি তিনি চলে ফিরে বেড়াতেন, লাভ অথবা ক্ষতির পরিমাণ কতটুকু হোত হিসাব বিশারদেরাই তা ভাল জানেন। অহিংসার বাণী-বাহক যেভাবে রক্তাক্ত কলেবরে ঢলে পড়েছিলেন মৃত্যুর কোলে, গান্ধীজীর কোন শত্রুর পক্ষেও তা কাম্য হওয়া অনুচিত।

ছবি : বিশ্বভারতী বিশ্ববিদ্যালয়, তথ্য ও সংস্কৃতি বিভাগ পশ্চিমবঙ্গ এবং ‘কলম’ পত্রিকার সৌজন্যে।

যে প্রশ্নের উত্তর নেই

আমরা কি স্বাধীন হয়েছি ১৯৪৭-এর পনেরোই আগস্ট? এ স্বাধীনতা কি সম্পূর্ণ? নাকি আংশিক? নাকি শর্তসাপেক্ষ? “ইতিহাসের ছাত্রদের জানা প্রয়োজন যে, ১৯৩৫ সালের শাসন সংস্কারের তীব্র বিরোধী ছিলেন স্বয়ং রবীন্দ্রনাথ। কিন্তু আমাদের জাতীয় পিতা গান্ধীজী ১৯৩৭ সালে এই শাসন সংস্কার মেনে নিয়ে সংগ্রামের পরিসমাপ্তি ঘটিয়েছেন। রজনীপাম দত্ত নিজে তাঁর বিখ্যাত বই ‘India Today’-র মধ্যে বলেছেন যে, ভারতের জনগণের কোন সার্বভৌম ক্ষমতা নেই এবং Independence কথায় উনি একটা প্রশ্নবোধক চিহ্ন দিয়েছেন। পেঙ্গুইনের বই মারফত জানা গেছে যে, আমাদের পাশের দেশ বার্মা স্বাধীন। কিন্তু আমরা পরাধীন।” [বর্তমান দিনকাল, জুলাই, ১৯৮২, পৃ. ২৬, রচনা: অমিতাভ মৈত্র]

একটি নির্ঘাত সত্য ইতিহাসের তথ্য যদিও বেশিরভাগ ভারতবাসীকে জানতে দেওয়া হয়নি তবুও সে তথ্য তথ্যই। ১৯৯৫ খৃষ্টাব্দের আগস্ট মাসের ১২ তারিখে জয়ন্ত ঘোষালের লেখাটা শুধু আকর্ষণীয়ই নয়, লেখকের প্রচণ্ড সংসাহসও প্রশংসার দাবী রাখে।

‘১৫ই আগস্ট আমরা স্বাধীনতা দিবস পালন করব কেন?’ এই শিরোনামের সম্পূর্ণ লেখাটি উদ্ধৃত করে বইটির কলেবর বৃদ্ধি করা উদ্দেশ্য নয়। তাই তার কিছু অংশ তুলে দেওয়া হচ্ছে যা পাঠকদের জন্য হয়ে উঠতে পারে মূল্যবান প্রাপ্তি। তিনি লিখেছেন: “১৯৪৭ সনের ১৫ই আগস্ট, যেদিন আমাদের দেশ স্বাধীন হল বলে আমরা ঘোষণা করলাম। সেদিন আমাদের দেশের গভর্নর জেনারেল কে ছিলেন? লর্ড মাউন্টব্যাটেন। বেশ কয়েকমাস তিনি এই পদে ছিলেন। আমার বিনীত প্রশ্ন, ভারত যদি স্বাধীনই হয়ে যায় তবে মাউন্টব্যাটেন গভর্নর জেনারেল একদিনের জন্যও থাকেন কী করে? দেশভাগের পর দু দেশেরই গভর্নর জেনারেল থাকতে চেয়েছিলেন লর্ড মাউন্টব্যাটেন। কিন্তু জিন্মা সে প্রস্তাবে রাজী হননি। নতুন রাষ্ট্র পাকিস্তানের প্রথম গভর্নর জেনারেল কিন্তু হয়েছিলেন জিন্মা। প্রশ্ন হচ্ছে স্বাধীন ভারতের গভর্নর জেনারেল বৃটিশ শাসক-প্রতিনিধি হলেন কী করে? আর হলে স্বাধীনতা লাভই বা কিভাবে হয়?

দ্বিতীয়তঃ মাউন্টব্যাটেনের পর ভারতীয় গভর্নর জেনারেল হলেন চক্রবর্তী রাজা গোপালাচারী। কিন্তু ১৯৪৯ সনের ২১ জুন তিনি শপথবাক্য পাঠ করলেন কার নাম স্মরণ করে? কার প্রতি আনুগত্য, কার প্রতি দায়িত্ব প্রকাশ করলেন তিনি? ভারতবর্ষের আম জনতার উদ্দেশ্যে নয়, তিনি সশ্রীট বৃষ্ট জর্জ ও তাঁর বংশধরদের প্রতি আনুগত্য

প্রকাশ করে শপথ নিলেন। শপথ নিতে গিয়ে তিনি বলেন, আমি চক্রবর্তী রাজা গোপালাচারী যথাবিধি প্রতিজ্ঞা করছি যে আমি সম্রাট ষষ্ঠ জর্জ, তাঁর বংশধর এবং উত্তরাধিকারীদের প্রতি আইনানুসারে বিশ্বস্ত ও অনুগত থাকবো এবং আমি চক্রবর্তী রাজা গোপালাচারী শপথ নিচ্ছি যে, 'আমি গভর্নর জেনারেলের পদে অধিষ্ঠিত থেকে সম্রাট ষষ্ঠ জর্জ তাঁর বংশধর ও উত্তরাধিকারীদের সূচারু ও যথাযথভাবে সেবা করব।'

স্বাধীন ভারতবর্ষের গভর্নর জেনারেল শাসক রাজার নামে শপথ নেবে কেন? এরপরও এই স্বাধীনতাকে আমরা স্বাধীনতা বলব কেন? ... ঔপনিবেশিক স্বায়ত্বশাসনকে আমরা স্বাধীনতা বলব কেন? নাকের বদলে নরুণ পেয়ে আমরা তাক বিনা ধিন্ নৃত্য শুরু করেছি। যেন তেন প্রকারে ক্ষমতা পাওয়াটাই ছিল লক্ষ্য। যে লক্ষ্য অর্জনটাও হয়েছে বৃটিশ শাসককুলের দয়া দাক্ষিণ্যে, কোন সংগ্রাম বা লড়াইয়ের মাধ্যমে নয়। সে জন্য মহাত্মা গান্ধীও নিজে ১৫ আগস্ট দেশভাগের ঘটনায় খুশী হতে পারেন নি। তিনি বলেছিলেন এ দিনটি তাঁর জীবনের এক দুঃখের দিন।

এরপরেও আমরা বলব ১৫ আগস্ট অনেক রক্ত ঝরিয়ে আমরা স্বাধীনতা লাভ করলাম? ... বৃটিশ রাজতন্ত্র অবসানের বিরুদ্ধে স্বাধীনতা আন্দোলনে ভারতীয় জাতীয় কংগ্রেসের ডুমিকাকে আমি খাটো করে দেখতে চাইনা। গান্ধী-নেহেরুর ঐতিহাসিক অবদানকেও আমি অস্বীকার করিনা, কিন্তু পাশাপাশি এটাও মনে করি '৪৭ সনের ১৫ আগস্ট বড় বেশী তাড়াছড়ো করে বৃটিশ শাসক প্রভুদের দাক্ষিণ্য নিয়ে আমরা স্বাধীনতা পেয়েছি। এটা দয়ার দান।

১৯৫২ সনে বাবু রাজেন্দ্রপ্রসাদ হলেন ভারতের প্রথম রাষ্ট্রপতি। '৫০ সনের ২৬ জানুয়ারি আমাদের দেশকে প্রজাতন্ত্র ঘোষণা করা হয়েছে। কিন্তু '৪৭-এর ঠিক পরেই '৪৯ সনে নেহেরু গেলেন কমনওয়েলথ সম্মেলনে যোগ দিতে। কিন্তু নেহেরুর এই কমনওয়েলথ সফর নিয়ে যথেষ্ট বিতর্ক দেখা গিয়েছিল। কারণ কমনওয়েলথ-এর প্রধান হলেন গ্রেট ব্রিটেনের রাজা। এটা একটা স্থায়ী পদ। মজার ব্যাপার '৫০ সনের ২৬ জানুয়ারি থেকে আজ পর্যন্ত কমনওয়েলথ-এ যাওয়ার সিদ্ধান্তটি সংসদে রাস্তিফাই বা অনুমোদিত হয় নি। ... আমরা ১৫ আগস্ট নাকি মধ্যরাত্রে স্বাধীনতা অর্জন করেছি। কিন্তু আমাদের বহিসর্বাভৌমত্ব কতটা সেটা এতক্ষণে পাঠকরা বুঝতে পেরেছেন আশা করি। আমাদের গভর্নর জেনারেল রাজার নামে শপথ নেব, আমরা সংবিধানে ঔপনিবেশিক স্বায়ত্বশাসনের মর্যাদা পাই আর লগুনে আমরা কমনওয়েলথ করতে যাই সার্বভৌমত্বের প্রমাণ দিতে। ধ্যান্ডামির একটা সীমা আছে। ১৯৭১ সনের একটা ছোট্ট খবর। '৭১ সনে আনন্দবাজার পত্রিকায় ২৯ জুলাই লেখা হয়েছে, রাষ্ট্রপতি, রাজ্যপাল এবং লেফটেন্যান্ট গভর্নরদের সরকারি বাসভবন ও গাড়ীগুলোতে এতদিন যে সব ব্যক্তিগত

পতাকা দেখা যেত '৭১ সনের ১৫ আগস্ট থেকে তার পরিবর্তে দেখা যাবে জাতীয় পতাকা। রাজ্যসভায় তৎকালীন সহকারী স্বরাষ্ট্রমন্ত্রী এফ. এইচ. মহসীন এ খবর জানান। পি টি আই এ সংবাদ দিয়েছিল। আমার প্রশ্ন, '৪৭ সনের ১৫ আগস্ট আমরা নাকি স্বাধীনতা লাভ করেছি, তা হলে '৭১ সন পর্যন্ত রাষ্ট্রপতি-রাজ্যপালরা রাজার দেওয়া পতাকা উড়িয়ে এলেন কেন? কোন স্বাধীনতার ঐতিহ্য তাঁরা এতদিন বহন করলেন? তাই আজ যখন আর একটা ১৫ আগস্টের মুখোমুখি আমরা তখন মনে হচ্ছে আত্মসমীক্ষার সময় এসেছে। আজ যদি প্রশ্ন করি, '৪৭ সনের ১৫ আগস্ট-এর পর ভারতীয় সেনাবাহিনীতে নেতাজী সুভাষচন্দ্র বসু প্রতিষ্ঠিত আই. এন. এ. কে নেওয়া হোল না কেন? অথচ পাকিস্তান তার সেনাবাহিনীতে আই. এন. এ. সদস্যদের নিল। হবিবুর রহমানের মতো লোককেও চোখের জল ফেলতে ফেলতে পাকিস্তান চলে যেতে হয়েছিল। আজ নতুন করে যদি এ প্রশ্ন তুলি তবে দেশের কর্ণধাররা তার কী জবাবই বা দিতে পারবেন? ক্ষমতা হস্তান্তর সম্পর্কে ১২টি ভল্যুম প্রকাশিত হয়ে গেছে যাতে ১৯৪৬ সন পর্যন্ত সময়ের ইতিহাস আমরা জানতে পারছি। বাকী ডকুমেন্ট ১৯৯৯ সনের আগে প্রকাশ করা যাবে না বলে বৃটিশরা আগেই সিদ্ধান্ত ঘোষণা করে দিয়েছিলেন। প্রকাশিত ডকুমেন্ট থেকেই জানা যাচ্ছে নেতাজীকে বৃটিশরা 'ওয়ার ক্রিমিনাল' বলে ঘোষণা করেন। ... আসলে আমাদের দুর্ভাগ্য, আমাদের বিস্মৃতিশক্তি যোরতর। আমরা ইতিহাস ভুলতে বসেছি। আমাদের দেশের নেতারা অধিকাংশই ভণ্ড, ধান্দাবাজ, সুবিধাবাদী। তাই তাঁরা এই স্বাধীনতা দিবসের নেপথ্য কাহিনীকে সবাই মিলে আড়াল করেছেন। আর যে কমিউনিস্টরা একদিন 'এ আজাদী বুটা হ্যায়' বলে গগনভেদী চিৎকার জুড়েছিলেন আজ তাঁরাই দুধপোষ্য শুভবয় হয়ে গেছেন। সভা সমিতিতে জাতীয় পতাকা উত্তোলনের প্রতিযোগিতায় তাঁরাও আজ আর পিছিয়ে নেই। '৪৭ সনের ১৫ আগস্টের মোহে আজ তাঁরাও পিছলে যান। ... সত্যি আমরা আধুনিক মানুষ হয়ে উঠেছি।' [দ্রষ্টব্য দৈনিক 'বর্তমান', ১২.৮.১৯৯৫, সম্পাদকীয় পৃষ্ঠা]

১৯৪৭-এর ১৫ই আগস্ট স্বাধীনতা দিবসের সত্যিকারের ইতিহাস বেশিরভাগ মানুষের কাছেই চাপা রয়েছে। আজও ভারতের বৃহত্তম গণগোষ্ঠী জানতে পারেন না এ স্বাধীনতা ছিনিয়ে নেওয়া, না ভিক্ষা নেওয়া, না আধা স্বাধীনতা, নাকি অস্বাধীনতা? অতীব পরিতাপের কথা, শিক্ষিত সমাজের অধিকাংশ ব্যক্তি আজও জানতে পারেন নি 'স্বরাজ', 'স্বায়ত্বশাসন', 'ডোমিনিয়ন স্টেটাস', 'হোমরুল' প্রভৃতি গোলকধাঁধা মার্কী শব্দগুলো আর 'স্বাধীনতা', 'ফ্রিডম', 'ইনডিপেনডেন্স' সব একই কথা না সম্পূর্ণ পৃথক ব্যাপার।

'প্রচার' বস্তুটি এমনই যে তা সত্য হোক বা মিথ্যা, সে প্রচার সরকারি হোক বা বেসরকারি, যথাযথভাবে প্রচারের কাজ শেষ করলে কোটি কোটি মানুষ ওটাকেই মনে

করবে সত্য। প্রচারের প্রাবল্যে সত্য মিথ্যা হতে পারে, আবার মিথ্যাও সত্য হয়ে দাঁড়াতে পারে। সুতরাং সঠিক, সত্য, তত্ত্ব ও তথ্যপূর্ণ কাগজ প্রস্তুত না হলে মগজ ও পরিপূর্ণ মানসিকতা সৃষ্টি করা একেবারে অসম্ভব। কোটি কোটি মানুষকে এরকম ভুল শেখানো হয়েছে, হচ্ছে আর হতেও থাকবে কতদিন তা বলা যাবে না সঠিকভাবে।

আমি আমরা সবাই বলি, লিখি, বিশ্বাস করি ও করাই যে, অবিভক্ত ভারতবর্ষ কংগ্রেস ও মুসলিম লীগের লড়াই-এর ফলস্বরূপ দু'ভাগে ভাগ হয়। পূর্ব পাকিস্তান বা বর্তমানে বাংলাদেশ ও পশ্চিম পাকিস্তান মিলে একটা রাষ্ট্র, আর একটা আমাদের ভারতবর্ষ। এই ভারত এখন জনসংখ্যায় একশো কোটিকেও ছাপিয়ে গেছে। এই বিশাল জনসংখ্যার মাত্র এক কোটি লোকও কি জানেন যে, ভারত ক'ভাবে ভাগ হয়েছিল? কিন্তু আমাদের নেতাদের নেতারা তো জানেন আসল সত্যটুকু। অবিভক্ত ভারতবর্ষ বৃটিশরা ভাগ করে দিয়ে গিয়েছিল দুই বা তিন খণ্ডে নয় বরং তা ভাগ হয়েছিল মোট ২৮৫ খণ্ডে। ২৮৫ খণ্ডেই তো কপালে চোখ উঠবে। কেউ কেউ মনে করবেন হয়তো ছাপার ভুল, ওটা আট কিংবা পাঁচ হবে। কিন্তু বাস্তব সত্য হোল দুশো পঁচাশিটি ভাগে দেশকে ভাগ করে বৃটিশ চলে গিয়েছিল তল্লিতল্লা গুটিয়ে নিয়ে।

জিন্নাহ সাহেব চেয়েছিলেন হিন্দুস্তান ও পাকিস্তান এমনভাবে ভাগ হবে যেন সমান সমান হয়। এই সম্বন্ধে পশ্চিমবাংলার শীর্ষস্থানীয় তাত্ত্বিক লেখক প্রাজ্ঞন জেলাশাসক ও বিচারপতি শ্রী অন্নদাশঙ্কর রায় লিখেছেন, “ওদিকে কয়েদ আজম ঝিনা সাহেবের পলিসি কিন্তু তার বিপরীত। তিনি যা চান তা হচ্ছে হিন্দু মুসলমান এই দুই ‘নেশনে’র মধ্যে বিভক্ত হিন্দুস্তান ও পাকিস্তান। দুই দিকের পালা সমান ভারি হবে। একদিকে বোম্বাই, মাদ্রাজ, যুক্তপ্রদেশ, মধ্যপ্রদেশ, বিহার আর ওড়িশা। অন্যদিকে বাংলা, আসাম, পাঞ্জাব, সিন্ধু, উত্তর-পশ্চিম সীমান্ত প্রদেশ আর বেলুচিস্তান। এদিকেও ছয়, ওদিকেও ছয়, সমান সমান।” [নন্দন, ১৪০৬ শারদ সংখ্যা, পৃ. ১৩-১৪]

সাপ্তাহিক ‘দেশ’ পত্রিকার কংগ্রেস শতবর্ষ (১৮৮৫-১৯৮৫) সংখ্যায় কংগ্রেসের প্রতিষ্ঠিত প্রখ্যাত বাঙালি নেতা ও তাত্ত্বিক লেখক শ্রী অতুল্য ঘোষ যে লেখাটি লিখে গেছেন উদ্ধৃতি হিসাবে তার ক্ষুদ্রাংশ উল্লেখ করছি। লেখাটির শিরোনাম ‘ভারত বিভাগ (কার্য ও কারণ)’।

প্রসঙ্গ পুরনো হলেও বলতে হচ্ছে, সাধারণত আমরা শিখি বা শেখাই দেশভাগের জন্য দায়ী মুসলিম লীগ-এর নেতা জিন্নাহ। কংগ্রেস ও কমিউনিস্ট পার্টি বেচারারা নির্দোষ। তাঁদের মনের বিরুদ্ধে হলেও দেশভাগ তাঁরা নাকি মেনে নিতে বাধ্য হয়েছিলেন। উপরোক্ত কংগ্রেস নেতা শ্রী অতুল্য ঘোষ জানতেন যে মুসলিম লীগ সৃষ্টি হয়েছে ১৯০৬-এ। তখন দেশভাগের কথা তাঁদের মাথায় ছিল না। তাই তিনি লিখেছেন, “ভারতবর্ষের

স্বাধীনতা অর্জনের জন্য ভারতবর্ষকে ভাগ করতে হবে এ কথা মুসলিম লীগ সৃষ্টির পরেও বহুদিন ধারণার বাইরে ছিল। ১৯৪০ সালের মার্চ মাসে মুসলিম লীগ প্রথম তাদের দেশ বিভাগের অভিপ্রায় প্রকাশ করে।” [পৃ. ১৩২]

অতুল্য ঘোষ আরও লিখেছেন, “কিন্তু কংগ্রেস ভারত বিভাগে সম্মতি দেওয়ার ডের আগে ১৯৪০-৪১ সালে যখন রাশিয়া যুদ্ধে যোগদান করল সেই সময়ে C.P.I. (তখন অবিভক্ত C.P.I.) বোম্বাই থেকে প্রকাশিত তাঁদের ‘People War’ কাগজে ভারতবিভাগ যে হওয়া উচিত সে সম্বন্ধে তাঁদের অভিমত প্রকাশ করেন। এবং ম্যাপে ভারতবর্ষের কোন অংশ কোথায় যাবে তাও এঁকে দেন। ঐ ম্যাপে ভারত বিভাগের ফলে ভারতের যে অংশ নিয়ে পাকিস্তান গঠিত হয়েছে তার চেয়ে বেশি অঞ্চল নিয়ে পাকিস্তান দেখানো হয়েছিল।” [পৃ. ১২৫]। ম্যাপ দুটি ‘দেশ’ পত্রিকার ঐ সংখ্যায় ১২৮ ও ১৩১ পৃষ্ঠায় ছাপা হয়েছে। শুধু তাই নয়, মিঃ ঘোষ আরও লিখেছেন, “ভারতীয় জনসংঘের শ্রদ্ধা শ্রদ্ধায় শ্যামাপ্রসাদবাবু বহু জায়গায় ভারত বিভাগের স্বপক্ষে বক্তৃতা দিয়েছিলেন। এটা সত্য যে কংগ্রেসও এ ব্যাপারে দায়ী এবং কংগ্রেস তা অস্বীকার করে না। অথচ অপর সব দলই জনসাধারণের মধ্যে বিভ্রান্তি সৃষ্টির জন্য ক্রমে ক্রমে সরে এসে কংগ্রেসের ঘাড়ের দোষ চাপায়।” [পৃ. ১৩০] এরপর মিঃ ঘোষ লিখেছেন, “অর্থাৎ ইংরেজ যাবার সময় শুধু ভারতবর্ষ দু'ভাগ করে গেল, তা নয়, বহুভাগে ভাগ করে গেল। ভারতবর্ষ দ্বিখণ্ডিত হয়েছে স্বাধীনতার জন্য, এটা ভুল। কেবলমাত্র হিন্দুস্তান ও পাকিস্তান হয় নি। ২৮১টি Native States যা প্রিভি পাস পেত, ভারতবর্ষে বৃটিশ রাজত্ব অবসানের সঙ্গে সঙ্গে ইংল্যান্ডের চুক্তির জন্য তারা সব স্বাধীন হয়। অর্থাৎ—

১) দেশীয় রাজ্য ২৮১

২) হিন্দুস্থান ১

৩) পাকিস্তান ১

মোট ২৮৩

এইভাবে ভারতবর্ষ বিভক্ত হয়। এছাড়া ফরাসী অধিকৃত ও পর্তুগীজ অধিকৃত রাজ্য ছিল। অর্থাৎ মোট ভারতবর্ষ ২৮১, হিন্দুস্থান ১, পাকিস্তান ১, পর্তুগীজ এবং ফরাসী অধিকৃত ২টি— মোট ২৮৫টি ভাগে ভাগ হয়েছিল, সেইজন্য যে বলা হয় ভারতবর্ষ দুটি খণ্ডে বিভক্ত হয়েছিল, তা ভুল। প্রকৃতপক্ষে ভারতবর্ষ ২৮৫ খণ্ডে বিভক্ত হয়।” [পৃ. ১৩০]

পাকিস্তানের ভাগে যে জায়গাটুকু পড়েছিল তা ৪,৪২,৫৯৬ বর্গমাইল। তা থেকে এখন আবার নতুন দেশ তৈরি হয়েছে বাংলাদেশ। পাকিস্তান হিন্দুস্থান ছাড়া হিন্দু ও মুসলমান যে সমস্ত স্বাধীন রাজ্য তাঁদের রাজ্য নিয়ে ছিলেন সেই সম্বন্ধেও মিঃ ঘোষ

লিখেছেন, “ইংরেজ সরকার ভারতবর্ষ ত্যাগ করার আগে দেশীয় রাজাদের ডেকে বলেছিলেন যে, তারা প্রত্যক্ষভাবে বৃটিশ সরকারের অধীন, ভারত সরকারের সঙ্গে তাদের কোন সম্পর্ক নেই। ইংরেজ ভারত ত্যাগ করার সঙ্গে সঙ্গেই তারা স্বাধীন।” [পৃ. ১৩০]

ভারতবর্ষে যে সমস্ত স্বাধীন রাজ্য ছিল সেইসব রাজ্যের হিন্দু মুসলমান রাজারা নিজ



কিরণশঙ্কর রায়

নিজ রাজ্যের রাজা ছিলেন। প্রথম খণ্ডে এবং এই খণ্ডে যে সব রাজা মহারাজা জমিদার বা জমিনদারদের ইতিহাস লেখা হয়েছে তাঁরা প্রকৃতপক্ষে রাজা ছিলেন না। এইসব স্বাধীন রাজা, নবাব ও শাসকদের সংখ্যা ছিল প্রায় সাতশত। সাম্রাজ্যবাদী বৃটিশ এক এক করে গ্রাস করে নিয়েছিল অনেককে। ১৯৪৭ সালে তাদের চলে যাওয়ার প্রাক্কালে তখনো অস্তিত্ব ছিল দুশো আশিটির বেশি ঐ ধরনের রাজ্য বা এলাকার। ওগুলোকে বলা হোত করদ বা মিত্র রাজ্য। এ সম্বন্ধে নূতন বাঙ্গালা অভিধানের ১৪২৬ পৃষ্ঠার উদ্ধৃতিটি উল্লেখযোগ্য : “করদ ও মিত্ররাজ্য— ভারতের ইংরাজাধীন সামন্ত

রাজ্য। এই সামন্ত রাজ্যের রাজাগণ স্বয়ং নিজ নিজ আইন অনুসারে রাজ্য শাসন করিতেন। ইংরাজ গভর্নমেন্টকে ইহাদের কর দিতে হইত; একজন করিয়া ইংরাজ রাজকর্মচারী ইহাদের সভায় থাকিতেন। ভারতে কমবেশী সাত শত ঐরূপ রাজ্য ছিল। নিম্নে প্রধান প্রধান কতকগুলির নাম দেওয়া হইল; যথা— ভূপাল, ইন্দোর, ময়ূরভঞ্জ, বরোদা, ছোট উদয়পুর, গোয়ালিয়র, হায়দ্রাবাদ, কাশ্মীর, ত্রিবাঙ্কুর, মহীশূর, কপূরতলা, পাতিয়ালা, ভরতপুর, জয়পুর, উদয়পুর, যোধপুর, বিকানীর, সিকিম, কুচবিহার, মণিপুর, ত্রিপুরা, কাশী, আলোয়ার, দেওয়াস। এইসব রাজ্যের আর পৃথক কোন অস্তিত্ব নাই।”

এসব ইতিহাস লুকিয়ে রাখার কোন কারণ নেই। আমরা ২৮৩টি অংশকে ভারতের মধ্যে ঢুকিয়ে নিতে পেরেছি। নিঃসন্দেহে এটা আমাদের রাজনৈতিক বিজয়। পাকিস্তানের জিন্নাহ সমান সমান অংশ দাবী করেও যা পেয়েছিলেন আমরা কিন্তু ভারতের মানচিত্রে তার চেয়েও বেশি এবং বিরাট অংশ বাড়িয়ে ফেলেছি। এটাকে কেউ যদি আগ্রাসন, অত্যাচার অথবা আন্তর্জাতিক নীতিভঙ্গ বলেন তাতে আমাদের কী এসে যায়? শ্রী অতুল্য ঘোষের কথা দিয়ে শেষ করছি এই প্রসঙ্গ, “স্বাধীনোত্তর ভারতের আয়তন লক্ষাধিক বর্গমাইল বেড়েছে। ... কংগ্রেসের পক্ষে সর্দার বল্লভভাই প্যাটেলের অত্যন্ত ধৈর্য

সাহসিকতা ও কুশলতার জন্য দেশীয় রাজ্যগুলি একে একে ভারতভুক্ত হয়।” [দেশ, ঐ, পৃ. ১৩০]

বঙ্গদেশকে কেটে ভাগাভাগি করা হোল। যাঁরা বঙ্গকে ভঙ্গ না করে পৃথক ও স্বতন্ত্র রাখতে চেয়েছিলেন, যাঁদের অপ্রকাশিত কল্পনা ছিল বৃহৎ বঙ্গ সৃষ্টির— যাঁরা হয়তো ভেবেছিলেন পূর্ববঙ্গ, পশ্চিমবঙ্গ, আসাম, উড়িষ্যার বিশাল এক অংশ এবং বিহারের দুমকা কাটিহার সিংভূম মানভূম এবং সমগ্র ত্রিপুরা প্রদেশের বিশাল এই বাংলাভাষী এলাকাকে নিয়ে গড়ে তুলবেন এক নতুন বঙ্গ— তাঁদের অবদান চাপা থেকেই গেল। যাঁরা এটা চেয়েছিলেন তাঁরা হলেন গান্ধী-শিষ্য সোহরাবর্দী, কিরণশঙ্কর, ফজজুল হক, সৈয়দ আবুল হাশিম প্রমুখ প্রখ্যাত নেতৃবৃন্দ। তাঁরা এবং তাঁদের এই চিন্তাভাবনা চাপা পড়ে গেল কেন এ প্রশ্নেরও কোন উত্তর নেই।



হাসান সোহরাবর্দী

ইংরেজের আমলে অন্যান্য জাতিগোষ্ঠীকে বঞ্চিত রেখে বৃটিশ যে গোষ্ঠীটিকে বেছে নিয়েছিল সেই ‘এলিট’ শ্রেণী বা অভিজাত সম্প্রদায়ের অধিকাংশই ব্রাহ্মণ ও কায়স্থ গোষ্ঠীর অন্তর্ভুক্ত। নিজেদের পার্থিব স্বাচ্ছন্দ্য ও উন্নতি ঘটাতে যা যা করা সম্ভব সবই করেছিলেন তাঁরা। ইংরেজদের সীমাহীন প্রশংসা করা সেইসঙ্গে প্রাক্তন শাসক বা মুসলিম জাতির সীমাহীন অসত্য ইতিহাস সৃষ্টির প্রয়োজন হয়ে পড়েছিল তখন। বৃটিশ জানতো যে, ভারতে মুসলমান শাসকদের আগমনের পূর্বেই কিছু মুসলিম তাপস বোয়র্গ সুফী উলামা এসে পৌঁছেছিলেন এখানে। আবার ঐ শাসকদের সঙ্গে এবং পরেও এসেছিলেন অনেক সুফী এবং উলামা এবং সারা ভারতে ছড়িয়ে পড়েছিলেন তাঁরা। ডক্টর আচার্য সুনীতিকুমার চট্টোপাধ্যায়ও লিখেছেন, “তুর্কি বিজেতাদের সঙ্গে সঙ্গেই, এমনকি কোথাও কোথাও তাদের সশস্ত্র অভিযানের পূর্বেই ভারতবর্ষে কতকগুলি সুফী সাধক আর সাধু ফকীর দরবেশ আর কলন্দর এসে দেখা দিলেন। এঁদের মধ্যে খুব নামী আর যথার্থ উঁচু দরের, যাকে হিন্দিতে বলে ‘পছঁচে হুঁ’ অর্থাৎ উপলব্ধিক্ত সাধকও অনেকে ছিলেন। ... মুসলমান তুর্কদের দ্বারা উত্তরভারতে বিজয়ের পরে, এঁরা এদেশে আসবার সুযোগ বেশি করে পেতে লাগলেন। এঁদের মধ্যে একদলের সত্যকার আধ্যাত্মিক শক্তি আর সততা, এঁদের প্রচারিত উদার সুফীমতের ইসলাম ভারতের অনুসন্ধানী চিন্তকে জয় করতে

সমর্থ হয়েছিল।” [দ্রষ্টব্য ভারত সংস্কৃতি : সুনীতিকুমার চট্টোপাধ্যায়, ১৯৬৪, পৃ. ১৩৮-৩৯]



শের-এ বাংলা ফজলুল হক

মুসলিম জাতির ঐ তাপস সুফী সাধক ও মনীষীদের কথা স্মরণ রেখেই কি ভারতের স্বাধীনতা আন্দোলনের নতুন ইতিহাসে কিছু ঋষি মহাঋষি, মহারাজ, গুরুজী, স্বামীজী তৈরি করার প্রয়োজন হয়েছিল? দুঃখের বিষয়, পূর্ব আলোচনায় আমরা তাঁদের ইতিহাস খুঁজে যা পেয়েছি তাতে অধিকাংশ ক্ষেত্রে তাঁরা ছিলেন গৌড়া মুসলমান বিদ্বেশী এবং অনুন্নত মানুষদের উন্নতি বিরোধী। তার চেয়েও বড় কথা, তাঁরা বেশিরভাগই ছিলেন বৃটিশের অত্যন্ত শুভানুধ্যায়ী। আজও ভারতে ঐ তাপস, বোয়র্গ, আলেম, মুয়াল্লেম ও মুবাল্লেগশ্রেণী বিদ্যমান। তাঁদের মধ্যে কিছু পদস্থলিত নকল ও ভণ্ড বে নেই তা নয়। দেশ বিভাগের পূর্বে এই মুসলিম ‘ক্রীম’ সাধক শ্রেণীটি দু’ভাগে বিভক্ত হয়েছিলেন। একটি দল চেয়েছিলেন অবিভক্ত ভারত, অপর দলটি চেয়েছিলেন বিভক্ত ভারত বা পাকিস্তান। যাঁরা পাকিস্তানের পক্ষে ছিলেন তাঁদের মধ্যে উল্লেখযোগ্য হলেন থানাভবনের মাওলানা আশরাফ আলী (রহঃ)। তাঁদের যুক্তি ছিল, মুসলমানদের নিজস্ব দেশ হলে তাঁরা ইসলাম ধর্ম পুরোপুরি পালন করতে পারবেন, বাধা পাবেন না সংখ্যাগুরুদের কাছ থেকে, আর ডাক্তার, ইঞ্জিনিয়ার, সাহিত্যিক, শিল্পী প্রভৃতি তৈরি হতে বা উপরে উঠতে চাপ সহ্য করতে হবে না তাঁদের। অপর বৃহত্তম দলটি চেয়েছিলেন অবিভক্ত ভারতে সকলে মিলেমিশে বাস করবেন তাঁরা, তাঁদের মসজিদ, মাদরাসা, আঞ্জুমান সবই বজায় রাখতে পারবেন, ডাক্তার, ইঞ্জিনিয়ার হওয়া বা উপযুক্ত হয়ে চাকরি পেতে বা প্রতিষ্ঠিত হতেও বাধা থাকবে না কিছু। পাকিস্তানের সমর্থকেরা চলে গেলেন সেখানে, আর অপর বড় দলটি থেকে গেলেন এখানে।

ভারত ও বহির্ভারতের এই ধার্মিক উভয় দলই ছিলেন কিন্তু প্রচণ্ড বৃটিশ বিরোধী। তাঁরা ছিলেন সংসারী, বৈরাগ্যে বিশ্বাস ছিলনা তাঁদের। প্রয়োজনে তাঁরা বিবাহ করেছিলেন এক বা একাধিক। কিন্তু স্ত্রী ছাড়া কোন মহিলা বন্ধু, মহিলা সহযোগী, মহিলা রাজনৈতিক কর্মী কাউকেই তাঁদের আশ্রম খানকাহ বা আস্থানায় একান্ত সঙ্গলাভের সুযোগ দেন নি।

ইসলাম ধর্মে চারটি বিয়ে করার আদেশ আদৌ নেই, প্রয়োজনে অনুমোদন আছে মাত্র। তা সত্ত্বেও মুসলমান সমাজের প্রতি এই ধারণা ও প্রচার ছড়িয়ে দেওয়া হয়েছে এমনভাবে যে, সব মুসলমানেরই যেন চারটে করে স্ত্রী আছে। কারণে অকারণে দু-এক লক্ষ লোকের মধ্যে দু-একজন যদি চারটে বিয়ে করেই থাকেন তার জন্য প্রত্যেকটি মুসলমানকে ঐ অভিযোগে অভিযুক্ত না করে তাঁর ব্যক্তিগত প্রয়োজন স্বীকার করে নিলে ক্ষতি কী ছিল? যেমন আমাদের ভারতে প্রচারিত ‘জাতির জনক’ গান্ধীজীর পিতা কাবা গান্ধী চারজন স্ত্রীর স্বামী ছিলেন। গান্ধীজী তাঁর পিতার চতুর্থ স্ত্রীর চতুর্থ বা শেষ সন্তান। [দ্রঃ ‘পশ্চিমবঙ্গ’ গান্ধী সংখ্যা, পৃ. ১৩২]



আশরাফ আলি খানভী

কারও নামে ঋষি, মুনি, অবতার, মহামানব প্রভৃতি উপাধি জুড়ে দেওয়া সহজ, কিন্তু তাঁরা সত্যিকারের ঐ উপাধির উপযুক্ত কিনা তা বিবেচ্য বিষয়। ঋষি বন্ধিম ঋষি অরবিন্দ ও মহা-ঋষি দেবেন্দ্রনাথদের সাম্প্রদায়িকতা, সঙ্কীর্ণতা, সন্ত্রাসবাদ অথবা তাঁদের মহানুভবতা ও উদারতার আলোচনা পূর্বেই হয়ে গেছে। এঁরা ছাড়াও ভারতের বরণীয় ব্যক্তিদের ধরলে গান্ধীজী, জওহরলাল প্রভৃতি নেতাদের নারীর প্রতি আস্থা বা মহিলাদের সঙ্গে অবাধ মেলামেশার উদারতায় তাঁরা অধিকাংশই ছিলেন বিশ্বাসী।

মুসলিম সমাজের ঋষিপ্রতিম মানুষদের বলা হয় বুয়ুর্গ, ওলি, আউলিয়া, কুতুব, আবেদ, দরবেশ, পীর প্রভৃতি। আজমীরের হযরত খাজা মইনুদ্দিন, দিল্লির হযরত নিয়ামুদ্দিন, হযরত কুতুবুদ্দিন কাকী, হযরত ইলিয়াস, হযরত আহমাদ শিরহিন্দী, হযরত ইমদাদুল্লাহ, হযরত রশীদ আহমাদ, হযরত আশরাফ আলী, হযরত হুসাইন আহমাদ, শাহ ইসমাঈল, হযরত বাহাউদ্দিন যাকারিয়া, হযরত হুসামুদ্দিন, হযরত সৈয়দ আব্বাস, হযরত শাহ মাহমুদ, হযরত আবু বকর সিদ্দীক, হযরত শাহ সুফী সুলতান, হযরত আব্দুল হামিদ বাঙালী, হযরত সাইয়েদুল আরেফীন (রহ.) প্রমুখ বহু ভারতীয় মুসলমান ঋষির কবর ভারতেই রয়েছে।

ভারত ছাড়াও পৃথিবীর অন্যান্য দেশেও ছড়িয়ে আছে এই রকম মুসলিম ঋষিদের কীর্তি। তাঁদের মধ্যে হযরত মুহিউদ্দিন আব্দুল কাদির জিলানী, হযরত শাইখ সাদী, হযরত জালালুদ্দিন রুমী, হযরত আবুসিনা, হযরত ফিরদৌসী, হযরত শাহ জালাল (রহ.)

প্রভৃতিদের সকলেই নারীদের সঙ্গে অবাধ মেলামেশা, নারীদের সেবা শুশ্রূষা নেওয়া বা শিষ্যা হওয়ার অজুহাতে তাঁদের একান্তে ব্যবহার করা থেকে সম্পূর্ণভাবে বিরত থাকতেন।



জালাল উদ্দীন রুমী

প্রচার ও অপপ্রচারের এমনই মহিমা যে, এইসব মুসলিম মহামনীষীদেরকে ভারতের শত্রু, পঞ্চম বাহিনী বা গুপ্তচর প্রভৃতি অভিযোগে অভিযুক্ত করা হয়েছে। এই অভিযোগগুলো যে অসত্য, তার ঐতিহাসিক প্রমাণ দেওয়া হয়েছে 'চেপে রাখা ইতিহাসে'।

নানা জাতির এই ভারতে ঐ সমস্ত মুসলিম ঋষিদের পরলোকগমনের পরেও তাঁদের কবরস্তানগুলো হিন্দু-মুসলমান সম্প্রদায়ের মিলনক্ষেত্র হয়ে উঠেছিল এবং আজও তা অব্যাহত। উদাহরণ স্বরূপ বলা যায়, দিল্লির হযরত নিয়ামুদ্দিন আউলিয়া, আজমীরের হযরত মইনুদ্দিন চিশতী, মঙ্গলকোটের আব্দুল

হামিদ বাঙালী, বীরভূমের আব্দুল্লাহ কিরমানী, ঘুটিয়ারির শরীফ শাহ গাজী, হাডোয়ার আকবাস সাহেবদের কবরস্তানগুলো আজও প্রমাণ করছে যে, মুসলিম ভক্তের চেয়ে হিন্দু ভক্তের সংখ্যা অল্প নয়। তাঁরা সঙ্কীর্ণমনা বা সাম্প্রদায়িক হলে অন্য সম্প্রদায়ের মানুষরা তাঁদের শ্রদ্ধা না জানিয়ে মুখ ফিরিয়ে নিতেন নিঃসন্দেহে।

মুসলিম জাতির কোরআন ও হাদীস সম্বলিত ইসলাম ধর্মটি নিরপেক্ষ মনীষীদের মতে একটি বিজ্ঞানসম্মত, সার্বজনীন এবং আকর্ষণীয় ধর্ম। সেই জন্যই আজও পূর্ণ শিক্ষিত, পণ্ডিত, গবেষক ও চিন্তাবিদেরা ইসলাম ধর্ম গ্রহণ করেই চলেছেন।

সারা বিশ্বে সভ্যতা শক্তি ও সম্ভ্রতির চরম পর্যায়ে পৌঁছেছে আমেরিকা। সেই আমেরিকা যুক্তরাষ্ট্রের যারা ইসলাম ধর্ম গ্রহণ করেছেন বা করছেন তাঁরা নিঃসন্দেহে বিশ্বের বিস্ময়। যেমন বিখ্যাত বুদ্ধিজীবী মিঃ আলেকজান্ডার রাসেল ওয়েব (নতুন নাম মুহাম্মাদ), বিজ্ঞানী মিঃ নীল আর্মস্ট্রং, বিশ্ববিদ্যালয়ের অধ্যাপক মিঃ ব্রাংকিনশিপ (নতুন নাম খালিদ), বিখ্যাত চিকিৎসাবিদ মিঃ মেজ ডালীন প্রমুখ। বিখ্যাত মনোবিজ্ঞানী মিঃ জোরার্ড ইসলাম ধর্ম গ্রহণ করে নতুন নাম নিলেন ইব্রাহিম জোরার্ড।

আমেরিকার বিশ্ববিখ্যাত হেভিওয়েট বক্সিং চ্যাম্পিয়ন, বিংশ শতাব্দীর শ্রেষ্ঠতম ক্রীড়াবিদ মিঃ ক্যাসইয়াস ক্রে-র ইসলাম গ্রহণের পর নতুন নাম হয় মুহাম্মাদ আলী।

আর এক মুষ্টিযোদ্ধা চ্যাম্পিয়ন মাইক টাইসনও ইসলাম গ্রহণ করেন এবং নতুন নাম হয় আব্দুল আজিজ। উচ্চশিক্ষিত না হলেও ক্রীড়াঙ্গণে এঁরা বিশ্ববিখ্যাত ব্যক্তিত্ব।

মিঃ মালিকম এক্স-এর ইসলাম গ্রহণের পর নাম হয় মালিক আল-শাবায। আমেরিকার রাজনৈতিক নেতা মিঃ র্যাপরাউন ইসলাম গ্রহণ করে নতুন নাম নিলেন জামিল আব্দুল্লাহ আল-আমীন। প্রখ্যাত মার্কিন মহিলা ডাক্তার মিস মারিয়া ইসলাম ধর্ম গ্রহণ করেন। আমেরিকার সেনাবাহিনীর উচ্চপদস্থ কর্মকর্তা মিঃ মার্ক এন্টনিও ওটারস ইসলাম ধর্ম গ্রহণ করে নাম নিলেন আব্দুস সালাম আব্দুল্লাহ মুহাম্মাদ। ক্যালিফোর্নিয়ার ক্যাথলিক নান্ মিসেস ফিন মারিয়া মুসলমান হয়ে নাম নেন আমিনা মরিয়ম।



শাইখ সাাদী

মিশিগান ইউনিভার্সিটির ছাত্রী মিস সুরাইয়া

ইসলামে মহিলাদের অধিকারের কথা পড়ে মুসলমান হন ১৯৯০-এ। ঐ দেশের বিখ্যাত চিকিৎসক ডঃ ভ্যান কব মুসলমান হয়ে নাম নেন ডঃ য়ায়েদ ভ্যান কব। আমেরিকার মহাকাশ বিজ্ঞানী মিঃ জেমস অরউইনও ইসলাম গ্রহণ করেন। তিনি চাঁদে যান ১৯৭২ খৃষ্টাব্দে। বিখ্যাত খোলোয়াড় মিঃ ক্রিস জ্যাকসন ১৯৯১-এ মুসলমান হয়ে নাম গ্রহণ করেন মাহমুদ আব্দুর রউফ। টেক্সাসের মেয়র চার্লস এডওয়ার্ড জেনকিন্স মুসলমান হয়ে নাম নেন চার্লস মুসতাফা বিলাল। আমেরিকার জর্জ ওয়াশিংটন বিশ্ববিদ্যালয়ের নিউরো সার্জারি বিভাগের অধ্যাপক মুসলমান হন এবং নতুন নাম হয় ডক্টর আইউব খাঁন উমাইয়া। কলম্বিয়া বিশ্ববিদ্যালয়ের মিস এমিলি মুসলমান হয়ে নাম গ্রহণ করেন হাজেরা।

আমেরিকার মিঃ টমাস ক্রেটন মুসলমান হয়ে নাম নেন মুহাম্মাদ। ঐ দেশেরই মিঃ রোনাল্ড স্মোলিং ইসলাম গ্রহণের পর নাম নেন আসকিয়া মুহাম্মাদ তাওরী। মিঃ ট্যাভেটাসও মুসলমান হন এবং নাম হয় আব্দুর রশীদ।

নিউইয়র্ক পোস্ট অথরিটির যে মহিলা ইসলাম গ্রহণ করেন তাঁর নতুন নাম হয় সাদীয়া মুহাম্মাদ। আমেরিকার মিস ফিলিপও মুসলমান হন এবং নতুন নাম হয় হাদিয়া ফিলিপ।

সে দেশের আইডি লীগ ইউনিভার্সিটির বিখ্যাত মেধাবী ছাত্র ইসলাম গ্রহণ করে নাম নেন্ উমার ফারুক আব্দুল্লাহ।



আবু সিনা

টেক্সাসের অধিবাসী মিঃ ডাঙ্কে ইসলাম ধর্ম গ্রহণ করলে নাম হয় উসমান ডাঙ্কে। আমেরিকার সেনা বিভাগের উচ্চপদস্থ কর্মকর্তা মিঃ ডেভিড ফ্রীম্যান ইসলাম গ্রহণ করে নতুন নাম নেন্ দাউদ। ঐ দেশের সেনাবিভাগের আর একজন ইসলাম ধর্ম গ্রহণ করে নাম নেন ইদরীস খাঁন। সৈন্য বিভাগের আরও একজন মুসলমান হন, তাঁর নতুন নাম হয় আব্দুর রহমান।

এমনিভাবে ইংল্যান্ডের বিখ্যাত বুদ্ধিজীবী মিঃ রোনাল্ড রেসিক, মিস হেলমা রেসিক, এডওয়ার্ড আলকক, এসথার এম. গিল, মিসেস সুগরা আহমেদ, মিঃ লিওনার্ড কুক, লিউইস

অরভিস হাসান ইভান্স, পি. ই. সাইদ চিপারফিল্ড, অধ্যাপক হারুন মুসতাফা লিওন, প্রখ্যাত গ্রন্থকার উইলিয়াম বার্চেল পিকার্ড, স্যার জালালুদ্দিন লডার ব্রাউন, স্যার চার্লস এডওয়ার্ড আর্চিবল্ড হ্যামিলটন, অধ্যাপক ডঃ বারবারা নেলসন, লর্ড ওয়ার্সলে, অধ্যাপক ইয়াকুব জ্যাকি, ইঞ্জিনিয়ার ডেভিড মার্ক প্যাডকক্, শ্রমিক নেতা জন ট্রাসকাট, নারী আন্দোলনের অন্যতম নেত্রী বিদূষী মহিলা মিসেস সান্থা, ওকিং স্পিরিচুয়ালিস্ট চার্চের প্রেসিডেন্ট জর্জ এডওয়ার্ড ফাউলার, মিঃ জে. ডব্লিউ লাভগ্ৰোভ, মিঃ উইলিয়াম ওয়ান্টার, লন্ডনের মুসলিম মহিলা সমিতির নেত্রী মিসেস আয়েশা জান, মিস ব্রিডা কনভয়, মিঃ রশীদ শার্প, মিসেস মেভিস জলি, মিঃ জন ফিশার, মিঃ উসমান ওয়াটকিন্স, মিঃ আব্দুল্লাহ কার্ডেল রায়ান, মিসেস বুকনান হ্যামিলটন, মিসেস আমিনা, মিসেস জে. ফ্লিশার নাসিম, বিখ্যাত গায়ক মিঃ ক্যাটস স্টিভেন্স, বিজ্ঞানী ডঃ আর্থার এলিসন, মিঃ ডেরেক হাওয়ার্ড স্মিথ এবং তাঁর স্ত্রী, কর্নেল আলবার্ট রেমস, লর্ড হেডলি স্যার রোনাল্ড জর্জ এলানসন, বৃটিশ সেনানায়ক মেজর আব্দুল্লাহ বাটারসবে, বৃটিশ নৌবাহিনীর নেতা এইচ. এফ. ফেলোস, লেফটেন্যান্ট কর্নেল আব্দুল্লাহ বেইনস হিউইট, মিঃ জামিল প্রান্ট, ব্যাঙ্ক অব ইংল্যান্ডের অফিসার উচ্চশিক্ষিত মিঃ ইসমাইল ডি ইয়র্ক, মিঃ বি. ডেভিস, বিখ্যাত বৃটিশ লেখক মিঃ এ. কীন, বুদ্ধিজীবী মিঃ ডেভিড কাওয়ান, ইংলিশ মুসলিম মিশনের সভাপতি জন ওয়েবস্টার, মিসেস জেমিমা গোল্ডস্মিথ, মিঃ আহমাদ সেইগ এবং তাঁর স্ত্রী মিসেস

আসমা সেইগ, মিঃ হাসান জি. ইয়াটন, মিঃ ইবরাহীম হিউয়েট, মিঃ এ. রশীদ ফিনার, মিঃ আহমাদ বুলক, মিঃ হুসেন রফি, মিসেস যয়নাব সেবাই, ক্যাথলিক নেত্রী মিসেস বুশরা, মিসেস সিলভিয়া সালমা কোহেন, লেডি ইভেলিন কোবলড, মিসেস বাশীরা ওয়েন, মিসেস রহিমা গ্রিফিথ, মিসেস আলিয়া হাইরি, মিসেস প্যাট্রিসিয়া প্যারী, মিঃ আব্দুল্লাহ মেইনার্ড, মিঃ পি. রবিনসন প্রমুখ সকলেই গ্রেট ব্রিটেনের সাহেব মেমের দল যাঁরা স্বেচ্ছায় গ্রহণ করেছিলেন ইসলাম ধর্ম।

ফ্রান্সের সেনাবাহিনীর অধিনায়ক অধ্যাপক হেনরী স্প্রাগ, বিশ্বজয়ী বীর নেপোলিয়ন বোনাপার্ট, বিজ্ঞানী ডঃ মরিস বুকহিলি, বিখ্যাত বুদ্ধিজীবী কডকিভিচ, দার্শনিক অধ্যাপক ইভা দ্য ভিদ্দে মেয়েরোভিন, প্রফেসর এস. হারগ্রোভ, ক্যাথলিক পাদ্রী মাইকেল লেলং— এঁরা সকলেই ফ্রান্সের বাছাইকরা ইতিহাস প্রসিদ্ধ মানুষ, যাঁরা বিচার বিশ্লেষণ করে গ্রহণ করেছিলেন ইসলাম ধর্ম।



ফিরদৌসী

আব্দুর রহমান রসলার, মিসেস আনা, প্রখ্যাত কূটনীতিবিদ মহম্মদ আমান হবম, বিজ্ঞানী ও গ্রন্থকার ডক্টর হামিদ মার্কাস, মিসেস মসলার, মিসেস এ্যানলিস উইলডেন, রাষ্ট্রদূত ডক্টর আলফ্রেড হফম্যান— এঁরা সকলেই জার্মানির স্বনামধন্য ব্যক্তি যাঁরা ইসলাম ধর্মে দীক্ষা নিয়েছেন সানন্দে।

চীনের চেম্বার অব কমার্সের সদস্য মিঃ এন. এম. বি. রিবওয়ান, সে দেশের বিখ্যাত পত্রিকা নান ইয়াং সিয়াং পো-র সাংবাদিক মিঃ আদনান সেং, জোহো-র বিখ্যাত মিডল স্কুলের অধ্যক্ষ এবং চেম্বার অব কমার্সের প্রতিষ্ঠাতা মিঃ লুকমান ইয়াংটক, কেদাত-এর বিশাল শিক্ষায়তনের প্রিন্সিপ্যাল মিঃ রাফিয়ান চাও, প্রখ্যাত ব্যবসায়ী মিঃ ফারুক চিয়াহ, মিস মিনিরা চো, শিক্ষাবিদ জালালুদ্দিন হো— এরকম অনেক চীনবাসী মুসলমান হয়েছেন এবং আজও হচ্ছেন সাগ্রহে।

সাংবাদিক মিতসুতারো ইয়ামাওকা, বুমপাচিরো অ্যারিজা, কূটনীতিবিদ কোতাকা কান্দো, মন্ত্রী জোশিরো কুমিয়ানা, বিখ্যাত চিকিৎসক ডঃ শাওকী ফুতায়ী, ডাঃ হিরু ফুজিমা সু, সুলাইমান তাকিউচি, আব্দুল্লাহ উমুরা প্রমুখ জাপানের মনীষীবৃন্দ ইসলাম গ্রহণ করেছেন স্বেচ্ছায়।

প্রখ্যাত বুদ্ধিজীবী মিঃ জোহানেস এনথনিয়াস হিহটজ, মিঃ ফেডারিক ফার্দিনান্দ ক্লোভিনিয়ার্স, বিজ্ঞানী অধ্যাপক আর. এল. মেলামা, জে. এল. সি. বীটেম, মিঃ ওভারিং

এবং ফাইসাল ডব্লিউ ওয়াগনার হলেন হল্যান্ডের বিখ্যাত সব ব্যক্তি। তাঁরা ইসলাম ধর্ম গ্রহণ করেছেন স্বেচ্ছাপ্রণোদিত হয়েই।

ফিলিপাইনের অধ্যাপক হুসা ম্যাকলালেদ, খৃষ্টান ধর্ম প্রচারক সালেহ আল সুলাইমান, ডঃ দীলু সানটোস, মিঃ আসারি ট্রো, ফয়সল পল, মিসেস মারিয়াম লোপস এবং মিসেস গ্লোরিয়া মুসলমান হয়েছেন সানন্দে।

এমনিভাবে অস্ট্রেলিয়ার মিঃ ডেনিসন এমিল ওয়ারিংটন-ফ্রাই, মিসেস সিসিলিয়া কেনোলি, বুদ্ধিজীবী মিঃ স্টুয়ার্ট এবং মিসেস হালিমা শোয়ার্ট ইসলাম ধর্মকে ভালবেসে গ্রহণ করেছেন।



সাইদ চিপারফিল্ড

সুইডেনের মিঃ গানার এরিকসন এবং মিঃ মুহাম্মাদ কুনুতও ইসলাম গ্রহণ করেন স্বেচ্ছায়।

সুইজারল্যান্ডের মিসেস ডি. বোয়েরকি মুসলমান হলে নাম হয় যায়নাব। হাঙ্গেরীর অধ্যাপক ডক্টর জুলিয়াস জার্মানাস, আর্জেন্টিনার খৃষ্টান প্রেসিডেন্ট-পুত্র কার্লোস মুনেম, আয়ার্ল্যান্ডের মিসেস এলিজাবেথ সাফারন, জয়েস ইয়াসমিন স্কট এবং থাইল্যান্ডের শ্রেং তামসীও ইসলাম ধর্ম গ্রহণ করেন বিনা প্ররোচনায়।

ইতালির প্রখ্যাত আইনবিদ মিসেস রবার্টা তিন বছর ধরে অনেক ধর্মগ্রন্থ পড়ে তুলনা করে চূড়ান্ত সিদ্ধান্ত নিয়েছিলেন ইসলাম গ্রহণ করার। তারপর লন্ডনের ইসলামী সেন্টারে স্বয়ং এসে ইসলাম গ্রহণ করেন ঐ মহিলা।

পোল্যান্ডের উইসল জেজরস্কি ইসলাম গ্রহণ করে ইসমাঈল নাম গ্রহণ করেন।

রাশিয়ার মিঃ নিকোলাই ও মিঃ ভ্যালেন্টিন চোদ্দ বছর ধরে রুশ সেনা অফিসার হিসাবে শত্রুদের উপর অত্যাচার অনাচার ও পীড়ন করার পর পরিবর্তন আসে তাঁদের মনে। প্রথম জনের ইসলামী নাম হয় নসরতউল্লাহ আর দ্বিতীয়জনের নাম হয় হেদায়েতউল্লাহ।

রাশিয়ার শিক্ষিত যুবতী সডেলি কোভালেঙ্কো নানা ধর্মের উপর পড়াশোনা ও গবেষণা



আলেকজাগার রাসেল ওয়েব



এভওয়ার্ড আলকক



ডেরেক হাওয়ার্ড স্মিথ
এবং তাঁর স্ত্রী



লিউইস অরভিস হাসান ইভাল

করে চূড়ান্ত সিদ্ধান্ত নেন ইসলাম গ্রহণ করার। আর নিজের জন্য ইসলামী নাম পছন্দ করলেন ফাতিমা।



আবুল হাসান আলী নদভী

পড়ে অনেকেই ইসলাম গ্রহণ করেছেন। মাওলানা সাইয়েদ আবুল হাসান আলী নদভীর বইও পৃথিবীর বহু উচ্চশিক্ষিত মানুষকে প্রভাবিত করেছে এবং অনেক চিন্তাভাবনার পর তাঁরাও গ্রহণ করেছেন ইসলাম ধর্ম।

বাংলাদেশের ঢাকার আশুপ্রকাশ দাশগুপ্ত ইসলাম গ্রহণ করে নাম নিয়েছেন সিরাজুল ইসলাম। অধ্যাপক মাখনলাল ধর হিন্দুধর্ম থেকে খৃষ্টান ধর্মে আসেন। পরে চূড়ান্ত সিদ্ধান্ত নেন ইসলাম ধর্ম গ্রহণ করার। বাড়ী ফরিদপুর। নতুন নাম হয় নুরুদ্দিন আলমগীর। তাছাড়া চট্টগ্রামের শ্রী প্রতাপ চন্দ্র সেন, পাবনা জেলার সন্ন্যাসী শ্রী মাধুশাহ, সুনামগঞ্জের শ্রী কৃষ্ণ দাস, শ্রী রমেশচন্দ্র, ফরিদপুরের বিখ্যাত গ্রন্থকার শ্রী সুদর্শন ভট্টাচার্য, শ্রী সুরেন্দ্রনাথ রায়, শ্রী মানবেন্দ্র রায় প্রমুখ ইসলাম গ্রহণ করেন স্বেচ্ছাপ্রণোদিত হয়ে এবং প্রত্যেকেই নেন নতুন ইসলামী নাম।

পাকিস্তানের রাওয়ালপিন্ডির অধিবাসী খৃষ্টান মিঃ জেমস মাইকেল আহমাদ নাম নিয়ে মুসলমান হয়েছেন স্বেচ্ছায়। লাহোরের জৈন ধর্মাবলম্বী বিখ্যাত ব্যারিস্টার লোসা সাগর চাঁদ জৈন (বার-এট-ল, লন্ডন) ইসলাম গ্রহণ করার পর নাম নেন মহম্মদ আমিন।

ভারতের ডক্টর শিবশক্তি স্বরূপজী মহারাজ উদাসেনের ইসলামধর্ম গ্রহণ করে ইসলামুল হক নাম গ্রহণ করা এক আশ্চর্যজনক ঘটনা। তিনি ইলাহাবাদ বিশ্ববিদ্যালয় থেকে এম. এ. ডিগ্রি নিয়ে লন্ডনের অক্সফোর্ড বিশ্ববিদ্যালয়ে আট বছর ধরে গবেষণা

মিঃ আলকভ ফেরি একজন নাস্তিক। সৈয়দ আবুল আ'লা মওদুদীর লেখা সুদ বিষয়ক মূল্যবান তত্ত্বপূর্ণ বইটি পড়ে ইসলাম ধর্মের প্রতি আকৃষ্ট হন। সেই সময় ইউক্রেনীয় ভাষায় কোরআন চর্চা নিষিদ্ধ ছিল। কিন্তু মুসলিম লেখকদের বই পড়া নিষিদ্ধ ছিল না। সুতরাং বিভিন্ন লেখকের নানা বইয়ের মধ্যে কোরআনের অনেকখানি তিনি পেয়ে যান আর মুগ্ধ হয়ে যান ঐ নতুন প্রাপ্তিতে। তাঁর আগ্রহ বেড়ে যায় এবং ইসলাম গ্রহণ করে নতুন নাম নেন উবাইদুল্লাহ।

কোরআন এবং হাদীসকে অবলম্বন করে ইসলাম ধর্ম সম্বন্ধে বিজ্ঞানসম্মত আলোচনা

করেছেন। মাওলানা সাইয়েদ আবুল হাসান আলী নদভীর বইও পৃথিবীর বহু উচ্চশিক্ষিত মানুষকে প্রভাবিত করেছে এবং অনেক চিন্তাভাবনার পর তাঁরাও গ্রহণ করেছেন ইসলাম ধর্ম।

বাংলাদেশের ঢাকার আশুপ্রকাশ দাশগুপ্ত ইসলাম গ্রহণ করে নাম নিয়েছেন সিরাজুল ইসলাম। অধ্যাপক মাখনলাল ধর হিন্দুধর্ম থেকে খৃষ্টান ধর্মে আসেন। পরে চূড়ান্ত সিদ্ধান্ত নেন ইসলাম ধর্ম গ্রহণ করার। বাড়ী ফরিদপুর। নতুন নাম হয় নুরুদ্দিন আলমগীর। তাছাড়া চট্টগ্রামের শ্রী প্রতাপ চন্দ্র সেন, পাবনা জেলার সন্ন্যাসী শ্রী মাধুশাহ, সুনামগঞ্জের শ্রী কৃষ্ণ দাস, শ্রী রমেশচন্দ্র, ফরিদপুরের বিখ্যাত গ্রন্থকার শ্রী সুদর্শন ভট্টাচার্য, শ্রী সুরেন্দ্রনাথ রায়, শ্রী মানবেন্দ্র রায় প্রমুখ ইসলাম গ্রহণ করেন স্বেচ্ছাপ্রণোদিত হয়ে এবং প্রত্যেকেই নেন নতুন ইসলামী নাম।

পাকিস্তানের রাওয়ালপিন্ডির অধিবাসী খৃষ্টান মিঃ জেমস মাইকেল আহমাদ নাম নিয়ে মুসলমান হয়েছেন স্বেচ্ছায়। লাহোরের জৈন ধর্মাবলম্বী বিখ্যাত ব্যারিস্টার লোসা সাগর চাঁদ জৈন (বার-এট-ল, লন্ডন) ইসলাম গ্রহণ করার পর নাম নেন মহম্মদ আমিন।

ভারতের ডক্টর শিবশক্তি স্বরূপজী মহারাজ উদাসেনের ইসলামধর্ম গ্রহণ করে ইসলামুল হক নাম গ্রহণ করা এক আশ্চর্যজনক ঘটনা। তিনি ইলাহাবাদ বিশ্ববিদ্যালয় থেকে এম. এ. ডিগ্রি নিয়ে লন্ডনের অক্সফোর্ড বিশ্ববিদ্যালয়ে আট বছর ধরে গবেষণা

করে পৃথিবীর দশটি বিখ্যাত ধর্মের তুলনামূলক রিসার্চ করে পি-এইচ. ডি. করার পর দেশে ফিরে এসে হিন্দু ধর্মের পণ্ডিতদের কাছ থেকে 'ধর্মাচার্য' উপাধি লাভ করেন। প্রয়াত আচার্য বিনোবা ভাবে তাঁকে জিজ্ঞাসা করেছিলেন, "আপনার মতে মানুষের জন্য কোন ধর্ম শ্রেষ্ঠ বলে মনে করেন?" উত্তরে ডঃ শিবশক্তি বলেন, "আমি জবাবে বলেছিলাম ইসলাম। আমার জবাবে দাদা খুশি হননি।" ডক্টর শিবশক্তি ছিলেন যেমন বিশ্বহিন্দু পরিষদের একজন প্রথম শ্রেণীর নেতৃপুরুষ, তেমনি সমসাময়িক কালের জগদগুরু শঙ্করাচার্য, রামগোপাল শালওয়লা, পুরীর মহামন্ডলেশ্বর স্বামী, গুরু গোলওয়ালকর, বাবাসাহেব, দেশমুখ বালঠাকুর, অটলবিহারী বাজপেয়ী এবং আচার্য বিনোবা ভাবের সঙ্গে ছিল তাঁর অত্যন্ত নিকট সম্পর্ক। তাঁকে প্রশংসা করেছিল, বিপুল অর্থের সম্পদ সম্পত্তি ও ভারতের বৃহত্তম হিন্দু সমাজের পাওয়া সম্মান ও মর্যাদা ত্যাগ করে "বর্তমানে আপনি কিভাবে জীবিকা



লে. কর্নেল আব্দুল্লাহ হিউইট

নির্বাহ করছেন? তিনি উত্তর দিয়েছেন ইসলামের এই মহান উপহারের বদলে আমি সমগ্র বিশ্বের রাজত্বও ত্যাগ করতে দ্বিধা ও কুণ্ঠাবোধ করতাম না। ইসলাম গ্রহণের মাধ্যমে যে তৃপ্তি আমি পেয়েছি, সাত রাজ্যের ধনসম্পদ লাভ করেও তা পাওয়া সম্ভব নয়।" [আবুল বাশার : কেন মুসলমান হলাম, দ্বিতীয় খন্ড, পৃ. ১৪-১৫, ১৯৯৯]

ভারতের প্রথম শ্রেণীর সাংবাদিক, লেখিকা এবং স্বীকৃতি পাওয়া ইংরেজি ভাষার কবি, সেই সঙ্গে নোবেল প্রাইজ পাওয়ার তালিকায় কয়েকবার নমিনেশনপ্রাপ্ত শ্রীমতী মাধবী কুটি, যিনি কমলা দাশ বলে পরিচিত, ১৯৯৯-এর ২৩শে ডিসেম্বর তিরুবনন্তপুরমের পালয়ম



ডেনিসন ওরিংটন ফ্রাই

মসজিদে অনুষ্ঠান করে ইসলাম ধর্ম গ্রহণ করলেন। এ ব্যাপারে বিশ্ব হিন্দু পরিষদের রাজ্য সভাপতি কুস্মনন্ রাজ শেখরনের বক্তব্য, “মাধবী তো কচি খুকি নন্। হিন্দু ধর্ম ছাড়া এবং ফিরে আসার স্বাধীনতা তাঁর আছে।”



ডেভিড কাওয়ান

কথাটা সঙ্ঘ পরিবারের নেতাদের মুখে কিষ্টিং বেমানান। কারণ গরিব দলিতদের এই স্বাধীনতা দিতে তাঁরা নারাজ বলেই লোকের বিশ্বাস।

শনিবার সন্ধ্যায় এক আলোচনা সভার উদ্বোধনী ভাষণে মাধবী কুট্টি সবাইকে হতবাক করে দিয়ে ঘোষণা করলেন, আমি ইসলাম ধর্ম গ্রহণ করে সুরাইয়া হয়েছি।” [দ্রষ্টব্য আনন্দবাজার পত্রিকা, ১৩ই ডিসেম্বর, ১৯৯৯, পৃ. ৫]

মাধবী কুট্টি বা কমলা দাশ প্রকাশ্যে মুসলমান হওয়ার পূর্বেই ইসলাম ধর্মকে অন্তরে স্থান দিয়েছিলেন এবং দিনে রাতে পাঁচবার নামাজ পড়তেও অভ্যস্ত হয়ে গিয়েছিলেন।

পোষাক পরচ্ছদেও ইসলামী সভ্যতায় মুড়ে গিয়েছিলেন তিনি। অবাধ হওয়া মানুষদের প্রশ্নের উত্তরে তিনি বলেছিলেন, “অতিমাত্রায় স্বাধীনতা ভোগে, বমি করে ক্লাস্ত আমি, এখন আল্লাহর গোলাম হয়ে শান্তি পেয়েছি। এর্নাকুলামে কড়াভন্না পাড়ায় একতলা বাড়ির ফটকে লাগানো নেমপ্লেটে এখন লেখা কমলা সুরাইয়া, কমলা দাশ লেখা প্রেট তুলে ফেলা হয়েছে।”

প্রথমে পড়ে যাঁরা ইসলাম ধর্ম গ্রহণ করেন সেগুলো লিখলে ফিরিস্তি খুব লম্বা হয়ে যাবে। যেমন ব্রাহ্মণ কন্যা চিত্রতারকা শর্মিলা ঠাকুরের ক্রিকেটার পতৌদির নবাব মনসুরের সঙ্গে বিবাহ। সঙ্গীত পরিচালক শেখরের পুত্র দিল্লীপের মুসলমান হয়ে এ. আর. রহমান নাম নেওয়ার মতো ঘটনাও অনস্বীকার্য। [উদ্ধৃতি ও তথ্য আনন্দবাজার পত্রিকা, ২১ ডিসেম্বর, ১৯৯৯, বিক্রমণ নায়ারের প্রতিবেদন দ্রষ্টব্য]

ভারতের জলন্ধরের পুরুষোত্তম লাল চোপড়া সারা জীবন ধরে পারিবারিক বাধা বিপত্তি ঘাত প্রতিঘাত, সমাজের চোখরাঙানি উপেক্ষা এবং বিশাল ধনসম্পত্তির মমতা প্রত্যাখ্যান করে ইসলাম ধর্ম গ্রহণ করে নতুন নাম নিয়েছেন আব্দুল আজিজ খান জলন্ধরী। তারপর নিজের জীবনীটি লিখেছেন উর্দু ভাষায়। নাম দিয়েছেন ‘আন্ধেরে সে রোশনী কি তরফ’ অর্থাৎ অন্ধকার থেকে আলোর দিকে। তিনিও একজন পণ্ডিত মানুষ।

ছিটেফোঁটা এইসব উদাহরণগুলোই সব নয়। দলে দলে পৈতৃক ধর্ম পরিত্যাগ করে ইসলাম ধর্ম গ্রহণ করার দৃষ্টান্ত বিরল নয়। যেমন মাত্র কয়েকবছর পূর্বে তামিলনাড়ুর মীনাক্ষীপুরমে একসঙ্গে কমবেশি দশ হাজার দলিত মানুষ ইসলাম ধর্ম গ্রহণ করেন। সরকারি বেসরকারি বহু শাসানি, আতঙ্ক, প্রতিশ্রুতি ও প্রলোভন উপেক্ষা করেও তাঁরা ইসলাম ধর্ম গ্রহণ করে মাথা উঁচু করে দাঁড়িয়ে রয়েছেন তাঁদের স্বাতন্ত্র্য ও গৌরব নিয়ে ‘রহমতনগর’ সৃষ্টি করে।



আহমাদ সেইগ

জার্মানীর মতো শিক্ষিত ও উন্নত দেশে কেন ধর্মে নারীর কতটুকু অধিকার এবং অনধিকার এই নিয়ে দলবদ্ধভাবে সেখানকার সচেতন মহিলারা সিদ্ধান্ত গ্রহণ করলেন যে, ইসলাম ধর্ম পরিপূর্ণ ও শ্রেষ্ঠতম ধর্ম। তাই দশ হাজার উল্লেখযোগ্য বিদ্যুী মহিলা, কুমারী বিধবা ও সধবা, সগৌরবে ইসলাম ধর্ম গ্রহণ করেছেন। ইসলাম ধর্ম একটি স্বয়ংসম্পন্ন বিজ্ঞানসম্মত চলমান ধর্ম। এটা জানার পর শিক্ষা,

চেতনা এবং সাহস এই তিনটি থাকলেই সমস্ত বাধা বিপত্তি অগ্রাহ্য করে ইসলাম গ্রহণ করা সম্ভব। আর এগুলোর অভাব থাকলে তা মোটেই সম্ভব নয়। প্রমাণে বলা যেতে পারে যে, মায়ানমার বা বর্মায় মুসলমানদের উপর প্রচণ্ড অত্যাচার করা হয়েছে এবং এখনো হচ্ছে। অত্যাচারের চাপে দলে দলে মুসলমানেরা পালিয়ে গেছেন তাঁদের ভিটেমাটি ছেড়ে। এই অবস্থাতেও বিচারপতি রাউমলিং ইসলাম ধর্ম প্রচারে আত্মনিয়োগ করেছেন। তিনশে খৃষ্ট ধর্মাবলম্বী মুসলমান হয়েছেন তাঁর হাতে।

বিশ্বজুড়ে খৃষ্টান ধর্মের প্রচার সংস্থাগুলো বিজ্ঞানসম্মতভাবে সক্রিয় ও পরিপুষ্ট। সাইবেরিয়ায় মুসলমানদের খৃষ্টান করার জন্য



আসমা সেইগ



সিলভিয়া সালমা কোহেন



মেজর আব্দুল্লাহ বেটারস্বে

এলিভা বেথ সাফারন এবং
ভয়েস ইয়াসমিন স্কট

ইসমাইল ডি ইয়র্ক

অত্যাধুনিক প্রশিক্ষণ দিয়ে ৬৪৫৩ জন পাদ্রী বা ধর্মযাজককে পাঠানো হয়। ঐ পাদ্রীগণ প্রথমে তাদের ভাষা শিখতে গিয়ে তাদের সাহিত্য এবং হজরত মুহাম্মদ (স) ও তাঁর সঙ্গীদের জীবনী জানতে বাধ্য হন। তখনই নিজেদের মধ্যে তাঁরা আলোচনা করে অনেকেই ইসলাম ধর্ম শ্রেষ্ঠ মনে করে তা গ্রহণ করার কথা বলেন। কয়েকশো গোঁড়া পাদ্রী বাদ দিয়ে বাকী নিরপেক্ষ বিচারশীল পাদ্রীদের কমবেশি ছ'হাজার পাদ্রী গ্রহণ করেন ইসলাম ধর্ম।

এই প্রসঙ্গে দু-একটি মুসলিম দেশের নাম যদিও করা হোল আরও পঞ্চাশটিরও বেশি যেসব মুসলিম দেশ আছে সে দেশের খৃষ্টান বা অমুসলিমদের ব্যাপকভাবে মুসলমান হবার সংবাদ এজন্যই দেওয়া হচ্ছে না যে, অনেকে মনে করতে পারেন অর্থের লোভে অথবা সরকারি কোন চাপেই হয়তো তাঁরা ধর্মান্তরিত।

বহুল প্রচারিত সাপ্তাহিক বর্তমান পত্রিকায় ১৯৯৯-এর ২৩শে জানুয়ারি আলোলিকা



বিডা কনভয়

মুখোপাধ্যায়ের "আমেরিকায় ইসলাম ধর্ম" শিরোনামের গবেষণাপূর্ণ লেখাটি বেশ তাৎপর্যপূর্ণ। তিনি লিখেছেন, "মাসাচুসেট্‌স থেকে ক্যালিফোর্নিয়া, আমেরিকার যে প্রান্তেই যাওয়া যাক, কোনও না কোনও শহরে একটি মসজিদ চোখে পড়বে। হয় পুরনো গির্জার নবকলেবর, নয়তো জমি কিনে তৈরি করা নতুন মসজিদ। ... আমেরিকায় ইসলামধর্মের নিঃশব্দ প্রচার ও ধীর প্রসার ক্রমশই লক্ষ্য করা যাচ্ছে। এ দেশের প্রায় ছ'মিলিয়নের (৬০ লক্ষ) কাছাকাছি মুসলমান আছেন। খ্রিস্টান ধর্মের বিভিন্ন শাখা, অর্থাৎ প্রেসবিটেরিয়ানস, এপিসকোপ্যালস এবং মর্মোনসদের চেয়ে মুসলমানদের সংখ্যা ভারী। কোয়েকাম

ইউনিটেভিয়ানস, সেভেনথডে-এভেনটিস্টস, মেনোনাইটস, জিহোভাস, উইটনেসেস-এর মতো ক্রিশ্চান সম্প্রদায়কেও আলাদাভাবে ধরলে তারা মুসলমানদের তুলনায় সংখ্যালঘু। ইহুদীরা হচ্ছেন—এদেশে ধর্মের ভিত্তিতে দ্বিতীয় সংখ্যাগুরু দল। সব শাখা মিলিয়ে ক্রিশ্চানরাই সংখ্যায় সবচেয়ে বেশি। আর তার পরেই ইহুদি সম্প্রদায়। ইদানীং শোনা যাচ্ছে, ইসলাম ক্রমশ তার কাছাকাছি পৌঁছতে চলেছে। ... ইদানীং ফ্রান্স, জার্মানী এবং অন্যান্য ইউরোপীয় দেশেও মুসলমানদের সংখ্যা অনেক বেড়ে গেছে। সেখানেও যে প্রশ্নটি মাথা তুলেছে আমেরিকাতেও তার উত্তর খোঁজার সময় এসেছে। ... ইসলামধর্মের সাম্যের বাণীই আমেরিকার বহু মানুষকে ধর্মান্তর গ্রহণে উদ্বুদ্ধ করেছে। বিশেষ করে নিম্নবিত্ত ও মধ্যবিত্ত শ্রেণীকে। শ্বেতাঙ্গ সমাজে মধ্যবিত্তদের মধ্যে থেকে আশি হাজারেরও বেশি লোক ইসলাম ধর্ম গ্রহণ করেছেন। এরা পশ্চিম ইউরোপীয় বংশধারার সন্তান।”



নেপোলিয়ন বোনাপার্ট

সিস্টার মেরি ফ্রেন্সিস ক্যাথলিক সন্ন্যাসিনী কোরআন পড়ে ধর্মান্তরিত হয়ে মুসলমান হলেন। তিনি “ক্রমশ ইসলাম ধর্মের প্রতি আকর্ষণবোধ করলেন এবং ধর্মান্তরিত হলেন নতুন নাম হোল মরিয়ম আগা। এখন তাঁর তিপাল্ল বছর বয়স। ইসলামের বাণী তাঁকে নতুন পথের সন্ধান দিয়েছে।”

“ক্যালিফোর্নিয়ার এক সময়কার কংগ্রেসম্যান জিম বেটসের ইসলাম গ্রহণ আরও ঘটনাবল। ... তারপর জীবনে নানা ঝড়ঝাপটা এল। পঞ্চাশ বছরে তাঁকে নতুন করে চিন্তা করতে হল কোন্ পথে গেলে তিনি মনে শান্তি পাবেন। জীবনে এমন সত্য কী আছে যা কখনো পরিবর্তন হয় না, বঞ্চনা করে



প্রফেসর হারগোঞ্জ

না? এই সংকটের মুহূর্তে তাঁকে পাকিস্তানি আমেরিকান বন্ধুরা সাহায্য করেন। ... পাকিস্তানি আমেরিকানরা জিমকে কোরআনের বাণী শোনান। তাঁদের ধর্মবিশ্বাসে অনুপ্রাণিত হয়ে জিম ইসলামধর্ম গ্রহণ করেন। ... আমেরিকান সমাজে মুসলমান ধর্মনেতা বলতে লুই ফারাখানকে সবাই এককথায় চেনেন।”

তাঁর তৈরি ‘নেশন অফ ইসলামে’র শিষ্য হয়ে রয়েছেন পঞ্চাশ হাজারের মতো মানুষ। “যেমন গত বছর ওয়াশিংটনে ‘মিলিয়ন ম্যান মার্চ’ অসংখ্য কালো মানুষ তাঁর বক্তৃতা শুনতে এলেন। কিন্তু কয়েকজন মাত্র ধর্মান্তরিত হলেন। ... নিউইয়র্কে গত বছর জানুয়ারি মাসে একটি পার্কে বিরাট ‘ইদ উৎসব’ হল। প্রায় পনরো হাজার লোক হয়েছিল। প্রার্থনার সময় ইমাম ইংরেজিতে বাণী দিলেন। নয়তো অধিকাংশ লোকেই বুঝবেন না।”



আব্দুর রহমান রসলার

আশ্চর্যের কথা এটাই যে, পার্থিব কোন লাভের আশায় শুধু কলেমা বা মন্ত্র পড়ে



ডঃ হামিদ মার্কাস

দীক্ষা নেবার ভন্ডামি নয় বরং শ্বেতাঙ্গ-শ্বেতাঙ্গিনীদের পুরুষদের দাড়ি, মেমসাহেবদের মাথা ঢাকা দিয়ে জীবনের গতি পুরোপুরি ঘুরিয়ে দিয়ে চলা খুবই তাৎপর্যপূর্ণ। আলোলিকা মুখোপাধ্যায় আরও লিখেছেন, “সাদা চাদরে মাথা ঢেকে সুন্দরী মা আসছেন ছেলেমেয়ের হাত ধরে। দাড়িওলা ফর্সা যুবক ছোট ছোট ছেলেমেয়েদের ‘মেরি গো রাউন্ড’ বসাচ্ছে। হাতি, ঘোড়া, উট আর সিংহের পিঠে চড়ে বনবন করে ঘুরছে সাদা কালো, মধ্যপ্রাচ্য ও দক্ষিণ এশিয়ার অভিবাসী সন্তান। ধর্মে মুসলমান, জাতিতে আমেরিকান। মার্কিন জনসংখ্যার তৃতীয় বৃহত্তর অংশ।”

এই প্রতিবেদনটি ১৯৯৯-এর জানুয়ারি মাসে প্রকাশিত। ইসলাম ধর্মের প্রতি আকর্ষণ, সেই সঙ্গে ইসলাম ধর্মকে বরণ করার গতি আশ্চর্যজনকভাবে চলমান। এর প্রমাণে বলা যায় যে, দু'বছর আগে ১৯৯৭ সালের ২৬ জানুয়ারি রবিবার সংবাদ প্রতিদিনে আমেরিকার চিঠি কলামে ওয়াশিংটন থেকে পাঠানো পূর্বী চক্রবর্তীর প্রতিবেদনটিও এই লেখার সঙ্গে সংযুক্ত রাখা। তিনি লিখেছেন: “দ্রুত বাড়ছে ওয়াশিংটন এলাকায় মুসলমান ধর্মাবলম্বীদের সংখ্যা। কেবল ওয়াশিংটন নয়, সারা আমেরিকার ক্ষেত্রেও একই কথা প্রযোজ্য। আর বাড়ছে মুসলমানদের মধ্যে ধর্ম সম্বন্ধে সচেতনতা। এই সচেতনতা কেবল বয়স্কদের মধ্যে নয়, বাড়ছে কলেজ তো বটেই, স্কুলের ছাত্রছাত্রীদের মধ্যেও। লক্ষ্য করার বিষয় হচ্ছে, এলাকার স্কুলগুলোর মুসলমান ছাত্রছাত্রীরা দলগতভাবে তৈরি করছে ‘ইসলামিক ক্লাব’ সেখানে তারা নিজেদের ধর্ম বিষয়ে আলোচনা করতে পারবে এবং অমুসলমান ছাত্রছাত্রীদের



জালালউদ্দিন হো


মুসলমান ধর্ম সম্বন্ধে প্রভাবিত করতে পারবে। ... বিভিন্ন স্কুলে স্কুলে এই দলগুলির অস্তিত্ব ওয়াশিংটন এলাকার মুসলমান জনসংখ্যা বৃদ্ধির দিকে দৃষ্টিপাত করায়। ১৯৮০ সালে আমি যখন ওয়াশিংটন আসি তখন এখানে মসজিদের সংখ্যা ছিল মাত্র দুটি। আর এখন মসজিদের সংখ্যা ১৪টি এবং আরও তৈরি হচ্ছে।” লেখিকা পূর্বী চক্রবর্তী স্বামী বিবেকানন্দের উক্তি উল্লেখ করে লিখেছেন, “বিবেকানন্দ লিখেছেন, অন্ধকারে বিশ্বাস করা অন্যায্য, নিজের যুক্তি ও বিচার খাটাইতে হইবে, সাধন করিয়া দেখিতে হইবে শাস্ত্রে যাহা আছে তাহা সত্য কি না। ধর্ম যাহা কিছু বলে সবই যুক্তির



ফাইয়াজ ওয়াগনার

কষ্টিপাথরে ফেলিয়া পরীক্ষা করা আবশ্যিক।” [সংবাদ প্রতিদিন, ২৬.১. ১৯৯৭, পৃ. ৫]

তাহলে বলা যেতে পারে, আমেরিকার মতো উন্নত দেশের বিজ্ঞান ও যুক্তিমনস্ক মানুষেরা সেইজন্যই কি তুলনামূলক বিচার বিশ্লেষণ করে ইসলাম ধর্মকে বরণ করছেন?



ফারুক চিয়াহ, এন. এম. বি. রিখওয়ান, মিস মিনিরা চো, লুকমান ইয়াংটক, আদনান সেং, রাফিয়ান চাও

প্রসঙ্গতঃ বলে রাখা ভাল যে, অনেক ক্ষেত্রে ব্যক্তির নামের সঙ্গে সে দেশের নামকরণ পদ্ধতির অসঙ্গতি এবং ইসলাম গ্রহণের পূর্বে যে নাম ছিল তার সঙ্গে ইসলামি নামের সংমিশ্রণ পরিলক্ষিত হচ্ছে। তার কারণ হোল, তাঁদের জীবনী বিস্তারিত পড়ে দেখা যাচ্ছে যে, কেউ কেউ তাঁদের মাতৃভূমি ত্যাগ করে পিতামাতা বা নিজের কর্মসূত্রে নতুন এক দেশের নাগরিক হয়েছেন এবং পূর্বের নাম বা পদবির সঙ্গেই মিশ্রিত করেছেন তাঁদের ইসলামি নাম। অনেক ক্ষেত্রে তাঁদের পূর্বের নাম জানতে পারা যায় নি বলেই দেওয়া হয়েছে ঐ ধরণের নাম।

অনেক পুস্তক ও পত্রিকায় স্বধর্মত্যাগী মানুষদের ইসলাম ধর্মে দীক্ষিত হওয়ার তথ্য ও চিত্র প্রকাশিত হয়েছে, হচ্ছে এবং হতে থাকবে। এগুলোর মধ্যে কতকগুলো পুস্তক এবং পত্রপত্রিকার নাম দেওয়া হচ্ছে। যেমন ইংল্যান্ড থেকে প্রকাশিত The Islamic

গলায় 'অনার্য' 'শূদ্র' 'ব্রাহ্মণ' 'ছোটলোক' প্রভৃতি নানা উপাধির ফাঁস পরিয়ে দিয়েছিলেন তাঁরা। আদি ভারতীয়দের মেয়েদেরকে বিবাহ করা আর্যদের পক্ষে সম্ভব ছিল না শুধু নয়, বরং তা ছিল কল্পনাতীত। এই ক্ষেত্রে বহির্ভারতীয় মুসলমানেরা ছিলেন ব্যতিক্রম। ইসলাম ধর্ম থেকেই তাঁরা হয়েছিলেন এই উদারতার অংশীদার। তাই তাঁরা পেরেছিলেন বাজার থেকে ক্রীতদাসকে কিনে সেই অচেনা অজানা বংশপরিচয়হীনকে শিক্ষা দীক্ষায় পরিপুষ্ট ও উপযুক্ত করে নিজের মেয়ের সঙ্গে বিয়ে দিয়ে সিংহাসনে বসাতে। ইতিহাসের দাস বংশ তার স্বর্ণোজ্জ্বল উদাহরণ।

মুসলিম সমাজের উলামা সাধক তাপসদের ব্যবহারে ভারতের হিন্দুরা এত মুগ্ধ ও আকৃষ্ট হয়েছিলেন যে তাঁদের মৃত্যুর পরে আজও তাঁদের সমাধিতে শ্রদ্ধাজ্ঞাপন অব্যাহত— যা পূর্বেই উল্লেখিত। এটাও মুসলমানদের প্রতি ভারতীয় হিন্দুদের উদারতার এক নিদর্শন।



কমলা সুরাইয়া (মাধবী কুটি)

মুসলমানদের ভারতে পদার্পণের প্রথম তারিখ থেকে আজকের তারিখ পর্যন্ত ছোট বড় শহরের মসজিদের দরজায় হিন্দু মহিলা ও শিশুদের ভিড় দেখা যায় যাঁরা নামাজী মুসলমানদের মুখের ফু বা বাতাস নিতে চান তাঁদের গ্লাস বা বোতলের জলে এবং কচিকাঁচাদের মাথায় ও দেহে— এও এক গুদার্য।

তাছাড়া প্রথম থেকে আজও মুসলমান কসাইদের হাতে জবাই করা ছাগল ভেড়া ও মুরগীর মাংস তাঁরা অবাধে খেয়ে আসছেন। অবশ্য এটা বলে রাখা ভাল যে, এগুলো তাঁদের ধর্মে নিষিদ্ধও নয়।

আবদুল আযিয জলন্ধরী

শুধু সেলাই করা পোষাকই নয়, মুসলমানদের মতো লম্বা আলখাল্লা পরা, মাথায় টুপি ও পাগড়ি ব্যবহার করা, দাড়ি রাখা ইত্যাদি শুরু হয়েছিল ব্যাপকভাবে। রবীন্দ্রনাথ, উমেশচন্দ্র, সুরেন্দ্রনাথ, বিবেকানন্দ, রামমোহনের পোষাক পরিচ্ছদ লক্ষ্য করার মতো। অপরদিকে মুসলমানেরা অনেকে তাদের ধর্মে নিষেধ থাকা সত্ত্বেও হিন্দু জাতির সঙ্গে আরও নিকটবর্তী হতে এবং আরও মিশে যাবার জন্য অনেক কিছুকে মেনে নিয়েছিলেন। যেমন কবর ও সমাধিকে বাঁধিয়ে পুষ্পাঞ্জলি, ফুলের তোড়া, ধূপ ধূনো দেওয়া, মনোবাঞ্ছা পূরণের জন্য মোরগ ও খাসী প্রভৃতি মানত করা, মহিলাদের সালোয়ার কামিজ ও ডুনা বাদ দিয়ে শাড়ী ব্লাউজকে বরণ করা, ধর্মে নিষেধ থাকলেও কপালে টিপ ও সিঁথিতে সিঁদুর দেওয়া, হিন্দুদের মতো বিয়েতে যৌতুক বা পণের লেনদেন করা, তাঁদের মতো নবান্ন পর্ব পালন করা, ধর্মে কড়া নিষেধ থাকা সত্ত্বেও জামাইবাবু-শ্যালিকা এবং বৌদি-দেবরের বন্ধাহীন ঠাটা তামাসা করা, ধর্মে নিষেধ নেই তবুও হিন্দুদের মতো মুসলমান সমাজে শাশুড়ি ও জামাতার মধ্যে লজ্জার বাড়াবাড়ি করা, ধর্মে আপত্তি থাকলেও মুসলমান ছেলেমেয়েদের হিন্দুদের মতো নাম রাখা, হিন্দুদের দেবদেবী বিসর্জনের মতো ঢোলবাদ্যসহ মহরমের তাজিয়া বিসর্জন করা, শিবের সম্মানে শিবরাত্রিতে সারারাত জাগার মতো মুসলমানদের 'শবেবরাত' বা শবেবরাতে সারা রাত জাগা (অথচ সারা রাত জাগতেই হবে এমন কোন নিয়ম ইসলামে নেই), মুসলমান শিশুদের একরকম চর্মরোগ হলে বামনবাড়ির ভাত খেলে তা ভাল হয় এ প্রচলন মুসলমানদের মধ্যে ছিল বা আছে, মুসলমান পুরুষদের ব্যাপকভাবে কোঁচা করে ধুতি পরা, হাতে বালা পরা, সোনার আংটি ও চেনহার ব্যবহার করা, সিন্ধের পোষাক ব্যবহার করা— পুরুষদের জন্য এগুলো ধর্মে নিষিদ্ধ হওয়া সত্ত্বেও প্রতিবেশীদের সঙ্গে খাপ খাওয়াতেই বোধহয় তাঁদের এই আমদানি করা আধুনিকতা বা বিবর্তন।

এত সব সত্ত্বেও হিন্দুত্ববাদীগণ ও মুসলমানদের মধ্যে কেন বেড়ে যাচ্ছে বৈরিতা, বিরোধিতা, ঘৃণা বিদ্বেষ আর সেই সঙ্গে লড়াই করার প্রবণতা? ক্রুর চক্রান্তকারী বৃটিশ ইতিহাসে ভেজাল দিয়ে মুসলমানকে অদ্ভূত ও বিপজ্জনক চরিত্রে চিহ্নিত করার চক্রান্তটি কি আজও ধরে ফেলা সম্ভব হোল না? দুশো বছর ধরে drain theory সামনে করে কোটি কোটি টন চাল ডাল পাট চা তুলো কয়লা এবং সেই সঙ্গে সোনা রূপো মণিমাণিক্য হীরে জহরত স্রোতের গতিতে বিলেতে পাঠিয়ে দেওয়া হয়েছে ভারত থেকে। বৃটিশ মোগলদের মতো ভারতেই সবকিছু রেখে নিজেরা পূর্ণভাবে ভারতীয় হয়ে মুসলমানদের মতো ভারতের মাটিতে মিশে যেতে পারে নি। শোষণ, শাসন, ফাঁসি, গুলি, প্রহার, ধর্ষণ ও বৃটিশের সৃষ্টি করা ছোট বড় অনেকগুলো মন্ত্রস্তর বা দুর্ভিক্ষে কোটি কোটি মানুষের ধ্বংস হওয়ার কথা কি করে ভুলিয়ে দিল ভারতীয়দের? এ প্রশ্নের উত্তর নেই।

১৮৯৯-এর ৩০শে অক্টোবর রিজলি ম্যানর থেকে তাঁর অত্যন্ত নির্ভরযোগ্য শিষ্যা মিস মেরি হেলকে যে পত্র বিবেকানন্দ লিখেছিলেন তার একটু অংশ তুলে ধরছি :

“ভারতবর্ষে কয়েক বছর ধরে চলেছে ত্রাসের রাজত্ব। বৃটিশ সৈন্য আমাদের পুরুষদের খুন করেছে, মেয়েদের মর্যাদা নষ্ট করেছে, বিনিময়ে আমাদেরই পয়সায় জাহাজে চড়ে দেশে ফিরেছে পেনসন ভোগ করতে। ভয়াবহ নৈরাশ্যে আমরা ডুবে আছি। কোথায় সেই ভগবান? মেরী, তুমি আশাবাদী হতে পার, কিন্তু আমি কি পারি? ধর, এই চিঠিখানাই যদি তুমি প্রকাশ করে দাও— ভারতে নূতন কানুনের জোরে ইংরেজ সরকার আমাকে এখান থেকে সোজা ভারতে টেনে নিয়ে যাবে এবং বিনা বিচারে আমাকে হত্যা করবে। আর আমি জানি, তোমাদের সব খৃষ্টান শাসক সম্প্রদায় ব্যাপারটা উপভোগ করবে, কারণ আমরা যে ‘হিদের’। ... হিদের হনন খৃষ্টানদের পক্ষে অবশ্যই ন্যায়সঙ্গত অবসর বিনোদন।” [দ্রষ্টব্য ‘স্বামীজী লিখছেন’ পুস্তকের পৃ. ২৩২, প্রকাশক স্বামী সত্যরতনন্দ, উদ্বোধন কার্যালয়, কলকাতা, ১৩৯৬ বঙ্গাব্দে ছাপা]

এই ‘হিদের’ শব্দটি একটি মারাত্মক শব্দ। নতুন কিছু গবেষকের মতে বঙ্গদেশের নামকরণের প্রচলিত ইতিহাস সত্য নয়। আদিবাসী সাঁওতালদের দেবতা ‘বোঙ্গা’ থেকেই যেমন বঙ্গের উৎপত্তি, তেমনি হতে পারে এই হিদের থেকেই হিন্দু শব্দের সৃষ্টি।

শ্রীরামপুরের পাদ্রী মিঃ কেব্রির নাম বহুল প্রচলিত। উনি সদলবলে ভারতে আসবার পূর্বেই তাঁর স্বদেশ বিলেতে এই ‘হিদের’ নামটি ভারতীয়দের জন্য নির্ধারিত হয়ে গিয়েছিল। ভারতের ‘হিদের’দের কোন্ কায়দায় খৃষ্টান করা হবে সেই ষড়যন্ত্রের কারখানা তৈরি হয়ে যাওয়ার অনেকদিন পর তিনি পৌঁছেছিলেন ভারতে। কেব্রী ভারতে না এসেও হিদেরদের মধ্যে খৃষ্টের বাণী প্রচারের জন্য উতলা হয়ে উঠেছিলেন এবং কোটারিং শহরে ‘The Particular Baptist Society for propagating the Gospel amongst the Heathen’ নামে সমিতি গঠন করেছেন।” [দ্রষ্টব্য বাংলার সংবাদপত্র ও বাঙালীর নবজাগরণ পুস্তকের পৃ. ১৪, লেখক অধ্যাপক ডঃ পার্শ্বচট্টোপাধ্যায়, ১৯৭৭]

উল্লিখিত অনুল্লিখিত ভারতীয় বহু বুদ্ধিজীবী জেনেশুনে ঠান্ডা মাথায় নিজেদের আখের গোছাতে যুক্ত ছিলেন এই ষড়যন্ত্রে। হিদের-এর সহজ বাংলা হচ্ছে অধার্মিক, নিম্নস্তরের ধর্মাবলম্বী জাতিভুক্ত ব্যক্তি, অখৃষ্টান, অসভ্য বা বর্বর ব্যক্তি, রক্ষ, নিষ্ঠুর, স্লেচ্ছ প্রভৃতি। [দ্রষ্টব্য Samsad English-Bengali Dictionary, Fifth Edition, 1976, p. 504]

ইরান বা পারস্যের লোকেরা ভারতীয়দের নাম দিয়েছিলেন ‘সিন্দু’। পণ্ডিতেরা আমাদেরকে শিখিয়েছেন পারস্যের লোকেরা নাকি ‘স’ উচ্চারণ করতে পারতেন না তাই ‘স’কে তাঁরা ‘হ’ উচ্চারণ করেছেন। আধুনিক গবেষকদের মতে একথা অসত্য এবং অযৌক্তিক। কারণ ইংরেজি ভাষায় ‘স’ দুটি আছে ‘s’ এবং ‘c’। বাংলায় ‘স’ আছে

তিনটি স, শ, ষ। আর ফার্সি বা পার্সি ভাষায় ‘স’ আছে চারটি—‘স’-এর পরিবর্তে সিন, ‘শ’-এর পরিবর্তে শিন, ষ-এর পরিবর্তে স্বদ, ‘স’-এর আরও হালকা উচ্চারণের জন্য আছে ‘ষা’ বা ‘ষে’। যাদের চারটি ‘স’ আছে তারা ‘স’-কে ‘হ’ উচ্চারণ করত একথা হাস্যকর। কি করে এটা মেনে নেওয়া যায় যে তারা ‘সন্ধ্যাবেলা’-কে বলবে ‘হন্ধ্যাবেলা’, ‘সন্দেশ’-কে বলবে ‘হন্দেশ’? গ্রীকদের কথা তুলে আর বাড়াতে চাইছি না প্রসঙ্গ।

এখন দেখা যাক ইরান বা পারস্যের ভাষা ফার্সি অভিধানগুলোতে ‘হিন্দু’ শব্দের অর্থ কী লেখা আছে? বিখ্যাত ফার্সি অভিধান ‘হাফত কুলযুম’-এ ‘হিন্দু’ শব্দের অর্থ অবিশ্বাসী, দাস ও ক্রীতদাস দেওয়া হয়েছে। [দ্রষ্টব্য তৃতীয় খন্ড, পৃ. ৯৮]

আর একটি ফার্সি অভিধান ‘বাহরে আযম’-এ হিন্দু শব্দটি চোর, চৌকিদার, দাস ও ক্রীতদাস অর্থে ব্যবহৃত হয় বলে উল্লেখ আছে। তাছাড়া এও বলা হয়েছে যে, ভারতের বাসিন্দাদের ‘হিন্দি’ বলা হয়, ‘হিন্দু’ নয়। [দ্রষ্টব্য দ্বিতীয় খন্ড, ৪৯৭ পৃষ্ঠা]

আর একটি বহুল প্রচলিত ফার্সি অভিধানের নাম ‘লোগাতে কিশওয়ারী’। এতে লেখা রয়েছে ‘হিন্দু’ শব্দ ‘চোর’ ‘ডাকাত’ ‘ছিনতাইকারী’ ও ‘গোলামের’ অর্থে ব্যবহৃত হয়। [দ্রষ্টব্য পৃ. ৮২১-৮২২]

পূর্বে উল্লিখিত মহা মহা পণ্ডিতেরা এই অর্থগুলো জানতেন না তা নয়। সারা ভারতবর্ষে প্রায় পৌনে এক হাজার বছর ফার্সি ভাষা রাষ্ট্রভাষা ছিল। সেই সময়কার নন মুসলিমদের মধ্যে যাঁরা দেওয়ান, মুৎসুদ্দি, নায়েব, মুল্লী, কেবানী আর কর আদায়কারী জামিনদার বা জমিদার পরে রাজা মহারাজা প্রভৃতি উপাধিপ্রাপ্ত ছোট বড় নেতা, তাঁরা এসব ভালভাবেই জানতেন এবং অভিধানে এই হিন্দু শব্দটির অর্থ নোংরা ও কদর্য হলেও হাসিমুখে মেনেও নিয়েছিলেন সেটা। তাঁরাই ভারতকে তুলে দিয়েছেন বৃটিশের হাতে। একটি উদ্ধৃতি দিয়ে বলা যায়, “মুসলমান শাসনের অবসান ঘটিয়ে আইনের শাসন প্রতিষ্ঠার ফলে দেশীয় জনসাধারণ বিশেষ করে নব উদ্ভূত বাঙালী বুদ্ধিজীবী সমাজ ও ধনিক গোষ্ঠী বৃটিশরাজকে সর্বোত্তমভাবে সমর্থন করতে এগিয়ে এসেছিলেন।”

“তখন মিথ্যা, প্রবঞ্চনা, উৎকোচ, জাল, জুয়াচুরি প্রভৃতি দ্বারা অর্থ সংগ্রহ করে ধনী হওয়া কিছুই লজ্জার বিষয় ছিল না।” [ডঃ পার্শ্বচট্টোপাধ্যায় লিখিত বাংলা সংবাদপত্র ও বাঙালীর নবজাগরণ, পৃ. ১৩ ও ১১১]

বিবেকানন্দও বলেছেন : “যে ‘হিন্দু’ নামে পরিচয় দেওয়া এখন আমাদের নিয়ম হয়ে দাঁড়িয়েছে, তা কিন্তু আর কোন সার্থকতা নেই; কারণ ঐ শব্দের অর্থ ‘যারা সিন্দু নদের পারে বাস করত’। ... এইভাবে ‘হিন্দু’ শব্দ আমাদের কাছে এসেছে। মুসলমান শাসনকাল থেকে আমরা ঐ শব্দ নিজেদের ওপর প্রয়োগ করতে শুরু করেছি। ... সুতরাং আমি ‘হিন্দু’ শব্দ ব্যবহার করব না। তবে কোন্ শব্দ ব্যবহার করব? আমরা ‘বৈদিক’

শব্দটা ব্যবহার করতে পারি বা 'বৈদান্তিক' শব্দ ব্যবহার করলে আরও ভাল হয়।" [দ্রষ্টব্য বিবেকানন্দ রচনা সমগ্র, পৃ. ৭০০, ১৯৮৮]

এখন যেটা আশ্চর্যজনক প্রশ্ন সেটা হোল, বৃটিশের পাততাড়ি গুটিয়ে চলে যাওয়ার পরেও ইংরেজদের দেওয়া 'হিঁদু', 'কাল আদমি', 'নেটিভ', 'জেশু', 'নবুব' প্রভৃতি কলঙ্কময় উপাধিগুলোকে বেঁটিয়ে তড়ানো হয়েছে। অথচ অভিধান অনুযায়ী অশ্লীল ও অপমানজনক অর্থযুক্ত এই 'হিঁদু' শব্দকে স্বামী বিবেকানন্দের ইঙ্গিত থাকা সত্ত্বেও কেন পরিত্যাগ করা সম্ভব হোল না বা স্বয়ং স্বামী বিবেকানন্দও কেন তা পরিত্যাগ করতে পারলেন না— এ প্রশ্নেরও উত্তর নেই।

কিছু আধুনিক চিন্তাশীল ব্যক্তির ভাবতে শুরু করেছেন কোন এক বিশেষ মহামূল্যবান প্রাপ্তির বিনিময়ে এই কদর্য অর্থযুক্ত 'হিঁদু' শব্দটিকে মেনে নিতে হয়েছে। তাহলে কি এটাই ধরে নেওয়া হবে প্রাগৈতিহাসিক যুগ ও ঐতিহাসিক যুগে 'হিঁদু' বলে যখন কিছু ছিলনা তখন ভারতে ছিল বহু জাতি। প্রত্যেকের পৃথক পৃথক দেবতা ও দেবী, পূজা পদ্ধতিও ছিল স্বতন্ত্র, সামাজিক ও পারিবারিক বিধিনিষেধও ছিল আলাদা আলাদা, বিবাহ পদ্ধতি ও মৃতের সংকার পদ্ধতিও ছিল পৃথক। অন্যদিকে মুসলমানেরা ছিল একটি বিশাল জাতি হিসাবে প্রতিষ্ঠিত। কিন্তু বৃটিশের বুদ্ধিতে ভারতবর্ষের প্রায় সমস্ত নন মুসলিমদের একত্রিত করে সংখ্যাগুরু মুসলমান সম্প্রদায়কে পরিণত করা হোল সংখ্যালঘু সম্প্রদায়ে। ভারতীয় খৃষ্টান ও পার্সী জাতি তাঁদের স্বতন্ত্র ধর্ম হতে না দিয়ে পৃথক হয়ে গেছেন আজও। শিখ জাতি হিঁদু ধর্মে ঢুকে গিয়েও তাঁদের স্বতন্ত্র বিলুপ্ত হওয়ার আশংকায় এবং এটাকে ধর্মীয় আত্মহনন মনে করে বেরিয়ে আসতে পেরেছেন হিঁদু ধর্মের পরিধি থেকে।

যদি একথা সত্য হয় তাহলে মুসলমান, শিখ, পার্সী প্রভৃতি জাতি এমনকি বর্তমানের হিঁদু জাতিও ভাবতেই পারেন না যে 'হিঁদু' শব্দ বাদ দিলে ভারতে মুসলমান জাতি বর্তমানে সংখ্যাগুরু সম্প্রদায় হয়ে দাঁড়াবে। আর ব্রাহ্মণ্যবাদীরা হয়ে দাঁড়াবেন সংখ্যালঘু সম্প্রদায়ে। এত বড় মহাপ্রাপ্তির বিনিময়েই কি 'হিঁদু' শব্দটিকে বরণ করে নেওয়া হয়েছে? আর্য়, আর্য়্যাবর্ত, বেদ, বেদান্ত-এসবের পিছনেও কি ছিল বৃটিশ ও তাদের আমেরিকা ফ্রান্স প্রভৃতি দেশের ব্রাহ্মণ্যবাদের ষড়যন্ত্র? আর্য় অনার্য ভদ্রলোক ছোটলোক ব্রাত্য আদিবাসী হরিজন দলিত প্রভৃতি গোষ্ঠী বা জাতিকে সূক্ষ্ম ও সুষ্ঠু পরিকল্পনায় তাঁদের কপালে 'হিঁদু' চিহ্নের মোহর মেরে নিজেদের স্বার্থে তাঁদের সংখ্যাকে কাজে লাগানো হচ্ছে। অথচ অপর দিকে তাঁদের সমস্ত রকমের উন্নতির উপকরণ কেন কেড়ে নেওয়া হচ্ছে যুগ যুগ ধরে— আজও এ প্রশ্নের উত্তর নেই।

শিশুদের বিকল্পহীন পরিচরিকা মেথরানী মাতৃজাতি। তেমনি সমাজের বিকল্পহীন সমাজবন্ধু মেথর। শিশুদের স্বতঃস্ফূর্ত দুগ্ধ-প্রদানকারিণী মাতৃজাতি। তেমনি সমাজের বিকল্পহীন দুগ্ধ উৎপাদক বা সরবরাহকারী সমাজবন্ধু ঘোষ বা যাদব। সমাজবন্ধু মৎসজীবী, সমাজবন্ধু কর্মকার, সমাজবন্ধু স্বর্ণকার, সমাজবন্ধু ক্ষৌরকার, সমাজবন্ধু রজক, সমাজবন্ধু কুস্তকার— এই সমস্ত বিকল্পহীন সমাজবন্ধুদের কায়দা করে 'ছোটলোক'ই বানিয়ে রাখা হয়েছে। চরিত্রে জ্ঞানে গুণে সংস্কৃত শিক্ষায় পারদর্শী হলেও তিনি একজন অশিক্ষিত নির্বোধ ব্রাহ্মণের সমকক্ষ হতে পারেন নি আজও। অথচ তাঁদের কপালে 'হিঁদু' মার্কা স্ট্যাম্প মেরে দিতে ভুল হয়নি মোটেই। এই আর্য়তত্ত্ব বা আর্য়মি-ষড়যন্ত্র বুঝেছেন অনেকেই, কিন্তু সমাধান করতে পারেন নি কেউই।

মহৎ উদ্দেশ্য নিয়ে বৃটিশের ছড়িয়ে দিয়ে যাওয়া ষড়যন্ত্রগুলোর উপর গবেষণা করার মতো যোগ্য লোক আমাদের ভারতে অনেকেই আছেন বলে আমার বিশ্বাস। আধুনিক গবেষণায় এখন প্রকাশ হতে শুরু করেছে যে, আর্য় বা আর্য়তত্ত্ব সন্দেহজনক। কয়েকটি উদ্ধৃতি :

"আর্য় জাতি নামক কোন মানব গোষ্ঠীর অস্তিত্ব পৃথিবীর বুকে না কোনদিন ছিল, না এখনো আছে।"

"ঐঃ কীথ বলেছেন সত্যিকারের আর্য় কারা সে সম্বন্ধে স্বচ্ছ ধারণা কিছু নেই আমাদের — We have insufficient knowledge of what was ture Aryan." [দ্রষ্টব্য 'আর্য়জাতির অস্তিত্বই ছিল না' : পরমেশ চৌধুরী, পৃ. ১, ১০, ১৪০৫ বঙ্গাব্দ]

"বৈদিক ভারতবাসীদের মধ্যে কোন রকম জাতীয় নাম প্রচলিত ছিল না।" [ঐ, পৃ. ১৩]

স্বামী বিবেকানন্দ এই আর্য়মি কতটা বিশ্বাস করতেন তা বলা মুশকিল। তিনি অন্য ব্যাখ্যা দিয়ে বলেছেন, "মনু বলেছেন— প্রার্থনার মাধ্যমেই যার জন্ম তিনিই আর্য়। তাঁর মতে যে শিশুর জন্ম প্রার্থনাজাত নয়, সে শিশু আইনসিদ্ধ নয় বা আর্য় নয়।" [পৃ. ১৫]

"বিশুদ্ধ আর্য় বলতে কারও সম্মান মেলে না ভারতবর্ষে। বিশুদ্ধ দ্রাবিড়দেরও মেলে কি? তাও ত নয়। ... পাশ্চাত্য পণ্ডিতেরা এই বিধ্বংসী তত্ত্বটি খাড়া করেছেন নিজেদের স্বার্থে। খুবই পরিতাপের বিষয় এই যে, অনেকেই এই তত্ত্বটির অনুসারী।" [ঐ, পৃ. ১৭-২০]

আর্য়দের আসলে কোথায় জন্ম, কোথা থেকে কোথায় গেল এসব প্রশ্নের সঠিক কোন উত্তরই নেই। এমনকি স্যার গার্ডন চাইল্ডের মতো মনীষীও যথার্থ কোন সমাধান দিতে পারেন নি। তিনি তাঁর এই দায়িত্ব দিয়ে গিয়েছিলেন ভবিষ্যত গবেষকদের হাতে।

“১৮৮৬ সালের ১০ই এপ্রিল লন্ডনের রয়াল এশিয়াটিক সোসাইটিতে একটা বড়বস্ত্রের জন্ম হয়েছিল। সে ষড়যন্ত্রটা ছিল— ‘আর্যদের ভারত আক্রমণ’। এই কাল্পনিক তত্ত্বটাকে প্রতিষ্ঠিত করা হোল।” [দ্রষ্টব্য ঐ, পৃ. ৭৭]

“বৃটিশরা ভারতের ইতিহাস-বিকৃতি ঘটিয়েছিলেন তাঁদের নিজেদের স্বার্থে, ভারতবাসীদের বোকা বানিয়ে তাদের ওপর ইচ্ছেমত জবর দখল ভোগ করবার জন্য।”

“আধুনিক পন্ডিতের কথা না হয় বাদ দিলাম। যাক্সেসের মতো প্রাচীন ভারতীয় পন্ডিতও বিরক্ত হয়ে বলেছেন বেদের সবটুকুই, বিশেষ করে ব্যাখ্যামূলক অংশ অপদার্থ। মন্ত্রগুলো দুর্বোধ্য অর্থহীন এবং পরস্পর বিরোধী। ... যদি ভারতবর্ষের ধর্ম নিরপেক্ষ কোন ইতিহাস রচনা করতে হয় তাহলে আমাদের বৈদিক যুগের পরবর্তী যুগের গ্রন্থাদির সাহায্য নিতে হবে, বেদের নয়।” [পৃ. ১২২-২৩]

“হাস্যকর ব্যাপার হোল ঋগ্বেদের কাল নিরূপণ করতে গিয়েও বিশেষজ্ঞরা এই রায় দিয়েছেন যে, ঋগ্বেদ রচিত হয়েছিল ১৫০০ খৃ. পূর্বাব্দে। এই কাল নিরূপণের কোন ভিত্তিই নেই, বৈজ্ঞানিক ভিত্তি তো দূরের কথা।” [পৃ. ১২৪]

ম্যাক্সমূল রের মতে ঋগ্বেদের বয়স খৃষ্ট পূর্বাব্দ ১২০০ বছর আগে। পন্ডিত মিঃ কীথের মতে আরও ২০০ বছর পূর্বে। পন্ডিত মিঃ পাগিটারের মতে তার আরও ১০০ বছর পূর্বে। পন্ডিত মিঃ ওয়েবারের মতে তার আরও ৫০০ বছর পূর্বে। পন্ডিত এইচ. জ্যাকবির মতে তারও ২০০০ বছর পূর্বে। ভারতীয় নেতা তিলকের মতে তারও একহাজার বছর পূর্বে, অর্থাৎ খৃ. পূ. ৫০০০ বছর আগে। ম্যাক্সমূলের থেকে তিলক পর্যন্ত একেবারে পাঁচ হাজার বছরের উন্নতি হোল। ঋগ্বেদের বয়স বাড়তে বাড়তে এখন দাঁড়িয়েছে একলাখ কুড়ি হাজার বছর। [তথ্য ঐ, পৃ. ১২৪-২৭]

“ঋগ্বেদকে নিয়ে ছেলেখেলা করেছেন, উন্টোপান্টা ব্যাখ্যা দিয়েছেন ঋগ্বেদের। তবে এ ব্যাপারে শুধুমাত্র বৃটিশ ঐতিহাসিক বা পন্ডিতদের দায়ী করলে চলবে না। ডঃ সুনীতিকুমার চট্টোপাধ্যায়, ডঃ সুকুমার সেন এবং সুনীতিবাবুর একনিষ্ঠ ভক্ত শিষ্য বি. কে. ঘোষ প্রভৃতি বাঙালী ভাষাতত্ত্ববিদরাও এ-মহৎকর্মে বৃটিশ সাম্রাজ্য শক্তির সহায়তা করেছেন। এঁরা যে লন্ডন রয়াল এশিয়াটিক সোসাইটির সম্মানিত সদস্যপদে নির্বাচিত হয়েছিলেন তা কি নিছক যোগ্যতার জন্যই? কখনোই নয়।” [পরমেশ চৌধুরী, ঐ, পৃ. ১৪৭]

“আর্য নামে কোন জাতি বা মানববংশের অস্তিত্ব ছিল পৃথিবীতে কোন কালে, এর সমর্থনে কোন সাক্ষ্য নাই, প্রমাণ নাই। তবুও বিংশ শতাব্দীর প্রথমভাগে পৌঁছুতে না পৌঁছুতেই এই আর্য জাতিই হয়ে ওঠে মানব ইতিহাসে সবচেয়ে বাস্তব, সবচেয়ে শক্তিশালী মানব বংশ। আর্য জাতির কথা পৃথিবী জানতে পারে ১৮৬০ সালের পর।” [পৃ. ১৭১]

আমাদের প্রকাশনায় চিন্তা-চেতনায় আলোড়ন সৃষ্টিকারী কয়েকটি বই

❖ কঙ্কি অবতার এবং মোহাম্মদ সাহেব	-ধর্মচার্য ড. বেদপ্রকাশ উপাধ্যায় (ভারত)	১৫০.০০
❖ বেদ ও পুরাণে আল্লাহ ও হযরত মোহাম্মদ	-ধর্মচার্য ড. বেদপ্রকাশ উপাধ্যায় (ভারত)	১৫০.০০
❖ রদে খুস্তান ও দলিলুল ইসলাম	-মুনশী মোহাম্মদ মেহেরুল্লাহ	৮০.০০
❖ মেহেরুল ইসলাম	-মুনশী মোহাম্মদ মেহেরুল্লাহ	৮০.০০
❖ হিন্দু ধর্ম রহস্য ও দেবলীলা	-মুনশী মোহাম্মদ মেহেরুল্লাহ	১৫০.০০
❖ বিধবা গঞ্জনা	-মুনশী মোহাম্মদ মেহেরুল্লাহ	১৫০.০০
❖ ধর্মের রহস্য	-মুনশী মোহাম্মদ মেহেরুল্লাহ	১৫০.০০
❖ মুসলিম সংস্কৃতির মর্মকথা	-এস. ওয়াজেদ আলী	১০০.০০
❖ ভবিষ্যতের বাঙালী	-এস. ওয়াজেদ আলী	৮০.০০
❖ থানাডার শেষ বীর	-এস. ওয়াজেদ আলী	৮০.০০
❖ বাল্য বিবাহ	-ঈশ্বরচন্দ্র বিদ্যাসাগর	১০০.০০
❖ বিধবা বিবাহ	-ঈশ্বরচন্দ্র বিদ্যাসাগর	১০০.০০
❖ চেপে রাখা ইতিহাস	-আল্লামা গোলাম আহমাদ মোর্তজা	২০০.০০
❖ বজ্র কলম	-আল্লামা গোলাম আহমাদ মোর্তজা	২০০.০০
❖ ইতিহাসের ইতিহাস	-আল্লামা গোলাম আহমাদ মোর্তজা	৩০০.০০
❖ এ এক অন্য ইতিহাস	-আল্লামা গোলাম আহমাদ মোর্তজা	২০০.০০
❖ বাজেয়াপ্ত ইতিহাস	-আল্লামা গোলাম আহমাদ মোর্তজা	৮০.০০
❖ এ এক বিশ্বয়কর ইতিহাস	-আল্লামা গোলাম আহমাদ মোর্তজা	১৩০.০০
❖ বাইবেলে শেষ নবীর পূর্বাভাস	-আহমদ দীদাত	৮০.০০
❖ আলৌকিক এই কোরআন এবং উনিশের মোজিবা	-আহমদ দীদাত	৮০.০০
❖ বঙ্গদেশীয় হিন্দু মুসলমান	-মোহাম্মদ গোলাম হোসেন	২০০.০০
❖ হিন্দু ধর্মে ইসলাম প্রসঙ্গ	-মোহাম্মদ শামসুজজামান	১৫০.০০
❖ রায়নন্দিনী	-সৈয়দ ইসমাঈল হোসেন সিরাজী	৮০.০০
❖ ভারত যখন স্বাধীন হল	-মাওলানা আবুল কালাম আযাদ	২০০.০০
❖ আত্মকথা	-মাওলানা আবুল কালাম আযাদ	২০০.০০
❖ চিকিৎসা বিজ্ঞানে মুসলমানদের অবদান	-ডা. সিদ্দিকুর রহমান	১০০.০০
❖ ভারতীয় সংস্কৃতিতে ইসলামের অবদান	-ড. তারা চাঁদ	২০০.০০
❖ বাংলাদেশের ইতিহাস (প্রাচীন যুগ)	-ড. রমেশচন্দ্র মজুমদার	২০০.০০
❖ পুত্রের প্রতি পিতার উপদেশাবলী	-হযরত আলী (রাঃ)	৫০.০০
❖ পেতাম যদি এমনতর শাসক	-মোহাম্মদ শামসুজজামান	৫০.০০
❖ আগরপঞ্জের মোহাম্মদ আলমগীর	-আল্লামা শিবলী নোমানী	১০০.০০